

quem amat, studet indicare, dumque per singula ducit rerum genera, multis explicat memoriæ vim plane stupendam, quod sua in memoria locum Deus habeat, gratulatus. Inquirit in actus, in sensus, et affectus suos omnes, ex triplici tentatione voluptatis, curiositatis, ac superbiæ. Dominum Christum unum mediatorem Dei et hominum confitetur, ejusque ope animi sui languores omnes sanandos esse confidit.

In libro undecimo et sequentibus tractat de Scripturis sanctis. Totum caput primum Geneseos, quo mundi creatio describitur, dissertationibus illustrat, difficultates incurrentes dissolvens, et ab adversariorum objectis vindicans. Sed in undecimo disputat paulo fusius de tempore. In duodecimo de materia informi, deque multiplici Scripturæ sensu. In tertio decimo Dei bonitatem ex rerum productione commendat; prædicat Deum Trinitatem, et Spiritus sancti propriam quamdam notionem. Denique creati mundi historiam allegorice exponit.

Hosce libros observamus scriptos circiter annum Christi quadringentesimum, propterea quod ab Augustino recensentur proxime ante illos quos episcopus adversus Faustum manichæum non multo ante vel post hunc annum elaboravit, uti suo dicitur loco. Certe si qua opera indubiam et distinctam temporis notam præ se non ferunt, si aliis demum argumentis id investigari non potest, decernendum videtur ex Retractationum serie; quandoquidem, quantum potuit, curavit Augustinus, ut nos ex ipsa ordinem quo quæque scripta sunt, nossemus (1). Neque diffitebimur tamen quin interdum chronologiæ minus, magis autem pertractati argumenti rationem habuerit.

S. AUGUSTINUS EPISTOLA 231, DARIO COMITI, N. 6.

« Sume libros, quos desiderasti, Confessionum mearum. Ibi me inspice; ne me laudes ultra quam sum; ibi non aliis de me crede, sed mihi; ibi me attende, et vide quid fuerim in meipso, per meipsum: et si quid in me tibi placuerit, lauda ibi mecum, quem laudari volui de me; neque enim me. Quoniam ipse fecit nos, et non ipsi nos: nos autem perdidimus nos; sed qui fecit, refecit. Cum autem ibi me inveneris, ora pro me, ne deficiam, sed perficiar. »

EX LIBRO DE DONO PERSEVERANTIÆ, CAP. XX.

« Quid autem meorum opusculorum frequentius et delectabilius innotescere potuit, quam libri Confessionum mearum? Cum et ipsos ediderim antequam Pelagiana hæresis exstisset, in eis certe dixi Deo nostro, et sæpe dixi: *Da quod jubes, et jube quod vis*. Quæ mea verba Pelagius Romæ cum a quodam fratre coepiscopo meo fuissent eo præsentem commemorata, ferre non potuit; et contradicens aliquanto commotus, pene cum eo qui illa commemoraverat, litigavit. »

Vide præterea librum 2, cap. 6, Retractationum, pag. 632, n. 1 et 2, verbis, Confessionum mearum usque ad verba, Magnus es, Domine. M.

(1) Prolog. Retract. n. 3.

S. AURELII AUGUSTINI

HIPPONENSIS EPISCOPI

CONFESSIONUM

LIBRI TREDECIM ^(a).

LIBER PRIMUS.

Præmissa Dei invocatione, recolit vitæ suæ primordia ad annum decimum quintum. Infantiliæ peccata agnoscit et pueritiæ; atque hac ætate in lusum et puerilia quæque oblectamenta, quam in litterarum studia procliviorum se fuisse confitetur.

CAPUT PRIMUM.

Deum vult laudare ab ipso excitatus.

1. Magnus es, Domine, et laudabili valde (*Psal.*

(a) Scripti anno circiter 400.

CXLIV, 3): magna virtus tua, et sapientiæ tuæ non est numerus (Psal. CXLVI, 5). Et laudare te vult homo, aliqua portio creaturæ tuæ; et homo circumferens

litem suam, circumferens testimonium peccati testimonium quia superbis resistis ¹ (I Petr. v, amen laudare te vult homo, aliqua portio creature. Tu excitas, ut laudare te delectet; quia fecisti te, et inquietum est cor nostrum, donec requiesce, Da mihi, Domine, scire et intelligere utrum vis invocare te, an laudare te; et scire te ut, an invocare te. Sed quis te invocat, nesciens iud enim pro alio potest invocare nesciens te. lius invocaris, ut sciaris? Quomodo autem inveniunt in quem non crediderunt? aut quomodo inveniunt sine prædicante? (Rom. x, 14.) Et laudabunt eum qui requirunt eum (Psal. xxi, 27). Quæ enim inveniunt eum, et inveniunt laudabunt. Quæram te, Domine, invocans te; et invocem deus in te: prædicatus enim es nobis. Invocat Domine, fides mea quam dedisti mihi, quam inveni mihi per humanitatem Filii tui, per ministrum prædicatoris tui.

CAPUT II.

in quem invocat in ipso esse, ipsumque in Deo. et quomodo invocabo Deum meum, Deum et meum meum? Quoniam utique in me ipsum eum, cum invocabo eum. Et quis locus est in me in me Deus meus? quo Deus veniat in me, qui fecit cælum et terram? Itane, Domine Deus est quidquam in me quod capiat te? An vero et terra quæ fecisti, et in quibus me fecisti, in te? An quia sine te non esset quidquid est, quidquid est capiat te? Quoniam itaque et ego quid peto ut venias in me, qui non essem, nisi in me? Non enim ego jam in inferis ², et tamen ibi es. Nam etsi descendero in infernum, ades xxxviii, 8). Non ego essem, Deus meus, non ego essem, nisi esses in me. An potius non essem, sed in te, ex quo omnia, per quem omnia, in

ADMONITIO P. P. BENEDICTINORUM.

omnium libri prodeunt hic de novo emendati ad veteres codices optimæ notæ Fossatensem, Thuaneum, Corbeiensem, Benignianum, qui ante annos 700 vel 800 scripti videntur:

et ad alios codices inferioris ætatis, aut nobis qui non omnes propriis oculis exploravimus incomptæ; scilicet ad Picensem, Albinensem, Lyranum, Valinensem, Regium, Vedastinum, Vaticanum, unum e bibliotheca RR. PP. Præm Paris. via Jacobea, ex Sorbonica duos, ex Victorina tres, ex bibliotheca RR. PP. Augustinianorum majoris Paris. quatuor.

Deinde, ad Variantes Lectiones Lovaniensium cura ex quinque manuscriptis collectas; necnon ad quatuor manuscriptorum Anglicanos, scilicet unum ex Bodleiana bibliotheca, duos ex Collegio Mertonensi, et unum ex Archiva Laudina. Editionum Libris emendandis adhibiti sunt editi codices antiquiores et castigatioris:

1. editus, liber excusus Basileæ per Joannem de Amerbach, anno Domini 1489.

2. editus Joannem Jodocus Badius per Joannem Parvum Parisiis excudi curavit, anno 1502.

3. editus Desiderii Erasmi cura castigatus, et Frobeniano prelo editus Basileæ, anno 1529.

4. editus per Joannem Plantiniana typographia prodiit Antverpiæ, anno 1777. Editionis quæ D. Antonii Arnaldi doctoris Sorbonici studio ad duodecim manuscriptos recognita prodiit Parisiis, anno 1649.

COMPARAVIMUS PRÆTEREA EDITIONES:

1. Lugdunensem, anni 1561.

2. Guill., id est alteram Erasmi, Parisiis datam in ædibus Carolæ Gullard, 1541.

3. Venetam, anni 1584.

4. Sommalii e Societate Jesu, Colonia Agripinæ anno 1629.

5. Par., id est Lovaniensium, quæ prodiit Parisiis 1651.

6. Antverpiæ 1662 recusam.

7. id est D. Dubois, vulgatam Parisiis 1687.

8. Benedict., id est Benedictinam quæ Antverpiæ iterum prodiit 1700-1702.

9. Martini, id est a Dom. J. Martino Maurin recognitam ad antiquam Ulimmerii editionem et ad 12 Mss., Parisiis 1741.

10. Fr. Archangeli a Præsentatione sacerdotis, professi Carmelitæ exalceati, Theologiæ et Scripturæ sacræ recognitam ad complures editiones et ad 13 Etruriz Mss. Florentiz 1757.

11. Rondet., id est L. St. Rondet studio collatam cum 16 Mss. et cum præcædentibus editionibus, Parisiis 1776. M.

12. Mart., Lov., Mart., ex quinque Mss.; Rond. ex tri-

bus: Superbis, Deus, resistis. M.

13. doric. Ms.: Ego sum inferi, non intoleranter. Alii

14. Mart.: Ego jam inferi, librorum lapsu, ut videtur.—

15. Rondet. apud Rond.: Non enim ego sum in inferis. M.

quo omnia (Rom. xi, 36)? Etiam sic, Domine, etiam sic. Quo te invoco, cum in te sim? aut unde venias in me? Quo enim recedam extra cælum et terram, ut inde in me veniat Deus meus, qui dixit: Cælum et terram ego impleo? (Jerem. xxiii, 24.)

CAPUT III.

Deus sic ubique totus, ut res nulla ipsum totum capiat.

3. Capiunt ergone te cælum et terra, quoniam tu imples ea? An imples, et restat, quoniam non te capiunt? Et quo refundis quidquid impleto cælo et terra restat ex te? An non opus habes, ut quoquam continearis, qui contines omnia; quoniam quæ imples, continendo imples? Non enim vasa quæ te plena sunt, stabilem te faciunt; quia etsi frangantur, non effunderis. Et cum effunderis super nos, non tu jaces, sed erigis nos: nec tu dissiparis ¹, sed colligis nos. Sed qui ² imples omnia, te toto imples omnia? An quia non possunt te totum capere omnia, partem tui capiunt, et eandem partem simul omnia capiunt? An singulas singula, et majores majora, minores minora capiunt? Ergo est aliqua pars tui major, aliqua minor. An ubique totus es, et res nulla te totum capit?

CAPUT IV.

Dei majestas et perfectiones inexplicabiles.

4. Quid es ergo, Deus meus? quid, rogo, nisi Dominus Deus? Quis enim Dominus præter Dominum? aut quis Deus præter Deum nostrum? (Psal. xvii, 32.) Summe, optime, potentissime, omnipotentissime, misericordissime et justissime, secretissime et præsentissime, pulcherrime et fortissime, stabilis et incomprehensibilis; immutabilis, mutans omnia; nunquam novus, nunquam vetus; innovans omnia; et in vetustatem perducens superbos, et nesciunt: semper agens, semper quietus; colligens, et non egens; portans, et implens, et protegens; creans, et nutriens, et perficiens; quærens, cum nihil desit tibi. Amas, nec

Duæ etiam nuperrimæ exstant, editiones, P. Desb. et GG., id est altera apud Parent-Desbarres, altera apud Gaume fratres Bibliopolas Parisiis vulgatæ. Utramque contulimus. M.

¹ Antiquiores Edd., scilicet a Jodoco Badio Ascensio, a Joanne Amerbachio et a Desiderio Erasmo, cum tribus Mss.: Dispergeris.

² In B., quæ; at Somm. Dub. Mart. Lond., qui. M.

restuas; zelas, et securus es; pœnitet te, et non dolens, irasceris et tranquillus es; opera mutas, nec mutas consilium: recipis quod invenis, et nunquam amisisti¹; nunquam inops, et gaudes lucris; nunquam avarus, et usuras exigis. Supererogatur tibi, ut debeas; et quis habet quidquam non tuum? Reddis debita nulli debens, donas debita nihil perdens. Et quid diximus², Deus meus, vita mea, dulcedo mea sancta? aut quid dicit aliquis, cum de te dicit? Et vœ tacentibus de te; quoniam loquaces muti sunt.

CAPUT V.

Petit amorem Dei, et delictorum veniam.

5. Quis mihi dabit acquiescere in te? Quis mihi dabit ut venias in cor meum, et inebries illud, ut obliviscar mala mea, et unum bonum meum amplectar te? Quid mihi es? Miserere, ut loquar, Quid tibi sum ipse, ut amari te jubeas a me, et nisi faciam irasceris mihi, et mineris ingentes miseras? Parvane ipsa est³, si non amem te? Hei mihi! Dic mihi per miserationes tuas, Domine Deus meus, quid sis mihi. *Dic animæ meæ: Salus tua ego sum* (Psal. xxxiv, 3). Sic dic, ut audiam. Ecce aures cordis mei ante te, Domine; eas, et *dic animæ meæ: Salus tua ego sum*. Curram post vocem hanc, et apprehendam te. Noli abscondere a me faciem tuam: moriar, ne moriar, ut eam videam.

6. Angusta est domus animæ meæ quo venias ad eam; dilatetur abs te. Ruinosa est; refice eam. Habet quæ offendant oculos tuos; fateor et scio: sed quis mundabit eam? aut cui alteri præter te clamabo, *Ab occultis meis munda me, Domine, et ab alienis parce servo tuo?* (Psal. xviii, 13, 14.) Credo propter quod et loquor (Psal. cxv, 10); Domine, tu scis. Nonne tibi prolocutus sum adversum me delicta mea, Deus meus; et tu dimisisti impietatem cordis mei? (Psal. xxxi, 5.) Non iudicio contendo tecum qui veritas es (Job. ix, 2. 3); et ego nolo fallere meipsum, ne mentiatur iniquitas mea sibi (Psal. xxvi, 12). Non ergo iudicio contendo tecum; quia si iniquitates observaveris, Domine; Domine, quis sustinebit? (Psal. cxxix, 3.)

CAPUT VI.

Infantiam suam describit, laudat Dei providentiam et æternitatem.

7. Sed tamen, sine me loqui apud misericordiam tuam, me terram et cinerem. Sine⁴ tamen loqui; quoniam ecce misericordia tua est, non homo irrisor meus, cui loquor. Et tu fortasse irrides me; sed conversus misereberis mei. Quid enim est quod volo dicere, Domine Deus meus, nisi quia nescio unde venerim huc, in istam dico vitam mortalem⁵, an mortem vitalem,

¹ Juxta Somm. Flor. Rond.: *Amittis. M.*

² Somm. et Rond. ex uno Cd.: *Dicimus. M.*

³ In antiquis Edd. Bad. An. et Er., nec non in uno e Mss. additur, *miseria.*

⁴ Summal.; Rond. ex novem Mss.; Mart. ex duobus Mss.; *Sine me. M.*

⁵ Ita Mss. ferme omnes et editio per Antonium Arnaldum doctorem Sorbonicum adornata; ubi verbum *nescio* refertur ad superiorem sententiam: *Unde venerim huc, quæ se Augustinus significat circa animæ originem fluctuare. At Bad. Am. et Er. habent: In istam dico mortalem vitam: mortalem dicam vitam, an mortem vitalem, nescio: quam lectionem Lovanienses ad trium Mss. fidem sic mutarunt; In istam dicam mortalem vitam, an mortem vitalem, nescio.*

nescio. Et susceperunt me consolationes miserationum tuarum, sicut audivia parentibus carnis meæ, ex quo¹ et in qua formasti me in tempore, non enim ego memini. Exceperunt ergo me consolationes lactis humani. Nec mater mea, vel nutrices meæ ubera implebant: sed tu mihi per eas dabas alimentum infantie, secundum institutionem tuam et divitias usque ad fundum rerum dispositas. Tu etiam mihi dabas nolle amplius quam dabas; et nutrientibus me dare mihi velle quod eis dabas. Dare enim mihi per ordinatum affectum volebant quo ex te abundabant. Nam bonum erat eis bonum meum ex eis; quod non ex eis², sed per eas erat: ex te quippe bona omnia, Deus; et ex Deo meo salus mihi universa. Quod animadverti postmodum, clamante te mihi per hæc ipsa quæ tribuis intus et foris. Nam tunc sugere noram, et acquiescere delectationibus, flere autem offensiones carnis meæ; nihil amplius.

8. Post et ridere cœpi, dormiens primo, deinde vigilans. Hoc enim de me mihi indicatum est et credidi, quoniam sic videmus et alios infantes: nam ista mea non memini. Et ecce paulatim sentiebam ubi essem, et voluntates meas volebam ostendere eis per quos implerentur, et non poteram; quia illæ intus erant, foris autem illi, nec ullo suo sensu valebant introire in animam meam. Itaque jactabam membra et voces, signa similia voluntatibus meis, pauca quæ poteram, qualia poteram: non enim erant veri similia. Et cum mihi non obtemperabatur, vel non intellecto, vel ne obsesset, indignabar non subditis majoribus, et liberis non servientibus, et me de illis flendo vindicabam. Tales esse infantes didici quos discere potui, et me talem fuisse magis mihi ipsi indicaverunt nescientes, quam scientes nutritores mei.

9. Et ecce infantia mea olim mortua est, et ego vivo. Tu autem, Domine, qui et semper vivis, et nihil moritur in te, quoniam ante primordia sæculorum, et ante omne quod vel ante dici potest, tu es, et Deus es Dominusque omnium quæ creasti: et apud te rerum omnium instabilium stant causæ; et rerum omnium irrationabilium et temporalium sempiternæ vivunt rationes. Dic mihi supplici tuo, Deus, et misericors misero tuo; dic mihi utrum jam alicui ætati meæ mortuæ successerit infantia mea: an illa est quam egi intra viscera matris meæ? Nam et de illa mihi non nihil indicatum est, et prægnantes ipse vidi feminas. Quid ante hanc etiam, dulcedo mea, Deus meus? fuine alicubi, aut aliquis? Nam quis mihi dicat ista non habeo; nec pater nec mater potuerunt, nec aliorum experimentum, nec memoria mea. An irrides me ista quærentem, teque de hoc quod novi, laudari a me jubes, et confiteri me tibi³?

10. Confiteor tibi, Domine cœli et terræ, laudem

¹ Apud Bad. Am. Er. et Lov.: *Ex qua et in qua.* Verius porro in Mss. et in editione Aut. Arnaldi pro designando utroque parente: *Ex quo et in qua.*

² In B., *quod ex eis non*; at Somm. Dub. Mart. Rond. cum 4 M.: *Quod non ex eis. M.*

³ Somm. Lov. Rond. ex nonnullis Cdd. *quærentem te, qui de hoc, quod novi, laudari te. M.*

si de primordiis et infantia mea quæ non mēdedisti ea homini ex aliis de se conjicere, et tibus etiam muliercularum multa de se creum enim et vivebam etiam tunc, et signa, nsa mea nota aliis facerem, jam in fine inærebam. Unde hoc tale animal nisi abs te, Au quisquam se faciendi erit artifex? aut ulla itur aliunde, qua esse et vivere currat in nos, am quod tu facis nos, Domine, cui esse et n aliud atque aliud est; quia summe esse, at me vivere idipsum es? Summus enim es, et iris; neque peragitur in te hodiernus dies, et te peragitur, quia in te sunt et ista omnia: haberent vias transeundi, nisi contineres ea. am anni tui non deficient ¹, anni tui hodierni et quam multi jam dies nostri et patrum noper hodiernum tuum transierunt, et ex illo at modos, et utcumque exstiterunt, et transhuc alii, et accipient, et utcumque existent! idem ipse es; et omnia crastina atque uliaque hesterna et retro hodie facies, hodie uid ad me, si quis non intelligat? Gaudeat licens: Quid est hoc? Gaudeat etiam sic; et a inveniēdo invenire, potius quam invenon invenire te.

CAPUT VII.

Infantia quoque peccatis obnoxia.

audi, Deus. Væ peccatis hominum! Et homo, et misereris ejus; quoniam tu fecisti eum, um non fecisti in eo. Quis me ² commemorat infantia meæ? Quoniam nemo mundus a coram te, nec infans cujus est unius diei vitam (Job. xxv, 4). Quis me commemorat? et tantillus nunc parvulus, in quo video quod mihi de me? Quid ergo tunc peccabam? An tibus inhiabam plorans? Nam si nunc faciam, lem uberibus, sed escæ congruenti annis meis ns, deridebor atque reprehendar justissime. o reprehendenda faciebam: sed quia reprem intelligere non poteram; nec mos repre, nec ratio sinebat. Nam extirpamus et ejiæ crescentes. Nec vidi quemquam scientem, uid purgat ³, bona projicere. An pro tempore a bona erant, flendo petere etiam quod noxie indignari acriter non subjectis hominibus, majoribus, hisque a quibus genitus est, mulæterea prudentioribus non ad nutum volunemperantibus; feriendo nocere niti quantum quia non obeditur imperiis quibus perniciose ar? Ita imbecillitas membrorum infantilium est, non animus infantium. Vidi ego et ex-

an anni tui. Abest tamen an a nostris Mss. et ab isque Edd. — Eodem loco Somm. Rond. cum 6 Mss. deficient. M.

t Arnald.: *Quis mihi commemorat.* Bad. Am. et Er.: *um commemorat;* sed vera lectio est quam Mss. ope us, juxta quem loquendi modum in libro de Magi. 4, dicit Augustinus: *Duas jam loquendi causas; aut ut doceamus, aut ut commemoremus vel alios et ipsos.*

Mss., *purgabat.* — Ita Rond. cum 8 Cdd. M.

pertus sum zelantem parvulum: nondum loquebatur, et intuebatur pallidus amaro aspectu collactaneum suum. Quis hoc ignorat? Expiare se dicunt ista matres atque nutrices nescio quibus remediis. Nisi vero et ista innocentia est, in fonte lactis ubertim manante atque abundante, opis egentissimum, et illo adhuc uno alimento vitam ducentem, consortem non pati. Sed blande tolerantur hæc, non quia nulla vel parva, sed quia ætatis accensu peritura sunt. Quod licet probes, cum ¹ ferri æquo animo eadem ipsa non possunt, quando in aliquo annosiore deprehenduntur.

12. Tu itaque, Domine Deus meus, qui dedisti vitam infanti, et corpus, quod ita ut videmus instruxisti sensibus, compegisti membris, figura decorasti, proque ejus universitate atque incolumitate omnes conatus animantis insinuasti; jubes me laudare te in istis et confiteri tibi, et psallere nomini tuo, Altissime (Psal. xci, 2): quia Deus es omnipotens et bonus, etiamsi sola ista fecisses, quæ nemo alius potest facere, nisi tu, une, a quo est omnis modus; formosissime, qui formas omnia, et lege tua ordinas omnia. Hanc ergo ætatem, Domine, quam me vixisse ² non memini, de qua aliis credidi, et quam me egisse ex aliis infantibus conjeci, quanquam ista multum fida conjectura sit, piget me annumerare huic vitæ meæ, quam vivo in hoc sæculo. Quantum enim attinet ad oblivionis meæ tenebras, par illi est quam vixi in matris utero. Quod si et ³ in iniquitate conceptus sum, et in peccatis me mater mea in utero aluit (Psal. l, 7); ubi, oro te, Deus meus, ubi, Domine, ego servus tuus, ubi aut quando innocens fui? Sed ecce omitto illud tempus: et quid mihi jam cum eo est, cujus nulla vestigia recolo?

CAPUT VIII.

Unde puer loqui didicerit.

13. Nonne ab infantia huc pergens veni in pueritiam; vel potius ipsa in me venit, et successit infantia; Nec discessit illa: quo enim abiit? et tamen jam non erat. Non enim eram infans qui non farer, sed jam puer loquens eram. Et memini hoc; et unde loqui didicerim post adverti. Non enim docebant me majores homines præbentes mihi verba certo aliquo ordine doctrinæ, sicut paulo post litteras: sed ego ipse mente quam dedisti mihi, Deus meus, cum gemitibus et vocibus variis, et variis membrorum motibus edere vellem sensa cordis mei ut voluntati pareretur, nec valerem quæ volebam omnia, nec quibus volebam omnibus, præsonabam memoria ⁴; cum ipsi appellabant rem aliquam, et cum secundum eam vocem corpus ad

¹ Ita in Mss. et recte. Vult nimirum Augustinus posse vel ex eo probari, quod illa quæ infantibus benigne tolerantur mala sint, quia in ætate provecioribus tolerari æquo animo non possunt. Mendose ergo in Edd. legitur: *Quod licet probes, lamē ferri.*

² Er. Lugd. Ven. Lov. Somm. Rond. cum 10 Mss. et Mart. cum tribus Mss.: *Qua me vixisse non memini;* et paulo post: *Qua vivo... qua vixi.* M.

³ Omittitur, *si et*, in edit. Lovaniensi.

⁴ Lov.: *Prensabam memoria.* Bad. Am. Er. et Arnald. cum nonnullis Mss.: *Pensabam memoria.* Melior visa est lectio Mss. Corb. Fossat. et aliorum optimæ notæ qui habent *præsonabam.*

aliquid movebant, videbam et tenebam hoc ab eis vocari rem illam, quod sonabant, cum eam vellent ostendere. Hoc autem eos velle ex motu corporis aperiebatur, tanquam verbis naturalibus omnium gentium, quæ fiunt vultu et nutu oculorum, cæterorumque membrorum actu, et sonitu vocis indicante affectionem animi, in petendis, habendis, rejiciendis, fugiendisve rebus. Ita verba in variis sententiis, locis suis posita, et crebro audita, quarum rerum signa essent, paulatim colligebam, measque jam voluntates edomito in eis signis ore, per hæc enuntiabam. Sic cum his inter quos eram, voluntatum enuntiandarum signa communicavi, et vitæ humanæ procellosam societatem altius ingressus sum, pendens ex parentum auctoritate, nutuque majorum hominum.

CAPUT IX.

Odiū litterarum, amor lusus, et vapulandi timor in pueris.

14. Deus, Deus meus, quas ibi miseras expertus sum et ludificationes! quandoquidem recte mihi vivere puero id proponebatur, obtemperare monentibus, ut in hoc sæculo florerem, et excellerem linguis artibus, ad honorem hominum et falsas divitias famulantibus. Inde in scholam datus sum ut discerem litteras, in quibus quid utilitatis esset ignorabam miser, et tamen si segnis in discendo essem, vapulabam. Laudabatur enim hoc a majoribus, et multi ante nos vitam istam agentes, præstruxerant ærumnosas vias, per quas transire cogebamur, multiplicato labore et dolore filiis Adam. Invenimus autem, Domine, homines rogantes te; et didicimus ab eis, sentientes te, ut poteramus, esse magnum aliquem, qui posses, etiam non apparens sensibus nostris, exaudire nos et subvenire nobis. Nam puer cæpi rogare te, auxilium et refugium meum; et in tuam invocationem rumpebam nodos linguæ meæ; et rogabam te parvus, non parvo affectu, ne in schola vapularem. Et cum me non exaudiebas, quod non erat ad insipientiam mihi (Psal. xxi, 3), ridebantur a majoribus hominibus, usque ab ipsis parentibus, qui mihi accidere mali nihil volebant, plagæ meæ, magnum tunc et grave malum meum.

15. Estne quisquam, Domine, tam magnus animus, prægrandi affectu tibi cohærens? estne, inquam, quisquam? facit enim hoc quædam etiam stoliditas: est ergo, qui tibi pie cohærendo ita sit affectus granditer, ut equuleos et ungulas, atque hujuscemodi varia tormenta, pro quibus effugiendis tibi per universas terras cum timore magno supplicatur, ita parvi æstimet, deridens¹ eos qui hæc acerbissime formidant, quemadmodum parentes nostri ridebant tormenta quibus pueri a magistris affligebamur? Non enim aut minus ea metuebamus, aut minus te de his evadendis deprecabamur: et peccabamus tamen minus scribendo, aut legendo, aut cogitando de litteris, quam exigebatur a nobis. Non enim deerat, Domine, memoria vel ingenium, quæ nos habere voluisti pro illa ætate sa-

tis; sed delectabat ludere: et vindicabatur in nos ab eis qui talia utique agebant. Sed majorum nugæ negotia vocantur; puerorum autem talia cum sint, puniuntur a majoribus: et nemo miseratur pueros, vel illos, vel utrosque. Nisi vero approbet¹ quisquam bonus rerum arbiter vapulasse me, quia ludebam pila puer, et eo ludo impediabar quominus celeriter discerem litteras, quibus major deformius luderem: aut² aliud faciebat idem ipse a quo vapulabam; qui si in aliqua quæstiuncula a conductore suo victus esset, magis bile atque invidia torqueretur, quam ego cum in certamine pilæ a collusore meo superabar.

CAPUT X.

Amore lusus et spectaculorum avocatur a litterarum studio.

16. Et tamen peccabam, Domine Deus, ordinator et creator omnium rerum naturalium, peccatorum autem tantum ordinator³: Domine Deus meus, peccabam faciendo contra præcepta parentum et magistrorum illorum. Poteram enim postea bene uti litteris, quas volebant ut discerem quocumque animo illi mei. Non enim meliora eligens, inobediens eram, sed amore ludendi, amans in certaminibus superbas victorias, et scalpi aures meas falsis fabellis, quo prurirent ardentius, eadem curiositate magis magisque per oculos emicante in spectacula⁴ ludosque majorum; quos tamen qui edunt, ea dignitate præditi excellent, ut hoc pene omnes optent parvulis suis: quos tamen cædi libenter patiuntur, si spectaculis talibus impediuntur a studio, quos eos ad talia edenda cupiunt pervenire. Vide ista, Domine, misericorditer, et libera nos jam invocantes te, libera etiam eos qui nondum te invocant, ut invocent te, et liberes eos.

CAPUT XI.

Morbo pressus Baptismum flagitat quem mater certo consilio differt.

17. Audieram enim ego adhuc puer de vita æterna nobis promissa per humilitatem Domini Dei nostri descendens ad superbiam nostram; et signabar jam signo crucis ejus, et condiebar ejus sale (a), jam inde

¹ In B., *approbat*; at Er. Lug. Ven. Lov. Somm. Dub. Mart. Flor. et Rond. cum 2 Mss. legunt, *approbet*. M.

² Apud Bad. Am. Er. et Lov., *haud*.

³ In editionibus Am. Er. et Lov. legebatur, *tantum non ordinator*. Erratum: quod emendant Edd. Bad. et Arn. et Mss. plures ac potiores, a quibus abest negatio. Enimvero notum vulgo est id a S. Augustino passim confirmari, Deum justissimum esse peccatorum ordinatorum. Sic lib. 11 de Civitate Dei, cap. 17: «Deus, inquit, sicut naturarum bonarum optimus creator est, ita malorum voluntatum justissimus ordinator.» Item in Psal. 7: «Aliud fecit et ordinavit; alius autem non fecit, sed tamen etiam hoc ordinavit.» Quam doctrinam illustrabit nonnihil alius locus lib. de Prædest. Sanctorum, cap. 16, ubi legitur: «Est in malorum potestate peccare. Ut autem peccando hoc vel hoc illa malitia faciant, non est in eorum potestate, sed Dei dividentis tenebras et ordinantis eas.»

⁴ Lov., *per oculos periculosa micante in spectacula*; alii Cdd., *per oculos emicante*. — Er. Lugd. Ven. et Somm. Legunt ut Lov. M.

(a) Significat se catechumenorum sacramento jam a primis annis initiatum: id quod rursus hoc in opere clarius prodit lib. 6, c. 46: «Figam, inquit, pedes in eo gradu, in quo puer a parentibus positus eram, donec inveniatur perspicua veritas.» De sacramento salis per paschales dies catechumenis concedendo exstat primi concilii Carthag. can. 5: ejusque ritus mentionem facit non semel S. Aug., disertissime

¹ Nonnulli e Mss.: *Diligens eos*. Paulo post vero Bad. Am. et Er.: *Acerbissime infligunt*.

o matris meæ, quæ multum speravit in te. Viomine, cum adhuc puer essem, et quodam die tomachi ⁴ repente æstua rem pene moriturus; Deus meus, quoniam custos meus jam eras, tu animi et qua fide baptismum Christi tui Domini mei flagitavi a pietate matris meæ, et omnium nostrum Ecclesiæ tuæ. Et conturbata arnis meæ, quoniam et sempiternam salutem charius parturiebat corde casto in fide tua, aret festinabunda ut Sacramentis salutaribus et abluerer, te, Domine Jesu, confitens in omnem peccatorum, nisi statim recreatus essem. Est itaque mundatio mea, quasi necesse esset e sordidarer, si viverem; quia videlicet post illud major et periculosior in sordibus delireatus foret. Ita jam credebam, et illa et somus, nisi pater solus, qui tamen non evicit jus maternæ pietatis, quominus in Christum m, sicut ille nondum crediderat. Nam illa sat ut tu mihi pater esses, Deus meus, potius le: et in hoc adjuvabas eam ut superaret viii melior serviebat; quia et in hoc tibi utique nti serviebat.

logo te, Deus meus, vellem scire, si tu etiam quo consilio dilatus sum ne tunc baptizarer: bono meo mihi quasi laxata sunt lora peccandi, laxata sunt ²? Unde ergo etiam nunc de aliis liis sonat undique in auribus nostris, Sine ilciat quod vult ³; nondum enim baptizatus est: n in salute corporis non dicimus, Sine, vul amplius; nondum enim sanatus est? Quanto alius et cito sanarer ⁴, et id ageretur mecum n meaque diligentia, ut recepta salus animæ ta esset tutela tua, qui dedisses eam? Melius ed quot et quanti fluctus impendere tentatio st pueritiam videbantur, noverat eos jam illa et terram per eos ⁵ unde postea formarer, psam jam effligiem committere volebat.

CAPUT XII.

eras cogebatur, quo tamen Deus utebatur bene. ipsa tamen pueritia, de qua mihi minus quam iscentia metuebatur, non amabam litteras, et me rgeri oderam; et urgebar tamen, et bene mihi fie: faciebam ego bene: non enim discerem, nisi colemo autem invitus bene facit, etiamsi bonum est sit. Nec qui me urgebant, bene faciebant; sed be-

lib. de Catechizandis rudib., c. 26; ubi mendum in non leve irrepsit ad hæc verba, « quid in illo conpro, « qui in illo condit. »

sperimus in melioribus Mss. Apud Arn. vero et non lss. : *Pressus stomacho*. Denique Bad. Am. Er. et *ressus stomachi dolore*.

, juxta Er. Lug. Ven. Lov. Somm, Flor. cum 6 Mart. cum 6 aliis Cdd. M.

it, quod vult, a Mss. optimis

to sanarer, juxta Somm. Dub. Mart, cum 6 Mss. et am 4 Mss. M.

egit Arnald., nec aliter ferunt plerique Mss.; sed bes huic loco illata est in Edd. e quibus Am. Er. et habent: *Et tibi tam eos*. Bad. porro: *Et territa per*, particula interposita, *et terram magis per eos*: men particulam non ineleganter interdum subintelen relinquit Augustinus.

ne mihi flebat abs te Deus meus. Illi enim non intuebantur quo referrem ¹ quod me discere cogebant, præterquam ad satiandas insatiabiles cupiditates copiosæ inopiæ et ignominiosæ gloriæ. Tu vero cui numerati sunt capilli capitis nostri (*Matth. x, 30*), errore omnium qui mihi instabant ut discerem, utebaris ad utilitatem meam: meo autem, qui discere nolebam, utebaris ad pœnam meam; qua plecti non eram indignus tantillus puer et tantus peccator. Ita de non bene facientibus tu bene faciebas mihi; et de peccante meipso juste retribuebas mihi. Jussisti enim, et sic est, ut pœna sua sibi sit omnis inordinatus animus.

CAPUT XIII.

Quibus studiis potissimum sit delectatus.

20. Quid autem erat causæ cur græcas litteras oderam quibus puerulus imbuebar, ne nunc quidem mihi satis exploratum est. Adamaveram enim latinas, non quas primi magistri, sed quas docent qui grammatici vocantur. Nam illas primas ubi legere et scribere et numerare discitur, non minus onerosas pœnalesque habebam, quam omnes græcas. Unde tamen et hoc nisi de peccato et vanitate vitæ, quia caro eram ², et spiritus ambulans et non revertens? (*Psal. lxxvii, 39.*) Nam utique meliores, quia certiores erant primæ illæ litteræ, quibus fiebat in me, et factum est, et habeo illud ut et legam si quid scriptum invenio, et scribam ipse si quid volo, quam illæ quibus tenere cogebam Æneæ nescio cujus errores, oblitus errorum meorum; et plorare Didonem mortuam, quia se occidit ob amorem, cum interea meipsum in his a te morientem, [Deus vita mea, siccis oculis ferrem miserimus.

21. Quid enim miserius misero non miserante seipsum, et flepte Didonis mortem, quæ flebat amando Æneam; non flente autem mortem suam, quæ flebat non amando te, Deus, lumen cordis mei, et panis oris intus animæ meæ, et virtus maritans mentem meam et sinum cogitationis meæ? Non te amabam, et fornicabar abs te, et fornicanti sonabat undique, Euge, euge. Amicitia enim mundi hujus, fornicatio est abs te; et Euge, euge dicitur, ut pudeat si non ita homo sit. Et hæc non flebam, sed flebam Didonem *extinctam, ferroque extrema secutam* (*Æneid. vi, 456*), sequens ipse extrema condita tua. relicto te, et terra ³ iens in terram: et si prohiberer ea legere, dolerem, quia non legerem quod dolerem. Talis dementia honestiores et uberiores litteræ putantur, quam illæ quibus legere et scribere didici.

22. Sed nunc in anima mea clamet, Deus meus, et veritas tua dicat mihi: Non est ita, non est ita; melior est prorsus doctrina illa prior. Nam ecce paratior sum oblivisci errores Æneæ, atque omnia ejusmodi, quam scribere et legere. At enim vela pendent liminibus grammaticarum scholarum: sed non illa magis honorem secreti, quam tegumentum erroris significant. Non clament adversus me, quos jam non timeo, dum

¹ In Mss. Lyrensi: *Referretur*.

² Mss. frequentes, *qua caro eram*.

³ Am. Er. et Lov., *e terra*.

confiteor tibi quæ vult anima mea, Deus meus, et acquiesco in reprehensione malarum viarum mearum, ut diligam bonas vias tuas. Non clament adversum me venditores grammaticæ vel emptores: quia si proponam eis, interrogans utrum verum sit quod Æneam aliquando Carthaginem venisse Poeta dicit; indoctiores se nescire respondebunt, doctiores autem etiam negabunt verum esse. At si quæram quibus litteris scribatur Æneæ nomen, omnes mihi, qui hæc didicerunt, verum respondebunt; secundum id pactum et placitum, quo inter se homines ista signa firmarunt. Item, si quæram quid horum majore vitæ hujus incommodo quisque obliviscatur, legere et scribere, an poetica illa figmenta; quis non videat quid responsurus sit, qui non est penitus oblitus sui? Peccabam ergo puer cum illa inania istis utilioribus amore præponebam, vel potius ista oderam, illa amabam. Jamvero unum et unum duo, duo et duo quatuor, odiosa cantio mihi erat; et dulcissimum spectaculum vanitatis equus ligneus plenus armatis, et Trojæ incendium, atque ipsius umbra Creusæ (*Æneid.* II).

CAPUT XIV.

Litteras græcas oderat.

23. Cur ergo græcam etiam grammaticam oderam talia cantantem? Nam et Homerus peritus texere tales fabellas, et dulcissime vanus est, et mihi tamen amarus erat puero. Credo etiam græcis pueris Virgilius ita sit, cum eum sic discere coguntur, ut ego illum. Videlicet difficultas ¹, omnino ediscendæ peregrinæ linguæ, quasi felle aspergebat omnes suavitates græcas fabulosarum narrationum. Nulla enim verba illa noveram, et sævis terroribus ac pœnis ut nossem instabatur mihi vehementer. Nam et latina aliquando infans utique nulla noveram; et tamen advertendo didici sine ullo metu atque cruciatu, inter etiam blandimenta nutricum, et joca arridentium, et lætitiis alludentium. Didici vero illa sine pœnali onere urgentium, cum me urgeret cor meum ad parienda concepta sua, quæ non possem ², nisi aliqua verba didicissem, non a docentibus, sed a loquentibus, in quorum et ego auribus parturiebam quidquid sentiebam. Hinc satis elucet majorem habere vim ad discenda ista liberam curiositatem, quam meticulosam necessitatem. Sed illius fluxum hæc restringit legibus tuis, Deus, legibus tuis a magistrorum ferulis usque ad tentationes martyrum, valentibus legibus tuis miscere salubres amaritudines, revocantes nos ad te a jucunditate pestifera, quia recessimus a te ³.

CAPUT XV.

Precatio ad Deum.

24. Exaudi, Domine, deprecationem meam, ne deficiat anima mea sub disciplina tua; neque deficiam in confitendo ubi miserationes tuas, quibus eruisti me ab omnibus viis meis pessimis; ut dulcescas mihi

¹ Ita Mss. præstantiores; at Lov. et Arn., *difficulter, difficultas*. — *Difficulter. Difficultas* juxta Somm. Mart. cum 5 Cdd. Et Rond. cum 3 Edd. M.

² Mss. aliquot cum Arn.: *Et quia non esset nisi*, alii nonnulli: *et quæ non nosset nisi*.

³ Rond. cum 7 Cdd.: *Recesseramus a te M.*

super omnes seductiones quas sequebar; et amem te validissime et amplexer manum tuam totis præcordiis meis, et eruas me ab omni tentatione usque in finem. Ecce enim tu, Domine, rex meus et Deus meus, tibi serviat quidquid utile puer didici; tibi serviat quod loquor, et scribo, et lego, et numero: quoniam cum vana discerem, tu disciplinam dabas mihi; et in eis vanis peccata delectationum mearum dimisisti mihi. Didici enim in eis multa verba utilia, sed et quæ in rebus non vanis disci postunt: et ea vita tuta est in qua pueri ambularent.

CAPUT XVI.

Improbat modum juventutis erudiendæ.

25. Sed væ tibi, flumen moris humani! Quis resistet tibi? quamdiu non siccaberis? quousque volves Evæ filios in mare magnum et formidolosum, quod vix transeunt qui lignum conscenderint? Nunc ego in te legi et tonantem Jovem et adulterantem? Et utique non posset hæc duo; sed actum est, ut haberet auctoritatem ad imitandum verum adulterium, tonante falso tonitruo. Quis autem penulatorum magistrorum audit aure sobria, ex eodem pulvere hominem clamantem et dicentem: *Fingebat hæc Homerus, et humana ad Deos transferebat; divina mallem ad nos?* (*Cicero, Tuscul.* I.) Sed verius dicitur quod fingebat hæc quidem ille; sed hominibus flagitiosis divina tribuendo, ne flagitia flagitia putarentur ¹, et ut quisquis ea fecisset, non homines perditos, sed cœlestes deos videretur imitatus.

26. Et tamen, o flumen tartareum, jactantur in te filii hominum, cum mercedibus ut hæc discant; et magna res agitur, cum hoc agitur publice in foro, in conspectu legum supra mercedem salaria decernentium; et saxa tua percussis et sonas dicens: Hinc verba discuntur, hinc acquiritur eloquentia rebus persuadendis sententiisque explicandis maxime necessaria. Ita vero non cognosceremus verba hæc, imbrem aureum, et gremium, et fucum, et templa cœli, et alia verba quæ in eo loco scripta, sunt, nisi Terentius induceret nequam adolescentem proponentem sibi Jovem ad exemplum stupri, dum spectat tabulam quamdam pictam in pariete, ubi inerat pictura hæc: *Jovem quo pacto Danaæ misisse aiunt in gremium quondam imbrem aureum, fucum factum mulieri?* Et vide quemadmodum se concitat ad libidinem, quasi cœlesti magisterio: At quem deum (*inquit*)? Qui templa cœli summa sonitu concutit.

Ego homuncio id non facerem? Ego vero feci illud ita ælubens.

(*in Eunuchio, act. 3, scen. 5.*)

Non omnino per hanc turpitudinem verba ista commodius discuntur; sed per hæc verba turpitudine ista confidentius perpetratur. Non accuso verba, quasi vasa electa atque pretiosa; sed vinum erroris quod in eis nobis propinabatur ab ebriis doctoribus: et nisi biberemus, cædebamur, nec appellare aliquem judicem sobrium licebat. Et tamen ego, Deus meus, in cujus conspectu jam segura est recordatio mea, libenter hæc

¹ Apud Lov.: *Ne flagitia putarentur*. Non integre.

eis delectabar miser et ob hoc bonæ spei illabar.

CAPUT XVII.

r contra modum exercendæ juventutis in re litteraria.

De me, Deus meus, dicere aliquid et de in-
munere tuo, in quibus a me deliramentis
r. Proponebatur enim mihi negotium animæ
inquietum, præmio laudis, et dedecoris vel
metu, ut dicerem verba Junonis irascentis
quod non posset Italia Teucrorum avertere
(*neid. lib. 1, v. 36-75*); quæ nunquam Ju-
disse audieram: sed figmentorum poeticorum
rantes sequicogebamur, et tale aliquid dicere
rhis, quale Poeta dixisset versibus; et ille di-
abilius, in quo pro dignitate adumbratæ per-
ac doloris similior effectus eminebat, ver-
tias congruenter vestientibus. Utquid mihi
ra vita mea, Deus meus, quod mihi recitanti
atur præ multis coætaneis et conlectoribus
nne ecce illa omnia fumus et ventus? Itane
erat ubi exerceretur ingenium et lingua mea?
uæ, Domine, laudes tuæ per Scripturas tuas
rent palmitem cordis mei, et non raperetur
ia nugarum turpis præda volatilibus. Non
modo sacrificatur transgressoribus angelis.

CAPUT XVIII.

uines curant servare leges grammaticorum, et non divinatorum præceptorum.

id autem mirum quod in vanitates ita fere-
a te, Deus meus, ibam foras, quando mihi
proponerentur homines, qui aliqua facta sua
a, si cum barbarismo aut solæcismo enun-
reprehensi confundebantur; si autem libi-
as integris et rite consequentibus verbis co-
ateque narrarent, laudati gloriabantur? Vi-
Domine, et taces, longanimis, et multum
rs, et verax. Numquid semper tacebis? Et
is¹ de hoc immanissimo profundo quærentem
am, et sitientem delectationes tuas, et cujus
; tibi: *Quæsi vultum tuum; vultum tuum,
requiram* (*Psal. xxvi, 8*). Nam² longe a
o, in affectu tenebroso³. Non enim pedibus
is locorum itur abs te, aut reditur ad te.
o filius ille tuus minor equos, aut currus,
s quæsit, aut avolavit penna visibili, aut
oplite iter egit, ut in longinqua regione vi-
odige dissiparet quod dederas proficiscenti?
ater quia dederas, et egeno redeunti dulcior
(*12, 32*). In affectu ergo libidinoso, id enim
roso, atque id est longe a vultu tuo.

de, Domine Deus, et patienter, ut vides, vide,
o diligenter observent filii hominum pacta lit-
Er. et Lov.: *Et non eruis*. Sed melius longe Bad Arn.
ræcipui: *Et nunc eruis*.

tres Angl.: *Nam ivi*.

. Lov. additur, *cesseram*. Am. et Er., *recesseram*.
Ab. habetur, *in affectu eram tenebroso*. Apud. Bad.
1. et cæteros fere omnes Mss. generalior effertur
absque addito, ut intelligamus longe a Deo esse
sunt in affectu tenebroso.

terarum, et syllabarum accepta a prioribus locutori-
bus, et a te accepta æterna pacta perpetuæ salutis
negligant; ut qui illa sonorum vetera placita teneat
aut doceat, si contra disciplinam grammaticam, sine
aspiratione primæ syllabæ, ominem, dixerit, displi-
ceat magis hominibus, quam si contra tua præcepta
hominem oderit, cum sit homo. Quasi vero quem-
libet inimicum hominem perniciosius sentiat quam
ipsum odium, quo in eum irritatur, aut vastet quis-
quam persequendo alium gravius, quam cor suum
vastat inimicando. Et certe non est interior littera-
rum scientia, quam scripta conscientia, id se alteri¹
facere quod nolit pati. Quam tu secretus es, habitans
in excelsis in silentio, Deus solus magnus, lege infa-
tigabili spargens pœnales cæcitates super illicitas cu-
piditates! Cum homo eloquentiæ famam quærit,
astans ante hominem judicem, circumstante hominum
multitudine, inimicum suum odio immanissimo in-
sectans, vigilantissime cavet ne per linguæ errorem
dicat, *Inter hominibus*²; et ne per mentis furorem
hominem auferat ex hominibus, non cavet.

CAPUT XIX.

Pueritiæ vitia quæ in majores ætates transeunt.

30. Horum ego puer morum in limine jacebam
miser, et hujus arenæ palæstra erat illa, ubi magis
timebam barbarismum facere, quam cavebam si fa-
cerem, non facientibus invidere. Dico hæc et con-
fiteor tibi, Deus meus, in quibus laudabar ab eis,
quibus placere tunc mihi erat honeste vivere. Non
enim videbam voraginem turpitudinis in quam pro-
jectus eram ab oculis tuis. Nam in illis jam quid me
fœdus fuit; ubi etiam talibus displicebam, fallendo
innumerabilibus mendaciis et pædagogum, et magi-
stros, et parentes amore ludendi, studio spectandi
nugatoria, et imitandi ludicra inquietudine? Furta
etiam faciebam de cellario parentum et de mensa,
vel gula imperitante, vel ut haberem quod dærem
pueris, ludum suum mihi, quo pariter utique dele-
ctabantur, tamen vendentibus. In quo etiam ludo frau-
dulenta victorias, ipse vana³ excellentiæ cupiditate
victus, sæpe aucupabar. Quid autem tam nolebam
pati, atque atrociter, si deprehenderem, arguebam,
quam id quod aliis faciebam, et si deprehensus ar-
guerer, sævire magis quam cedere libebat? Istanc est
innocentia puerilis? Non est, Domine, non est: oro
te, Deus meus. Nam hæc ipsa sunt quæ a pædagogis
et magistris, a nucibus, et pilulis, et passeribus, ad
præfectos et reges, aurum, prædia, mancipia; hæc
ipsa omnino quæ succedentibus majoribus ætatibus
transeunt, sicut ferulis majora supplicia succedunt.
Humilitatis ergo signum in statura pueritiæ, Rex no-
ster, probasti, cum aisti: *Talium est regnum cælorum*
(*Matth. xix, 14*).

¹ *Alteri non*, juxta Rond. cum 4 Mss. M.

² Lov., *inter homines*. Patet legendum esse cum Mss. *inter hominibus*; vel sine aspiratione, *inter omnes*: quod Augustinus in exemplum affert locutionis incongruæ et cavendæ.

³ *ἄναρ*, juxta Rond. cum 8 Mss. quibus adstipulantur 2 Mss. apud Mart. M.

CAPUT XX.

Pro bonis sibi in pueritia collatis Deo gratias agit.

31. Sed tamen, Domine, tibi excellentissimo atque optimo conditori et rectori universitatis, Deo nostro gratias, etiamsi me puerum tantum esse voluisses. Eram enim etiam tunc, vivebam¹ atque sentiebam, meamque incolumitatem, vestigium secretissimæ unitatis ex qua eram, curæ habebam; custodiebam in teriore sensu integritatem sensuum meorum, inque ipsis parvis, parvarumque rerum cogitationibus veritate delectabar. Falli nolebam, memoria vivebam, locutione instruebar, amicitia mulcebar, fugiebam dolorem, abjectionem, ignorantiam. Quid in tali ani-

¹ Sic Mss. cum Edd. plerisque. ubi Lov. habent: *Et jam tunc audebam.* — *Et jam tunc vivebam,* juxta Sommal. et Rond. cum 4 Mss. M.

mante non mirabile atque laudabile? At ista omnia Dei mei dona sunt; non mihi ego dedi hæc: et bona sunt, et hæc omnia ego. Bonus ergo est qui fecit me, et ipse est bonum meum, et illi exulto bonis omnibus quibus etiam puer eram. Hoc enim peccabam, quod non in ipso, sed in creaturis ejus, me atque cæteris¹, voluptates, sublimitates, veritates quærebam; atque ita irruebam in dolores, confusiones, errores. Gratias tibi, dulcedo mea, et honor meus, et fiducia mea, Deus meus: gratias tibi de donis tuis; sed tu mihi ea conserva. Ita enim servabis me; et augebuntur et perficientur quæ dedisti mihi, et ero ipse tecum; quia et ut sim, tu dedisti mihi.

¹ Bad. Am. Er. et Lov. *cæteras.* Castigatum est ex Arn. et Mss. *cæteris.* Quippe hoc loco fatetur Augustinus se in eo peccasse, quod voluptates, sublimitates, veritates, non in Deo, sed in seipso et creaturis aliis quæreret.

LIBER SECUNDUS.

Ad ætatem aliam progreditur, Primum quæ adolescentiæ suæ, id est, sextum decimum vitæ annum, quem in paterna domo studiis intermissis consumpserat genio ac libidinibus indulgens, ad mentem revocat cum gravi dolore, severus admodum in dijudicando furto a se tunc temporis cum sodalibus perpetrato.

CAPUT PRIMUM.

Adolescentiæ ætatem et vitia recollit.

1. Recordari volo transactas fœditates meas, et carnales corruptiones animæ meæ: non quod eas amem; sed ut amem te, Deus meus. Amore amoris tui facio istud, recolens vias meas nequissimas in amaritudine recogitationis meæ, ut tu dulcescas mihi, dulcedo non fallax, dulcedo felix et segura, et colligens¹ me a dispersione in qua frustatim discissus sum, dum ab uno te aversus in multa evanui. Exarsi enim aliquando satiari inferis² in adolescentia, et silvescere ausus sum variis et umbrosis amoribus; et contabuit species mea; et computrui coram oculis tuis placens mihi, et placere cupiens oculis hominum

CAPUT II.

Annum ætatis suæ decimum sextum in ardore libidinoso consumptum.

1. Et quid erat quod me delectabat, nisi amare et amari? Sed non tenebatur modus ab animo usque ad animum quatenus est luminosus³ limes amicitiae; sed exhalabantur nebulae de limosa concupiscentia carnis et scatebra pubertatis, et obnubilabant atque offuscabant cor meum, ut non discerneret serentitas dilectionis a caligine libidinis. Utrumque in confuso æstuabat, et rapiebat imbecillam ætatem per abrupta cupiditatum, atque mersabat gurgite flagitiorum. Invaluerat super me ira tua, et nesciebam. Obsurdueram⁴ stridore catenæ mortalitatis meæ,

¹ Tres Mss. Angl., *colligas.*

² Lov. cum antiquioribus Edd., *satiari in inferis.* Expunximus in juxta Mss. et Arn.

³ In libris editis ab Henrico Sommalio Societatis Jesu. et a Thoma Blasio, legitur: *limosus limes.* In codice Corb. *liminosus.* Utrobique corrupte: illic enim deflet Augustinus quod sese intra honestæ amicitiae limites haud continuerit; adeoque legendum cum Mss. et aliis Edd.; *luminosus limes.*

⁴ In Lov. Sommal. et Blas.: *Obsurdueram.* Substituimus ob-

pœna surperbiæ animæ meæ; et ibam longius a te, et sinebas; et jactabar, et effundebam, et difflebam, et ebulliebam per fornicationes meas, et tacebas. O tardum gaudium meum! Tacebas tunc, et ego ibam porro longe a te in plura sterilia semina dolorum, superba dejectione, et inquieta lassitudine.

3. Quis mihi moderaretur¹ ærumnam meam, et novissimarum rerum fugaces pulchritudines in usum verteret, earumque suavitatibus metas præfigeret, ut usque ad conjugale littus exæstuant fluctus ætatis meæ, si tranquillitas in eis non poterat esse, sine procreandorum liberorum contenta, sicut præscribit lex tua, Domine, qui formas etiam propaginem mortalitatis nostræ², potens imponere lenem manum ad temperamentum spinarum a paradiso tuo seclusarum? Non enim longe est a nobis omnipotentia tua, etiam cum longe sumus a te. Aut certe sonitum nubium tuarum vigilantius adverterem: *Tribulationem autem carnis habebunt hujusmodi. Ego autem vobis parco; et, Bonum est homini mulierem non tangere; et, Qui sine uxore est, cogitat ea quæ sunt Dei, quomodo placeat Deo: qui autem matrimonio junctus est, cogitat ea quæ sunt mundi, quomodo placeat uxori* (I Cor, vii, 28, 1, 32, 33, 34). Has ergo voces exaudirem vigilantior, et absclusus propter regnum cælorum (Matth. xix, 12), felicior expectarem amplexus tuos.

4. Sed efferbui miser, sequens impetum fluxus mei relicto te; et excessi omnia legitima tua, nec evasi flagella tua: quis enim hoc mortalium? Nam tu semper aderas misericorditer sæviens, et amarissimis aspergens offensionibus omnes illicitas jucunditates meas, *surdueram*, aliorum codicum auctoritate, necnon exigente vocabulo *stridore*, quod ad aures refertur.

¹ Mss. primæ notæ et prope omnes habent, *modularetur;* quam lectionem parum abfuit et præligeremus.

² In Mss. optimis, *mortis nostræ.*

hærerem sine offensione jucundari ; et ubi hoc non invenirem quidquam, præter te, Domine, qui fingis dolorem in præcepto (*Ps. xciii, 20*), ut sis ut sanes, et occidis nos ne moriamur abs te (*xii, 39*). Ubi eram, et quam longe exsulabam a domus tuæ, anno illo sexto decimo ætatis caræ, cum accepit in me sceptrum, et totas mædi, vesania libidinis ¹, licentiosæ per dedecus meum, illicitæ autem per leges tuas? Non fuit enim ruentem excipere me matrimonio ; sed tantum ut discerem sermonem facere quam scire, et persuadere dictione.

CAPUT III.

Pergrinatione studiorum causa, et de parentum proposito.

Anno quidem illo intermissa erant studia mea, ubi reducto a Madauris, in qua vicina urbe eram litteraturæ atque oratoriæ percipiendæ peregrinari, longinquioris apud Carthaginem pergrinationis sumptus præparabantur, animositate tuam opibus patris, municipis Thagastensis ad tenuis. Cui narro hæc? Neque enim tibi, Deus, sed apud te narro hæc generi meo, generi humanitulumque ex particula incidere potest tuis meas litteras. Et utquid hoc? Ut videlicet ego tuis hæc legit, cogitemus de quam profundo amore sit ad te. Et quid propius auribus tuis, inquit, et vita ex fide est? Quis enim non ex laudibus tunc hominem patrem meum ², quod res rei familiaris suæ impenderet filio quidquid in peregrinanti studiorum causa opus esset illorum enim civium longe opulentiorum nullo negotium pro liberis erat: cum interea non erat idem pater qualis crescerem tibi, aut quam miserem; dummodo essem disertus, vel desertus. cultura, tua, Deus, qui es unus verus et bonus dominus agri tui cordis mei.

Ubi sexto illo et decimo anno, interposito necessitate domestica feriatu ab omni schola, mentibus esse cœpi, excesserunt caput meum libidinum; et nulla erat eradicans manus. Ubi me ille pater in balneis vidit pubescentem, et aeta indutum adolescentia, quasi jam ex hoc tibi gestiret, gaudens matri indicavit; gaudens in qua te iste mundus oblitus est Creatorem et creaturam tuam pro te amavit, de vino inperverse atque inclinæ ³ in ima voluntatis matris in pectore jam inchoaveras templum et exordium sanctæ habitationis tuæ: nam ille erat atechumenus, et hoc recens erat. Itaque illa pia trepidatione ac tremore; et quamvis mihi in fidei, timuit tamen vias distortas, in quibus non at qui ponunt ad te tergum, et non faciem.

Ubi mihi! et audeo dicere tacuisse te, Deus meus, ⁴. *Somm. et Blas., accepit in me luxuria sceptrum, manus ei dedi vesaniæ libidinis.* In aliis plerisque locis habetur in recto, *vesania*; et abest vox, *luxuria.* *enim hominum non extollebat laudibus tunc patrem?* Juxta *Somm. et Rond. M.*

Lyrensis, percursus atque inclinatus.

cum irem abs te longius. Itane tu tacebas tunc mihi? Et cujus erant, nisi tua, verba illa per matrem meam, fidelem tuam, quæ cantasti in aures meas? Nec inde quidquam descendit in cor, ut facerem illud. Volebat enim illa, et secreto memini ut monuerit cum sollicitudine ingenti ne fornicarer, maximeque ne adulterarem cujusquam uxorem. Qui mihi monitus muliebres videbantur, quibus obtemperare erubescerem. Illi autem tui erant, et nesciebam: et te tacere putabam, atque illam loqui, per quam mihi tu non tacebas, et in illa contemnebaris a me filio ejus, filio ancillæ tuæ, servo tuo. Sed nesciebam, et præceps ibam tanta cæcitate, ut inter cœtaneos meos puderet me minoris dedecoris, quoniam audiebam eos jactantes flagitia sua, et tanto glorientes magis, quanto magis turpes essent: et libebat facere non solum libidine facti, verum etiam laudis. Quid dignum est vituperatione nisi vitium? Ego ne vituperarer, vitiosior fiebam; et ubi non suberat quo admissis æquarer perditis, fingebam me fecisse quod non feceram, ne viderer abjectior quo eram innocentior, et ne vilior haberer quo eram castior.

8. Ecce cum quibus comitibus iter agebam platearum Babylonis, et volutabar in cœno ejus, tanquam in cinnamis et unguentis pretiosis. Et in umbilico ejus, quo tenacius hærerem, calcabat me inimicus invisibilis, et sêducebat me, quia ego seductilis eram. Non enim et illa, quæ jam de medio Babylonis fugerat, sed ibat in cæteris ejus tardior mater carnis meæ, sicut monuit me pudicitiam, ita curavit quod de me a viro suo audierat, jamque pestilentiosum et in posterum periculosum sentiebat, coercere termino conjugalis affectus, si resecari ad vivum non poterat. Non curavit hoc quia metus erat ne impediretur spes mea compede uxoria; non spes illa quam in te futuri sæculi habebat mater, sed spes litterarum, quas ut nossem nimis volebat parens uterque; ille, quia de te prope nihil cogitabat, de me autem inania; illa autem, quia non solum nullo detrimento, sed etiam nonnullo adjumento ad te adipiscendum futura existimabat usitata illa studia doctrinæ. Ita enim conjicio, recolens, ut possum, mores parentum meorum. Relaxabantur etiam mihi ad ludendum habentem, ultra temperamentum severitatis, in dissolutionem affectionum variarum, et in omnibus erat caligo intercludens mihi, Deus meus, serenitatem veritatis tuæ: et prohibebat tanquam ex adipe iniquitas mea (*Psal. lxxii, 7*).

CAPUT IV.

Furtum cum sodalibus perpetratum.

9. Furtum certe punit lex tua, Domine, et lex scripta in cordibus hominum, quam ne ipsa quidem delet iniquitas. Quis enim fur æquo animo furem patitur? Nec copiosus adactum inopia. Et ego furtum facere volui et feci, nulla compulsus egestate nec penuria, sed fastidio justitiæ ¹, et sagina iniquitatis. Nam id furatus sum quod mihi abundabat, et multo melius: nec ea re volebam frui quam furto appetebam; sed

¹ Mss. frequentiores: *Nisi penuria et fastidio justitiæ.*

ipso furto et peccato. Arbor erat pirus in vicinia vineæ nostræ pomis onusta, nec forma nec sapore illecebrosis. Ad hanc excutiendam atque asportandam, nequissimi adolescentuli perreximus nocte intempesta, quousque ludum de pestilentiae more in areis produxeramus; et abstulimus inde onera ingentia, non ad nostras epulas, sed vel projicienda porcis, etiamsi aliquid inde comedimus; dum tamen fieret a nobis quod eo liberet quo non liceret. Ecce cor meum, Deus, ecce cor meum quod miseratus es in imo abyssi. Dicat tibi nunc ecce cor meum quid ibi quærebat, ut essem gratis malus, et malitiæ meæ causa nulla esset nisi malitia. Fœda erat, et amavi eam; amavi perire: amavi defectum meum; non illud ad quod deficiebam, sed defectum meum ipsum amavi: turpis anima et dissiliens a firmamento tuo in exterminium; non dedecore¹ aliquid, sed dedecus appetens.

CAPUT V.

Neminem peccare sine causa.

10. Etenim species est pulchris corporibus, et auro, et argento, et omnibus; et in contactu carnis congruentia valet plurimum, cæterisque sensibus est sua cuique accommodata modificatio corporum; habet etiam honor temporalis, et imperitandi atque superandi potentia suum decus, unde etiam viuidictæ aviditas oritur: et tamen in cuncta hæc adipiscenda non est egrediendum abs te, Domine, neque deviandum a lege tua. Et vita quam hic vivimus habet illecebram suam propter quemdam modum decoris sui, et convenientiam cum his omnibus infimis pulchris. Amicitia quoque hominum charo nodo dulcis est propter unitatem de multis animis. Propter universa hæc atque hujusmodi peccatum admittitur, dum immoderata in ista inclinatione cum extrema bona sint, meliora et summa deseruntur, tu, Domine Deus noster, et veritas tua, et lex tua. Habent enim et hæc ima delectationes, sed non sicut Deus meus qui fecit omnia; quia in ipso delectatur justus, et ipse est deliciæ rectorum corde.

11. Cum itaque de facinore quæritur qua causa factum sit, credi non solet, nisi cum appetitus adipiscendi alicujus illorum bonorum quæ infima diximus, esse potuisse apparuerit, aut metus amittendi. Pulchra sunt enim et decora, quamquam præ bonis superioribus et² beatificis abjecta et jacentia. Homicidium fecit. Cur fecit? Adamavit ejus conjugem aut prædium, aut voluit deprædari unde viveret aut timuit ab illo tale aliquid amittere, aut læsus ulcisci se exarsit. Num homicidium sine causa faceret, ipso homicidio delectatus? Quis crediderit? Nam et de quo dictum est recordi et nimis crudeli homine, quod gratuito potius malus atque crudelis erat, prædicta est tamen causa: *Ne per otium, inquit, torpesceret manus aut animus* [Sallustius, de Bello Catil., cap. ix]. Quare id quoque? cur ita? Ut scilicet illa exercitatione scelerum, capta urbe, honores, imperia, divitias assequeretur, et ca-

reret metu legum et difficultate rerum, propter inopiam rei familiaris, et conscientiam scelerum. Nec ipse igitur Catilina amavit facinora sua; sed utique aliud cujus causa illa faciebat.

CAPUT VI.

Omnia quæ boni specie ad vitia invitant, in solo Deo esse vera et perfecta.

12. Quid ego¹ miser in te amavi, o furtum meum, o facinus illud meum nocturnum sexti decimi anni ætatis meæ? Non enim pulchrum eras, cum furtum esses; aut vero aliquid es, ut loquar ad te? Pulchra erant poma illa quæ furati sumus, quoniam creatura tua erat², pulcherrime omnium, creator omnium, Deus bone, Deus summum bonum, et bonum verum meum: pulchra erant illa poma; sed non ipsa concipit anima mea miserabilis. Erat enim mihi meliorum copia; illia autem decerpsi tantum ut furarer. Nam decerpta projeci, epulatus inde solam iniquitatem³, qua lætabar fruens⁴. Nam et si quid illorum pomorum intravit in os meum, condimentum ibi⁵ facinus erat. Et nunc, Domine Deus meus, quæro quid me in furto delectaverit, et esse species nulla est: non dico sicut in æquitate atque prudentia; sed neque sicut in mente hominis atque memoria et sensibus et vegetante vita; neque sicut speciosa sunt sidera et decora locis suis et terra et mare plena fetibus, qui succedunt nascendo decedentibus; non saltem ut est quædam defectiva species et umbratica vitiis fallentibus.

13. Nam et superbia celsitudinem imitatur; cum tu sis unus super omnia Deus excelsus. Et ambitio quid nisi honores quærit et gloriam; cum tu sis præ cunctis honorandus unus ei gloriosus in æternum? Et sævitia potestatum timeri vult: quis autem timendus, nisi unus Deus? Cujus potestati eripi aut subtrahi quid potest⁶? quando, aut ubi, aut quo, vel a quo potest? Et blanditiæ lascivientium amari volunt; sed neque blandius est aliquid tua charitate, nec amatur quidquam salubrius, quam illa præ cunctis formosa et luminosa veritas tua. Et curiositas affectare videtur studium scientiæ; cum tu omnia summe noveris. Ignorantia quoque ipsa atque stultitia, simplicitatis et innocentiae nomine tegitur; quia te simplicius quidquam non reperitur. Quid te autem innocentius, quandoquidem opera sua⁷ malis inimica sunt? Et ignavia quasi quietem appetit: quæ vero quies certa præter Dominum? Luxuria satietatem atque abundantiam se cupit vocari: tu autem es plenitudo et indeficiens copia incorruptibilis suavitatis. Effusio liberalitatis obtendit umbram: sed bonorum omnium largitor

¹ Ergo, juxta Somm. Dub. Mart. Rond. *Quid ergo ego*, juxta alios Edd. M.

² *Brant* juxta Er. Lugd. Lov. Somm. Dub. Mart. et Rond. M.

³ Lov., *sola iniquitate*; at alii Cdd. melius, *solam iniquitatem*.

⁴ Angl. duo, *surens*; alii, *fruens*.

⁵ In Mss. quatuor et Arn., *mihi*.

⁶ Omittendum, *potest*, juxta Somm. Lov. Flor. Rond. M.

⁷ Ita in Mss. et antiquioribus Edd., cum in Lov. et Arn. legatur: *Opera tua malis inimica sunt*: contra mentem Augustini, qui, nisi fallimur, probare intendit nihil Dei innocentiae derogari pœna malis irrogata, quia si quid patiuntur nocementi, totum in ipsa eorum opera refundi debet.

¹ *De decore*, juxta Somm. et Rond. Mart. ex 3 Mss.: *Non decus aliquid, sed dedecus appetens*. M.

² *Et opibus*, juxta Somm. et Rond. M

mus tu es. Avaritia multa possidere vult; es omnia. Invidentia de excellentia litigat: excellentius? Ira vindictam quærit: te justius at? Timor insolita et repentina exhorrescit, amantur adversantia, dum præcavet securitatem quid insolitum? quid repentinum? te separat quod diligis? aut ubi, nisi apud securitas? Tristitia rebus amissis contabescit: se oblectabat cupiditas; quia ita sibi nobis auferri nihil potest.

ornicatur anima, cum avertitur abs te, et a te ea quæ pura et liquida non invenit, credit ad te. Perverse te imitantur omnes a te faciunt, et extollunt se adversum te. sic te imitando indicant creatorem te esse iræ; et ideo non esse quo a te omni modo. Quid ergo in illo furto ego dilexi? et in sum meum vel vitiose atque perverse imitatorum. An libuit facere contra legem saltem fallacientiam non poteram, ut mancam liberivus imitarer faciendo impune quod non reprobrosa omnipotentis similitudine? Ecce tuus fugiens Dominum suum et consecutus est putredo, o monstrum vitæ, et mortis propotuitne libere quod non licebat, non ob quia non licebat?

CAPUT VII.

git Deo pro remissione peccatorum, quodque a multis servatus sit.

l retribuam Domino, quod recolit hæc mea, et anima mea non metuit inde? Diligens, et gratias agam, et confitear nomini iam tanta dimisisti mihi mala et nefaria. Gratias tuas deputo et misericordiam tuam, quia mea tanquam glaciem solvisti. Gratias tuas et quæcumque non feci mala; quid enim potui, qui etiam gratuitum facinus amavi? mihi dimissa esse fateor; et quæ mea sponte et quæ te duce non feci. Quis est hominum cogitans infirmitatem, audet viribus suis stitatem atque innocentiam suam; ut minus nisi minus ei necessaria fuerit misericordia onas peccata conversis ad te? Qui enim vocatus est vocem tuam, et vitavit ea quæ ipso recordantem et fatentem legit, non meo eo medico ægrum sanari, a quo sibi præcipit ut non ægrotaret, vel potius ut minus ægroleo te tantumdem, imo vero amplius diligat; quem me videt tantis peccatorum meorum is exui, per eum se videt tantis peccatorum is non implicari.

CAPUT VIII.

it in furto consortium simul peccantium.
m fructum habui miser aliquando in iis quæ

nunc recolens erubescio (*Rom. vi, 21*), maxime in illo furto in quo ipsum furtum amavi? Nihil aliud; cum et ipsum esset nihil, et eo ipso ego miserior. Et tamen solus id non fecissem, sic recordor animum tunc meum; solus omnino id non fecissem. Ergo amavi ibi etiam consortium reorum cum quibus id feci? Non ergo nihil aliud quam furtum amavi; imo vero nihil aliud, quia et illud nihil est. Quid est revera? Quis est qui doceat me, nisi qui illuminat cor meum et discernit umbras ejus? Quid est quod mihi venit in mentem quærere, et discutere, et considerare? Quia si tunc amarem poma illa quæ furatus sum, et eis frui cuperem, possem etiam solus, si satis esset committere illam iniquitatem, qua pervenirem ad voluptatem meam; nec confricatione consciorum animorum accenderem pruritus cupiditatis meæ. Sed quoniam in illis pomis voluptas mihi non erat, ea erat in ipso facinore, quam faciebat consortium simul peccantium.

CAPUT IX.

Contagiosa res sodales mali.

17. Quid erat ille affectus animi? Certe enim plane turpis erat nimis; et vix mihi erat qui habebam illum. Sed tamen quid erat? Delicta quis intelligit? (*Psal. xviii. 13.*) Risus erat, quasi titillato corde, quod fallebamus eos qui hæc a nobis fieri non putabant, et vehementer nolebant. Cur ergo eo me delectabat, quod id non faciebam solus? An quia etiam nemo facile solus ridet? Nemo quidem facile: sed tamen etiam solos et singulos homines, cum alius nemo præsens est, vincit risus aliquando si aliquid nimie ridiculum, vel sensibus occurrit¹, vel animo. At ego illud solus non facerem, non facerem omnino solus. Ecce est coram te, Deus meus, viva recordatio animæ meæ. Solus non facerem furtum illud, in quo me non liberabat id quod furabar, sed quia furabar: quod me solum facere prorsus non liberet nec facerem. O nimis inimica amicitia, seductio mentis investigabilis, ex ludo et joco nocendi aviditas, et alieni damni appetitus; nulla lucri mei, nulla ulciscendi libidine: sed cum dicitur: Eamus, faciamus; et pudet non esse impudentem.

CAPUT X.

In Deo omne bonum.

18. Quis exaperit istam tortuosissimam et implicatissimam nodositatem? Fœda est; nolo in eam intendere, nolo eam videre. Te volo, justitia et innocentia, pulchra et decora honestis luminibus, et insatiabili satietate. Quies est apud te valde, et vita imperturbabilis. Qui intrat in te, intrat in gaudium Domini sui (*Matth. xxv, 21*); et non timebit, et habebit se optime in optimo. Defluxi abs te ego, et erravi, Deus meus nimis devius a stabilitate tua in adolescentia, et factus sum mihi regio egestatis.

¹ *Occurrerit*, juxta Er. Lugd. Lov. Somm. et Rond. M.

LIBER TERTIUS.

De annis ætatis illius decimo septimo, decimo octavo et decimo nono transactis Carthagine, ubi dum litterarii studii curriculum absolveret, se libidinosi amoris laqueo irretitum, necnon in Manichæorum hæresim prolapsam fuisse meminuit. Adversus horum errores et ineptias disserit luculenter. Maternas pro se lacrymas et responsum de sua resipiscentia divinitus acceptum refert.

CAPUT PRIMUM.

Amore quem venabatur capitur.

1. Veni Carthaginem; et circumstrepebat me undique sartago flagitiosorum amorum. Nondum amabam, et amare amabam¹, et secretiore indigentia oderam me minus indigentem. Quærebam quod amarem, amans amare, et oderam securitatem, et viam sine muscipulis. Quoniam fames mihi erat intus ab interiore cibo teipso, Deus meus, et ea fame non esuriebam; sed eram sine desiderio alimentorum incorruptibilium: non quia plenus eis eram, sed quo inanius, eo fastidiosior. Et ideo non bene valebat anima mea; et ulcerosa projiciebat se foras miserabiliter scalpi avida contactu sensibilium. Sed si non haberent animam, non utique amarentur. Amare et amari dulce mihi erat, magis si et amantis corpore fruerer. Venam igitur amicitie coinquinabam sordibus concupiscentie, candoremque ejus obnubilabam de tartaro libidinis²; et tamen scelus atque inhonestus, elegans et urbanus esse gestiebam abundantanti vanitate. Rui etiam in amorem quo cupiebam capi. Deus meus, misericordia mea, quanto felle mihi suavitatem illam, et quam bonus aspersisti! quia et amatus sum, et perveni occulte ad vinculum fruendi, et colligabar lætus ærumnosis nexibus, ut cæderer virgis ferreis ardentibus zeli, et suspicionum, et timorum, et irarum atque rixarum.

CAPUT II.

Amavit spectacula tragica.

2. Rapiebant me spectacula theatra, plena imaginibus miseriarum mearum, et fomitibus ignis mei. Quid est quod ibi homo vult dolere, cum spectat luctuosa atque tragica, quæ tamen pati ipse nollet? Et tamen pati vult ex eis dolorem spectator, et dolor ipse est voluptas ejus. Quid est, nisi miserabilis insania³? Nam eo magis eis movetur quisque, quo minus a talibus affectibus sanus est: quanquam cum ipse patitur, miseria; cum aliis compatitur misericordia dici solet. Sed qualis tandem misericordia in rebus fictis et scenicis? Non enim ad subveniendum provocatur auditor: sed tantum ad dolendum invitatur: et actori⁴ carum imaginum amplius favet, cum amplius dolet. Et si calamitates illæ hominum vel antiquæ vel falsæ sic agantur, ut qui spectat non doleat; abscedit inde fastidiens et reprehendens: si autem doleat. manet intentus, et gaudens lacrymatur.

¹ Lov.: *Et amariam abam*; moxque: *Amans amari*; at Bad. Am. Er. et Arn. cum Mss. pro *amari*, habent *amare*, utroque loco, et melius.

² Am. Er. et Lov.: *De tartarea libidine*; at Bad. Arn. et Ess.: *De tartaro libidinis*.

³ Septem Mss.: *Mirabilis insania*.

⁴ Am. Er. et Lov. *actori*..

3. Ergo amantur et dolores⁴? Certe omnis homo gaudere vult. An cum miserum neminem esse libeat, libet tamen esse misericordem; quod quia non sine dolore est, hac una causa amantur dolores? Et hoc de illa vena amicitie est. Sed quo vadit? quo fluit? Ut quid decurrit in torrentem picis bullientis æstus¹ immanes tetraurum libidinum, in quos ipsa mutatur et vertitur per nutum proprium de cœlesti serenitate delorta atque dejecta? Repudietur ergo misericordia? Nequaquam. Ergo amantur dolores aliquando. Sed cave immunditiam, anima mea, sub tutore Deo meo. Deo patrum nostrorum, et laudabili et superexaltato in omnia sæcula (*Dan. III, 32*); cave immunditiam. Neque enim nunc non misereor; sed tunc in theatris congaudebam amantibus, cum sesse fruebantur per flagitia, quamvis hæc imaginarie gererent² in ludo spectaculi. Cum autem sese amittebant, quasi misericors contristabar; et utrumque delectabat tamen. Nunc vero magis misereor gaudentem in flagitio, quam velut dura perpessum detrimento perniciosæ voluptatis, et amissione miseræ felicitatis. Hæc certe verior misericordia; sed non in ea delectat dolor³. Nam etsi approbatur officio charitatis qui dolet miserum; mallet tamen utique non esse quod doleret, qui germanitus misericors est. Si enim est malevola benevolentia, quod fieri non potest; potest et ille qui veraciter sinceriterque misereatur, cupere esse miseros ut misereatur. Nonnullus itaque dolor approbandus, nullus amandus est. Hoc enim tu, Domine Deus, qui animas amas, longe lateque purius quam nos, et incorruptibilis misereris, quod nullo dolore sauciaris. Et ad hæc quis idoneus?

4. At ego tunc miser dolere amabam, et quærebam ut esset quod dolerem, quando mihi in ærumna aliena, et falsa, et saltatoria, ea magis placebat actio histrionis, meque alliciebat vehementius, qua mihi lacrymæ excutiebantur. Quid autem mirum cum infelix pecus aberrans a grege tuo, et impatiens custodie tuæ turpi scabie fœdarer? Et inde erant dolorum amores, non quibus altius penetrarer; non enim amabam talia perpeti, qualia spectare; sed quibus auditis et fictis, tanquam in superficie raderer: quos tamen quasi unguis scalpentium fervidus tumor, et tabes, et sanies horrida consequebatur. Talis vita mea, numquid vita erat, Deus meus?

¹ Theologi Lov. legunt: *Lacrymæ ergo amantur et dolores*. Abest vox *lacrymæ* a Mss. et Edd. plerisque.

² *In æstus*, juxta Rond. cum 3 Mss., et Mart. cum 2 Mss. M.

³ *Gererentur*, juxta Er. Lugd. Somm. Mart. Rond. M.

⁴ Bad. Am. Er. et Lov.: *Delectatur cor*; nostram vero lectionem præferunt Mss. et Arn.

CAPUT III.

De rhetoris ab Eversorum factis abhorrebat.

circumvolabat super me fidelis a longe misertua. In quantas iniquitates distabui, et sacruriositatem secutus sum, ut deserentem te, et me ad ima infida, et circumventoria obsemoniorum, quibus immolabam facta mea in omnibus flagellabas me! Ausus sum etiam citate solemnitatum tuarum, intra parietes tuæ concupiscere et agere negotium procuctus mortis: unde me verberasti gravibus ed nihil ad culpam meam, o tu prægrandis rdia mea, Deus meus, refugium meum a ternocentibus, in quibus vagatus sum præfillo, ad longe recedendum a te, amans vias non tuas, amans fugitivam libertatem.

debant et illa studia quæ honesta vocabantur, suum intuentem fora litigiosa, ut excellerem oc laudabilior, quo fraudulentior. Tanta est ominum de cæcitate etiam gloriantium. Et m eram in schola rhetoris; et gaudebam sut tumebam typho; quanquam longe sedatior, tu scis, et remotus omnino ab eversionibus siebant Eversores (hoc enim nomen scædiabolicum, velut insigne urbanitatis est), os vivebam pudore impudenti, quia talis non et cum eis eram, et amicitus eorum delectando, a quorum semper factis abhorrebam, ab eversionibus, quibus proterve insecta ignotorum verecudiam, quam perturbarent ludendo atque inde pascendo malevolas læti. Nihil est illo actu similis actibus dæmo. Quid itaque verius quam eversores vocarentsi plane prius ipsi atque perversi, derident et seducentibus fallacibus occulte spiritibus, so quo alios irridere amant et fallere.

CAPUT IV.

De Ciceronis excitavit illum ad ardorem philosophiæ.

er hos ego, imbecilla tunc ætate discebam liquentiæ, in qua eminere cupiebam fine da et ventoso per gaudia vanitatis humanæ; et jam discendi ordine perveneram in librum n Ciceronis, cujus linguam fere omnes mpectus non ita. Sed liber ille ipsius exhorta continet ad philosophiam, et vocatur Hort. Ille vero liber mutavit affectum meum, eipsum, Domine, mutavit preces meas, et desideria mea fecit alia. Viluit mihi repente ana spes, et immortalitatem sapientiæ concun æstu cordis incredibili; et surgere cœperam redirem. Non enim ad acuendam linguam, debar emere maternis mercedibus, cum ageum ætatis undevigesimum, jam defuncto patre nnum: non ergo ad acuendam linguam referillum librum; neque mihi locutionem, sed quod tur persuaserat.

uxta vetustos Cdd. scribendum hic, *scærum*, id est n; non *scærum*, ut scribitur apud Er. et Lov.

8. Quomodo ardebam, Deus meus, quomodo ardebam revolare a terrenis ad te; et nesciebam quid ageres mecum! Apud te est enim sapientia. Amor autem sapientiæ nomen græcum habet φιλοσοφίαν, quo me accendebant illæ litteræ. Sunt qui seducant per philosophiam, magno et blando et honesto nomine colorantes et fucantes errores suos; et prope omnes qui ex illis et supra temporibus tales erant, notantur in eo libro et demonstrantur; et manifestatur ibi salutifera illa admonitio Spiritus tui per servum tuum bonum et pium: *Videte ne quis vos decipiat per philosophiam et inanem seductionem, secundum traditionem hominum, secundum elementa hujus mundi, et non secundum Christum; quia in ipso inhabitat omnis plenitudo divinitatis corporaliter* (Coloss. II, 8, 9). Et ego illo tempore, scis tu, lumen cordis mei, quoniam nondum mihi hæc apostolica nota erant, hoc tamen solo delectabar in illa exhortatione, quod non illam aut illam sectam, sed ipsam, quæcumque esset, et sapientiam ut diligerem, et quærerem, et assequerem, et tenerem atque amplexarer fortiter, excitabar sermone illo, et accendebar, et ardebam; et hoc solum me in tanta flagrantia refrangebat¹, quod nomen Christi non erat ibi. Quoniam hoc nomen secundum misericordiam tuam, Domine, hoc nomen Salvatoris mei Filii tui, in ipso adhuc lacte matris, tenerum cor meum præbiberat², et alte retinebat; et quidquid sine hoc nomine fuisset, quamvis litteratum, et expolitum, et veridicum, non me totum rapiebat.

CAPUT V.

Fastidiit sacras Litteras propter simplicitatem stili.

9. Itaque institui animum intendere in Scripturas sanctas, ut viderem quales essent. Et ecce video rem non compertam superbis, neque nudatam pueris; sed incessu humilem, successu excelsam et velatam mysteriis: et non eram ego talis ut intrare in eam possem, aut inclinare cervicem ad ejus gressus. Non enim sicut modo loquor, ita sensi cum attendi ad illam Scripturam: sed visa est mihi indigna quam Tullianæ dignitati compararem. Tumor enim meus refugiebat modum ejus; et acies mea non penetrabat interiora ejus, Verumtamen illa erat quæ cresceret cum parvulis; sed ego dedignabar esse parvulus, et turgidus fastu mihi grandis videbar.

CAPUT VI.

A Manichæis quomodo captus.

10. Incidi itaque in homines superbe delirantes, et carnales nimis et loquaces, in quorum ore laquei diaboli, et viscum confectum commixtione syllabarum nominis tui, et Domini Jesu Christi, et Paracleti consolatoris nostri Spiritus sancti. Hæc nomina³ non recedebant de ore eorum, sed tenuis sono⁴ et strepitu linguæ; et cæterum, cor inane veri. Et dicebant, Ve-

¹ Sic Mss. prope omnes cum Bad., neque secus Am. et Er., nisi quod scribunt *refringebat*; at Lov. et Arn. habent: *Et hoc solo in me tanta flagrantia refrigebat.*

² *Pie biberat*; juxta Er. Lugd. Ven. Flor. et Mart. cum 6 Mss. M.

³ Lov.: *Hæc enim omnia non.*

⁴ 4 Mss., *tenui sono*; alii, *tenuis sono.*

ritas, et veritas : et multum eam dicebant mihi, et nusquam erat in eis ; sed falsa loquebantur, non de te tantum, qui vere Veritas es, sed etiam de istis elementis hujus mundi creatura tua, de quibus etiam vera dicentes philosophos transgredi debui præ amore tuo, mi Pater summe bone, pulchritudo pulchrorum omnium. O Veritas, Veritas, quam intime etiam tum medullæ animi mei suspirabant tibi, cum te illi sonarent mihi frequenter et multipliciter voce sola, et libris multis et ingentibus ! Et illa erant fercula in quibus mihi esurienti te, inferebantur pro te sol et luna, pulchra opera tua ; sed tamen opera tua, non tu, nec ipsa prima. Priora enim spiritualia opera tua, quam ista corporea, quamvis lucida et cœlestia. At ego nec priora illa, sed teipsam, te, Veritas, in qua non est commutatio nec momenti obumbratio (*Jacobi* 1, 17), esuriebam et sitiēbam ; et apponebantur adhuc mihi in illis ferculis phantasmata splendida, quibus jam melius erat amare istum solem, saltem istis oculis verum, quam illa falsa animo decepto per oculos. Et tamen, quia te putabam, manducabam ; non avide quidem, quia nec sapiebas in ore meo sicuti es ; neque enim tu eras figmenta illa inania ; nec nutriebar eis, sed exhauriebar magis. Cibus in somnis simillimus est oibis vigilantium, quo tamen dormientes non aluntur ; dormiunt enim : at illa nec similia erant nullo modo tibi, sicut nunc mihi locuta es ; quia illa erant corporalia phantasmata, falsa corpora, quibus certiora sunt vera corpora ista quæ videmus visu carneo, sive cœlestia sive terrestria : cum pecudibus et volatilibus videmus hæc ; et certiora sunt, quam cum imaginamur ea. Et rursus certius imaginamur ea, quam ex eis suspicamur alia grandiora, et infinita, quæ omnino nulla sunt, qualibus ego tunc pascebar inanibus ; et non pascebar. At tu, amor meus, in quem deficio ut fortis sim, nec ista corpora es quæ videmus, quamquam in cœlo ; nec ea es quæ non videmus ibi, quia tu ista condidisti, nec in summis tuis conditionibus habes ¹. Quanto ergo longe es a phantasmatibus illis meis, phantasmatibus corporum quæ omnino non sunt ! quibus certiores sunt phantasiæ corporum eorum quæ sunt ; et eis certiora corpora, quæ tamen non es : sed nec anima es, quæ vita est corporum. Ideo melior vita corporum certiorque quam corpora. Sed tu vita es animarum, vita vitarum, vivens te ipsa, et non mutaris, vita animæ meæ.

11. Ubi ergo mihi tunc eras, et quam longe ? Et longe peregrinabar abs te, exclusus et a siliquis porcorum, quos de siliquis pascebam (*Luc.* xv, 16). Quanto enim meliores grammaticorum et poetarum fabellæ, quam illa decipula ? Nam versus et carmen et Medea volans utiliores certe, quam quinque elementa varie fucata, propter quinque antra tenebrarum, quæ omnino nulla sunt, et occidunt credentem. Nam versum et carmen etiam ad vera pulmenta ² transfero. Volantem autem Medeam etsi cantabam, non asserebam ;

¹ Er., *aves*.

² Sic Mss. cum Bad. Am. Arn. ubi Er. et Lov. reddunt, *clementa*. Angl. quatuor, *bulmenta*.

etsi cantari audiebam, non credebam, illa autem credidi. Væ, væ ! quibus gradibus deductus sum in profunda inferi ? Quippe laborans et æstuans inopia veri, cum te. Deus meus (tibi enim confiteor, qui me miseratus es et nondum confitentem), cum te non secundum intellectum mentis, quo me præstare voluisti belluis, sed secundum sensum carnis quærerem. Tu autem eras interior intimo meo, et superior summo meo. Offendi illam ¹ mulierem audacem, inopem prudentiæ, ænigma Salomonis, sedentem surper sellam in foribus, et dicentem : *Panes occultos libenter edite, et aquam dulcem furtivam bibite* (*Prov.* ix, 17). Quæ me seduxit, quia invenit foris habitantem in oculo carnis meæ, et talia ruminantem apud me, qualia per illum ² vorassem.

CAPUT VII.

Doctrina Manichæorum absurda cui suffragabatur.

12. Nesciebam enim aliud vere quod est : et quasi acutule movebar ut suffragarer stultis deceptoribus, cum a me quærerent unde malum ; et utrum forma corporea Deus finiretur et haberet capillos et ungues : et utrum justi existimandi essent qui haberent uxores multas simul, et occiderent homines, et sacrificarent de animalibus. Quibus rerum ignarus perturbabar ; et recedens a veritate, ire in eam mihi videbar ; quia non noveram malum non esse nisi privationem boni, usque ad quod omnino non est. Quod unde viderem, cujus videre usque ad corpus erat oculis, et animo usque ad phantasma ? Et non noveram Deum esse spiritum, non cui membra essent per longum et latum, nec cui esse moles esset : quia moles in parte minor est quam in toto suo ; et si infinita sit, minor est in aliqua parte certo spatio definita, quam per infinitum ; et non est tota ubique, sicut spiritus, sicut Deus. Et quid in nobis esset, secundum quod essemus similes Deo et recte in Scriptura ³ diceremur *ad imaginem Dei* (*Gen.* 1, 27), prorsus ignorabam.

13. Et non noveram justitiam veram interiorem, non ex consuetudine judicantem, sed ex lege rectissima ⁴ Dei omnipotentis, qua formarentur mores regionum et dierum pro regionibus et diebus ; cum ipsa ubique ac semper esset, non alibi alia, nec alias aliter ; secundum quam justi essent Abraham, et Isaac, et Jacob, et Moyses, et David, et illi omnes laudati ore Dei : sed eos ab imperitis judicari iniquos, judicantibus ex humano die, et universos mores humani generis ex parte moris sui metientibus, tanquam si quis nescius in armamentis quid cui membro accommodatum sit, ocrea velit caput contegi, et galea calceari ; et murmuret quod non apte conveniat : aut in uno die indicto a pomeridianis horis justitio, quisquam stomachetur non sibi concedi quid venale proponere, quia mane concessum est : aut in una domo videat aliquid tractari manibus, a quoquam servo, quod fa-

¹ *In illam* juxta Er. Lugd. Ven. Lov. Somm. Dub. Mart. Flor. et Rond. M.

² *Per illam*, juxta Er. et Ven. M.

³ Sic Mss. Angl. [*Et si recta in scripturis diceremur.*] 2 Mss. Flor. et editio Florentina ferunt : *Et recte in Scriptura*. M.

⁴ Quatuor Mss., *lectissima*.

on sinatur qui pocula ministrat: aut aliquid ræsepia fieri, quod ante mensam prohibeatur; gnetur, cum sit unum habitaculum et una familia ubique atque omnibus idem tribui. Sic sunt indignantur, cum audierint illo sæculo licuisse aliquid, quod isto non licet justis; et quia illis præcepit Deus, istis aliud pro temporalibus causis eidem justitiæ utrique servierint: cum in uno die, et in uno die, et in unis ædibus videant aliud exemplo congruere, et aliud jamdudum licuisse. oram non licere; quiddam in illo angulo percuti juberi, quod in isto juste veletur et vindicem quid justitia varia est et mutabilis? Sed tenuibus præsidet, non pariter eunt; tempora enim homines autem quorum vita super terram brevis, quia sensu non valent causas contexere sæculorum, aliarumque gentium quas experti non sumus his quas experti sunt; in uno autem corvele die, vel domo, facile possunt videre quid exemplo, quibus momentis, quibus partibus perire congruat: in illis offenduntur, his serviunt. Hæc ego tunc nesciebam, et non advertiebam; eabant undique ista oculos meos, et non videbam. tabam carmina, et non mihi licebat ponere penemlibet, ubilibet, sed in alio atque alio metro utque aliter; et in uno aliquo versu, non omnibus eundem pedem. Et ars ipsa qua canebam, abebat aliud alibi, sed omnia simul. Et non injustitiam cui servirent boni et sancti homines, excellentius atque sublimius habere simul omnia præcepit⁴, et nulla ex parte variari, et tamen temporibus non omnia simul, sed propria distributionem ac præcipientem. Et reprehendebam cæcus atres; non solum sicut Deus juberet atque inest utentes præsentibus, verum quoque sicut revelaret futura prænuntiantes.

CAPUT VIII.

Manichæos dicit quæ flagitia semper detestanda, quæ facinora.

Numquid aliquando aut alicubi injustum est de Deum ex toto corde, et ex tota anima, et ex tota, et diligere proximum tanquam seipsum? Itaque quæ sunt contra naturam, ubique ac semper inveniunda atque puniunda sunt, qualia Sodomitarum sunt. Quæ si omnes gentes facerent, eodem crimine statu divina lege tenerentur, quæ non sic fecit nos ut se illo uterentur modo. Violatur quippe societas quæ cum Deo nobis esse debet, cum creatura, cujus ille auctor est, libidinis perversitate turbatur. Quæ autem contra mores hominum sunt, pro morum diversitate vitanda sunt; ut patenter se civitatis aut gentis consuetudine vel lege non, nulla civis aut peregrini libidine violetur. sed enim omnis pars est suo universo non concessa. Cum autem Deus aliquid contra morem aut non quorumlibet jubet, etsi nunquam ibi factum

ad Lov. additur *Deus*; sed ea vox abest a Mss. et ple-Edd., quia quæ hic laudatur Justitia, non est alia ab eo qui præcepit.

est, faciendum est: et si omissum, instaurandum; et si institutum non erat, instituendum est. Si enim regis licet in civitate cui regnat, jubere aliquid quod neque ante illum quisquam, nec ipse unquam jusserat; et non contra societatem civitatis ei obtemperatur, imo contra societatem non obtemperatur: generale quippe pactum est societatis humanæ obedire regibus suis: quanto magis Deo regnatori universæ creaturæ suæ, ad ea quæ jusserit, sine dubitatione serviendum est? Sicut enim in potestatibus societatis humanæ, major potestas minori ad obediendum præponitur; ita Deus omnibus.

16. Item in facinoribus, ubi libido est nocendi, sive per contumeliam, sive per injuriam; et utrumque vel ulciscendi causa, sicut inimico inimicus; vel adipiscendi alicujus extra commodi, sicut latro viatori; vel evitandi mali, sicut ei qui timetur; vel invidendo, sicut feliciori miserior; aut in aliquo prosperatus, ei quem sibi æquari timet aut æqualem dolet; vel sola voluptate alieni mali, sicut spectatores gladiatorum, aut irrisores, aut illusores quorumlibet: hæc sunt capita iniquitatis, quæ pullulant principandi et spectandi et sentiendi libidine, aut una, aut duabus earum, aut simul omnibus; et vivitur male adversus tria et septem, psalterium decem chordarum decalogum tuum, Deus altissime et dulcissime. Sed quæ flagitia in te qui non corrumparis? aut quæ adversus te facinora, cui noceri non potest? Sed hoc vindicas quas quod in se homines perpetrant, quia etiam cum in te peccant, impie faciunt in animas suas, et mentitur iniquitas sibi, sive corrumpendo ac pervertendo naturam suam quam tu fecisti et ordinasti, vel immoderate utendo concessis rebus, vel in non concessa flagrando in eum usum qui est contra naturam; aut rei tenentur, animo et verbis sævientes adversus te, et adversus stimulum calcitrantes; aut cum disruptis limitibus humanæ societatis, lætantur audaces privatis conciliationibus aut diremptionibus, prout quidque delectaverit aut offenderit. Et ea fiunt cum tu derelinqueris fons vitæ, qui es unus et verus creator et rector universitatis; et privata superbia diligitur in parte unum falsum. Itaque pietate humili reditur in te, et purgas nos a consuetudine mala, et propitius es peccatis confitentium, et exaudis gemitus compeditorum, et solvis a vinculis quæ nobis fecimus, si jam non erigamus adversus te cornua falsæ libertatis, avaritia plus habendi, et damno totum amittendi; amplius amando proprium nostrum, quam te omnium bonum.

CAPUT IX.

Discrimen inter peccata, et inter Dei judicium et hominum.

17. Sed inter flagitia et facinora et tam multas iniquitates, sunt peccata proficientium, quæ a bene judicantibus et vituperantur ex regula perfectionis, et laudantur spe frugis, sicut herba segetis. Et sunt quædam similia vel flagitio vel facinori, et non sunt peccata; quia nec te offendunt Dominum Deum nostrum, nec sociale consortium: cum conciliantur aliqua in usum vitæ congrua tempori, et incertum est an libi-

dine habendi ; aut puniuntur corrigendi studio potestate ordinata, et incertum est an libidine nocendi. Multa itaque facta quæ hominibus improbanda viderentur, testimonio tuo approbata sunt ; et multa laudata ab hominibus, te teste damnantur : cum sæpe se aliter habet species facti, et aliter facientis animus, atque articulus occulti temporis. Cum vero aliquid tu repente inusitatum et improvisum imperas, etiam si hoc aliquando vetuisti, quamvis causam imperii tui pro tempore occultes, et quamvis contra pactum sit aliquorum hominum societatis ; quis dubitet esse faciendum, quando ea justa est societas hominum, quæ servit tibi ? Sed beati qui te imperasse sciunt. Fiunt enim omnia a servientibus tibi, vel ad exhibendum quod ad præsens opus est, vel ad futura prænuntianda.

CAPUT X.

Nugæ Manichæorum de terræ fructibus.

18. Hæc ego nesciens, irridebam illos sanctos servos et Prophetas tuos. Et quid agebam cum irridebam eos, nisi ut irriderer abs te ; sensim atque paulatim perductus ad eas nugas, ut crederem ficum plorare cum decerpitur, et matrem ejus arborem lacrynis lacteis ? Quam tamen ficum si comedisset aliquis sanctus, alieno sane, non suo scelere decerptam, misceret visceribus, et anhelaret de illa angelos, imo vero particulas Dei, gemendo in oratione atque ructando : quæ particulæ summi et veri Dei ligatæ fuissent in illo pomo, nisi electi sancti dente ac ventre solverentur. Et credidi miser magis esse misericordiam præstandam fructibus terræ, quam hominibus, propter quos nascerentur. Si quis enim esuriens peteret, qui Manichæus non esset, quasi capitali supplicio damnanda buccella videretur, si ei daretur.

CAPUT XI.

Planctus et somnium matris de filio.

19. Et misisti manum tuam ex alto, et de hac profunda caligine eruisti animam meam (*Psal. CXLIII, 7*), cum pro me fleret ad te mater mea fidelis tua, amplius quam flent matres corporea funera. Videbat enim illa mortem meam ex fide et spiritu, quem habebat ex te ; et exaudisti eam, Domine. Exaudisti eam, nec desexisti lacrymas ejus, cum profluentes rigarent terram sub oculis ejus, in omni loco orationis ejus ; exaudisti eam. Nam unde illud somnium, quo eam consolatus es, ut vivere me concederet ¹ et habere secum eandem mensam in domo ; quod nolle cœperat, aversans et detestans blasphemias erroris mei ? Vidit enim stantem se in quadam regula lignea, et advenientem ad te juvenem splendidum, hilarem atque arridentem sibi, cum illa esset mœrens et mœrore confecta : qui cum causas quæsisset ab ea mœstitiæ suæ quotidianarumque lacrymarum, docendi, ut assolet, non discendi gratia, atque illa respondisset perditionem meam se

¹ In Editis Bad. Am. Er. et Lov. : *Me secum crederet*; sed legendum cum Mss. potioribus : *Me concederet* ; vel cum Arn. : *Me secum concederet*. — Editio Florentina legit, *me secum crederet*, quam lectionem tuetur auctoritate Bad. Am. Er. Lov., Somm. et 11 Mss. Etruriæ. M.

plangere ; jussisse illum quo segura esset, atque admonuisse ut attenderet et videret, ubi esset illa, ibi esse et me. Quod illa ubi attendit, vidit me juxta se in eadem regula stantem. Unde hoc, nisi quia erant aures tuæ ad cor ejus ? O tu, bone omnipotens, qui sic curas unumquemque nostrorum, tanquam solum cures ; et sic omnes, tanquam singulos !

20. Unde illud etiam, quod cum mihi narrasset ipsum visum, et ego ad id trahere conarer, ut illa se potius non desperaret futuram esse quod eram ; continuo sine aliqua hæsitazione, *Non, inquit, non enim mihi dictum est, Ubi ille, ibi et tu ; sed, Ubi tu ibi, et ille*. Confiteor tibi, Domine, recordationem meam quantum recolo, quod sæpe non tacui, amplius me isto per matrem vigilantem responso tuo, quod tam vicina interpretationis falsitate turbata non est, et tam cito vidit quod videndum fuit, quod ego certe, antequam dixisset, non videram ; etiam tum commotum fuisse, quam ipso somnio, quo feminæ piæ gaudium tanto post futurum, ad consolationem tunc præsentis sollicitudinis, tanto ante prædictum est. Nam novem ferme anni secuti sunt, quibus ego in illo limo profundi ac tenebris falsitatis, cum sæpe surgere conarer et gravius alliderer, volutatus sum : cum tamen illa vidua casta, pia et sobria, quales amas, jam quidem spe alacrior, sed fletu et gemitu non segnior, non desineret horis omnibus orationum suarum de me plangere ad te ; et intrabant in conspectum tuum preces ejus, et me tamen dimittebas adhuc volvi et involvi illa caligine.

CAPUT XII.

Quale responsum mater Augustini accepit a quodam episcopo de ipsius conversione.

21. Et dedisti alterum responsum interim, quod recolo. Nam et multa prætereo, propter quod propero ad ea quæ me magis urgent confiteri tibi, et multa non memini. Dedisti ergo alterum per sacerdotem tuum, quemdam episcopum nutritum in Ecclesia, et exercitatum in Libris tuis. Quem cum illa femina rogasset ut dignaretur mecum colloqui, et refellere errores meos, et dedocere me mala, ac docere bona (faciebat enim hoc, si quos forte idoneos invenisset) ; noluit ille, prudenter sane, quantum sensi postea. Respondit enim me adhuc esse indocilem, eo quod inflatus essem novitate hæresis illius, et nonnullis quæstionculis jam multos imperitos exagitassem, sicut illa indicaverat ei. *Sed sine, inquit, illum ibi, et tantum roga pro eo Dominum : ipse legendo reperiet quis ille sit error, et quanta impietas*. Simul etiam narravit se quoque parvulum a seducta matre sua datum fuisse Manichæis, et omnes pene non legisse tantum, verum etiam scriptitasse libros eorum ; sibi que apparuisse, nullo contra disputante et convincente, quam esset illa secta fugienda ; itaque fugisse. Quæ cum ille dixisset, atque illa nollet acquiescere, sed instaret magis deprecando, et ubertim flendo, ut me videret, et mecum dissereret : ille jam substomachans tædio, *Vade,*

a me; ita vivas: fieri¹ non potest ut filius ista-crymarum pereat. Quod illa ita se accepisse, in-
Lugd. Ven. Lov. For. et Rond. *fieri enim.* M.

ter colloquia sua mecum sæpe recordabatur, ac si de cælo sonuisset.

n est hic ascribere Augustini locum ex lib. 3 contra Litteras Petiliani donastistæ, cap. 17: « Me etiam presbyterum Manichæorum, vel falsus vel fallens mirabili temeritate contendat. Verba tertii libri Confessionum mearum, quæ ipsa, et de multis ante et postea dictis manifestissima sunt legentibus, sub quo ei videtur intellectu proponat atque t, etc. » Quænam vero sint verba illa, quæ suo avulsa loco proterve interpretabatur Petilianus, nobis incertum tean ista capituli sexti: « Nam versum et carmen etiam ad vera pulmenta transfero. » Quippe amatoria inaleficia muta exprobrabat Augustino, ut videre est in in ejusdem libri contra Petiliani Litteras capite 16.

LIBER QUARTUS.

Augustinum se Manichæorum sectæ addictum fuisse per novennium, atque alios secum in eundem errorem per- tum etiam consuluisse mathematicos: et amicis sibi interea morte præreptum, acerbiori quam æquum esset animi visse persecutum; cujus occasione, de vana et de solida amicitia non pauca dicit. Mentionem facit librorum pro et Apto, a se anno ætatis vigesimo sexto aut vigesimo septimo conscriptorum; necnon quam facit ne- reralium artium libros atque Aristotelis Categorias, anno ætatis ferme vigesimo, per sese intellexerit.

CAPUT PRIMUM.

Quamdiu et quomodo alios seduxerit.

r idem tempus annorum novem, ab undevigeano ætatis meæ, usque ad duodevigesimum, semur et seducebamur, falsi atque fallentes in upiditatibus; et palam per doctrinas quas libeocant, occulte autem falso nomine religionis. erbi, ibi superstitiosi, ubique vani. Hac popuoriæ sectantes inanitatem, usque ad theatricos, et contentiosa carmina⁴, et agonem coronarearum et spectaculorum nugas, et intemperanbidinum: illac autem purgari nos ab istis sorxpetentes, cum eis qui appellarentur electi et afferremus escas, de quibus nobis in officina uli sui fabricarent angelos et deos per quos linur; et sectabar ista atque faciebam cum amis, per me ac mecum deceptis. Irrideant me ites, et nondum salubriter prostrati et elisi a s meus; ego tamen confitear tibi dedecora mea e tua. Sine me, obsecro, et da mihi circumire ti memoria præteritos circuitus erroris mei, et re tibi hostiam jubilationis. Quid enim sum hi sine te, nisi dux in præceps? Aut quid sum ihi bene est, nisi sugens lac tum; aut fruens qui non corrumpitur? Et quis homo est quilibet cum sit homo? Sed irrideant nos fortes et ponos autem infirmi et inopes confiteamur tibi.

CAPUT II.

cam docet, concubinam fovet, et aruspicem qui victoriam promittebat, contemnit.

ocebam in illis annis artem rhetoricam, et victo- loquacitatem victus cupiditate vendebam. Male- men, Domine, tu scis, bonos habere discipulos, pellantur boni: et eos sine dolo docebam dolos; abus contra caput innocentis agerent, sed ali- pro capite nocentis. Et Deus, vidisti de longin- psantem in lubrico, et in multo fumo scintillan- lem meam, quam exhibebam in illo magisterio libus vanitatem, et quærentibus mendacium, eorum. In illis annis unam habebam, non eo egitimum vocatur, conjugio cognitam, sed quam l: Am. Er. et Lov., *certamina.*

indagaverat vagus ardor, inops prudentiæ; sed unam tamen, ei quoque servans tori fidem: in qua sane experirer exemplo meo, quid distaret inter conjugalis placiti modum quod fœderatum esset generandi gratia, et pactum libidinosi amoris, ubi proles etiam contra votum nascitur, quamvis, jam nata cogat se diligi.

3. Recolo etiam, cum mihi theatrici carminis certamen inire placuisset, mandasse mihi nescio quem aruspicem, quid ei dare mercedis vellem ut vincerem; me autem fœda illa sacramenta detestatum et abominatum respondisse, nec si corona illa esset immortaliter aurea, muscam pro victoria mea necari me sinere. Necaturus enim erat ille in sacrificiis suis animantia, et illis honoribus invitaturus mihi suffragatura dæmonia videbatur. Sed hoc quoque malum non ex tua castitate⁴ repudiavi, Deus cordis mei. Non enim amare te noveram, qui nisi fulgores corporeos cogitare non noveram. Talibus enim figmentis suspirans anima, nonne fornicatur abs te, et fidit in falsis, et pascit ventos? Sed videlicet sacrificari pro me nollem dæmonibus, quibus me illa superstitione ipse sacrificabam. Quid est enim aliud, *ventos pascere* (*Osce XII, 1*), quam ipsos pascere; hoc est, errando eis esse voluptati atque derisui?

CAPUT III.

Ab astrologia cui deditus erat, per senem medicinæ et rerum peritum revocatur.

4. Ideoque illos planos², quos mathematicos vocant, plane consulere non desistebam, quod quasi nullum eis esset sacrificium, et nullæ preces ad aliquem spiritum ob divinationem dirigerentur: quod tamen christiana et vera pietas consequenter repellit et damnat. Bonum est enim confiteri tibi, Domine, et dicere, *Miserere mei; cura animam meam, quoniam peccavi tibi* (*Psal. XL, 5*); neque ad licentiam peccandi abuti indulgentia tua, sed meminisse dominicæ vocis, *Ecce*

¹ Bad. Am. et Er. substituunt, *charitate.*

² In quibusdam editionibus, *planarios.* Ita in ipsa editione Lovaniensium, per typographorum oscitantiam; quandoquidem in suis castigationibus aiunt rectius videri sibi legendum *planos*, id est impostores, quo nomine appellatos olim fuisse Mathematicos, palam est. Hoc porro nomen alias adhibet Augustinus, ut libro 3 contra Academicos, cap. 15.

sanus factus es; jam noli peccare, ne quid tibi deterius contingat (Joan. v, 14). Quam totam illi salubritatem interficere conantur, cum dicunt: De cœlo tibi est inevitabilis causa peccandi; et, Venus hoc fecit, aut Saturnus, aut Mars. Scilicet, ut homo sine culpa sit, caro et sanguis et superba putredo; culpandus sit autem cœli ac siderum creator et ordinator. Et quis est hic, nisi Deus noster, suavitas et origo justitiæ, qui reddis unicuique secundum opera ejus (Math. xvi, 27), et cor contritum et humiliatum non spernis? (Psal. L, 19.)

5. Erat eo tempore vir sagax (a), medicæ artis peritissimus, atque in ea nobilissimus, qui pro consule ¹ manu sua coronam illam agonisticam imposuerat non sano capiti meo, sed non ut medicus. Nam illius morbi tu sanator, qui resistis superbis, humilibus autem das gratiam (I Petr. v, 5). Numquid tamen etiam per illum senem defuisti mihi, aut destitisti moderi animæ meæ? Quia enim factus ei eram familiarior, et ejus sermonibus (erant enim sine verborum cultu vivacitate sententiarum jucundi et graves) assiduus et fixus inhærebam; ubi cognovit ex colloquio meo libris genethliacorum esse me deditum, benigne ac paterne monuit ut eos abjicerem, neque curam et operam rebus utilibus necessariam, illi vanitati frustra impenderem: dicens ita se illam didicisse, ut ejus professionem primis annis ætatis suæ deferre voluisset, qua vitam degeret; et si Hippocratem intellexisset, et illas utique litteras potuisse intelligere ²: et tamen non ob aliam causam se postea, illis relictis medicinam assecutum, nisi quod eas falsissimas comperisset, et nollet vir gravis decipiendis hominibus victum quærere. At ut, inquit, quo te in hominibus sustentas ³, rhetoricam tenes; hanc autem fallaciam libero studio, non necessitate rei familiaris sectaris, quo magis mihi te oportet de illa credere, qui eam tam perfecte discere elaboravi, quam ex ea sola vivere volui. A quo ego cum quæsissem quæ causa ergo faceret ut multa inde vera pronuntiarentur; respondit ille, ut potuit, vim sortis hoc facere in rerum natura usquequaque diffusam. Si enim de paginis ⁴ poetæ cujuscumque longè aliud canentis atque intendentis, cum forte quis consulit, mirabiliter consonus negotio sæpe versus exiret; mirandum non esse dicebat, si ex anima humana, superiore aliquo instinctu, nesciente quid in se fieret, non arte sed sorte sonaret aliquid quod interrogantis rebus factisque concineret.

6. Et hoc quidem ab illo vel per illum procurasti mihi. Et quid ipse postea per me ipsum quærerem, in memoria mea delineasti. Tunc autem nec ipse, nec

charissimus meus Nebridius, adolescens valde bonus et valde cautus, ¹ irridens totum illud divinationis genus, persuadere mihi potuerunt ut hæc abjicerem: quoniam me amplius ipsorum auctorum movebat auctoritas; et nullum certum quale quærebam documentum adhuc inveneram, quo mihi sine ambiguitate appareret, quæ ab eis consultis vera dicerentur, forte vel sorte, non arte inspectorum siderum dici.

CAPUT IV.

Morbum et baptismum amici narrat, quem etiam suis erroribus involverat; eoque morte sublato, dolet gravissime. Mirabilis efficacia sacramenti Baptismi.

7. In illis annis, quo primum tempore in municipio quo natus sum docere cœperam, comparaveram amicam societate studiorum nimis charam, cœvum mihi et confluentem flore adolescentiæ. Mecum puer creverat, et pariter in scholam ieramus, pariterque luseramus. Sed nondum erat sic amicus, quanquam ne tunc quidem sicuti est vera amicitia; quia non est vera, nisi cum eam tu agglutinas inter inhærentes tibi, charitate diffusa in cordibus nostris per Spiritum sanctum qui datus est nobis (Rom. v, 5). Sed tamen dulcis erat nimis, coacta ² fervore parilium studiorum. Nam et a fide vera, quam non germanitatis et penitus adolescens tenebat, deflexeram ego eum in superstitiones fabellas et perniciosas, propter quas plangebat me mater. Mecum jam errabat in animo homo ille, et non poterat anima mea sine illo. Et ecce tu imminens dorso fugitivorum tuorum, Deus ultionum et fons misericordiarum simul, qui convertis ³ nos ad te miris modis; ecce abstulisti hominem de hac vita, cum vix explevisset annum in amicitia mea, suavi ⁴ mihi super omnes suavitates illius vitæ meæ.

8. Quis laudes tuas enumerat unus, in se uno quas expertus est? Quid tunc fecisti, Deus meus, et quam investigabilis abyssus judiciorum tuorum? Cum enim laboraret ille febribus, jacuit diu sine sensu in sudore letali. Et cum desperaretur, baptizatus est nesciens me non curante, et præsumente id retinere potius animam ejus quod a me acceperat, non quod in nescientis corpore fiebat. Longè autem aliter erat; nam recreatus est et salvus factus. Statimque ut primum cum eo loqui potui (potui autem mox ut ille potuit, quando non discedebam, et nimis pendebamus ex invicem), tentavi apud illum irridere, tanquam et illo irrisuro mecum Baptismum quem acceperat mente atque sensu absentissimus, sed tamen jam se accepisse didicerat. At ille ita me exhorruit ut inimicum, admonuitque mirabili et repentina libertate, ut si amicus esse vellem, talia sibi dicere desinerem. Ego autem stupefactus atque turbatus, distuli omnes motus meos, ut convalesceret prius, essetque idoneus viribus valetudinis cum quo agere possem quod vellem.

¹ Castus. juxta Mart., cum 3 Mss. M.

² Sic Mss. plures, et melius nostra opinione dicitur *coacta*, id est coagmentata amicitia, *cocta*, licet hanc vocem Lovan. prætulerint. — Mart. cum 5 Mss., *coacto fervore*. M.

³ In Edd. Am. Er. et Lov.: *Simulque convertens*. Paulo post, apud Lov. legere est: *Super omnes civitates*, pro *suavitates*.

⁴ Er. Ludg. Ven. Lov., *suavi*.

¹ Pro consule, juxta Er. Lugd. Ven. Benedict. Proconsule manu sua, juxta Lov. M.

² Sic legendum cum Mss. Angl. — Sic etiam juxta 6 Mss. Flor. Mart. cum 3 Mss., et Rond. cum 4 Mss. M. [Potuisset intelligere.]

³ Sustentes, juxta Lov. et Rond. M.

⁴ Apud Am. Er. et Lov. de Paganis, quibus, perperam suffragantur aliquot Mss.

(a) Scilicet, Vindicianus ex nomine postea designatus lib. 7, cap. 6, et ab Augustino laudatus in Epist. 138, n. 3, ad Marcellinum.

abreptus dementiæ meæ, ut apud te servare solationi meæ, post paucos dies, me absente, ut febribus et defungitur.

Quo dolore contenebratum est cor meum; et quid aspiciebam, mors erat. Et erat mihi patria cium, et paterna domus mira infelicitas; et quidam illo communicaveram, sine illo in cruciatum nem verterat. Expetebant eum undique oculi; non dabatur mihi; et oderam omnia, quia non vident eum, nec mihi jam dicere poterant: Ecce, sicut cum viveret, quando absens erat. Factus prope mihi magna quæstio, et interrogabam animam quare tristis esset, et quare conturbaretur; et nihil noværat respondere mihi. Et si dicebam spera in Deum (*Psal.* xli, 6); juste non obtemperat: quia verior erat et melior homo quem clam amiserat, quam phantasma in quod sperare solentur. Solus fletus erat dulcis mihi et successerat meo in deliciis animi mei.

CAPUT V.

Cur fletus dulcis miseris.

Et nunc, Domine, jam illa transierunt, et temeritum est vulnus meum. Possumne audire abs te veritas es, et admovere aurem cordis mei oritur dicas mihi cur fletus dulcis sit miseris? An tu, ubi vis ubique adsis, longe abjecisti a te miseriam meam? Et tu in te manes; nos autem in experimentum vivimus. Et tamen nisi ad aures tuas ploraremus, residui de spe nostra fieret. Unde igitur suavitas de amaritudine vitæ carpitur, gemere et flere, suspirare et conqueri? An hoc ibi dulce est, quod non potest exaudire te? Recte istud in precibus, quia precium perveniendi habent. Numquid in dolore de rei et luctu quo tunc operiebar? Neque enim potest animam reviviscere illum, aut hoc petebam lacrymis, quod tantum dolebam et flebam. Miser enim eram, et non gaudium meum. An et fletus res amara est, quod fastidio rerum quibus prius fruebamur, et tunc ab eis abhorremus, delectat?

CAPUT VI.

Quantus ex amici morte dolor.

Quid autem ista loquor? Non enim tempus querere nunc est, sed confitendi tibi. Miser eram, et mihi; omnis animus vinctus amicitia rerum mortales et dilaniatur cum eas amittit, et tunc sentit animam qua miser est et antequam amittat eas. Sic eram illo tempore, et flebam amarissime, et habebam scebam in amaritudine. Ita miser eram, et habebam chariorem illo amico meo vitam ipsam miseriam quamvis eam mutare vellem, nollem tamen vivere magis quam illum. Et nescio an vellem vellet, sicut de Oreste et Pylade traditur, si non morerentur, qui vellent pro invicem vel simul mori, quia pejus eis erat non simul vivere. Sed in me quis affectus nimis huic contrarius ortus erat, quod in vivo vivendi erat in me gravissimum, et mortis metus. Credo quo magis illum amabam, eo magis mortem, quæ mihi eum abstulerat, tanquam

1. Er. et Lov.: in hoc tibi.

atrocissimam inimicam oderam et timebam, et eam repente consumpturam omnes homines putabam, quia illum potuit. Sic eram omnino, memini. Ecce cor meum, Deus meus: ecce intus vide quia memini, spes mea, qui me mundas a talium affectionum immunditia, dirigens oculos meos ad te, et evellens de laqueo pedes meos (*Psal.* xxiv, 15). Mirabar enim cæteros mortales vivere, quia ille, quem quasi non moriturum dilexeram, mortuus erat; et me magis, quia illi alter eram, vivere illo mortuo mirabar. Bene quidam dixit de amico suo: *Dimidium animæ meæ* (*Horat. Carm., lib. 1, ode 3*). Nam ego sensi animam meam et animam illius unam fuisse animam in duobus corporibus; et ideo mihi horrore erat vita, quia nolebam dimidius vivere, et ideo forte mori metuebam, ne totus ille moreretur quem multum amaveram (*Retract. lib. 2, c. 6*).

CAPUT VII.

Impatentia doloris mutat locum.

12. O dementiam nescientem diligere homines humaniter! o stultum hominem immoderate humana patientem, quod ego tunc eram! Itaque æstuabam, suspirabam, flebam, turbabar; nec requies, erat, nec consilium. Portabam enim conscissam¹ et cruentam animam meam, impatientem a me portari; et ubi eam ponerem non inveniebam, Non in amœnis nemoribus; non in ludis atque cantibus; nec in suave olentibus locis; nec in conviviis apparatis; neque in voluptate cubilis et lecti; non denique in libris atque carminibus acquiescebat. Horrebant omnia, et ipsa lux; et quidquid non erat quod ille erat, improbum et odiosum erat, præter gemitum et lacrymas. Nam in eis solis aliquantula requies. Ubi autem inde auferebatur anima mea, onerabat me grandis sarcina miseriarum. Ad te², Domine, levanda erat et curanda, sciebam; sed nec volebam, nec valebam, eo magis quia non mihi eras aliquid solidum et firmum, cui de te cogitabam. Non enim tu eras, sed vanum phantasma, et error meus erat Deus meus. Si conabar eam ibi ponere ut requiesceret, per inane labebatur, et iterum ruebat super me; et ego mihi remanseram infelix locus, ubi nec esse possem, nec inde recedere. Quo enim cor meum fugeret a corde meo? quo a me ipso fugerem? quo me non sequeretur? Et tamen fugi de patria. Minus enim eum quærebant oculi mei, ubi videre non solebant; atque a Thagastensi oppido veni Carthaginem.

CAPUT VIII.

Tempus et amicorum colloquia dolori medentur.

13. Non vacant tempora, nec otiosevolvuntur per semper nos; faciunt in animo mira opera. Ecce veniebant et præteribant de die in diem, et veniendo et prætereundo inserebant mihi species alias et alias memorias, et paulatim resarciebant me pristinis generibus delectationum, quibus cedebat dolor meus ille; sed succedebant non quidem dolores alii, causæ tamen aliorum dolorum. Nam unde me facillime et in intima dolor ille penetraverat, nisi quis fu-

¹ 5 Mss., *conscissam*.

² Ita magno consensu Mss.; at Edd. habent: *Miseriarum quæ a te*.

deram in arenam animam meam, diligendo moriturum ac si non moriturum? Maxime quippe me reparabant atque recreabant aliorum amicorum solatia, cum quibus amabam quod pro te amabam: et hoc erat ingens fabula et longum mendacium, cujus adulterina confractione corrumpatur mens nostra pruriens in auribus. Sed illa mihi fabula non moriebatur, si quis amicorum meorum moreretur. Alia erant quæ in eis amplius capiebant animum: colloqui et corridere, et vicissim benevole obsequi; simul legere libros dulciloquos, simul nugari, et simul honestari; dissentire interdum sine odio, tanquam ipse homo secum, atque ipsa rarissima dissensione condire consensiones plurimas; docere aliquid invicem, aut discere ab invicem, desiderare absentes cum molestia, suscipere venientes cum lætitia: his atque hujusmodi signis a corde amantium et redamantium procedentibus per os, per linguam, per oculos, et mille motus gratissimos, quasi fomitibus conflare animos, et ex pluribus unum facere.

CAPUT IX.

De humana amicitia. Beatus qui amat in Deo.

14. Hoc est quod diligitur in amicis, et si diligitur, ut rea sibi sit humana conscientia, si non amaverit redamantem, aut si amantem non redamaverit, nihil quærens ex ejus corpore præter indicia benevolentiae. Hinc ille luctus, si quis moriatur; et tenebræ dolorum, et versa dulcedine in amaritudinem cor madidum, et ex omissa vita morientium mors viventium. Beatus qui amat te, et amicum in te, et inimicum propter te. Solus enim nullum charum amittit, cui omnes in illo chari sunt, qui non amittitur. Et quis est iste, nisi Deus noster, Deus qui fecit cælum et terram et implet ea, quia implendo ea fecit ea? Te nemo amittit, nisi qui dimittit: et qui dimittit, quo it, aut quo fugit, nisi a te placido ad te iratum? Nam ubi non invenit legem tuam in pœna sua? Et lex tua veritas, et veritas tu.

CAPUT X.

Labiles creaturæ, nec in eis potest anima requiescere.

15. Deus virtutum, converte nos et ostende faciem tuam et salvi erimus (*Psal. LXXXIV, 4*). Nam quoquo-versum se verterit anima hominis, ad dolores figitur alibi præterquam in te; tametsi figitur in pulchris extra te et extra se. Quæ tamen nulla essent nisi essent abs te, quæ oriuntur et occidunt, et oriendo quasi esse incipiunt, et crescunt ut perficiantur, et perfecta senescunt et intereunt: et non¹ omnia senescunt, et omnia intereunt. Ergo cum oriuntur et tendunt esse; quo magis celeriter crescunt ut sint, eo magis festinant ut non sint: sic est modus eorum. Tantum dedisti eis, quia partes sunt rerum, quæ non sunt omnes simul; sed decedendo ac succedendo agunt omnes universum, cujus partes sunt. Ecce sic peragitur et sermo noster per signa sonantia. Non enim erit totus sermo si unum verbum non decedat cum sonuerit partes suas, ut succedat aliud. Laudet

¹ Sequimur Mss.; in Edd. porro, sublata negatione, legitur: *Et enim omnia senescunt.*

te ex illis anima mea, Deus creator omnium; sed non in eis infligatur glutine amoris per sensus corporis. Eunt enim quo ibant, ut non sint¹, et conscindunt eam desideriis pestilentiosis, quoniam ipsa esse vult. et requiescere amat in eis quæ amat. In illis autem non est ubi: quia non stant, fugiunt; et quis ea sequitur sensu carnis? aut quis ea comprehendit, vel cum præsto sunt? Tardus est enim sensus carnis, quoniam sensus carnis est, et ipse est modus ejus. Sufficit ad aliud ad quod factus est: ad illud autem non sufficit, ut teneant transcurrentia ab initio debito usque ad finem debitum. In verbo enim tuo per quod creantur, ibi audiunt: Hinc, et hucusque.

CAPUT XI.

Omnia creata sunt instabilia. Solus Deus stabilis.

16. Noli esse vana, anima mea. et obsurdescere in aure cordis, tumultu vanitatis tuæ. Audi et tu: Verbum ipsum clamat ut redeas; et ibi est locus quietis imperturbabilis, ubi non deseritur amor, si ipse non deserat. Ecce illa discedunt, ut alia succedant, et omnibus suis partibus constet intima universitas. Numquid ego aliquo discedo, ait Verbum Dei? Ibi fige mansionem tuam: ibi commenda quidquid inde habes, anima mea, saltem fatigata fallaciis. Veritati commenda quidquid tibi est a veritate, et non perdes aliquid; et reflorescent putria tua, et sanabuntur omnes languores tui, et fluxa tua reformabuntur, et renovabuntur, et constringentur ad te: et non te deponent quo descendunt; sed stabunt tecum, et permanebunt ad semper stantem ac permanentem Deum.

17. Ut quid perversa sequeris carnem tuam? Ipsa te sequatur conversa. Quidquid per illam sentis, in parte est: et ignoras totum cujus hæ partes sunt; et delectant te tamen. Sed si ad totum comprehendendum esset idoneus sensus carnis tuæ, ac non et ipse in parte universi accepisset pro pœna tua justum modum, velles ut transiret quidquid existit in præsentia, ut magis tibi omnia placerent. Nam et quod loquimur, per eundem sensum carnis audis; et non vis utique stare syllabas, sed transvolare, ut aliæ veniant, et totum audias. Ita, semper omnia quibus unum aliquid constat, et non simul sunt omnia ea quibus constat: plus delectant omnia quam singula, si possint sentiri omnia. Sed longe his melior qui fecit omnia, et ipse est Deus noster: et non discedit, quia nec succeditur ei.

CAPUT XII.

Amor non improbatur, modo in his quæ placent, amemus Deum.

18. Si placent corpora, Deum ex illis lauda, et in artificem eorum retorque amorem; ne in his quæ tibi placent, tu displiceas. Si placent animæ, in Deo amentur: quia et ipsæ mutabiles sunt, et in illo fixæ stabiliuntur; alioquin irent et perirent. In illo ergo amentur; et rape ad eum tecum quas potes, et dic eis: Hunc amemus, hunc amemus: ipse fecit hæc, et non est longe. Non enim fecit atque abiit, sed ex illo in illo sunt. Ecce

¹ Mss. tres: *Eunt enim quo t ut non sint.*

si autem improbaret, sauciaretur cor vanum et inane soliditatis tuæ. Et tamen pulchrum illud atque aptum, unde ad eum scripseram, libenter animo versabam, ob os contemplationis meæ¹, et nullo collaudatore mirabar.

CAPUT XV.

Quod corporalibus imaginibus contenebratus, non potuit capere spiritualia.

24. Sed tantæ rei cardinem in arte tua nondum videbam, Omnipotens, qui facis mirabilia solus (*Psal.* LXXI, 18): et ibat animus meus per formas corporeas; et pulchrum quod perseipsum; aptum, autem, quod ad aliquid accommodatum deceret, definiebam et distinguebam, et exemplis corporeis astruebam. Et converti me ad animi naturam; et non me sinebat falsa opinio quam de spiritualibus habebam, verum cernere. Et irruebat in oculos ipsa vis veri, et avertebam palpitantem mentem ab incorporea re ad lineamenta, et colores, et tumentes magnitudines. Et quia non poteram ea videre in animo, putabam me non posse videre animum meum. Et cum in virtute pacem amarem, in vitiositate autem odissem discordiam; in illa unitatem, in ista quamdam divisionem notabam. Inque illa unitate mens rationalis et natura veritatis ac summi boni mihi esse videbatur: in ista vero divisione irrationalis vitæ², nescio quam substantiam et naturam summi mali, quæ non solum esset substantia, sed omnino vita esset, et tamen abs te non esset, Deus meus, ex quo sunt omnia, miser opinabar. Et tamen illam monadem appellabam, tanquam sine ullo sexu mentem³; hanc vero dyadem, iram in facinoribus, libidinem in flagitiis, nesciens quid loquerer. Non enim noveram neque didiceram, nec ullam substantiam malum esse, nec ipsam mentem nostram summum atque incommutabile bonum.

25. Sicut enim facinora sunt, si vitiosus est ille animi motus, in quo est impetus, et se jactat insolenter ac turbide; et flagitia, si est immoderata illa animæ affectio, qua carnales hauriuntur voluptates: ita errores et falsæ opiniones vitam contaminant, si rationalis mens ipsa vitiosa est; qualis in me tunc erat, nesciente alio lumine illam illustrandam esse ut sit particeps veritatis, quia non est ipsa natura veritatis. Quoniam tu illuminabis lucernam meam, Domine; Deus meus. illuminabis tenebras meas (*Psal.* XVI, 29): et de plenitudine tua nos omnes accepimus. Es enim tu lumen verum quod illuminat omnem hominem venientem in hunc mundum (*Joan.* I, 16, 9); quia in te non est transmutatio, nec momenti obumbratio (*Jacobi* I, 17).

26. Sed ego conabar ad te, et repellebar abs te, ut saperem mortem, quoniam superbis resistis. Quid autem superbius, quam ut assererem mira dementia me

¹ Arn. cum editione Moreti an. 1650 sic habet: *Animo versabam et ostentationem contemplationis meæ.* Mss. sex: *Modos contempl.*

² Mss. Angl. cum nostris habent: *Divisione irrationalibilis vitæ, sive irrationalis.* Apud Lov., *rationalis*; mendose, ut patet.

³ In Mss. quinque non deterioris notæ habetur, *sine ullo sensu mentem*; pro, *sine illo sexu.*

id esse naturaliter quod tu es? Cum enim ego essem mutabilis, et eo mihi manifestum esset, quod ideo utique sapiens esse cupiebam, ut ex deteriore melior fierem; malebam tamen etiam te opinari mutabilem, quam me non hoc esse quod tu es. Itaque repellebar, et resistebas ventosæ cervici meæ: et imaginabar formas corporeas, et caro carnem accusabam, et spiritus ambulans nondum revertabar ad te (*Psal.* LXXVII, 39); et ambulando ambulabam in ea quæ non sunt, neque in te, neque in me, neque in corpore; neque mihi creabantur a veritate tua, sed a mea vanitate fingebantur ex corpore: et dicebam parvulis fidelibus tuis, civibus meis, a quibus nesciens exulabam; dicebam illis garrulus et ineptus, Cur ergo errat anima quam fecit Deus? Et mihi nolebam dici, Cur ergo errat Deus? Et contendebam magis incommutabilem tuam substantiam coactam errare, quam meam mutabilem sponte deviasse, et pœna errare confitebar¹.

27. Et eram ætate annorum fortasse viginti sex aut septem, cum illa volumina scripsi, volvens apud me corporalia figmenta, obstrepentia cordis mei auribus; quas intendebam, dulcis veritas, in interiorem melodiam tuam, cogitans de pulchro et apto, et stare cupiens et audire te, et gaudio gaudere propter vocem sponsi (*Joan.* III, 29), et non poteram: quia vocibus erroris mei rapiebar foras, et pondere superbiæ meæ in ima decidebam. Non enim dabas auditui meo gaudium et lætitiā, aut exultabant ossa mea, quæ humiliata non erant (*Psal.* I, 10).

CAPUT XVI.

Categorias Aristotelis et liberalium artium libros per se intellexit.

28. Et quid mihi proderat quod annos natus ferme viginti, cum in manus meas venissent Aristotelica quædam, quas appellant decem Categorias; quarum nomine, cum eas rhetor Carthaginensis magister meus buccis typho crepantibus commemoraret, et alii qui docti habebantur, tanquam iu nescio quid magnum et divinum suspensus inhiabam; legi eas solus et intellexi? Quas cum contulisset cum eis qui se dicebant vix eas, magistris eruditissimis, non loquentibus tantum, sed multa in pulvere depingentibus, intellexisse; nihil inde aliud mihi dicere potuerunt, quam ego solus apud meipsum legens cognoveram, et satis aperte mihi videbantur loquentes de substantiis, sicuti est homo; et quæ in illis essent, sicuti est figura hominis; qualis sit et statura, quot pedum sit; et cognatio, cujus frater sit; aut ubi sit constitutus; aut quando natus; aut stet, aut sedeat; aut calceatus vel armatus sit; aut aliquid faciat; aut patiatur aliquid: et quæcumque in his novem generibus, quorum exempli gratia quædam posui, vel in ipso substantiæ genere innumerabilia reperiuntur.

29. Quid hoc mihi proderat, quando et oberat? cum etiam te, Deus meus mirabiliter simplicem atque incommutabilem, illis decem prædicamentis putans quidquid esset omnino comprehensum, sic intelligere

¹ Edd., *pene errare confitebar*, manifesto lapsu.

quasi et tu subjectus esses magnitudini tuæ
ritudini, ut illa essent in te quasi in subje-
in corpore; cum tua magnitudo et tua pul-
tu ipse sis: corpus autem non eo sit magnum
um quo corpus est; quia etsi minus magnum
pulchrum esset, nihilominus corpus esset.
enim erat quam de te cogitabam, non veritas;
ta miseræ meæ, non firmamenta beatitudi-
Jusseras enim, et ita fiebat in me, ut terra
tribulos pareret mihi, et cum labore perve-
panem meum (*Gen. III, 18, 19*).

quid mihi proderat quod omnes libros artium
rales vocant, tunc nequissimus malarum cu-
a servus per meipsum legi et intellexi, quos-
legere potui? Et gaudebam in eis, et nescie-
e esset quidquid ibi verum et certum esset.
enim habebam ad lumen, et ad ea quæ illu-
c, faciem: unde ipsa facies mea, qua illumi-
rebam, non illuminabatur. Quidquid de arte

et disserendi, quidquid de dimensionibus
n, et de musicis et de numeris, sine magna
te, nullo hominum tradente intellexi, scis tu,
Deus meus; quia et celeritas intelligendi, et
idi acumen¹, donum tuum est: sed non inde
bam tibi. Itaque mihi non ad usum, sed ad
n magis valebat, quia tam bonam partem sub-
meæ satégi habere in potestate: et fortitudi-
um non ad te custodiebam (*Psal. LVIII, 10*); sed
sum abs te in longinquam regionem, ut eam
um in meretrices cupiditates² (*Luc. xv, 12, 13*,

liquioribus editionibus, *discendi*. Lov. et Arn., *dis-*
At in Mss. pluribus, *dispiciendi acumen*, quæ ger-
tio visa est.

cum antiquioribus editionibus, *meretricias cupid-*

30). Nam quid mihi proderat bona res, non utenti bene?
Non enim sentiebam illas artes etiam ab studiosis et
ingeniosis difficillime intelligi, nisi cum eis easdem
conabar exponere; et erat ille excellentissimus in
eis, qui me exponentem non tardius sequeretur.

31. Sed quid mihi hoc proderat, putanti quod tu,
Domine Deus veritas, corpus esses lucidum et immen-
sum, et ego frustum de illo corpore? Nimia perversi-
tas! sed sic eram. Nec erubesco, Deus meus, confi-
teri tibi in me misericordias tuas, et invocare te, qui
non erubui tunc profiteri hominibus blasphemias meas,
et latrare adversum te. Quid ergo mihi tunc proderat
ingenium per illas doctrinas agile, et nullo adminiculo
humani magisterii tot nodosissimi libri enodati, cum
deformiter et sacrilega turpitudine in doctrina pietatis
errarem? Aut quid tantum oberat parvulis tuis longe
tardius ingenium, cum a te longe non recederent, ut
in nido Ecclesiæ tuæ tuti plumescerent, et alas char-
ritatis alimento sanæ fidei nutrent? O Domine, Deus
noster, in velamento alarum tuarum speremus (*Psal.*
LXII, 8); et protege nos, et porta nos. Tu portabis et
parvulos, et usque ad canos tu portabis (*Isai. XLVI, 4*):
quoniam firmitas nostra quando tu es, tunc est firmi-
tas; cum autem nostra est, infirmitas est. Vivit apud
te semper bonum nostrum; et quia inde aversi sumus,
perversi sumus. Revertamur jam, Domine, ut non ever-
tamur; quia vivit apud te sine nullo defectu bonum
nostrum, quod tu ipse es; et non timemus¹ ne non
sit quo redeamus, quia nos inde ruimus; nobis autem
absentibus non ruit domus nostra æternitas tua.

tates. At Mss. cum Arn., *meretricies*: quod vocabulum usur-
pavit Augustinus ab eo loco Evangelii, ad quem alludit.

¹ *Timebimus*, juxta Somm. Lov. Arn. Mart. cum 7 Mss.
et Rond. cum 13 Mss. M.

LIBER QUINTUS.

ætatibus suæ exhibet vigesimum nonum, quo scilicet, comperta fausti Manichæi imperitia, propositum in illa
officiendi abiecit; quo etiam Roma, ubi tunc rhetoricam profitebatur, missus Mediolanum ut eandem artem
cæpit audito Ambrosio respiciere, et de Manichæismo abdicando necnon de repetendo catechumenatu de-

CAPUT PRIMUM.

Excitat mentem ad Deum laudandum.

Excipe sacrificium confessionum mearum de
linguæ meæ, quam formasti et excitasti, ut
tur nomini tuo; et sana omnia ossa mea, et
Domine, quis similis tibi? (*Psal. xxxiv, 10*.)
enim docet te quid in se agatur qui tibi confi-
nia oculum tuum non excludit cor clausum,
um tuam repellit duritia hominum: sed sol-
, cum voles, aut miserans aut vindicans; et
qui se abscondat a calore tuo. Sed te laudet
nea, ut amet te; et confiteatur tibi miseratio-
s, ut laudet te. Non cessat nec tacet laude
versa creatura tua; nec spiritus omnis homi-
os conversum ad te, nec animalia nec corpo-
r os considerantium ea; ut exurgat in te a
ine anima nostra, innitens eis quæ fecisti, et

transiens ad te qui fecisti hæc mirabiliter: et ibi re-
fectio et vera fortitudo.

CAPUT II.

*Dei præsentiam iniquos non effugere: itaque ad eum de-
bere converti.*

2. Eant et fugiant a te inquieti et iniqui: et tu
vides eos, et distinguis umbras; et ecce pulchra sunt
cum eis omnia, et ipsi turpes sunt. Et quid nocue-
runt tibi? aut in quo imperium tuum dehonesta-
verunt, a cælis usque in novissima justum et integrum?
Quo enim fugerunt, cum fugerent a facie tua? aut
ubi tu non invenis eos? Sed fugerunt, ut non vide-
rent te videntem se, atque excæcati in te offenderent;
quia non deseris aliquid eorum quæ fecisti: in te of-
fenderent injusti, et juste vexarentur¹; subtrahentes

¹ Ita Cdd. plerique, et elegantius videtur, quam si, rupto
periodi nexu, nova incipiat sententia hoc modo: *in te offen-*

se lenitati tuæ, et offendentes in rectitudinem tuam, et cadentes in asperitatem suam¹. Videlicet nesciunt quod ubique sis, quem nullus circumscibit locus, et solus es præsens, etiam iis qui longe fiunt a te. Convertantur ergo et quærant te, quia non sicut ipsi deseruerunt creatorem suum, ita et tu deseruisti creaturam tuam. Ipsi convertantur, et quærant te; et ecce ibi es in corde eorum, in corde confitentium tibi, et projicientium se in te, et plorantium in sinu tuo postulas suas difficiles: et tu facilis tergens lacrymas eorum; et magis plorant et gaudent in fletibus, quoniam tu, Domine, non aliquis homo caro et sanguis; sed tu, Domine, qui fecisti, relicis et consolaris eos. Et ubi ego eram, quando te quærebam? Et tu eras ante me; ego autem et a me discesseram, nec me inveniebam; quanto minus te?

CAPUT III.

De Fausto manichæo, et de philosophorum cæcitate qui per creaturas Creatorem non cognoverunt.

3. Proloquar in conspectu Dei mei annum illum undetrigesimum ætatis meæ. Jam venerat Carthaginem quidam Manichæorum episcopus, Faustus nomine, magnus laqueus diaboli: et multi implicabantur in eo per illecebram suaviloquentiæ; quam ego tametsi laudabam, discernebam tamen a veritate rerum, quarum discendarum avidus eram; nec quali vasculo sermonis, sed quid mihi scientiæ comedendum apponeret nominatus apud eos ille Faustus, intuebar. Fama enim de illo prælocuta mihi erat quod esset honestarum omnium doctrinarum peritissimus, et apprime disciplinis liberalibus eruditus. Et quoniam multa philosophorum legeram, memoriæque mandata retinebam, ex eis quædam comparabam illis Manichæorum longis fabulis: et mihi probabiliora ista videbantur, quæ dixerunt illi, qui tantum potuerunt valere, ut possent æstimare sæculum, quanquam ejus Dominum minime invenerint. Quoniam magnus es, Domine, et humilia respicis; excelsa autem a longe cognoscis (*Psal. cxxxvii, 6*): nec propinquas nisi obtritis corde; nec inveniris a superbis, nec si illi curiosa peritia numerent stellas et arenam, et dimentiantur sidereas plagas, et vestigent vias astrorum.

4. Mente enim sua quærant ista, et ingenio quod tu dedisti eis: et multa invenerunt et prænuntiaverunt ante multos annos defectus luminarium solis et lunæ, quo die, qua hora, quanta ex parte futuri essent; et non eos fefellit numerus, et ita factum est ut prænuntiaverunt: et scripserunt regulas indagatas. et leguntur hodie, atque ex eis prænuntiatur quo anno et quo mense anni, et quo die mensis, et qua hora diei, et quota parte luminis sui defectura sit luna vel sol; et ita fiet ut prænuntiatur. Et mirantur hæc homines et stupent qui nesciunt ea, et exsultant atque extolluntur qui sciunt; et per impiam superbiam recedentes et deficientes a lumine tuo, tanto ante solis defectum futurum prævident, et in præsentia suum *derunt injusti ut juste vexarentur*, uti habent nonnulli Mss. cum Arn.

¹ Substituimus *suam*, ex Mss. melioris notæ, loco *tuam* quod in Cdd. vulgatis et in Ess. nonnullis reperitur.

non vident. Non enim religiose quærant unde habeant ingenium quo ista quærant. Et inventientes quia tu fecisti eos, non ipsi dant tibi se ut serves quod fecisti, et quales se ipsi fecerant occidunt se tibi¹, et trucidant exaltationes suas sicut volatilia, et curiositates suas sicut pisces maris quibus perambulant secretas semitas abyssi, et luxurias suas sicut pecora campi; ut tu, Deus ignis edax, consumas mortuas curas eorum recreans eos immortaliter.

5. Sed non noverunt viam, Verbum tuum, per quod fecisti ea quæ numerant, et ipsos qui numerant, et sensum quo cernunt quæ numerant, et mentem de qua numerant; et sapientiæ non est numerus (*Psal. cxlvi, 5*). Ipse autem Unigenitus factus est nobis sapientia, et justitia, et sanctificatio (*I Cor. 1, 30*); et numeratus est inter nos, et solvit tributum Cæsari (*Matth. xxii, 24*). Non noverunt hanc viam, qua descendant ad illum a se, et per eum ascendant ad eum. Non noverunt hanc viam, et putant se excelsos esse cum sideribus et lucidos; et ecce ruerunt in terram, et obscuratum est insipiens cor eorum. Et multa vera de creatura dicunt, et Veritatem, creaturæ artificem, non pie quærant, et ideo non inveniunt: aut si inveniunt, cognoscentes Deum, non sicut Deum honorant, aut gratias agunt; sed evanescent in cogitationibus suis, et dicunt se esse sapientes, sibi tribuendo quæ tua sunt, ac per hoc student perversissima cæcitate etiam tibi tribuere quæ suasunt, mendacia scilicet in te conferentes, qui veritas es, et immutantes gloriam incorrupti Dei in similitudinem imaginis corruptibilis hominis, et volucrum, et quadrupedum, et serpentum, et convertunt veritatem tuam in mendacium; et colunt, et serviunt creaturæ potius quam Creatori (*Rom. 1, 21-25*).

6. Multa tamen ab eis, ex ipsa creatura, vera dicta retinebam; et occurrebat mihi ratio per numeros et ordinem temporum, et visibiles attestations siderum, et conferebam cum dictis Manichæi, quæ² de his rebus multa scripsit copiosissime delirans; et non mihi occurrebat ratio nec solstitionum et æquinoctiorum, nec defectuum luminarium, nec quidquid tale in libris sæcularis sapientiæ didiceram. Ibi autem credere jubebat, et ad illas rationes numeris et oculis meis exploratas non occurrebat, et longe diversum erat.

CAPUT IV.

Sola Dei cognitio beat.

7. Numquid, Domine Deus veritatis, quisquis novit ista, jam placet tibi? Infelix enim homo qui scit illa omnia, te autem nescit: beatus autem qui te scit, etiamsi illa nesciat. Qui vero et te ut illa novit, non propter illa beatior, sed propter te solum beatus est, si cognoscens te, sicut Deum glorificet, et gratias agat, et non evanescat in cogitationibus suis. Sicut enim melior est qui novit possidere arborem, et de usu ejus tibi gratias agit, quamvis nesciat vel quot

¹ Arn. et Mss. 2, *occidant se tibi*; moxque, *trucidant*. Alii plerique Cdd. comprobant alteram lectionem, quæ paululum obscura propter distantiam particulæ negantis referendæ etiam ad verba *occidunt et trucidant*.

² Qui, juxta Sonum. Dub. Mart. et Rond. M.

cubitis alta sit, vel quanta latitudine diffusa; quam ille qui eam metitur, et omnes ramos ejus numerat, et neque possidet eam, neque creatorem ejus novit aut diligit: sic fidelis homo, cujus totus mundus divitiarum est, et quasi nihil habens, omnia possidet, inhærendo tibi cui serviunt omnia, quamvis nec saltem septentrionum gyros noverit; dubitare stultum est quin utique melior sit quam mensor cœli, et numerator siderum, et pensor elementorum, et negligens tui qui omnia in mensura et numero et pondere disposuisti (*Sap. xi, 21*).

CAPUT V.

Manichæi de astris imperitia indignum eum fide in cæteris faciebat.

8. Sed tamen quis quærebat Manichæum nescio quem etiam ista scribere, sine quorum peritia pietas disci poterat? Dixisti enim homini, *Ecce pietas et sapientia* (*Job xxviii, 28, sec. LXX*); quam ille ignorare posset, etiam si ista perfecte nosset: ista vero quia non noverat, impudentissime audens docere, prorsus illam nosse non posset. Vanitas est enim mundana ista etiam nota profiteri, pietas autem tibi confiteri. Unde ille devius, ad hoc ¹ ista multum locutus est, ut convictus ab eis qui ista vere didicissent, quis esset ejus sensus in cæteris quæ abditiora sunt, manifeste cognosceretur. Non enim parvi existimari se voluit, sed Spiritum sanctum consolatorem et ditatorem fidelium tuorum, auctoritate plenaria personaliter in se esse persuadere conatus est. Itaque, cum de cœlo ac stellis, et de solis ac lunæ motibus falsa dixisse deprehenderetur, quamvis ad doctrinam religionis ista non pertineant, tamen ausus ejus sacrilegos fuisse satis emeretur; cum ea non solum ignorata, sed etiam falsa, tam ² vesana superbix vanitate diceret, ut ea tanquam divinæ personæ tribuere sibi niteretur.

9. Cum enim audio christianum aliquem fratrem, illum aut illum, ista nescientem, et aliud pro alio sentientem, patienter intueor opinantem hominem; nec illi obesse video, cum de te, Domine creator omnium, non credat indigna, si forte situs et habitus creaturæ corporalis ignoret. Obest autem si hoc ad ipsam doctrinæ pietatis formam pertinere arbitretur, et pertinacius affirmare audeat quod ignorat. Sed etiam talis infirmitas in fidei cunabulis a charitate matre sustinetur, donec assurgat novus homo in virum perfectum, et circumferri non possit omni vento doctrinæ (*Ephes. iv, 13, 14*). In illo autem qui doctor, qui auctor, qui dux et princeps eorum quibus illa suaderet, ita fieri ausus est, ut qui eum sequerentur, non quemlibet hominem, sed Spiritum tuum sanctum se sequi arbitrarentur; quis tantam dementiam, sicubi falsa dixisse convinceretur, non detestandam longaque abjiciendam esse judicaret? Sed tamen nondum liquido compereram utrum etiam secundum ejus verba, vicissitudines longiorum et breviorum dierum atque noctium, et ipsius noctis et diei, et deliquia luminum,

et si quid ejusmodi in aliis libris legeram, posset exponi; ut, si forte posset, incertum quidem mihi fieret utrum ita se res haberet, an non ita; sed ad fidem meam illius auctoritatem, propter creditam sanctitatem, præponerem.

CAPUT VI.

Faustus eloquens, sed liberalium disciplinarum expertus.

10. Et per annos ferme ipsos novem, quibus eos animo vagabundus audivi, nimis extento desiderio venturum exspectabam istum Faustum. Cæteri enim eorum, in quos forte incurrissem, qui talium rerum quæstionibus a me objectis deficiebant, illum mihi promittebant, cujus adventu collatoque colloquio facillime mihi hæc, et si qua forte majora quærerem, enodatissime expedirentur. Ergo ubi venit, expertus sum hominem gratum et jucundum verbis, et ea ipsa quæ illi solent dicere, multo suavius garrentem. Sed quid ad meam sitim pretiosorum poculorum decantissimus ministrator? Jam rebus talibus satiatæ erant aures meæ; nec ideo mihi meliora videbantur, quia melius dicebantur; nec ideo vera quia diserta; nec ideo sapiens anima, quia vultus congruus et decorum eloquium. Illi autem qui eum mihi promittebant, non boni rerum existimatores erant; et ideo illis videbatur prudens et sapiens, quia delectabat eos loquens. Sensi autem aliud genus hominum etiam veritatem habere suspectam, et ei nolle acquiescere si compto atque uberi sermone promeretur. Me autem jam docueras, Deus meus, miris et occultis modis; et propterea credo quod tu me docueris, quoniam verum est, nec quisquam præter te alius est doctor veri, ubicumque et undecumque claruerit. Jam ergo abs et didiceram, nec eo debere videri aliquid verum dici, quia eloquenter dicitur; nec eo falsum, quia incomposite sonant signa labiorum: rursus, nec ideo verum, quia impolite enuntiatur, nec ideo falsum, quia splendidus sermo est: sed perinde esse sapientiam et stultitiam, sicut sunt cibi utiles et inutiles; verbis autem ornatis et inornatis sicut vasis urbanis et rusticanis utrosque cibos posse ministrari.

11. Igitur aviditas mea, qua illum tanto tempore exspectaveram hominem, delectabatur quidem motu affectuque disputantis, et verbis congruentibus, atque ad vestiendas sententias facile occurrentibus. Delectabar autem et cum multis, vel etiam præ multis laudabam ac efferebam; sed moleste habebam quod in cœtu audientium non sinerer illi ingerere, et partiri cum eo curas quæstionum mearum, conferendo familiariter, et accipiendo ac reddendo sermonem. Quod ubi potui, et aures ejus cum familiaribus meis eo que ¹ tempore occupare cœpi, quo non dedecet alternis disserere, et protuli quædam quæ me movebant; expertus sum prius hominem expertem liberalium disciplinarum, nisi grammatice, atque ejus ipsius usitato modo. Et quia legerat aliquas Tullianas orationes, et paucissimos Senecæ libros, et nonnulla poetarum, et suæ sectæ si qua volumina latine atque composite conscripta erant, et quia aderat quotidiana

¹ *Et quoque*, juxta Er. Lugd. Ven. Lov. M.

¹ *Hæc*, juxta Er. Lugd. Ven. Lov. Flor. M.
² Sic quatuor Mss. Angl. [*Falsata, vesana superbix*] Mart. et Rond. cum Mss. nonnullis, *falsa tam*. M.

sermocinandi exercitatio : inde suppetebat eloquium, quod fiebat acceptius magisque seductorium moderamine ingenii, et quodam lepore naturali. Itane est ut recolo, Domine Deus meus, arbiter conscientiae meae? Coram te cor meum et recordatio mea, qui me tunc agebas abdito secreto providentiae tuae, et inhonestos errores meos jam convertebas ante faciem meam, ut viderem et odissem,

CAPUT VII.

Alienatur a secta Manichaeorum.

12. Nam posteaquam ille mihi imperitus earum artium, quibus eum excellere putaveram, satis apparuit, desperare coepi posse eum mihi illa quae me movebant aperire atque dissolvere; quorum quidem ignarus posset veritatem tenere pietatis, sed si manichaeus non esset. Libri quippe eorum pleni sunt longissimis fabulis, de caelo et sideribus, et sole et luna: quae mihi eum, quod utique cupiebam, collatis numerorum rationibus, quas alibi ego legeram, utrum potius ita essent ut Manichaei libris continebantur, an certe vel par etiam inde ratio redderetur, subtiliter explicare posse jam non arbitrabar. Quae tamen ubi consideranda et discutienda protuli, modeste sane ille nec ausus est subire ipsam sarcinam. Noverat enim se ista non nosse, nec eum puduit confiteri. Non erat de talibus quales multos loquaces passus eram, conantes ea me docere, et dicentes nihil. Iste vero cor habebat, etsi non rectum ad te, nec tamen nimis incautum ad seipsum. Non usquequaque imperitus erat imperitiae suae, et noluit se temere disputando in ea coarctari, unde nec exitus ei ullus, nec facilis esset reditus: etiam hinc mihi amplius placuit. Pulchrior est enim temperantia confitentis animi, quam illa quae nosse cupiebam; et eum in omnibus difficilius et subtilioribus quaestionibus talem inveniebam.

23. Refracto itaque studio quod¹ intenderam in Manichaei litteras, magisque desperans de caeteris eorum doctoribus, quando in multis quae me movebant, ita ille nominatus apparuit; coepi cum eo pro studio ejus agere vitam, quo ipse flagrabat in eas litteras, quas tunc jam rhetor Carthagini adolescentes docebam; et legere cum eo, sive quae ille audita desideraret, sive quae ipse tali ingenio apta existimarem. Caeterum conatus omnis meus, quo proficere in illa secta statueram, illo homine cognito prorsus intercidit: non ut ab eis omnino separarer, sed quasi melius quidquam non inveniens, eo quo jam quoquo modo irrueram, contentus interim esse decreveram, nisi aliquid forte quod magis eligendum esset eluceret. Ita ille Faustus, qui multis laqueus mortis extitit, meum quo captus eram relaxare jam coeperat, nec volens nec sciens. Manus enim tuae, Deus meus, in abdito providentiae tuae, non deserebant animam meam; et de sanguine cordis matris meae, per lacrymas ejus diebus ac noctibus pro me sacrificabatur tibi; et egisti mecum miris modis². Tu illud egisti,

¹ Quo juxta Rond. M.

² Miris et occultis modis, juxta Somm. Arn. cum 7 Mss., et Rond. cum 11 Mss. M.

Deus meus. Nam a Domino gressus hominis diriguntur; et viam ejus volet (*Psal.* xxxvi, 23). Aut quae procuratio salutis, praeter manum tuam, reficientem quae fecisti?

CAPUT VIII.

Proficiscitur Romam contra matris voluntatem.

14. Egisti ergo mecum ut mihi persuaderetur Romam pergere, et potius ibi docere quod docebam Carthagine. Et hoc unde mihi persuasum est¹, non praeteribo confiteri tibi; quoniam et in his altissimi tui recessus, et praesentissima in nos misericordia tua cogitanda et praedicanda est. Non ideo Romam pergere volui, quod majores quaestus, majorque mihi dignitas ab amicis, qui hoc suadebant, promittebatur; quamquam et ista ducebant animum tunc meum: sed illa erat causa maxima et pene sola, quod audiebam quietius ibi studere adolescentes, et ordinatione discipline coercitione sedari, ne in ejus scholam quo magistro non utuntur, passim et proterve irruant; nec eos admitti omnino, nisi ille permiserit. Contra, apud Carthaginem foeda est et intemperans licentia scholasticorum. Irrumpunt impudenter, et prope furiosa fronte perturbant ordinem, quem quisque discipulis ad proficiendum instituerit. Multa injuriosa faciunt mira habitudine, et puniendi legibus, nisi consuetudo patrona sit; hoc miseros eos ostendens, quo jam quasi liceat, faciunt quod per tuam aeternam legem nunquam licebit; et impune se facere arbitrantur, cum ipsa faciendi caecitate puniantur, et incomparabiliter patiantur pejora, quam faciunt. Ergo quos mores, cum studerem meos esse nolui²; eos, cum docerem, cogebam perpeti alienos: et ideo placebat ire ubi talia non fieri, omnes qui noverant, indicabant. Verum autem tu, spes mea et portio mea in terra viventium (*Psal.* cxli, 6), ad mutandum terrarum locum pro salute animae meae, et Carthagini stimulos quibus inde avellerer, admovebas, et Romae illecebras quibus attraherem, proponebas mihi per homines qui diligunt³ vitam mortuam, hinc insana facientes, inde vana pollicentes; et ad corrigendos gressus meos utebaris occulte et illorum et mea perversitate. Nam et qui perturbabant otium meum, foeda rabie caeci erant; et qui invitabant ad aliud, terram sapiebant. Ego autem qui detestabar hic veram miseriam, illic falsam felicitatem appetebam.

15. Sed quare hinc abirem, et illuc irem, tu sciebas, Deus; nec indicabas mihi nec matri, quae me profectum atrociter planxit, et usque ad mare secuta est. Sed fefelli eam violenter me tenentem, ut aut revocaret, aut mecum pergeret; et finxi me amicum nolle deserere, donec vento facto navigaret. Et mentitus sum matri, et illi matri, et evasi: quia et hoc tu dimisisti mihi misericorditer, servans me ab aquis maris, plenum exsecrandis sordibus, usque ad aquam gratiae tuae, qua me abluto siccarentur flumina mater-

¹ Sit, juxta Er. Lugd. Ven. Lov. Dub. Mart. Flor. et Rond. M.
² Codex Sorb.: Meos esse volui. Consentit Gallica versio Arn.; sed alii Cdd., etiam Arn., in latino textu habent nolui; et reipse, cum in schola rhetoris studeret Augustinus, fuit longe sedatior, ut ait supra, libro 3, cap. 3.

³ Diligebant, juxta Somm. Dub. Arn. Mart. et Rond. M.

oculorum, quibus pro me quotidie tibi rigabat sub vultu suo. Et tamen recusanti sine me re-ix persuasi ut in loco, qui proximus nostræ at, memoria beati Cypriani, maneret ea nocte. nocte clanculo ego profectus sum: illa autem re-¹ orando et flendo. Et quid a te petebat, Deus tantis lacrymis, nisi ut navigare me non sine-² ed tu alte consulens, et exaudiens cardinem de-³ ejus, non curasti quod tunc petebat, ut in me ⁴ quod semper petebat. Flavit ventus, et im-⁵ vela nostra, et littus subtraxit aspectibus no-⁶ na quo mane illa insaniebat dolore, et querelis, ac implebat aures tuas contemnentis ista ⁷; cum cupiditatibus meis raperes ad finiendas ipsas ates, et illius carnale desiderium justo dolo-⁸ gello vapularet. Amabat enim secum præsentiam more matrum, sed multis multo amplius; et ne-⁹ quid tu illi gaudiorum facturum esses de absen-¹⁰ ti. Nesciebat, ideo flebat et ejulabat, atque illis ibus arguebatur in ea reliquiarium Evæ ¹¹, cum quærens quod cum gemitu pepererat. Et ta-¹² ost accusationem fallaciarum et crudelitatis ¹³ onversa rursus ad deprecandum te pro me, ¹⁴ l solita, et ego Romam.

CAPUT IX.

Febri correptus periculose laborat.

Et ecce excipior ibi flagello ægritudinis corpo-¹ t ibam ad inferos, portans omnia mala quæ ² seram et in te, et in me, et in alios, multa et ³ super originalis peccati vinculum quo omnes ⁴ m morimur. Non enim quidquam eorum mihi ⁵ ras in Christo; nec solverat ille in cruce sua ⁶ tias quas tecum contraxeram peccatis meis. ⁷ do enim eas solveret in cruce phantasmatis, ⁸ e illo credideram? Quam ergo falsa mihi vide-⁹ mors carnis ejus, tam vera erat animæ meæ: ¹⁰ a vera erat mors carnis ejus, tam falsa vita ani-¹¹ mæ, quæ id non credebat. Et ingravescentibus ¹² is jam ibam et peribam. Quo enim irem, si tunc ¹³ irem, nisi in ignem atque tormenta digna fa-¹⁴ cis in veritate ordinis tui? Et illa hoc nesciebat, ¹⁵ en pro me orabat absens. Tu autem ubique præ-¹⁶ tibi erat exaudiebas eam; et ubi eram misere-¹⁷ .magno consensu ferunt: *non mansit*. Verior forsitan ¹⁸ st, qua filium mater significatur suis fletibus ac pre-¹⁹ rosecuta.

ut me faceres.

lemnes ista, juxta Lugd. Ven. Lov. Somm. Mart. ond. M.

restituimus ex veterrimo codice Corb., nam peccatam ¹ illis plerisque Mss. qui habent, *arguebatur in ea reli-* ² *quæ Evæ*. Quos sequuntur Bad. Am. et Er. Alii vero dum ³ emaculatum cupiunt, substituunt, *rea*, pro, *in ea*, ⁴ *re* refragantibus. Nihil dubii est quin primum vitia-⁵ rit locus ab iis quibus insolens et ignota erat vox, *reli-* ⁶ *quæ*. In qualibrariis rursus peccarunt libro Quæstionum ⁷ *ssim*, quæstione 148, ubi codices veriores præferunt ⁸ ire vestrum reliquiarium, juxta LXX *catateipsin*: non ⁹ *ss*, aut *reliquiarum* ut alii. — Codex Corb. roboratur ¹⁰ tate duorum Mss. Florentinorum. M.

legendum cum Mss. cum Bad. et et Ar., non ut Am. Er. ¹ *in carne*; tametsi hoc habeat locus Apostoli ad quem ² Augustinus. Nam hic dicere maluit, *nec solverat ille in* ³ *quia* sui recordabatur erroris quo antea cum Mani-⁴ on crucem, sed carnem Christi negaverat.

PATROL. XXXII.

baris mei, ut recuperarem salutem corporis mei, ad-¹ huc insanus corde sacrilego. Neque enim desiderabam ² in illo tanto periculo baptismum tuum; et melior eram ³ puer, quando illum de materna pietate flagitavi, sicut ⁴ jam recordatus atque confessus sum. Sed in dedecus ⁵ meum creveram, et consilia medicinæ tuæ demens ⁶ irridebam, qui me non sivistis talem bis mori. Quo ⁷ vulnere si feriretur cor matris, nunquam sanaretur. Non ⁸ enim satis eloquor quid erga me habebat animi, et ⁹ quanto majore sollicitudine me parturiebat spiritu, ¹⁰ quam carne pepererat.

17. Non itaque video quomodo sanaretur, si mea ¹ talis illa mors transverberasset viscera dilectionis ejus. ² Et ubi essent tantæ preces et tam crebræ sine inter-³ missione? Nusquam nisi ad te. An vero tu, Deus mise-⁴ ricordiarum, sperneres cor contritum et humiliatum ⁵ viduæ castæ ac sobriæ, frequentantis eleemosynas, ⁶ obsequentis atque servientis sanctis tuis, nullum diem ⁷ prætermittentis oblationem ad altare tuum; bis in ⁸ die, mane et vespere, ad ecclesiam tuam sine ulla in-⁹ termissione venientis, non ad vanas fabulas et aniles ¹⁰ loquacitates, sed ut te audiret in tuis sermonibus, et ¹¹ tu illam in suis orationibus. Hujusne tu lacrymas, qui-¹² bus non a te aurum et argentum petebat, nec aliquod ¹³ nutabile aut volubile bonum, sed salutem animæ filii ¹⁴ sui; tu cujus munere talis erat, contemneres et repel-¹⁵ leres ab auxilio tuo? Nequaquam, Domine. Imo vero ¹⁶ aderas, et exaudiebas, et faciebas ordine quo præde-¹⁷ stinaveras esse faciendum. Absit ut tu falleres eam in ¹⁸ illis visionibus et responsis tuis, quæ jam commemo-¹⁹ ravi, et quæ non commemoravi, quæ illa fidei pectore ²⁰ tenebat; et semper orans, tanquam chirographa tua ²¹ ingerebat tibi. Dignaris enim, quoniam in sæculum ²² misericordia tua, eis quibus omnia debita dimittis, ²³ etiam promissionibus tuis debitor fieri.

CAPUT X.

Errores ante susceptam Evangelii doctrinam.

18. Recreasti ergo me ab illa ægritudine, et sal-¹ vum fecisti filium ancillæ tuæ, tunc interim corpore, ut ² esset cui salutem meliorem atque certiolem dares. Et ³ jungebar etiam tunc Romæ falsis illis atque fallentibus ⁴ sanctis: non enim tantum auditoribus eorum, quorum ⁵ e numero erat etiam is in cujus domo ægrotaveram ⁶ et convalueram; sed eis etiam quos electos vocant, ⁷ adhuc enim mihi videbatur non esse nos qui pecca-⁸ mus, sed nescio quam aliam in nobis peccare natu-⁹ ram; et delectabat superbiam meam extra culpam ¹⁰ esse; et cum aliquid mali fecissem, non confiteri me ¹¹ fecisse, ut sanares animam meam, quoniam peccabat ¹² tibi; sed excusare eam amabam², et accusare nescio ¹³ quid aliud, quod mecum esset, et ego non essem. Ve-¹⁴ rum autem totum ego eram, et adversum me impie-¹⁵ tas mea me diviserat: et id erat peccatum insanabi-¹⁶ lius, quo me peccatorem non esse arbitrabar; et exse-¹⁷ crabilis iniquitas te, Deus omnipotens, te in me² ad per-

¹ Ita vetusti Cdd. ubi Lovan. habent: *Peccavi tibi; sed excu-
sare me amabam*. — *Peccabam*, juxta Som. Mart. et Rond. M.

² Lov. et antiquæ editiones *te a me*. Melius vero Mss. et ³ Arn., *te in me*, juxta Manichæorum errorem, qui Dei portio-⁴ nem in homine cum natura mali depugnare credebant.

(Vingt-trois.)

niciem meam, quam meate ad salutem malle superari, Nondum ergo posueras custodiam ori meo, et ostium continentiae circum labia mea, ut non declinaret cor meum in verba maligna, ad excusandas excusationes in peccatis cum hominibus operantibus iniquitatem; et ideo adhuc combinabam cum electis eorum ¹ *Psal.* cxi, 3, 4).

19. Sed tamen jam desperans in ea falsa doctrina me posse proficere; eaque ipsa quibus si nihil melius reperirem, contentus esse decreveram, jam remissius negligentiusque retinebam. Etenim suborta est etiam mihi cogitatio, prudentiores cæteris fuisse illos philosophos, quos Academicos appellant, quod de omnibus dubitandum esse censuerant, nec aliquid veri ab homine comprehendi posse decreverant. Ita enim et mihi liquido sensisse videbantur, ut vulgo habentur, etiam illorum intentionem nondum intelligenti. Nec dissimulavi eundem hospitem meum reprimere a nimia fiducia, quam sensi eum habere de rebus fabulosis, quibus manichæi libri pleni sunt. Amicitia tamen eorum familiariter utebar, quam cæterorum hominum qui in illa hæresi non fuissent. Nec eam defendebam pristina animositate; sed tamen familiaritas eorum, plures enim eos Roma occultat, pigrius me faciebat aliud quærere; præsertim desperantem in Ecclesia tua, Domine cæli et terræ, creator omnium visibilium et invisibilium, posse inveniri verum, unde me illi averterant: multumque mihi turpe videbatur, credere figuram te habere humanæ carnis, et membrorum nostrorum lineamentis corporalibus terminari. Et quoniam cum de Deo meo cogitare vellem, cogitare nisi moles corporum non noveram, neque enim videbatur mihi esse quidquam quod tale non esset, ea maxima et prope sola causa erat inevitabilis erroris mei.

20. Hinc enim et mali substantiam quamdam credebam esse talem, et habere suam molem tetram et deformem; sive crassam, quam terram dicebant, sive tenuem atque subtilem, sicut est aeris corpus; quam malignam mentem per illam terram repentem imaginantur. Et quia Deum bonum nullam naturam creasse, qualiscumque pietas me credere cogebat; constituebam ex adverso sibi duas moles, utramque infinitam, sed malam angustius, bonam grandius. Et ex hoc initio pestilentioso me cætera sacrilegia sequebantur. Cum enim conaretur animus meus recurrere in catholicam fidem, repercutiebar, quia non erat catholica fides quam esse arbitrabar. Et magis pius mihi videbar, si te, Deus meus, cui confitentur ex me miserationes tuæ, vel ex cæteris partibus infinitum crederem, quamvis ex una qua tibi moles mali opponeretur, cogerer finitum fateri, quam si ex omnibus partibus in corporis humani forma te opinarer finire. Et melius mihi videbar credere nullum malum te creasse; quod mihi nescienti non solum aliqua substantia, sed etiam corporea videbatur, quia et mentem

¹ Alludit ad versiculum 4 *Psal.* 140. et sequitur hic et alias lectionem quamdam LXX, quæ habet, *SUNDUASO, combinabo*: quapropter scribimus cum antiquioribus codicibus *combinabam* pro quo in aliis est, *convivebam*, aut *eombibebam*, *convivabar*, *communicabam*.

cogitare non noveram, nisi eam subtile corpus esse, quod tamen per loci spatia diffunderetur ¹; quam credere abs te esse qualem putabam naturam mali. Ipsum quoque Salvatorem nostrum unigenitum tuum, tanquam de massa lucidissimæ molis tuæ porrectum ad nostram salutem, ita putabam, ut aliud de illo non crederem, nisi quod possem vanitate imaginari. Talem itaque naturam ejus nasci non posse de Maria virgine arbitrabar, nisi carni concerneretur. Concerni autem et non inquinari non videbam, quod mihi tale figurabam. Meluebam itaque credere in carne natum, ac credere cogerer ex carne inquinatum. Nunc spirituales tui blande et amanter ridebunt me, si has confessiones meas legerint: sed tamen talis eram.

CAPUT XI.

Qualiter Augustinus contulerit cum catholicis.

21. Deinde quæ illi in Scripturis tuis reprehendantur ², defendi posse non existimabam: sed aliquando sane cupiebam cum aliquo illorum librorum doctissimo conferre singula, et experiri quid inde sentiret. Jam enim Hælpidii cujusdam adversus eosdem Manichæos coram loquentis et disserentis sermones, etiam apud Carthaginem movere me cœperant, cum talia de Scripturis proferret, quibus resisti facile non posset, et imbecilla mihi responsio videbatur istorum. Quam quidem non facile palam promebant, sed nobis secretius, cum dicerent scripturas Novi Testamenti falsatas fuisse a nescio quibus, qui Judæorum legem inserere christianæ fidei voluerunt, atque ipsi incorrupta exemplaria nulla proferrent. Sed me maxime captum et offocatum quodammodo deprimebant corporalia cogitantem moles illæ, sub quibus anhelans in auram tuæ veritatis liquidam et simplicem respirare non poteram.

CAPUT XII.

Fraus discipulorum Romæ in præceptores.

22. Sedulo ergo agere cœperam, propter quod veneram, ut docerem Romæ artem rhetoricam, et prius domi congregare aliquos, quibus et per quos innotescere cœperam; et ecce cognosco alia Romæ fieri, quæ non patiebar in Africa. Nam revera illas eversiones a perditis adolescentibus ibi non fieri manifestatum est mihi. Sed subito, inquiunt, ne mercedem magistro reddant, conspirant multi adolescentes, et transferunt se ad alium; desertores fidei, et quibus præ pecuniæ charitate justitia vilis est. Oderat etiam istos cor meum, quamvis non perfecto odio. Quod enim ab eis passurus eram, magis oderam fortasse, quam eo quod cuilibet illicita faciebant. Certe tamen turpes sunt tales, et fornicantur abs te, amando volutica ludibria temporum et lucrum luteum, quod cum apprehenditur, manum inquinat; et amplectendo mundum fugientem, contemnendo te manentem, et revocantem, et ignoscentem redeunti ad te meretrici animæ humanæ. Et nunc tales odi pravos et distortos, quamvis eos corrigendos diligam, ut pecuniæ doctrinam ipsam, quam discunt, præferant, ei vero te Deum

¹ Bad. Am. et Er., *diffunderetur abs te*. Has voces *abs te* expunxerunt Lovanienses, neque nos præterquam in Regiomontensi codice eas reperimus.

² *Reprehendebant*, juxta Marl. et Rond. M.

et ubertatem certi boni et pacem castissimam tunc eos magis pati nolebam malos propter fieri propter te bonos volebam.

CAPUT XIII.

Rhetoricam mittitur Mediolanum; ab Ambrosio suscipitur.

que posteaquam missum est a Mediolano praefectum urbis, ut illi civitati rhetoricæ provideretur, impertita etiam evectioe pu- ego ipse ambivi per eosdem ipsos manichæis ebrios, quibus ut carerem, ibam, sed nesciebam, ut dictione proposita me praefectus tunc Symmachus mitteret. Et veni- am ad Ambrosium episcopum, in optimis bi terræ, pium cultorem tuum; cujus tunc trenue ministrabant adipem frumenti tui, m olei, et sobriam vini ebrietatem po- . Ad eum autem ducebar abs te nesciens, n ad te sciens ducerer. Suscepit me paterne

Dei, et peregrinationem meam satis ep- dilexit. Et eum amare cœpi, primo quidem nam doctorem veri, quod in Ecclesia tua sperabam, sed tanquam hominem benignum studiose audiebam disputantem in populo, itione qua debui, sed quasi explorans ejus i, utrum conveniret famæ suæ, an major proflueret, quam prædicabatur: et verbis endebam intentus; rerum autem incuriosus nptor astabam; et delectabar suavitate ser- anquam eruditioris, minus tamen hilarescen- mulcentis quam Fausti erat, quod attinet ad odum. Cæterum rerum ipsarum nulla com- iam ille per manichæas fallacias aberrabat; i saluberrime docebat salutem. Sed longe atoribus salus, qualis ego tunc aderam: et opinquabam sensim et nesciens ¹.

CAPUT XIV.

Ambrosio paulatim ab erroribus resipiscit.

n enim non satagerem discere quæ dicebat, m quemadmodum dicebat audire (ea mihi s. Angl. cum nostris. At Am. Er. Lov., et nescivi. is., et nesciebam.

io, quod aliis diploma, facultas erat usurpandi cur- i, quem privato cuilibet usurpare haud licuisset. b Honorio data ferebat: « Ne quis sibi deinceps publicum privatus usurpet, nisi cum aut a nobis ; aut a clementiæ nostræ veneratione discedit. » us Capitolinus, in Pertinace, quod is « tunc præfe- rtis, in Syriam profectus, T. Aurelio imperatore, le Syriæ quia sine diplomatibus cursum usurpa-

quippe jam desperanti ad te viam patere homini, inanis cura remanserat), veniebant in animum meum simul cum verbis quæ diligebam, res etiam quas negligebam. Neque enim ea dirimere poteram. Et dum cor aperi- rem ad excipiendum ¹ quam diserte diceret, pariter intrabat et quam vere diceret, gradatim quidem. Nam primo etiam ipsa defendi posse mihi jam cœperant videri, et fidem catholicam, pro qua nihil posse dici adversus oppugnantes Manichæos putaveram, jam non impudenter asseri existimabam; maxime au- dito uno atque altero, et sæpius ænigmate soluto de Scriptis veteribus: ubi, cum ad litteram acciperem, occidebar ². Spiritualiter itaque plerisque illorum librorum expositis locis, jam reprehendebam despera- tionem meam, illam duntaxat qua credideram Legem et Prophetas detestantibus atque iridentibus resisti omnino non posse. Nec tamen jam ideo mihi catholi- cam viam tenendam esse sentiebam, quia et ipsa po- terat habere doctos assertores suos qui copiose et non absurde objecta refellerent; nec ideo jam damnandum illud quod tenebam, quia defensions partes æquaban- tur. Ita enim Catholica non mihi victa videbatur, ut nondum etiam victrix appareret.

25. Tunc vero fortiter intendi animum, si quo modo possem certis aliquibus documentis Manichæos con- vincere falsitatis. Quod si possem spirituales substan- tiam cogitare, statim machinamenta illa omnia sol- verentur et abjicerentur ex animo meo; sed non pote- ram. Verumtamen de ipso mundi hujus corpore, omnique natura quam sensus carnis attingeret, multa probabiliora plerosque sensisse philosophos, magis magisque considerans atque comparans, judicabam. Itaque Academicorum more, sicut existimantur, dubi- tans de omnibus; atque inter omnia fluctuans, Mani- chæos quidem relinquendos esse decrevi: non arbi- trans eo ipso tempore dubitationis meæ in illa secta mihi permanendum esse, cui jam nonnullos phi- losophos præponebam; quibus tamen philosophis, quod sine nomine salutari Christi essent, cura- tionem languoris animæ meæ committere omnino recusabam. Statui ergo tamdiu esse catechumenus in catholica Ecclesia mihi a parentibus commendata, donec aliquid certi eluceret quo cursum dirigerem.

¹ Lov., *deciendum*.

² Somm. et Rond. *occidebar spiritualiter. Itaque M.*

« verat, pedibus ab Antiochia ad legationem suam iter facere » coactus est. »

LIBER SEXTUS.

n Monnica ipsius mater Mediolanum advenisset, ipseque annum ætatis ageret trigesimum, Ambrosii concioni- citus, catholicæ doctrinæ veritatem, quam Manichæi falso insimulabant, magis magisque intelligebat. Alypii mores prosequitur. In diversa rapiiebatur, dum de vita melius instituenda deliberaret; mortis quoque ac ju- percussus, ad vitæ conversionem in dies accendebatur.

CAPUT PRIMUM.

Augustinus nec manichæus nec catholicus.

i mea a juventute mea, ubi mihi eras, et veras? An vero non tu feceras me, et discre-

veras me a quadrupedibus et volatilibus cœli? Sapien- tiorem me feceras, et ambulabam per tenebras et lu- bricum, et quærebam te foris a me, et non inveniebam Deum cordis mei; et veneram in profundum maris,

et diffidebam et desperabam de inventione veri. Jam venerat ad me mater pietate fortis, terra marique me sequens, et in periculis omnibus de te segura. Nam et per marina discrimina ipsos nautas consolabatur, a quibus rudes abyssi viatores, cum perturbantur, consolari solent; pollicens eis perventionem cum salute, quia hoc ei tu per visum pollicitus eras. Et invenit me periclitantem quidem graviter desperatione indagandæ veritatis. Sed tamen ei cum indicassem, non me quidem jam esse manichæum, sed neque catholicum christianum, non quasi inopinatum aliquid audierit, exsilivit lætitia; cum jam segura fieret ex ea parte miseræ meæ, in qua me tanquam mortuum sed resuscitandum tibi flebat, et feretro cogitationis efferebat, ut diceret filio viduæ: *Juvenis tibi dico, surge*; et revivisceret et inciperet loqui, et traderes illum matri suæ (*Luc. vii, 14, 15*). Nulla ergo turbulenta exultatione trepidavit cor ejus, cum audisset ex tanta parte jam factum quod tibi quotidie plangebatur ut fieret; veritatem me nondum adeptum, sed falsitati jam ereptum: imo vero quia certa erat, et quod restabat te daturum, qui totum promiseras; placidissime et pectore pleno fiduciæ respondit mihi, credere se in Christo, quod priusquam de hac vita emigraret, me visura esset fidelem catholicum. Et hoc quidem mihi. Tibi autem, fons misericordiarum, preces et lacrymas densiores ¹, ut accelerares adjutorium tuum, et illuminares tenebras meas; et studiosius ad Ecclesiam currere, et in Ambrosium ² ora suspendi, ad fontem salientis aquæ in vitam æternam (*Joan. iv, 14*). Diligebat autem illum virum sicut angelum Dei, quod per illum cognoverat me interim ad illam ancipitem fluctuationem jam esse perductum, per quam transiturum me ab ægrotudine ad sanitatem, intercurrente arctiore periculo ³, quasi per accessionem quam criticam medici vocant, certa præsumebat.

CAPUT II.

Epulæ et synaxis apud sepulcra martirum.

2. Itaque cum ad memorias sanctorum, sicut in Africa solebat, pultes et panem et merum attulisset atque ab ostiario prohiberetur; ubi hoc episcopum vetuisse cognovit, tam pie atque obedienter amplexa est, ut ipse mirarer ⁴ quam facile accusatrix potius consuetudinis suæ (a), quam disceptatrix illius prohibitionis effecta sit. Non enim obsidebat spiritum ejus vinolentia, eamque stimulabat in odium veri amor vini, sicut plerosque mares et feminas, qui ad canticum sobrietatis, sicut ad potionem aquatam madidi nauseant. Sed illa cum attulisset canistrum cum solemnibus epulis prægustandis atque largiendis, plus

¹ In codice Alb. additur, *fundere*.

² Ita potiores Mss. At Edd. *curremet in Ambrosii*.

³ *Acriore periculo*, juxta Er. Lugd. Ven. et Lov. M.

⁴ Sic Mss. et Am. Er. Arn.; at Bad. et Lov., *miraretur*.

(a) Consuetudinem de qua hic agitur, tota licet Africa pridem receptam, quoniam in comessationes et ebrietates deflexerat, rescindere similiter aggreditur Augustinus, et ea de re scribit Epist. 12. ad Aurelium Carthaginensem. Quinetiam Hipponensem Ecclesiam ipse nondum episcopus ad nocce more penitus revocat, sicuti fidem facit Epist. 29. ad Alypium.

etiam quam unum pocillum ¹ pro suo palato satis sobrio temperatum, unde dignationem sumeret, non ponebat. Et si multæ essent, quæ illo modo videbantur honorandæ, memoriæ defunctorum; idem ipsum unum, quod ubique poneret, circumferebat; quo jam non solum aquatissimo, sed etiam tepidissimo ² cum suis præsentibus per sorbitiones exiguas partiretur: quia pietatem ibi quærebat, non voluptatem. Itaque ubi comperit a præclaro prædicatore atque antistite pietatis, præceptum esse ista non fieri, nec ab eis qui sobrie facerent, ne ulla occasio se ingurgitandi daretur ebriosis, et quia illa quasi parentalia superstitioni gentilium essent simillima; abstinuit se libentissimo: et pro canistro pleno terrenis fructibus, plenum purgatoribus votis pectus ad memorias martyrum afferre didicerat; ut et quod posset daret egentibus, et sic communicatio Dominici corporis illic celebraretur, cujus passionis imitatione immolati et coronati sunt martyres. Sed tamen videtur mihi, Domine Deus meus, et ita est in conspectu tuo de hac re cor meum, non facile fortasse de hac amputanda consuetudine matrem meam fuisse cessuram, si ab alio prohiberetur, quem non sicut Ambrosium diligebat, quem propter salutem meam maxime diligebat; eam vero ille propter ejus religiosissimam conversationem, qua in bonis operibus tam fervens spiritu frequentabat ecclesiam: ita ut sæpe erumperet, cum me videret, in ejus prædicationem ³, gratulans mihi quod talem matrem haberem; nesciens qualem illa me filium, qui dubitabam de illis omnibus, et inveniri posse viam vitæ minime putabam.

CAPUT III.

Occupationes et studia Ambrosii.

3. Nec jam ingemiscebam orando ut subvenires mihi; sed ad quærendum intentus, et ad disserendum inquietus erat animus meus. Ipsumque Ambrosium felicem quemdam hominem secundum sæculum opinabar, quem sic tantæ potestates honorarent; cælibatus tantum ejus mihi laboriosus videbatur. Quid autem ille spei gereret, et adversus ipsius excellentiæ tentamenta quid luctaminis haberet, quidve solaminis in adversis, et occultum os ejus quod erat in corde ejus, quam sapida gaudia de pane tuo ruminaret; nec conjicere noveram, nec expertus eram: nec ille sciebat æstus meos, nec foveam periculi mei. Non enim quærere ab eo poteram quod volebam, sicut volebam, secludentibus me ab ejus aure atque ore catervis negotiosorum hominum, quorum infirmitatibus serviebat. Cum quibus quando non erat, quod per exiguum temporis erat, aut corpus reficiebat necessariis sustentaculis, aut lectione animum. Sed cum legebat, oculi ducebantur per paginas, et cor intellectum rimabatur, vox autem et lingua quiescebant. Sæpe cum adessemus, non enim vetabatur quisquam ingredi, aut ei venientem nuntiari mos erat; sic eum

¹ Am. et Er., *pocillum*.

² Somm. Arn. Dub. Flor. et Rond.: *Quod...aquatissimum... tepidissimum*; alias: *Quod jam non solum aquatissimo*. M.

³ Lov. Somm. Blas. habent: *In ejus prædicatione*.

vidimus tacite, et aliter nunquam: sedenditurno silentio (quis enim tam intento esse leret?) discedebamus, et conjectabamus eum o tempore, quod reparandæ menti suæ nant, feriatum ab strepitu causarum alienarum, aliud avocari; et cavere fortasse ne auditore et intento, si qua obscurius posuisset ille geret, etiam exponere necesse esset; aut de difficilioribus disceptare quæstionibus, atque i temporibus impensis, minus quam vellet im evolveret: quanquam et causa servandæ æ illi facillime obtundebatur, poterat esse cite legendi. Quolibet tamen animo id agentique ille vir agebat.

certe mihi nulla dabatur copia sciscitandebam de tam sancto oraculo tuo pectore ilcum aliquid breviter esset audiendum. Astus i mei otiosum eum valde, cui refunderentur, nt, nec unquam inveniebant. Et cum quidem) verbum veritatis recte tractantem omni die audiebam; et magis magisque mihi conir omnes versutarum calumniarum nodos, deceptores nostri adversus divinos Libros nt, posse dissolvi. Ubi vero etiam comperinem tuam hominem a te factum, a spirituas tuis quos de matre Catholica per gratiam sti, non sic intelligi ut humani corporis terminatum crederent atque cogitarent: m quomodo se haberet spiritualis substantia, m tenuiter atque in ænigmate suspicabar; audens erubui non me tot annos adversus m fidem, sed contra carnalium cogitationum latrasse. Eo quippe temerarius et impius quod ea quæ debebam quærendo discere ¹ o dixeram. Tu enim, altissime et proxime, me et præsentissime, cui membra non sunt ora et alia minora, sed ubique totus es, et locorum es; non es utique forma ista coramen fecisti hominem ad imaginem tuam; et a capite usque ad pedes in loco est.

CAPUT IV.

tam Ecclesiæ Ambrosio concionante intelligit.
na ergo nescirem quomodo hæc subsisteo tua, pulsans ² proponerem quomodo creesset, non insultans opponerem quasi ita creisset: tanto igitur acrior cura rodebat intima d certi retinerem, quanto me magis pudebat illum et deceptum promissione certorum, rrore et animositate, tam multa incerta quasi rrisse. Quod enim falsa essent, postea mihi Certum tamen erat quod incerta essent, et a iando pro certis habita fuissent, cum Cathoam cæcis contentionibus accusarem, etsi nonapertam vera docentem, non tamen ea doquæ graviter accusabam. Itaque confundebar, tebar: et gaudebam, Deus meus, quod Ec-

ficere.

gendum cum Mss. et Somm. Arn., non quemadmodum. et cæteri editi habent, *pulsansque.*

clesia ¹ unica corpus Unici tui, in qua mihi nomen Christi infanti est inditum, non saperet infantiles nugæ; neque hoc habere in doctrina sua sana, quod te creatorem omnium in spatium loci quamvis summum et amplum, tamen undique terminatum membrorum humanorum figura contruderet.

6. Gaudebam etiam quod vetera scripta Legis et Prophetarum jam non illo oculo mihi legenda proponerentur, quo antea videbantur absurda, cum arguebam tanquam ita sentientes sanctos tuos; verum autem non ita sentiebant: et tanquam regulam diligentissime commendaret, sæpe in popularibus sermonibus suis dicentem Ambrosium lætus audiebam, *Littera occidit; spiritus autem vivificat* (II Cor. III, 6): cum ea quæ ad litteram perversitatem docere videbantur, remoto mystico velamento spiritualiter aperiret, non dicens quod me offenderet, quamvis ea diceret, quæ utrum vera essent adhuc ignorarem. Tenebam enim cor meum ab omni assensione, timens præcipitium; et suspendio magis necabar. Volebam enim eorum quæ non viderem ita me certum fieri, ut certus essem quod septem et tria decem sint. Neque enim tam insanus eram, ut ne hoc quidem putarem posse comprehendere; sed sicut hoc, ita cætera cupiebam, sive corporalia quæ coram sensibus meis non adessent; sive spiritualia, de quibus cogitare nisi corporaliter nesciebam. Et sanari credendo poteram. ut purgatior acies mentis meæ dirigeretur aliquo modo in veritatem tuam semper manentem, et ex nullo deficientem. Sed sicut evenire assolet ut malum medicum expertus, etiam bono timeat se committere; ita erat valetudo animæ meæ, quæ utique nisi credendo sanari non poterat, et ne falsa crederet, curari recusabat; resistens manibus tuis, qui medicamenta fidei confecisti, et sparsisti super morbos orbis terrarum, et tantam illis auctoritatem tribuisti.

CAPUT V.

De sacrorum Librorum auctoritate et necessario usu.

7. Ex hoc tamen quoque jam præponens doctrinam catholicam, modestius ibi minimeque fallaciter sentiebam juberi ut crederetur quod non demonstrabatur (sive esset quid, sed cui forte non esset; sive nec quid esset), quam illic temeraria pollicitatione scientiæ credulitatem irrideri; et postea tam multa fabulosissima et absurdissima, quia demonstrari non poterant, credenda imperari. Deinde paulatim tu, Domine, manu mitissima et misericordissima pertractans et componens cor meum, consideranti quam innumerablem crederem quæ non viderem ², neque cum gererentur adfuissem; sicut tam multa in historia gentium, tam multa de locis atque urbibus quæ non videram, tam multa amicis, tam multa medicis, tam multa hominibus aliis atque aliis; quæ nisi crederentur, omnino in hac vita nihil ageremus; postremo, quam inconcusse fixum fide retinerem, de quibus pa-

¹ Post vocem, *Ecclesia*, additur in Edd. *tua*, quæ vox abest a Mss.

² *Videram*, juxta Mart. M.

rentibus ortus essem, quod scire non possem, nisi audiendo credidissem: persuasisti mihi, non qui crederent Libris tuis, quos tanta in omnibus fere gentibus auctoritate fundasti; sed qui non crederent esse culpandos, nec audiendos esse, si qui forte mihi dicerent: Unde scis illos Libros unius veri et veracissimi Dei spiritu esse humano generi ministratos? Idipsum enim maxime credendum erat, quoniam nulla pugnantia calumniosarum quæstionum, per tam multa quæ legeram inter se confligentium philosophorum, extorquere mihi potuit ut aliquando non crederem, te esse quidquid esses quod ego nescirem; aut administrationem rerum humanarum ad te pertinere.

8. Sed id credebam aliquando robustius, aliquando exilius; semper tamen credidi et esse te, et curam nostri gerere; etiamsi ignorabam vel quid sentiendum esset de substantia tua, vel quæ via duceret aut reduceret ad te. Ideoque cum essemus infirmi ad invenendam liquida ratione veritatem, et ob hoc nobis opus esset auctoritate sanctarum Litterarum, jam credere cœperam nullo modo te fuisse tributurum tam excellentem illi Scripturæ per omnes jam terras auctoritatem, nisi et per ipsam tibi credi, et per ipsam te quæri voluisses. Jam enim absurditatem quæ me in illis Litteris solebat offendere, cum multa ex eis probabiliter exposita audissem, ad sacramentorum altitudinem referebam: eoque mihi illa venerabilior et sacrosancta fide dignior apparebat auctoritas, quo et omnibus ad legendum esset in promptu, et secreti sui dignitatem in intellectu profundiore servaret; verbis apertissimis et humillimo genere loquendi se cunctis præbens, et exercens intentionem eorum, qui non sunt leves corde: ut exciperet omnes populari sinu, et per angusta foramina paucos ad te trajiceret, multo tamen plures, quam si nec tanto apice auctoritatis emereret, nec turbas gremio sanctæ humilitatis hauriret. Cogitabam hæc, et aderas mihi; suspirabam, et audiebas me: fluctuabam, et gubernabas me; ibam per viam sæculi latam, nec deserebas.

CAPUT VI.

De miseria ambitiosorum, adducto exemplo mendici lætantis.

9. Inhiabam honoribus, lucris, conjugio; et tu irridebas. Patiebar in eis cupiditatibus amarissimas difficultates, te propitio tanto magis, quanto minus sinebas mihi dulcescere quod non eras tu. Vide cor meum, Domine, qui voluisti ut hoc recorderer et confiterer tibi. Nunc tibi inhæreat anima mea, quam de visco tam tenaci mortis exuisti. Quam misera erat! et sensum vulneris tu pungebas, ut relictis omnibus converteretur ad te qui es super omnia, et sine quo nulla essent omnia; converteretur, et sanaretur. Quam ergo miser eram, et quomodo egisti ut sentirem miseriam meam, die illo quo cum pararem recitare Imperatori laudes (a), quibus plura mentirer, et men-

(a) Fortean Valentiniano minori, quia ejus «comitatus apud «Mediolanum,» ex Possidio cap. 4, «tum erat constitutus,» cum ibi rhetoricam profitebatur Augustinus; qui præterea lib. 3 contra Petilianum Litt., cap. 25, scribit se in eadem urbe «Bautoni consuli calendis januarii laudem pro sua tunc rhetorica professione recitasse.»

tienti faveretur ab scientibus, easque curas anhæret cor meum, et cogitationum tabificarum febribus æstualet; transiens per quemdam vicum Mediolanensem, animadverti pauperem mendicum, jam credo saturum, jocantem atque lætantem: et ingemui, et locutus sum cum amicis qui mecum erant, multos dolores insaniarum nostrarum, quia omnibus talibus conatibus nostris, qualibus tunc laborabam, sub stimulis cupiditatum trahens infelicitatis mœæ sarcinam, et trahendo exaggerans, nihil vellemus aliud nisi ad securam lætitiæ pervenire, quo nos mendicus ille jam præcessisset, nunquam fortasse illuc venturos! Quod enim jam ille pauculis et emendicatis nummulis adeptus erat, ad hoc ego tam ærumnosis anfractibus et circuitibus ambiebam, ad lætitiæ scilicet temporalis felicitatis. Non enim verum gaudium habebat, sed et ego illis ambitionibus multo falsius quærebam. Et certe ille lætabatur, ego anxius eram; securus ille, ego trepidus. Et si quisquam percontaretur me, utrum mallet exultare an metuere; responderem, Exultare. Rursus si interrogaret, utrum me talem mallet qualis ille, an qualis ego tunc essem; meipsum curis timoribusque confectum eligerem: sed perversitate; numquid veritate? Neque enim eo me præponere illi debebam, quo doctior eram, quoniam non inde gaudebam, sed placere inde quærebam hominibus; non ut eos docerem, sed tantum ut placerem. Propterea et ut baculo disciplinæ tuæ confringebas ossa mea.

10. Recedant ergo ab anima mea qui dicunt ei: Interest unde quis gaudeat. Gaudebat mendicus ille vinolentia; tu gaudere cupiebas gloria. Qua gloria, Domino? Quæ non est in te. Nam sicut illud verum gaudium non erat, ita nec illa vera gloria; et amplius vertebat mentem meam. Et ille ipsa nocte digesturus erat ebrietatem suam; ego cum mea dormieram et surrexeram, et dormiturus et surrecturus eram; vide quot diebus. Interest vero unde quis gaudeat, scio, et gaudium spei fidelis incomparabiliter distat ab illa vanitate; sed et tunc distabat inter nos. Nimirum quippe ille felicius erat, non tantum quod hilaritate perfundebatur, cum ego curis eviscerarer; verum etiam, quod ille bene optando acquisiverat vinum, ego mentiendo quærebam typhum. Dixi tunc multa in hac sententia charis meis, et sæpe advertebam in his quomodo mihi esset; et inveniabam male mihi esse, et dolebam et conduplicabam ipsum male. Et si quid arrisisset prosperum, tædebat apprehendere, quia pene priusquam teneretur, avolabat.

CAPUT VII.

Alypium a Circensium insania convertit.

11. Congemiscebamus in iis qui simul amice vivebamus, et maxime ac familiarissime cum Alypio et Nebridio ista colloquebar; quorum Alypius ex eodem, quo ego, ortus erat municipio, parentibus primatibus municipalibus, me minor natu. Nam et studuerat apud me, cum in nostro docere cœpi oppido, et postea Carthagini: et diligebat me multum, quod ei bonus et doctus viderer; et ego illum, propter magnam virtutis indolem, quæ in non magna ætate sati-

at. Gurges tamen morum Carthaginiensium, nugatoria fervent spectacula, absorbuerat insaniam Circensium: sed cum in eo miser voveretur, ego autem rhetoricam ibi pro publica schola uterer, nondum me audiebat utrum, propter quamdam simultatem quæ inter patrem ejus erat exorta, et compereram quod exitiabiliter amaret, et graviter angebar, tantam spem perditurus, vel etiam perdidisse videbatur. Sed monendi eum et aliqua coercivocandi nulla erat copia, vel amicitiae benevolentia, vel jure magisterii. Putabam enim eum de patre sentire; ille vero non sic erat. Itaque sita in hac re patris voluntate, salutare meum, veniens in auditorium meum, et audire aliquid abire.

Sed enim de memoria mihi lapsum erat agere, ne vanorum ludorum cæco et præcipiti studio bonum interimeret ingenium. Verum autem, tu qui præsidens gubernaculis omnium quæ non eum oblitus eras futurum inter filios tuos em sacramenti tui; et ut aperte tibi tribueris correctio, per me quidem illam, sed neminem operatus es. Nam quodam die cum sederem lito, et coram me adessent discipuli, venit, et sedit, atque in ea quæ agebantur animum tui: et forte lectio in manibus erat, quam dum rem, et opportune mihi adhibenda videretur modo Circensium, quo illud quod insinuabam et minus et planius fieret, cum irrisione mordaci quos illa captivasset insania: tu scis, Deus quod tunc de Alypio ab illa peste sanando cogitaverim. At ille in se rapuit, meque illud tui propter se dixisse credidit. Et quod alius et ad succensendum mihi, accepit honestus ens ad succensendum sibi, et ad me ardentius lum. Dixeras enim tu jam olim, et innexueras tuis: *Corripe sapientem, et amabit te* (Prov. ix, ego illum jam non corripueram; sed utens tuis, et scientibus et nescientibus, ordine quo tui ille ordo justus est, de corde et lingua mea ens ardentem operatus es, quibus mentem spei dureres tabescentem, ac sanares. Taceat laus qui miserationes tuas non considerat, quæ medullis meis confitentur. Etenim ille post illa proripuit se ex fovea tam alta, qua libenter rebatur, et cum miserabili voluptate cæcaba-excussit animum forti temperantia, et resiliomnes Circensium sordes ab eo, ampliusque in accessit. Deinde patrem recludentem evicit, magistro uteretur; cessit ille atque concessit. re me rursus incipiens, illa mecum superstitivolutus est, amans in Manichæis ostentationinentiæ quam veram et germanam putat autem illa vecors et seductoria, pretiosas captans, nondum virtutis altitudinem scientes, et superficie decipi faciles, sed tamen adumbratæque virtutis.

Ms. Angl. : *Cum mira voluptate.*

CAPUT VII.

Alypius capitur insania ludorum gladiatoriorum, a quibus antea abhorruerat.

13. Non sane relinquens incantatam sibi a parentibus terrenam viam, Romam præcesserat, ut jus disceret; et ibi gladiatorii spectaculi hiatu incredibili et incredibiliter abreptus est. Cum enim aversaretur et detestaretur talia, quidam ejus amici et condiscipuli, cum forte de prandio redeuntibus pervius esset¹, recusantem vehementer et resistentem, familiari violentia duxerunt in amphitheatrum, crudelium et funestorum ludorum diebus, hæc dicentem: *Si corpus meum in illum locum trahitis, et ibi constituitis; numquid et animum et oculos meos in illa spectacula potestis intendere? Adero itaque absens, ac sic et vos et illa superabo.* Quibus auditis, illi nihilo scius eum adduxerunt secum, idipsum forte explorare cupientes, utrum posset efficere. Quo ubi ventum est, et sedibus quibus potuerunt locati sunt, fervebant omnia immanissimis voluptatibus. Ille clausis foribus oculorum, interdixit animo ne in tanta mala procederet; atque utinam et aures obturavisset! Nam quodam pugnae casu, cum clamor ingens totius populi vehementer eum pulsasset, curiositate victus et quasi paratus quidquid illud esset, etiam visum contemnere et vincere, aperuit oculos; et percussus est graviore vulnere in anima, quam illi in corpore, quem cernere concupivit, ceciditque miserabilius quam ille quo cadente factus est clamor qui per ejus auras intravit, et reseravit ejus lumina, ut esset qua feriretur et deiceretur audax adhuc potius quam fortis animus, et eo infirmior quo de se præsumperat, qui debuit de te. Ut enim vidit illum sanguinem, immanitatem simul ebibit, et non se avertit, sed fixit aspectum; et hauriebat furias, et nesciebat, et delectabatur scelere certaminis, et cruenta voluptate inebriabatur. Et non erat jam ille qui venerat, sed unus de turba ad quam venerat, et verus eorum socius, a quibus adductus erat. Quid plura? Spectavit, clamavit, exarsit, abstulit inde secum insaniam qua stimularetur redire, non tantum cum illis a quibus prius abstractus est; sed etiam præ illis, et alios trahens. Et inde tamen manu validissima et misericordissima eruisti eum tu, et docuisti non sui habere, sed tui fiduciam; sed longe postea.

CAPUT IX.

Alypius ut fur apprehenditur.

14. Verumtamen jam hoc ad medicinam futuram in ejus memoria reponeretur. Nam et illud, quod cum adhuc studeret jam me audiens apud Carthaginem, et medio die cogitaret in foro quod recitaturus erat, sicuti exerceri scholastici solent, sivistis eum comprehendi ab æditimis fori tanquam furem. Non arbitrator aliam ob causam te permisisse, Deus noster, nisi ut ille vir tantus futurus jam inciperet discere, quam non facile in dignoscendis causis homo ab homine damnandus esset temeraria credulitate. Quippe

¹ *Obvius esset*, juxta Er. Lugd. Ven. Lov. Mart. *Per viam obvius esset*, juxta Somm. et Rond. M.

ante tribunal deambulabat solus cum tabulis ac stilo, cum ecce adolescens quidam ex numero scholasticorum fur verus, securim clanculo apportans, illo non sentiente ingressus est ad cancellos plumbeos qui vico argentario desuper præminent, et præcidere plumbum cœpit. Sono autem securis audito submuraverunt argentarii qui subter erant, et miserunt qui apprehenderent quem forte invenissent. Quorum vocibus auditis, relicto instrumento ille discessit, timens ne cum eo teneretur. Alypius autem qui non viderat intrantem, exeuntem sensit, et celeriter vidit abeuntem: et causam scire cupiens ingressus est locum, et inventam securim stans atque admirans considerabat. Cum ecce illi qui missi fuerant, reperiunt eum solum ferentem ferrum cujus sonitu exciti venerant: tenent, attrahunt; congregatis inquilinis fori, tanquam furem manifestum se comprehendisse gloriantur, et inde offerendus judici ducebatur.

15. Sed hactenus docendus fuit. Statim enim, Domine, subvenisti innocentie cujus testis eras tu solus. Cum enim duceretur vel ad custodiam, vel ad supplicium, sit eis obviam quidam architectus cujus maxima erat cura publicarum fabricarum. Gaudet illi eum potissimum occurrisse, cui solebant in suspicionem venire ablatarum rerum quæ perissent de foro, ut quasi tandem ille cognosceret a quibus hæc fierent. Verum autem viderat homo sæpe Alypium in domo cujusdam senatoris ad quem salutandum ventitabat: statimque cognitum manu apprehensa semovit a turbis, et tanti mali causam quærens, quid gestum esset audivit: omnesque tumultuantes qui aderant et minaciter frementes jussit venire secum. Et venerunt ad domum illius adolescentis qui rem commiserat. Puer vero erat ante ostium, et tam parvus erat ut nihil exinde domino suo metuens, facile posset totum indicare: cum eo quippe in foro fuit pedisequus. Quem posteaquam recoluit Alypius, architecto intimavit. At ille securim demonstravit puero, quærens ab eo cujus esset. Qui confestim, Nostra, inquit: deinde interrogatus aperuit cætera. Sic in illam domum translata causa, confusisque turbis quæ de illo triumphare jam cœperant, futurus dispensator verbi tui, et multarum in Ecclesia tua causarum examinatus, experientior instructorque discessit.

CAPUT X.

De integritate Alypii et adventu Nebridii.

16. Hunc ergo Romæ inveneram, et adhæsit mihi fortissimo vinculo, mecumque Mediolanum profectus est, ut nec me desereret, et de jure quod didicerat aliquid ageret, secundum votum magis parentum quam suum. Et ter¹ jam assederat mirabili continentia cæteris, cum ille magis miraretur eos qui aurum innocentie præponerent. Tentata est quoque ejus indoles, non solum illecebra cupiditatis, sed etiam stimulo ti-

¹ Bad. Am. Er. et Blas., *et ibi*. Lov. Somm., *et inter hæc*; at Mss. plures potioresque cum Arn. habent: *Et ter jam assiderat*. Prætulimus; nam Alypius tertium unctus assessoris munere dicitur etiam postea lib. 8, c. 6: *Mecum erat Alypius*, inquit August., *otiosus ab opere juris peritorum post assessoriam tertiam, exspectans quibus iterum consilia venderet*.

moris. Romæ assidebat comiti largitionum Italicianarum¹. Erat eo tempore quidam potentissimus senator, cujus et beneficiis obstricti multi et terrori subditi erant. Voluit sibi licere nescio quid ex more potentie suæ, quod esset per leges illicitum; restitit Alypius; promissum est præmium; irrisit animo: prætentæ minæ; calcavit: mirantibus omnibus inusitatum animam, quæ hominem tantum, et innumerabilibus præstandi nocendique modis ingenti fama celebratum vel amicum non optaret, vel non formidaret inimicum, Ipse autem judex, cui consiliarius erat, quamvis et ipse fieri nollet, non tamen aperte recusabat: sed in istum causam transferens, ab eo se non permitti assererat; quia et revera si ipse faceret, iste discederet. Hoc solo autem pene jam illectus erat studio literario, ut pretiis prætorianis codices sibi conficiendos curaret: sed consulta justitia deliberationem in melius vertit; utiliore judicans æquitatem qua prohibebatur, quam potestatem qua sinebatur. Parvum est hoc; sed qui in parvo fidelis est, et in magno fidelis est. Nec ullo modo erit inane, quod de tuæ Veritatis ore processit: *Si in injusto mammona fideles non fuistis; quod vcrum est, quis credet vobis? Et si in alieno fideles non fuistis; quod vestrum est, quis dabit vobis?* (Luc. xvi, 10-12.) Talis ille tunc inhærebat mihi, mecumque natabat in consilio, quisnam esset tenendus vitæ modus.

17. Nebridius etiam qui relicta patria vicina Carthagini, atque ipsa Carthagine ubi frequentissimus erat, relicto rure paterno optimo, relicta domo et non secutura matre, nullam ob aliam causam Mediolanum venerat, nisi ut mecum viveret in flagrantissimo studio veritatis atque sapientiæ: pariter suspirabat, pariterque fluctuabat, beatæ vitæ inquisitor ardens, et quæstionum difficillimarum scrutator acerrimus. Et erant ora trium egentium, et inopiam suam sibimet invicem anhelantium, et a te expectantium, ut dares eis escam in tempore opportuno. Et in omni amaritudine quæ nostros sæculares actus de misericordia tua sequebatur, intuentibus nobis finem cur ea pateremur, occurrebant tenebræ; et aversabamur² gementes, et dicebamus: *Quamdiu hæc? Et hoc crebro dicebamus; et dicentes non relinquebamus ea; quia non elucebat certum aliquid quod illis relictis apprehenderemus.*

CAPUT XI.

Anxius Augustinus de instituenda vita deliberat.

18. Et ego maxime mirabar, satagens et recolens, quam longum tempus esset ab undevigesimo anno ætatis meæ, quo fervere cœperam studio sapientiæ; disponens, ea inventa, relinquere omnes vanarum cupiditatum spes inanes et insanias mendaces: et ecce jam tricenariam ætatem gerebam, in eodem luto hæsitans aviditate fruendi præsentibus, fugientibus et dissipantibus me, dum dico: *Cras inveniam; ecce manifestum apparebit, et tenebo: ecce Faustus veniet et exponet omnia. O magni viri Academici! nihil ad*

¹ Apud Lov. *Italicarum*; at in vetustis Cdd. *Italicianarum*. uti scribitur etiam in Notitia dignitatum Imperii, et ab iis qui de Comite largitionibus in faciendis præ lecto agunt.

² In B. *aversabamur*. Juxta Er. Lugd. Ven. Lov. Somm. Arn. Dub. Mart. Flo. et Rond., *aversabamur*. M.

agendam vitam certi comprehendi potest. Imo quæramus diligentius, et non desperemus. Ecce jam non sunt absurda in Libris ecclesiasticis quæ absurda videbantur, et possunt aliter atque honeste intelligi. Figam pedes in eo gradu in quo puër a parentibus positus eram, donec inveniatur perspicua veritas. Sed ubi quæretur? quando quæretur? Non vacat Ambrosio, non vacat legere. Ubi ipsos codices quærimus? unde, aut quando comparamus? a quibus sumimus? Deputentur tempora, distribuantur horæ pro salute animæ. Magna spes oborta est: non docet catholica fides quod putabamus, et vani accusabamus; nefas habent docti ejus credere Deum figura humani corporis terminatum: et dubitamus pulsare quo aperiantur cætera? Antemeridianis horis¹ discipuli occupant: cæteris quid facimus? cur non id agimus? Sed quando salutamus amicos majores, quorum suffragiis opus habemus? quando præparamus quod emant scholastici? quando reparamus nos ipsos, animum relaxando ab intentione curarum?

19. Pereant omnia, et dimittamus hæc vana et inania: conferamus nos ad solam iuquisitionem veritatis. Vita hæc misera est; mors incerta. Si subito obrepat, quomodo hinc exhibimus? et ubi nobis discenda sunt quæ hic negleximus? An non potius hujus negligentiae supplicia luenda sunt? Quid, si mors ipsa omnem curam cum sensu amputabit et finiet? Ergo et hoc quærendum. Sed absit ut ita sit. Non vacat, non est inane quod tam eminens culmen auctoritatis christianæ fidei toto orbe diffunditur. Nunquam tanta et talia pro nobis divinitus agerentur, si morte corporis etiam vita animæ consumeretur. Quid cunctamur igitur relicta spe sæculi, conferre nos totos ad quærendum Deum et vitam beatam? Sed. exspecta: jucunda sunt etiam ista; habent non parvam dulcedinem suam: non facile ab eis præcidenda est intentio, quia turpe est ad ea rursum redire. Ecce jam quantum est, ut impetretur aliquis honor? et quid amplius in his desiderandum? Suppetit amicorum majorum copia: ut nihil aliud, et multum festinemus, vel præsidatus dari potest; et ducenda uxor cum aliqua pecunia, ne surptum nostrum gravet; et ille erit modus cupiditatis. Multi magni viri et imitatione dignissimi, sapientiæ studio cum conjugibus dediti fuerunt.

20. Cum hæc dicebam, et alternabant hi venti et impellebant huc atque illuc cor meum, transibant tempora, et tardabam converti ad Dominum, et differebam de die in diem vivere in te, et non differebam quotidie in memetipso mori. Amans beatam vitam, timebam illam in sede sua; et ab ea fugiens, quærebam eam. Putabam enim me miserum fore nimis, si feminæ privarer amplexibus, et medicinam misericordiæ tuæ ad eandem infirmitatem sanandam non cogitabam, quia expertus non eram; et propriarum virium credebam esse continentiam, quarum mihi non eram conscius, cum tam stultus essem ut nescirem, sicut scriptum est, neminem posse esse continentem, nisi tu dederis (Sap. VIII, 21). Utique dares, si gemitu in-

¹ Horis, juxta Er. Lugd. Ven. Lov. Som. Flor. et Rond. M.

terno pulsarem aures tuas, et fide solida in te jactarem curam meam.

CAPUT XII.

Contentio inter Alypium et Augustinum de matrimonio et cælibatu.

21. Prohibebat me sane Alypius ab uxore ducenda, causans¹ nullo modo nos posse securo otio simul in amore sapientiæ vivere, sicut jam diu desideraremus², si id fecissem. Erat enim ipse in ea re etiam tunc castissimus, ita ut mirum esset; quia vel experientiam concubitus ceperat in ingressu adolescentiæ suæ, sed non hæserat; magisque doluerat et spreverat, et deinde jam continentissime vivebat. Ego autem resistebam illi, exemplis eorum qui conjugati coluissent sapientiam, et promeruisent Deum, et habuissent fideliter ac dilexissent amicos. A quorum ego quidem granditate animi longe aberam: et deligatus³ morbo carnis mortifera suavitate, trahebam catenam meam, solvi timens, et quasi concusso vulnere repellens verba bene suadentis, tanquam manum solventis. Insuper etiam per me ipsi quoque Alypio loquebatur serpens, et innectebat atque spargebat per linguam meam dulces laqueos in via ejus, quibus illi honesti et expediti pedes implicarentur.

22. Cum enim me ille miraretur, quem non parvipenderet, ita hærere visco illius voluptatis, ut me affirmarem, quotiescumque inde inter nos quæreremus, cælibem vitam nullo modo posse degere; atque ita me defenderem, cum illum mirantem viderem, ut dicerem multum interesse inter illud quod ipse raptim et furtim expertus esset, quod pene jam non meminisset quidem, atque ideo nulla molestia facile contemneret, et delectationes consuetudinis meæ, ad quas si accessisset honestum nomen matrimonii, non eum mirari oportere, cur ego illam vitam nequirem spernere: cœperat et ipse desiderare conjugium, nequaquam victus libidine talis voluptatis, sed curiositatis. Dicebat enim scire se cupere quidnam esset illud, sine quo vita mea quæ illi sic placebat, non mihi vita, sed pœna videretur. Stupebat enim liber ab illo vinculo animus servitutem meam, et stupendo ibat in experiendi cupidinem, venturus in ipsam experientiam, atque inde fortasse lapsurus in eam quam stupebat servitutem; quoniam sponsionem volebat facere cum morte; et qui amat periculum, incidet in illud. Neutrum enim nostrum, si quod est conjugale decus in officio regendi matrimonii et suscipiendorum liberorum, ducebat, nisi tenuiter. Magna autem ex parte atque vehementer consuetudo satiandæ insatiabilis concupiscentiæ me captum excruciat; illum autem admiratio capiendum trahebat. Sic eram, donec tu, Altissime, non deserens humum nostram, miseratus miseros, subvenires miris et occultis modis.

CAPUT XIII.

Uxor quæritur Augustino.

23. Et instabatur impigre ut ducerem uxorem. Jam

¹ Cantans, juxta Arn. Flor. et Mart. ex 6 Mss. M.

² Desideraveramus, juxta Somm. Rond. et Mart. ex 3 Mss. M.

³ Lov. Blas, cum aliquot M., *delicatus*. Som. Arn. *delectatus*. Stant vero pro nostra lectione melioris notæ Mss.

petebam, jam promittebatur, maxime matre dante operam, quo me jam conjugatum Baptismus salutaris ablueret, quo me in dies gaudebat aptari, et vota sua ac promissa tua in mea fide compleri animadvertibat. Cum sane et rogatu meo et desiderio suo, forti clamore cordis abs te deprecaretur quotidie, ut ei per visum ostenderes aliquid de futuro matrimonio meo; nunquam voluisti. Et videbat quædam vana et phantastica, quo cogebat impetus de hac resatagentis humani spiritus, et narrabat mihi, non cum fiducia qua solebat, cum tu demonstrares ei, sed contemnens ea. Dicebat enim discernere se nescio quo sapore, quem verbis explicare non poterat, quid interesset inter revelantem te, et animam suam somniantem. Instabatur tamen, et puella petebatur, cujus ætas ferme biennio minus quam nubilis erat; et quia ea placebat, exspectabatur.

CAPUT XIV.

De vita communi agenda cum amicis delibcrat.

24. Et multi amici agitaveramus animo, et colloquentes ac detestantes turbulentas humanæ vitæ molestias, pene jam firmaveramus remoti a turbis otiose vivere: id otium sic moliti, ut si quid habere possemus, conferremus in medium, unamque rem familiarem conflaremus ex omnibus; ut per amicitie sinceritatem non esset aliud hujus et aliud illius; sed quod ex cunctis fieret unum, et universum singulorum esset, et omnia omnium: cum videremur nobis esse posse decem ferme homines in eadem societate, essentque inter nos prædivites, Romanianus maxime communiceps noster, quem tunc graves æstus negotiorum suorum ad comitatum attraxerant, ab ineunte ætate mihi familiarissimus; qui maxime instabat huic rei, et magnam in suadendo habebat auctoritatem, quod ampla res ejus multum cæteris anteibat: et placuerat nobis ut bini annui tanquam magistratus omnia necessaria curarent, cæteris quietis. Sed posteaquam cœpit cogitari utrum hoc mulierculæ sinerent, quas et alii nostrum jam habebant, et nos habere volebamus, totum illud placitum quod bene formabamus¹, dissiluit in manibus, atque confractum et abjectum est. Inde ad suspiria et gemitus², et gressus ad sequendas latas et tritas vias sæculi, quoniam multæ cogitationes erant in corde nostro; consilium autem tuum manet in æternum (*Psal.* xxxii, 2). Ex quo consilio deridebas nostra, et tua præparabas, nobis daturus escam in opportunitate, et aperturus manum tuam atque impleturus animas nostras benedictione (*Psal.* cxliv, 15, 16).

CAPUT XV.

In locum discedentis concubinæ alia succedit.

25. Interea peccata mea multiplicabantur, et avulsa

¹ Firmamus juxta vetustissimas editiones et aliquot Mss. Pene firmaveramus, juxta Flor. M.

² Codex, Alb. et antiquiores Edd.: Inde ad suspiria et gemitus convertebamur, et gressus.

a latere meo tanquam impedimento conjugii, cum qua cubare solitus eram, cor ubi adhærebat concisum et vulneratum mihi erat, et trahebat sanguinem. Et illa in Africam redierat, vovens tibi alium se virum nescituram, relicto apud me naturali ex illa filio meo. At ego infelix nec feminæ imitator, dilationis impatiens, tanquam post biennium accepturus eam quam petebam, quia non amator conjugii sed libidinis servus eram; procuravi aliam, non utique conjugem; quo tanquam sustentaretur et perduceretur vel integer vel auctior morbus animæ meæ, satellitio perdurantis consuetudinis, in regnum uxorium. Nec sanabatur vulnus illud meum quod prioris præcisione factum fuerat, sed post fervorem doloremque acerrimum putrescebat, et quasi frigidus, sed desperatius dolebat.

CAPUT XVI.

Mortis et judicii metum nunquam deposuit.

26. Tibi laus, tibi gloria, fons misericordiarum. Ego siebam miserior, et tu propinquior. Aderat jamque dextera tua raptura me de cœno, et ablutura me; et ignorabam, Nec me revocabat a profundiore voluptatum carnalium gurgite, nisi metus mortis et futuri judicii tui, qui per varias quidem opiniones, nunquam tamen recessit de pectore meo. Et disputabam cum amicis meis Alypio et Nebridio de finibus bonorum et malorum, Epicurum accepturam fuisse palmam in animo meo, nisi ego credidissem post mortem restare animæ vitam, et tractus meritorum, quod Epicurus credere noluit. Et quærebam, si essemus immortales et in perpetua corporis voluptate sine ullo amissionis terrore viveremus, cur non essemus beati, aut quid aliud quæreremus? Nesciens idipsum ad magnam miseriam pertinere, quod ita demersus et cæcus cogitare non possem lumen honestatis et gratis amplectendæ pulchritudinis, quam non videt oculus carnis, et videtur ex intimo. Nec considerabam miser, ex qua vena mihi manaret, quod ista ipsa, fœda tamen cum amicis dulciter conferebam; nec esse sine amicis poteram beatus, etiam secundum sensum quem tunc habebam in quantalibet affluentia carnalium voluptatum. Quos utique amicos gratis diligebam, vicissimque ab eis me diligere gratis sentiebam. O tortuosas vias! Væ animæ audaci quæ speravit, si a te recessisset, se aliquid melius habituram! Versa et reversa in tergum, et in latera, et in ventrem, et dura sunt omnia: et tu solus requies. Et ecce ades, et liberas a miserabilibus erroribus, et constituis nos in via tua, et consolaris, et dicis: Currite: ego feram, et ego perducam, et ibi ego feram¹.

¹ In Lyrensi Cdd., et ego ibi liberabo.

LIBER SEPTIMUS.

suæ juventutis, id est annum ætatis trigesimum primum, ob mentis oculos reducit. Narrat se illa ætate denique ignorantie tenebris involutum, atque errantem circa Dei naturam, necnon circa originem mali, in cuius se mirum in modum angebat, pervenisse tandem ad cognitionem Dei sinceram; quamvis nondum digne de re isto sentiret.

CAPUT PRIMUM.

Sat tanquam aliquid corporeum per infinita spatia diffusum.

mortua erat adolescentia mea mala et nebula in juventutem, quanto ætate major, tanto turpior. Qui cogitare aliquid substantiæ non poteram, quale per hos oculos videri te cogitabam¹, Deus in figura corporis quo quo audire aliquid de sapientia cœpi; et fugi: et gaudebam me hoc reperisse in alia matris nostræ Catholicæ tuæ. Sed quid cogitare non occurrebat; et conabar cogitare, et talis homo, summum et solum et verum: et te incorruptibilem, et inviolabilem, et immutabilem, totis medullis credebam; quæ, neque et quomodo, plane tamen videbam et non, id quod corrumpi potest, deterius esse non potest; et quod violari non potest, præponebam violabili; et quod nullam mutationem, melius esse quam id quod mutabile. Clamabat violenter, cor meum adversus contumacia mea, et hoc uno ictu conabar abinvolutam turbam immunditiæ ab acie tua; et vix dimota in ictu oculi, ecce conspectus aderat, et irruebat in aspectum meum, ibat eum: ut quamvis non forma humani corporeum tamen aliquid cogitare cogitatione locorum, sive infusum mundo, sive in mundum per infinita diffusum, etiam corruptibile et inviolabile et incommutabile, corruptibile et violabile et commutabile præponiam quidquid privabam spatiis talibus, esse videbatur: sed prorsus nihil, ne inane nunquam si corpus auferatur loco, et maneat corpore vacuatus, et terreno et humido et celesti, sed tamen sit locus inanis tanquam nihil.

aque incrassatus corde, nec mihi metipsi speciosus, quidquid non per aliquanta spatia vel diffunderetur, vel conglobaretur, vel in tale aliquid caperet, aut capere posset, non esse arbitrabar. Per quales enim formas oculi mei, per tales imagines ibat cor meum: in hanc eandem intentionem, qua illas formas formabam, non esse tale aliquid; quæ non formaret, nisi esset magnum aliquid. et, vita vitæ meæ, grandem per infinita spacogitabam penetrare totam mundi molem, in quaquaversum per immensa sine ter-

1. et Er.: *Non tamen te cogitabam.*

mino; ut haberet te terra, haberet cœlum, haberent omnia, et illa finirentur in te, tu autem nusquam. Sicut autem luci solis non obsisteret corpus aeris hujus qui supra terram est, quominus per eum trajiceretur penetrans eum, non dirumpendo aut concidendo, sed implendo eum totum: sic tibi putabam non solum cœli et aeris et maris, sed etiam terræ corpus pervium, et ex omnibus maximis minimisque partibus penetrabile ad capiendam præsentiam tuam, occulta inspiratione intrinsecus et extrinsecus administrante omnia quæ creasti. Ita suspicabar, quia cogitare aliud non poteram; nam falsum erat. Illo enim modo major pars terræ majorem tui partem haberet, et minorem minor: atque ita te plena essent omnia, ut amplius tui caperet elephantum corpus quam pasceris, quo esset isto grandius, grandiosemque occuparet locum; atque ita frustatim partibus mundi, magnis magnas, brevibus breves partes tuas præsentem faceres. Non es autem ita. Sed nondum illuminaveras tenebras meas.

CAPUT II.

Monentum quo Nebridius confutavit Manichæos.

3. Sat erat mihi, Domine, adversus deceptos illos et deceptores, et loquaces mutos¹, quoniam non ex eis sonabat verbum tuum: sat erat ergo illud quod jamdiu ab usque Carthagine a Nebridio proponi solebat, et omnes qui audieramus concussi sumus. Quid erat tibi factura nescio quæ gens tenebrarum, quam ex adversa mole solent opponere, si tu cum ea pugnare noluisses²? Si enim responderetur, aliquid fuisse nocit uram, violabilis tu et corruptibilis fores. Si autem nihil ea nocere potuisse diceretur, nulla afferretur causa pugnandi, et ita pugnandi, ut quædam portio tua et membrum tuum, vel proles de ipsa substantia tua, misceretur adversis potestatibus et non a te creatis naturis, atque in tantum ab eis corrumperetur et commutaretur in deterius, ut a beatitudine in miseriam verteretur, et indigeret auxilio quo erui purgarique posset: et hanc esse animam, cui tuus sermo, servienti liber, et contaminatæ purus, et corruptæ integer subveniret; sed et ipse corruptibilis, quia ex una eademque substantia. Itaque, si te, quidquid es, id est, substantiam tuam qua es, incorruptibilem dicerent; falsa esse illa omnia et execrabilia: si autem corruptibilem; id ipsum jam falsum et prima voce abominandum. Sat ergo erat istud adversus eos omnimodo evomendos a pressura pectoris; quia non habebant qua exirent sine horribili sacrilegio cordis et linguæ, sentiendo de te ista et loquendo.

¹ Am. Er.: *Loquaces mutos, et ob hoc mutos, quoniam.*

² Legitur *voluisses* apud Bad., Er. Somm. et Blas.

CAPUT III.

Liberum arbitrium causa peccati.

4. Sed et ego adhuc, quamvis incontaminabilem et inconvertibilem et nulla ex parte mutabilem dicerem, firmeque sentirem Dominum nostrum Deum verum, qui fecisti non solum animas nostras, sed etiam corpora, nec tantum animas nostras et corpora, sed omnes et omnia; non tenebam explicitam et enodatam causam mali: quæcumque tamen esset, sic eam quærendam videbam, ut non per illam constringerer Deum incommutabilem mutabilem credere, ne ipse fierem quod quærebam. Itaque securus eam quærebam, et certus non esse verum quod illi dicerent, quos toto animo fugiebam; quia videbam, quærendo unde malum, repletos malitia, qua opinarentur tuam potius substantiam male pati, quam suam male facere.

5. Et intendebam ut cernerem quod audiebam, liberum voluntatis arbitrium causam esse ut male faceremus, et rectum iudicium tuum ut pateremur; et eam liquidam ¹ cernere non valebam. Itaque aciem mentis de profundo educere conatus, mergebar iterum; et sæpe conatus, mergebar iterum atque iterum. Sublevabat enim me in lucem tuam quod tam me sciebam habere voluntatem, quam me vivere. Itaque cum aliquid vellem aut nollem, non alium quam me velle ac nolle certissimus eram, et ibi esse causam peccati mei jam jamque animadvertēbam. Quod autem invitus facerem, pati me potius quam facere videbam; et id non culpam, sed pœnam esse iudicabam, qua me non injuste plecti, te justum cogitans, cito fatebar. Sed rursus dicebam: Quis fecit me? Nonne Deus meus, non tantum bonus, sed ipsum bonum? Unde igitur mihi male velle et bene nolle, ut esset cur juste pœnas luerem? Quis in me hoc posuit, et iniecit mihi plantarium amaritudinis, cum totus fierem a dulcissimo Deo meo? Si diabolus auctor, unde ipse diabolus? Quod si et ipse perversa voluntate ex bono angelo diabolus factus est; unde et in ipso voluntas mala qua diabolus fieret, quando totus angelus a conditore optimo factus esset bonus ²? His cogitationibus deprimebar iterum et suffocabar: sed non usque ad illum infernum subducebar erroris, ubi nemo confitetur tibi, dum tu potius mala pati, quam homo facere putatur.

CAPUT IV.

Deum incorruptibilem esse oportet.

6. Sic enim nitebar cætera invenire, ut jam inveneram melius esse incorruptibile, quam corruptibile; et ideo te, quidquid esses, esse incorruptibilem confitebar. Neque enim ulla anima unquam potuit, poteritve cogitare aliquid quod sit te melius, qui summum et optimum bonum es. Cum autem verissime atque certissime incorruptibile corruptibili præponatur, sicut jam ego præponebam, poteram jam cogitatione aliquid attingere quod esset melius Deo meo, nisi tu

¹ Sic Mss. Angl. et nostri prope omnes Mss. Et paulo post, *non alium quam me.* | *Eam liquide cernere... non aliud quam me.* — Arn. Mart. Flor. et Rond. cum nonnullis Mss.: *Non alium quam me* M.

² Omittitur *bonus* in Mss. Benigno. Theoderica et aliquot aliis.

esses incorruptibilis. Ubi igitur videbam incorruptibile corruptibili esse præferendum, ibi te quærere debebam, atque inde advertere unde ¹ sit malum, id est, unde sit ipsa corruptio, qua violari substantia tua nullo modo potest. Nullo enim prorsus modo violat corruptio Deum nostrum; nulla voluntate, nulla necessitate, nullo improvise casu; quoniam ipse est Deus, et quod sibi vult bonum est, et ipse est idem bonum: corrumpi autem non est bonum. Nec cogaris invitus ad aliquid, quia voluntas tua non est major quam potentia tua. Esset autem major, si te ipso tu ipse major esses: voluntas enim et potentia Dei, Deus ipse est. Et quid improvisum tibi qui nosti omnia, et nulla natura est, nisi quia nosti eam? Et ut quid multa dicimus, cur non sit corruptibilis substantia quæ Deus est, quando si hoc esset Deus?

CAPUT V.

Quærit iterum unde malum, et quæ radicē ejus.

7. Et quærebam unde malum, et male quærebam; et in ipsa inquisitione mea non videbam malum. Et constituēbam in conspectu spiritus mei universam creaturam, quidquid in ea cernere possumus; sicut est terra, et mare, et aer, sidera, et arbores, et animalia mortalia: et quidquid in ea non videmus, sicut firmamentum cæli, insuper et omnes Angelos et cuncta spiritualia ejus; sed etiam ipsa, quasi corpora essent, locis et locis ordinavit imaginatio mea; et feci unam massam grandem distinctam generibus corporum creaturam tuam ²; sive quæ vera corpora erant, sive quæ ipse pro spiritibus finxeram: et eam feci grandem, non quantum erat, quod scire non poteram; sed quantum libuit, undiqueversum sane finitam. Te autem, Domine, ex omni parte ambientem eam et penetrantem, sed usquequaque infinitum: tanquam si mare esset ubique, et undique per immensa spatia infinitum solum mare, et haberet intra se spongiam quamlibet magnam, sed finitam tamen; plena esset utique spongia illa ex omni sua parte ex immenso mari: sic creaturam finitam te infinito plenam putabam, et dicebam: Ecce Deus, et ecce quæ creavit Deus, et bonus est Deus, atque his validissime laudissimeque præstantior; sed tamen bonus bona creavit, et ecce quomodo ambit atque implet ea. Ubi ergo malum, et unde, qua huc irrepsit! Quæ radix ejus, et quod semen ejus? An omnino non est? Cur ergo timemus et cavemus quod non est? Aut si inaniter timemus, certe vel timor ipse malum est, quo incasum stimulatur et excruciat cor: et tanto gravius malum, quanto non est quod timeamus, et timemus. Idcirco aut est malum quod timemus, aut hoc malum est quia timemus. Unde est igitur, quoniam Deus fecit hæc omnia, bonus bona? Majus quidem et summum bonum minora fecit bona, sed tamen et creans et creata bona sunt omnia. Unde est malum? An unde fecit ea ³, materies aliqua mala erat, et formavit atque

¹ In B., *ubi*. Plerique Edd. *unde* M.

² Quatuor Mss. *creaturarum tuarum*.

³ Ita Mss. cum Bad. et Arn.; at Am. Er. Lov., mutata interpolatione, habent: *ut unde fecit ea? materies aliqua mala erat.*

ordinavit eam, sed reliquit aliquid in illa, quod in bonum non converteret? Cur et hoc? An impotens erat totamvertere et commutare, ut nihil mali remaneret, cum sit omnia potens? Postremo, cur inde aliquid facere voluit, ac non potius eadem omnipotentia fecit ut nulla esset omnino? Aut vero existere poterat contra ejus voluntatem? Aut si æterna erat, cur tam diu per infinita retro spatia temporum, sic eam sivit esse, ac tanto post placuit aliquid ex ea facere? Aut jam si aliquid subito voluit agere, hoc potius ageret omnipotens, ut illa non esset, atque ipse solus esset totum, verum et summum et infinitum bonum. Aut si non erat bene ut non aliquid boni etiam fabricaretur¹, et conderet qui bonus erat; illa sublata et ad nihilum redacta materia quæ mala erat, bonam ipse institueret unde omnia crearet. Non enim esset omnipotens, si condere non posset aliquid boni, nisi ea, quam ipse non condiderat, adjuvaretur materia. Taliaolvebam pectore misero, ingravidato curis mordacissimis de timore mortis, et non inventa veritate: stabiliter tamen hærebat in corde meo, in catholica Ecclesia fides Christi tui Domini et Salvatoris nostri; in multis quidem adhuc informis, et præter doctrinæ normam fluctans², sed tamen eam non relinquebat, animus, imo in dies magis magisque imbibebat.

CAPUT VI.

Mathematicorum divinationes rejicit.

8. Jam etiam mathematicorum fallaces divinationes, et impia deliramenta rejeceram. Confiteantur etiam hinc tibi de intimis visceribus animæ meæ miserationes tuæ, Deus meus. Tu enim, tu omnino: nam quis alius a morte omnis erroris revocat nos, nisi vita quæ mori nescit, et sapientia mentes indigentes illuminans, nullo indigens lumine, qua mundus administratur usque ad arborum volatica folia? tu procurasti perviciæ meæ, qua obluctatus sum Vindiciano acuto seni, et Nebridio adolescenti mirabilis animæ: illi vehementer affirmanti, huic cum dubitatione quidem aliqua, sed tamen crebro dicenti, non esse ullam³ artem futura prævidendi; conjecturas autem hominum habere sæpe vim sortis, et multa dicendo dici pleraque ventura, nescientibus eis qui dicerent, sed in ea non tacendo incurrentibus: procurasti ergo tu hominem amicum, non quidem segnem consultorem mathematicorum, nec eas litteras bene callentem: sed, ut dixi, consultorem curiosum, et tamen scientem aliquid quod a patre suo se audisse dicebat, quod⁴ quantum valeret ad illius artis opinionem evertendam ignorabat. Is ergo vir nomine Firminus, liberaliter institutus et excultus eloquio, cum me tanquam charissimum, de quibusdam suis rebus, in quas sæcularis spes ejus intumuerat, consuleret quid mihi secundum suas, quas constellationes appellant, videretur; ego autem, qui jam de hac re in Nebridii sententiam flecti cœperam, non quidem ab-

nuerem conicere ac dicere quod nutanti occurrebat; sed tamen subjicerem, prope jam esse mihi persuasum ridicula esse illa et inania: tunc ille mihi narravit patrem suum fuisse librorum talium curiosissimum, et habuisse amicum æque illa simulque sectantem; qui pari studio et collatione flatabant in eas nugas ignem cordis sui¹, ita ut mutorum quoque animalium, si quæ domi parerent, observarent momenta nascentium, atque ad ea positionem cœli notarent, unde illius quasi artis experimenta colligerent. Itaque dicebat audisse se a patre suo, quod cum eundem Firminum² prægnans mater esset, etiam illius paterni amici famula quædam pariter utero grandescebat; quod latere non potuit dominum, qui etiam canum suarum partus examinatissima diligentia nosse curabat: atque ita factum esse ut cum iste conjugis, ille autem ancillæ dies et horas, minutioresque horarum articulos cautissima observatione numerarent, enixæ essent ambæ simul; ita ut easdem constellationes usque ad easdem minutias utriusque nascenti facere cogentur, iste filio, ille servulo. Nam cum mulieres parturire cœpissent, indicaverunt sibi ambo quid in sua cujusque domo ageretur, et paraverunt quos ad se invicem mitterent, simul ut natum quod parturiebatur esset cuique nuntiatum; quod tamen ut continuo nuntiaretur, tanquam in regno suo facile effecerant. Atque ita, qui ab alterutro missi sunt, tam ex paribus domorum intervallis sibi obviam factos esse dicebat, ut aliam positionem siderum, aliasque particulas momentorum, neuter, eorum notare sineretur: et tamen Firminus amplo apud suos loco natus, dealbatiore vias sæculi cursitabat, augebatur divitiis, sublimabatur honoribus; servus autem ille, conditionis jugo nullatenus relaxato, dominis serviebat, ipso indicante qui noverat eum.

9. His itaque auditis et creditis, talis quippe narra-
verat, omnis illa reluctatio mea resoluta concidit: et primo Firminum ipsum conatus sum ab illa curiositate revocare, cum dicerem, constellationibus ejus inspectis, ut vera pronuntiarem³, debuisse me utique videre ibi parentes inter suos esse primarios, nobilem familiam propriæ civitatis, natales ingenuos, honestam educationem, liberalesque doctrinas. At si me ille servus ex eisdem constellationibus, quia et illius ipsæ essent, consulisset, ut eidem quoque vera proferrem, debuisse me rursus ibi videre abjectissimam familiam, conditionem servilem, et cætera longe a prioribus aliena, longeque distantia. Unde autem fieret ut eadem inspiciens diversa dicerem, si vera dicerem; si autem eadem dicerem, falsa dicerem: inde certissime colligi⁴, ea quæ vera, consideratis

¹ In editis plerisque: *Et collatione flagrant in eas nugas igne cordis sui*. Castigavit Arn. *flabant ignem*; nos ex Mss. restituimus, *flatabant*: quo in verbo, quia minus familiare erat, lapsi sunt librarii et locum corruerunt. Id porro usurpat Arnobius, adversus Gentes libro 2, circa medium: *Quid mimulos, histriones, cantores, tuba, tibia, calamoque flantes?*

² De eodem Firmino, juxta Er. Lugd. Ven. Somm. et Rond. M.

³ *Prænuntiarem*, juxta Mart. Arn.

⁴ Sic legendum juxta Mss. Angl. [*Dicerem? Inde certissime colligi ea quæ vera*].

¹ *Fabricaret*, juxta Er. Lugd. Ven. Somm. et Rond. M.

² Bad. Am. Er. Lov., *fluctuans*.

³ In Mss. *non esse illam artem*.

⁴ Sic ex Mss. Angl. [*Dicebat quantum valeret*.]

constellationibus dicerentur, non arte dici, sed sorte; quæ autem falsa, non artis imperitia, sed sortis mendacio.

10. Hinc autem accepto aditu ¹, ipse mecum talia ruminando, ne quis eorundem delirorum qui talem quæstum sequerentur, quos jam jamque invadere, atque irrisos refellere cupiebam, mihi ita resisteret, quasi aut Firminus mihi, aut illi pater falsa narraverit; intendi considerationem in eos qui gemini nascuntur: quorum plerique ita post invicem funduntur ex utero, ut parvum ipsum temporis intervallum, quantumlibet vim in rerum natura habere contendat, colligi tamen humana observatione non possit, litterisque signari omnino non valeat, quas mathematicus inspecturus est, ut vera pronuntiet. Et non erunt vera, quia easdem litteras inspiciens, eadem debuit dicere de Esau et Jacob; sed non eadem utriusque acciderunt. Falsa ergo diceret: aut si vera diceret, non eadem diceret, etiamsi eadem ² inspiceret. Non ergo arte, sed sorte vera diceret. Tu enim, Domine, justissime moderator universitatis, consulentibus consultisque nescientibus occulto instinctu agis, ut dum quisque consulit, hoc audiat quod eum oportet audire occultis meritis animarum, ex abyssu justii judicii tui, cui non dicat homo: Quid est hoc? ut quid hoc? Non dicat, non dicat; homo est enim.

CAPUT VII.

Misere torquetur inquirens unde sit malum.

11. Jam itaque me, adjutor meus, illis vinculis solveras, et quærebam unde malum, et non erat exitus. Sed me non sinebas ullis fluctibus cogitationis auferri ab ea fide qua credebam et esse te, et esse incommutabilem substantiam tuam, et esse de hominibus curam et judicium tuum, et in Christo Filio tuo Domino nostro; atque in Scripturis sanctis quas Ecclesiæ tuæ catholicæ commendaret auctoritas, viam te posuisse salutis humanæ, ad eam vitam, quæ post hanc mortem futura est. His itaque salvis, atque inconcusse roboratis in animo meo, quærebam æstuans unde sit malum. Quæ illa tormenta parturientis cordis mei! qui gemitus, Deus meus! Et ibi erant aures tuæ, nesciente me. Et cum in silentio fortiter quærerem, magnæ voces erant ad misericordiam tuam, tacitæ contritiones animi mei. Tu sciebas quid patiebar, et nullus hominum. Quantum enim erat quod inde digerebatur per linguam meam in aures familiarissimorum meorum? Numquid totus tumultus animæ meæ, cui nec tempora, nec os meum sufficiebat, sonabat eis? Totum tamen ibat in auditum tuum, quod rugiebam a gemitu cordis mei, et ante te erat desiderium meum, et lumen oculorum meorum non erat mecum (*Psal.* xxxvii, 9-11). Intus enim erat, ego autem foris. Nec in loco illud: at ego intendebam in ea quæ locis continentur, et non ibi inveniebam locum ad requiescendum; nec recipiebant ³

¹ Bad. Am. Er. et 5 Mss., *auditu*.

² *Diceret si eadem*, juxta Er. Lugd. et Ven. *et eadem* juxta Somn. Arn. et Mart. M.

³ Codex Beuign., *rapiebant*.

me ista ut dicerem, Sat est, et bene est; nec dimittebant redire, ubi mihi satis esset bene. Superior enim eram istis, te vero inferior; et tu gaudium verum mihi subdito tibi, et tu mihi subjeceras quæ infra me creasti. Et hoc erat rectum temperamentum, et media regio salutis meæ, ut manerem ad imaginem tuam, et tibi serviens dominarer corpori. Sed cum superbe contra te surgerem, et currem adversus Dominum in cervice crassa scuti mei (*Job* xv, 26), etiam ista infima supra me facta sunt, et premebant, et nusquam erat laxamentum et respiramentum. Ipsa occurrebant undique acervatim et conglobatim cernenti; cogitanti autem imagines corporum ipsæ opponebantur redeunti, quasi diceretur: Quo is, indigne et sordide? Et hæc de vulnere meo creverant, quia humiliasti tanquam vulneratum, superbum (*Psal.* lxxxviii, 11); et tumore meo separabar abs te, et nimis inflata facies claudebat oculos meos.

CAPUT VIII.

Quomodo divina misericordia subvenerit Augustino.

12. Tu vero, Domine, in æternum manes, et non in æternum irasceris nobis: quoniam miseratus es terram et cinerem, et placuit in conspectu tuo reformare deformia mea; et stimulis internis agitabas me, ut impatiens essem, donec mihi per interiorum aspectum certus esses. Et residebat tumor meus ex occulta manu medicinæ tuæ, aciesque conturbata et contenebrata mentis meæ, acri collyrio salubrium dolorum de die in diem sanabatur.

CAPUT IX.

In Platonicorum libris Verbi æterni divinitatem, non incarnati humilitatem invenit.

13. Et primo volens ostendere mihi quam resistas superbis, humilibus autem des gratiam (*I Petr.* v, 5), et quanta misericordia tua demonstrata sit hominibus via humilitatis, quod Verbum tuum caro factum est, et habitavit inter homines; procurasti mihi per quemdam hominem immanissimo typho turgidum, quosdam Platonicorum libros ex græca lingua in latinam versos: et ibi legi, non quidem his verbis, sed hoc idem omnino multis et multiplicibus suaderi rationibus, quod in principio erat Verbum, et Verbum erat apud Deum, et Deus erat Verbum: hoc erat in principio apud Deum; omnia per ipsum facta sunt, et sine ipso factum est nihil quod factum est: in eo vita est, et vita erat lux hominum, et lux in tenebris lucet, et tenebræ eam non comprehenderunt. Et quia hominis anima quamvis testimonium perhibeat de lumine, non est tamen ipsa lumen; sed Verbum Dei, Deus, est lumen verum quod illuminat omnem hominem venientem in hunc mundum. Et quia in hoc mundo erat, et mundus per ipsum factus est, et mundus eum non cognovit. Quia vero in sua propria venit, et sui eum non receperunt; quotquot autem receperunt eum, dedit eis potestatem filios Dei fieri, credentibus in nomine ejus: non ibi legi.

14. Item ibi legi quia Deus verbum, non ex carne, non ex sanguine, non ex voluntate viri, neque ex

voluntate carnis, sed ex Deo natus est. Sed quia Verbum caro factum est, et habitavit in nobis (*Joan.* 1, 1-14); non ibi legi. Indagavi quippe in illis litteris varie dictum, et multis modis, quod sit Filius in forma Patris, non rapinam arbitratus esse æqualis Deo, quia naturaliter idipsum est. Sed quia semetipsum exinanivit formam servi accipiens, in similitudinem hominum factus, et habitu inventus ut homo; humiliavit se factus obediens usque ad mortem, mortem autem crucis: propter quod Deus eum exaltavit a mortuis, et donavit ei nomen quod est super omne nomen, ut in nomine Jesu omne genu flectatur, cœlestium, terrestrium et infernorum; et omnis lingua confiteatur quia Dominus Jesus Christus in gloria est Dei Patris (*Philipp.* 11, 6-11); non habent illi libri. Quod enim ante omnia tempora, et supra omnia tempora incommutabiliter manet unigenitus Filius tuus cœternus tibi, et quia de plenitudine ejus accipiunt animæ ut beatæ sint (*Joan.* 1, 16), et quia participatione manentis in se sapientiæ renovantur ut sapientes sint; est ibi. Quod autem secundum tempus pro impiis mortuus est (*Rom.* 5, 6.); et Filio unico tuo non pepercisti, sed pro nobis omnibus tradidisti eum (*Id.* VIII, 32); non est ibi. Abscondisti enim hæc a sapientibus, et revelasti ea parvulis; ut venirent ad eum laborantes et onerati, et reficeret eos: quoniam mitis est et humilis corde, et dirigit mites in iudicio, et docet mansuetos vias suas, videns humilitatem nostram, et laborem nostrum, et dimittens omnia peccata nostra (*Psal.* XXIV, 9, 18). Qui autem cothurno tanquam doctrinæ sublimioris elati non audiunt dicentem, *Discite a me quia mitis sum et humilis corde et invenietis requiem animabus vestris* (*Matth.* XI, 25, 28, 29): etsi cognoscunt Deum, non sicut Deum glorificant aut gratias agunt; sed evanescent in cogitationibus suis, et obscuratur insipiens cor eorum; dicentes se esse sapientes, stulti fiunt.

15. Et ideo legebam ibi etiam immutatam gloriam incorruptionis tuæ in idola et varia simulacra, in similitudinem imaginis corruptibilis hominis, et volucrum, et quadrupedum, et serpentem (*Rom.* 1, 21, 23); videlicet Ægyptium cibum (a) quo Esau perdidit primogenita sua (*Gen.* XXV, 33, 34): quoniam caput quadrupedis pro te honoravit populus primogenitus, conversus corde in Ægyptum, et curvans imaginem tuam, animam suam ante imaginem vituli manducantis fenum (*Exod.* XXXII, 1-6; et *Psal.* CV, 19, 20). Inveni hæc ibi, et non manducavi. Placuit enim tibi, Domine, auferre opprobrium diminutionis ab Jacob, ut major serviret minori (*Rom.* IX, 13); et vocasti Gentes in hæreditatem tuam. Et ego ad te veneram ex Gentibus, et intendi in aurum quod ab

(a) Juvat hunc locum ex alio illustrare. Nempe Euarr. in *Psal.* 46, n. 6, sic disserit Augustinus: « Lenticulam autem invenimus cibum esse Ægyptiorum, nam ibi abundat in Ægypto; unde magnificatur lenticula Alexandrina, et venit usque ad terras nostras, quasi hic non nascatur lenticula, Ergo Esau desiderando cibum Ægyptium, perdidit primatum. Sic et populus Judæorum de quo dictum est, *Conversi sunt corde in Ægyptum*, lenticulam quodammodo desideraverunt, et primatum perdiderunt. »

Ægypto voluisti ut auferret populus tuus (*Exod.* III, 22; et XI, 2), quoniam tuum erat, ubicumque erat. Et dixisti Atheniensibus per Apostolum tuum, quod in te vivimus et movemur et sumus; sicut et quidam secundum eos dixerunt (*Act.* XVII, 28): et utique inde erant illi libri. Et non attendi in idola Ægyptiorum quibus de auro tuo ministrabant, qui transmutaverunt veritatem Dei in mendacium, et coluerunt, et servierunt creaturæ potius quam Creatori (*Rom.* 1, 25).

CAPUT X.

Clarius innotescunt jam Augustino divina.

16. Et inde admonitus redire ad memetipsum, intravi in intima mea, duce te; et potui, quoniam factus es adjutor meus. Intravi, et vidi qualicumque oculo animæ meæ, supra eundem oculum animæ meæ supra mentem meam, lucem¹ incommutabilem; non hanc vulgarem et conspicuam omni carni: nec quasi ex eodem genere grandior erat, tanquam si ista multo multoque clarius claresceret, totumque occuparet magnitudine. Non hoc illa erat; sed aliud, aliud valde ab istis omnibus. Nec ita erat supra mentem meam sicut oleum super aquam, nec sicut cœlum super terram; sed superior, quia ipsa fecit me, et ego inferior, quia factus sum ab ea. Qui novit veritatem, novit eam; et qui novit eam, novit æternitatem. Charitas novit eam. O æterna veritas, et vera charitas, et chara æternitas: tu es Deus meus; tibi suspiro die ac nocte. Et cum te primum cognovi, tu assumpsisti me, ut viderem esse quod viderem, et nondum me esse qui viderem. Et reverborasti infirmitatem aspectus mei, radians in me vehementer, et contremui amore et horrore; et inveni longe me esse a te in regione dissimilitudinis, tanquam audirem vocem tuam de excelso: Cibus sum grandium; cresce, et manducabis me. Nec tu me in te mutabis, sicut cibum carnis tuæ; sed tu mutaberis in me. Et cognovi quoniam pro iniquitate erudisti hominem, et tabescere, fecisti sicut araneam animam meam (*Psal.* XXXVIII, 12); et dixi: Numquid nihil est veritas, quoniam neque per finita, neque per infinita locorum spatia diffusa est? Et clamasti de longinquo: Imo vero, *Ego sum qui sum* (*Exod.* III, 14.) Et audiivi sicut auditur in corde, et non erat prorsus unde dubitarem; faciliusque dubitarem vivere me, quam non esse veritatem, quæ per ea quæ facta sunt, intellecta conspicitur² (*Rom.* 1, 20).

CAPUT XI.

Quomodo creaturæ sunt et non sunt.

17. Et inspexi cætera infra te, et vidi nec omnino esse, nec omnino non esse: esse quidem, quoniam abs te sunt; non esse autem, quoniam id quod es non sunt. Id enim vere est, quod incommutabiliter manet. Mihi autem inhærere Deo bonum est (*Psal.* LXXII, 20), quia si non manebo in illo, nec in me potero. Ille autem in se manens innovat omnia (*Sap.* VII, 27). Et Dominus Deus meus es, quoniam honorum meorum non eges (*Psal.* XV, 2).

¹ Hic in Edd. additur, *Domini*, qua voce carent Mss.

² Mss. magno consensu ferunt, *conspiciuntur*.

CAPUT XII.

Omnia bona, quæcumque sunt.

18. Et manifestatum est mihi quoniam bona sunt quæ corrumpuntur, quæ neque si summa bona essent, neque nisi bona essent, corrumpi possent: quia si summa bona essent, incorruptibilia essent; si autem nulla bona essent, quod in eis corrumperetur non esset. Nocet enim corruptio, et nisi bonum minueret, non noceret. Aut igitur nihil nocet corruptio, quod fieri non potest: aut, quod certissimum est, omnia quæ corrumpuntur, privantur bono. Si autem omnino bono privabuntur, omnino non erunt. Si enim erunt, et corrumpi jam non poterunt, meliora erunt, quia incorruptibiliter permanebunt. Et quid monstruosius quam ea dicere omni bono amisso facta meliora? Ergo si omni bono privabuntur, omnino nulla erunt: ergo quamdiu sunt, bona sunt: ergo quæcumque sunt bona sunt. Malumque illud quod quærebam unde esset, non est substantia; quia si substantia esset, bonum esset. Aut enim esset incorruptibilis substantia, magnum utique bonum: aut substantia corruptibilis esset, quæ nisi bona esset, corrumpi non posset. Itaque vidi et manifestatum est mihi quia omnia bona tu fecisti, et prorsus nullæ substantiæ sunt quas tu non fecisti. Et quoniam non æqualia omnia fecisti, ideo sunt omnia; quia singula bona sunt, et simul omnia valde bona: quoniam fecit Deus noster omnia bona valde (*Gen. 1; et Eccli. xxxix, 21*).

CAPUT XIII.

Omnia condita laudant Deum.

19. Et tibi omnino non est malum, non solum tibi, sed nec universæ creaturæ tuæ; quia extra¹ non est aliquid quod irrumpat, et corrumpat ordinem quem posuisti ei. In partibus autem ejus quædam, quibusdam quia non conveniunt, mala putantur: et eadem ipsa conveniunt aliis, et bona sunt, et in semetipsis bona sunt. Et omnia hæc quæ sibimet invicem non conveniunt, conveniant inferiori parti rerum, quam terram dicimus, habentem cælum suum nubilosum atque ventosum congruum sibi. Et absit jam ut dicerem: Non essent ista²: quia etsi sola ista cernerem, desiderarem quidem meliora, sed jam etiam de solis istis laudare te deberem: quoniam landandum te ostendunt de terra dracones et omnes abyssi, ignis, grando, nix, glacies, spiritus tempestatis, quæ faciunt verbum tuum: montes et omnes colles, ligna fructifera et omnes cedri; bestię et omnia pecora, reptilia et volatilia pennata; reges terræ et omnes populi, principes et omnes judices terræ; juvenes et virgines, seniores cum junioribus, laudant nomen tuum. Cum vero etiam de cælis te laudent, laudent te, Deus noster, in excelsis omnes Angeli tui, omnes virtutes tuæ, sol et luna, omnes stellæ et lumen, cæli cælorum et

¹ Legebatur in Lov. et antiquioribus editionibus, *quia extra te non est aliquid*. At Arn. expunxit *te*, quæ vox abest a Mss. et abesse debet, cum sensus sit, nihil esse extra universam creaturam, quod ad perturbandum ordinem a Deo constitutum irrumpat.

² Sic Mss. cum Arn. ubi Somm. habet, *ut dicerem non esse nisi ista*: cæteri porro Edd., *ut dicerem non esse ista*.

aquæ quæ super cælos sunt, laudent nomen tuum (*Psal. cxlvi, 1-12*): non jam desiderabam meliora, quia omnia cogitabam; et meliora quidem superiora quam inferiora, sed meliora omnia quam sola superiora, judicio saniore pendebam.

CAPUT XIV.

Sanæ mentis hominis nihil displicet inter creaturas Dei.

20. Non est sanitas eis quibus displicet aliquid creaturæ tuæ; sicut mihi non erat, cum displicerent multa quæ fecisti. Et quia non audebat anima mea et ei displiceret Deus meus, nolebat esse tuum quidquid ei displicebat. Et inde ierat in opinionem duarum substantiarum, et non requiescebat, et aliena loquebatur. Et inde rediens fecerat sibi Deum per infinita spatia locorum omnium, et eum putaverat esse te; et eum collocaverat in corde suo, et facta erat rursus templum idoli sui abominandum tibi. Sed posteaquam fovisti caput nescientis, et clausisti oculos meos ne viderent vanitatem, cessavi de me paululum, et consopita est insania mea: et evigilavi in te, et vidi te infinitum aliter; et visus iste non a carne trahebatur.

CAPUT XV.

Quomodo veritas et falsitas in creaturis.

21. Et respexi alia, et vidi tibi debere quia sunt, et in te cuncta finita: sed aliter, non quasi in loco, sed quia tu es omnitenens manu veritate; et omnia vera sunt, in quantum sunt: nec quidquam est falsitas nisi cum putatur esse quod non est. Et vidi quia non solum locis sua quæque suis conveniunt, sed etiam temporibus: et quia tu, qui solus æternus es, non post innumerabilia spatia temporum cœpisti operari; quia omnia spatia temporum, et quæ præterierunt et quæ præteribunt, nec abirent nec venirent, nisi te operante et manente.

CAPUT XVI.

Omnia bona, licet quibusdam non apta.

22. Et sensi, et expertus sum non esse mirum, quod palato non sano pœna est panis, qui sano suavis est; et oculis ægris odiosa lux, quæ puris amabilis. Et justitia tua displicet iniquis; nedum vipera et vermiculus, quæ bona creasti, apta inferioribus creaturæ tuæ partibus; quibus et ipsi iniqui apti sunt, quanto dissimiliores sunt tibi: apti autem superioribus, quanto similiores fiunt tibi. Et quæsi vi quid esset iniquitas, et non inveni substantiam: sed a summa substantia, te Deo, detortæ in infima¹ voluntatis perversitatem, projicientis intima sua (*Eccli. x, 10*), et tumescentis foras.

CAPUT XVII.

Quæ retardent a cognitione divinorum.

23. Et mirabar quod jam te amabam, non pro te phantasma. Et non stabam² frui Deo meo, sed rapiabar ad te decore tuo; moxque derapiebar abs te pondere meo, et ruebam in ista cum gemita: et pondus hoc, consuetudo carnalis. Sed mecum erat memoria

¹ Sic Bad. Am. et Er. sicque Mss. Angl. et plures e nostris Mss. At Arn. et Mss. aliquot, *detortæ in infimam*. Supple, substantiam. Lov. *detortam in infimam* [*detortæ in infimam voluntatis perversitatem*].

² Am. et Er. cum Mss. quatuor habent, *et non instabam*.

que ullo modo dubitabam esse cui cohærerem, dum esse me qui cohærerem: quoniam cor- d corrumpitur, aggravat animam; et depri- rena inhabitatio sensum multa cogitantem ;, 15). Eramque certissimus quod invisibilia onstitutione mundi, per ea quæ facta sunt, in- conspiciuntur; sempiterna quoque virtus et s tua (Rom. 1, 20). Quærens enim unde ap- m pulchritudinem corporum, sive cœlestium, restrium; et quid mihi præsto esset integre bilibus judicanti et dicenti: Hoc ita esse de- id non ita: hoc ergo quærens unde judicarem, judicarem, inveneram incommutabilem et ve- itatis æternitatem, supra mentem meam com- em. Atque ita gradatim a corporibus ad sen- per corpus animam; atque inde ad ejus em vim, cui sensus corporis exteriora annuntia- quousque possunt bestiæ: atque inde rursus cinantem potentiam ad quam refertur judican- od sumitur a sensibus corporis. Quæ se quoque comperiens mutabilem, erexit se ad intel- m suam; et abduxit cogitationem a consuetu- btrahens se contradicentibus turbis phanta- , ut inveniret quo lumine aspergeretur, cum i dubitatione clamaret incommutabile præfe- esse mutabili; unde nosset ipsum incommu- quod nisi aliquo modo nosset, nullo modo il- tabili certo præponeret. Et pervenit¹ ad id t, in ictu trepidantis aspectus. Tunc vero invi- ia, per ea quæ facta sunt, intellecta conspexi; m figere non evalui²: et repercussa infirmi- litus solitis, non mecum ferebam nisi aman- moriam, et quasi olfacta desiderantem quæ re nondum possem.

CAPUT XVIII.

Solus Christus via ad salutem.

t quærebam viam comparandi roboris quod meum ad fruendum te; nec inveniebam, do- lecterer mediatorem Dei et hominum, homi- ristum Jesum (I Tim. 11, 5), qui est super deus benedictus in sæcula (Rom. 1x, 5), vocan- dicentem: *Ego sum via, veritas, et vita* (Joan. et cibum, cui capiendo invalidus eram, mi- carni; quoniam Verbum caro factum est, ut nostræ lactesceret sapientia tua, per quam omnia. Non enim tenebam Dominum meum humilis humilem; nec cujus rei magistra es- infirmitas noveram. Verbum enim tuum æter- as, superioribus creaturæ tuæ partibus super- , subditos erigit ad seipsam: in inferioribus dificavit sibi humilem domum de limo nostro, m subdendos deprimeret a seipsis, et ad se t, sanans tumorem, et nutriens amorem; ne mi progredierentur longius, sed potius infir- r videntes ante pedes suos infirmam divi- ex participatione tunicæ pellicæ nostræ, et

gium huncce locum reparant codices Mss. Nam in corrupte legebatur, *et perveniret.*

¹ juxta Er. Lugd. Ven. Lov. Mart. Flor. M.

PATROL. XXXII.

lassi prosternerentur in eam, illa autem surgens le- varet eos.

CAPUT XIX.

Quid senserit de Christi incarnatione.

25. Ego vero aliud putabam, tantumque sentiebam de Domino Christo meo, quantum de excellentis sa- pientiæ viro, cui nullus posset æquari; præsertim quia mirabiliter natus ex virgine, ad exemplum conte- mnendorum temporalium pro adipiscenda immortali- tate, divina pro nobis cura tantam auctoritatem ma- gisterii meruisse videbatur. Quid autem sacramenti haberet *Verbum caro factum* (Joan. 1, 14), ne suspicari quidem poteram. Tantum cognoveram ex iis quæ de illo scripta traderentur, quia manducavit et bibit, dor- mivit, ambulavit, exhilaratus est, contristatus est, sermocinatus est; non hæsisse carnem illam Verbo tuo, nisi cum anima et mente humana. Novit hoc omnis qui novit incommutabilitatem Verbi tui, quam ego jam noveram, quantum poteram; nec omnino quidquam inde dubitabam. Etenim nunc movere membra corporis per voluntatem, nunc non movero: nunc aliquo affectu affici, nunc non affici; nunc pro- ferre per signa sapientes sententias, nunc esse in si- lentio: propria sunt mutabilitatis animæ et mentis. Quæ si falsa de illo scripta essent, etiam omnia peri- clitarentur mendacio, neque in illis Litteris ulla fidei salus generi humano remaneret. Quia itaque vera scripta sunt, totum hominem in Christo agnoscebam; non corpus tantum hominis, aut cum corpore sine mente animum¹ sed ipsum hominem: non persona Veritatis, sed magna quadam naturæ humanæ excel- lentia, et perfectiore participatione sapientiæ præferre cæteris arbitrabar. Alypius autem Deum carne indu- tum ita putabat credi a Catholicis, ut præter Deum et carnem, non esset in Christo anima; mentemque hominis non existimabat in eo prædicari. Et quoniam bene persuasum tenebat, ea quæ de illo memoriæ mandata sunt, sine vitali et rationali creatura non fieri, ad ipsam christianam fidem pigrius movebatur. Sed postea hæreticorum Apollinaristarum hunc errorem esse cognoscens, catholicæ fidei collætatus et con- temperatus est. Ego autem aliquanto posterius didi- cisse me fateor, in eo quod Verbum caro factum est, quomodo catholica veritas a Photini falsitate dirima- tur. Improbatio quippe hæreticorum facit eminere quid Ecclesia tua sentiat, et quid habeat sana doctri- na. Oportuit enim et hæreses esse, ut probati manifesti flerent inter infirmos (I Cor. xi, 19).

CAPUT XX.

Ex Platonicis libris peritior, sed inflatior evaserat.

26. Sed tunc lectis Platonicorum illis libris, postea- quam inde admonitus quærere incorpoream veritatem, invisibilia tua, per ea quæ facta sunt, intellecta con- spexi; et repulsus sensi quid per tenebras animæ meæ contemplari non sinerer, certus esse te, et infi- nitum esse, nec tamen per locos finitos infinitosve diffundi; et vere te esse qui semper idem ipse esses, ex nulla parte nulloque motu aliter aut aliter; cætera

¹ Animam, juxta Er. Lugd. Ven. Rond. M.

(Vingt-quatre.)

vero ex te esse omnia, hoc solo firmissimo documento, quia sunt: certus quidem in istis eram, nimis tamen infirmus ad fruendum te. Garriebam plane quasi peritus, et nisi in Christo Salvatore nostro viam tuam quærerem, non peritus, sed periturus essem. Jam enim cœperam velle videri sapiens, plenus pœna mea: et non flebam, insuper et inflabør scientia. Ubi enim erat illa ædificans charitas a fundamento humilitatis, quod est Christus Jesus? Aut quando illi libri docerent me eam? In quos me propterea, priusquam Scripturas tuas considerarem, credo voluisti incurrere, ut imprimeretur memoriæ meæ quomodo ex eis affectus essem: et cum postea in libris tuis mansuefactus essem, et curantibus digitis tuis contrectarentur vulnera mea; discernere atque distinguere quid interesset inter præsumptionem et confessionem; inter videntes quo eundem sit nec videntes qua, et viam ducentem ad beatificam patriam, non tantum cernendam, sed et habitandam. Nam si primo sanctis tuis Litteris informatus essem, et in earum familiaritate obdulcuisses mihi, et postea in illa volumina incidissem: fortasse aut abripuissent me a solidamento pietatis, aut si in affectu quem salubrem imbiberam perstissem, putarem etiam ex illis libris cum posse concipi, si eos solos quisquam didicisset.

CAPUT XXI.

Quid in sacris Libris invenerit, non inventum in Platonis.

27. Itaque avidissime arripui venerabilem stilum Spiritus tui, et præ cæteris apostolum Paulum; et perierunt illæ quæstiones in quibus mihi aliquando visus est adversari sibi, et non congruere testimoniis Legis et Prophetarum textus sermonis ejus. Et apparuit mihi una facies eloquiorum castorum, et exultare cum tremore didici. Et cœpi¹, et inveni quidquid illac verum legeram, hac cum commendatione gratiæ tuæ dici; ut qui videt, non sic gloriatur quasi non acceperit, non solum id quod videt, sed etiam ut videat (quid enim habet quod non accepit? [I Cor. iv, 7]): et ut te, qui es semper idem, non solum admoneatur ut videat, sed etiam sanetur ut teneat: et qui de lon-

¹ Cæpi, juxta Dub. Mart. Rond. M.

gino videre non potest, viam tamen ambulet qua veniat, et videat, et teneat; quia etsi condelectetur homo legi Dei secundum interiorem hominem, quid faciet de alia lege in membris suis, repugnante legi mentis suæ, et se captivum ducente in lege peccati, quæ est in membris ejus? Quoniam justus es, Domine; nos autem peccavimus, inique fecimus, inique gessimus, et gravata est super nos manus tua, et juste traditi sumus (Dan. iii, 27-32) antiquo peccatori præposito mortis; quia persuasit voluntati nostræ similitudinem voluntatis suæ, qua in veritate tua non stetit (Joan. viii, 44). Quid faciet miser homo? Quis eum liberabit de corpore mortis hujus, nisi gratia tua per Jesum Christum Dominum nostrum (Rom. vii, 23-25), quem genuisti cœternum, et creasti in principio viarum tuarum (Prov. viii, 22), in quo princeps hujus mundi non invenit quidquam morte dignum (Joan. xiv, 30), et occidit eum; et evacuatum est chirographum quod erat contrarium nobis (Coloss. ii, 14)? Hoc illæ litteræ non habent. Non habent illæ paginæ vultum pietatis hujus, lacrymas confessionis, sacrificium tuum, spiritum contribulatum, cor contritum et humiliatum (Psal. l, 19), populi salutem, sponsam civitatem (Apoc. xxi, 2), arrham Spiritus sancti (II Cor. v, 5), poculum pretii nostri. Nemo ibi cantat: *Nonne Deo subdita erit anima mea? Ab ipso enim salutare meum. Etenim ipse Deus meus et salutaris meus; susceptor meus, non movebor amplius* (Psal. lxi, 2, 3). Nemo ibi audit vocantem: *Venite ad me, qui laboratis.* Dedignantur ab eo discere quoniam mitis est et humilis corde. Abscondisti enim hæc a sapientibus et prudentibus, et revelasti ea parvulis (Matth. xi, 28, 29, 35). Et aliud est de silvestri cacumine videre patriam pacis, et iter ad eam non invenire, et frustra conari per invia, circum obsidentibus et insidiantibus fugitivis desertoribus, cum principe suo leone et dracone: et aliud tenere viam illuc ducentem, curia¹ cœlestis Imperatoris munitam, ubi non latrocinantur qui cœlestem militiam deseruerunt; vitant enim eam sicut supplicium. Hæc mihi inviscerabantur miris modis, cum minimum Apostolorum tuorum legerem, et consideraveram opera tua, et expaveram.

¹ In Edd., cura; at in Mss. Benign. longe melius, *curia cœlestis Imperatoris.*

LIBER OCTAVUS.

Vitæ ipsius partem attingit celeberrimam, annum ætatis trigesimum secundum, quo nempe cum Simplicianum consulisset, ab eoque didicisset Victorini conversionem, cum Antonii Ægyptii monachi vitam ex Pontitiani relatione cognovisset, post vehementem luctam carnem inter et animum, codicem Apostoli cœlesti admonitus oraculo inspexit; moxque ex illius lectione ad meliorem frugem toto animo immutatus fuit pleneque ad Deum conversus.

CAPIT PRIMUM.

Studio vitæ melius instituendæ ad Simplicianum ire statuit.

1. Deus meus, recorder in gratiarum actione tibi, et confitear misericordias tuas super me. Perfundantur ossa mea dilectione tua¹, et dicant: *Domine, quis*

¹ Bad. Am. Er. cum codice Alb., *delectatione tua.*

similis tibi? (Psal. xxxiv, 10.) Dirupisti vincula mea, sacrificem tibi sacrificium laudis (Psal. cxv, 17). Quomodo dirupisti ea, narrabo; et dicent omnes qui adorant te, cum audient hæc: *Benedictus Dominus in cælo et in terra; magnum et mirabile nomen ejus. Inhæserant præcordiis meis verba tua, et undique circumvallabar abs te. De vita tua æterna certus eram: quamvis*

eam in ænignate et quasi per speculum videram (*I Cor. XIII, 12*); dubitatio tamen omnis de incorruptibili substantia, quod ab illa esset omnis substantia, ablata mihi erat: nec certior de te, sed stabilior in te esse cupiebam. De mea vero temporali vita nutabant omnia, et mundandum erat cor a fermento veteri; et placebat via ipse Salvator, et ire per ejus angustias adhuc pigebat. Et immisisti in mentem meam, visumque est bonum in conspectu meo pergere ad Simplicianum qui mihi bonus apparebat servus tuus, et lucebat in eo gratia tua. Audieram etiam quod a juventute sua devotissime tibi viveret: jam vero tunc senuerat, et longa ætate in tam bono studio sectandæ viæ tuæ, multa expertus, multa edoctus mihi videbatur; et vere sic erat. Unde mihi ut proferret volebam, conferenti secum æstus meos, quis esset aptus modus sic affecto, ut ego eram, ad ambulandum in via tua.

2. Videbam enim plenam Ecclesiam; et alius sic ibat, alius autem sic. Mihi autem displicebat quod agebam in sæculo, et oneri mihi erat valde, non jam inflammantibus cupiditatibus, ut solebant, spe honoris et pecuniæ ad tolerandam illam servitutem tam gravem. Jam enim me illa non delectabant præ dulcedine tua et decore domus tuæ quam dilexi (*Psal. XXV, 8*); sed adhuc tenaciter colligabar ex femina: nec me prohibebat Apostolus conjugari, quamvis exhortaretur ad melius, maxime volens omnes homines sic esse ut ipse erat (*I Cor. VII*). Sed ego infirmior eligebam molliorem locum: et propter hoc unum volvebar in cæteris languidus, et tabescens curis marcidis, quod¹ et in aliis rebus quas nolebam pati, congruere cogebam vitæ conjugali, cui deditus obstringebar. Audieram ex ore Veritatis, esse spadones qui seipsos absciderunt propter regnum cælorum; sed, *Qui potest, inquit, capere, capiat* (*Matth. XIX, 12*). Vani sunt certe omnes homines quibus non inest Dei scientia; nec de iis quæ videntur bona, potuerunt invenire eum qui est (*Sap. XIII, 1*). At ego jam non eram in illa vanitate: transenderam eam; et contestante universa creatura tua, inveneram te creatorem nostrum, et Verbum tuum apud te Deum, tecumque cum Spiritu sancto² unum Deum, per quod creasti omnia. Est et aliud genus impiorum, qui cognoscentes Deum non sicut Deum glorificaverunt, aut gratias egerunt. In hoc quoque incideram; et dextera tua suscepit me (*Psal. XVII, 36*), et inde ablatum posuisti ubi convalescerem, quia dixisti homini: *Ecce pius est sapientia* (*Job. XXVIII, 28*); et, *Noli velle videri sapiens* (*Prov. III, 7*), quoniam *dicentes se esse sapientes stulti facti sunt* (*Rom. I, 21, 22*). Et inveneram jam bonam margaritam; et venditis omnibus quæ haberem, emenda erat, et dubitabam (*Matth. XIII, 46*).

CAPUT II.

De Victorino rhetore ad fidem converso.

3. Perrexi ergo ad Simplicianum, patrem in accipienda gratia tua tunc episcopi Ambrosii, et quem vere ut patrem diligebat. Narravi ei circuitus erroris mei.

¹ Quo, juxta Mart. cum tribus Mss. M.

² Omitti poterant isthæc verba, cum Spiritu sancto, quæ absunt a pluribus et potioribus manuscriptis.

Ubi autem commemoravi legisse me quosdam libros Platoniorum, quos Victorinus quondam rhetor urbis Romæ, quem christianum defunctum esse audieram, in latinam linguam transtulisset; gratulatus est mihi quod non in aliorum philosophorum scripta incidissem, plena fallaciarum et deceptionum secundum elementa hujus mundi (*Colos. II, 8*): in istis autem, omnibus modis insinuari Deum et ejus Verbum. Deinde, ut me exhortaretur ad humilitatem Christi, sapientibus absconditam et revelatam parvulis (*Matth. XI, 25*), Victorinum ipsum recordatus est, quem, Romæ cum esset, familiarissime noverat: deque illo mihi narravit quod non silebō. Habet enim magnam laudem gratiæ tuæ confitendam tibi, quemadmodum ille doctissimus senex, et omnium liberalium doctrinarum peritissimus, quippe philosophorum tam multa legerat, et dijudicaverat¹; doctor tot nobilium senatorum, qui etiam ob insigne præclari magisterii, quod cives hujus mundi eximium putant, statuam in Romano foro meruerat et acceperat; usque ad illam ætatem venerator idolorum, sacrorumque sacrilegorum particeps, quibus tunc tota fere Romana nobilitas inflata inspirabat populo jam et omnigenum deum monstra², et Anubem latratorem, quæ aliquando contra Neptunum et Venerem, contraque Minervam tela tenuerant (*Aeneid., lib. 8, 678-700*), et a se victis jam Roma supplicabat: quæ iste senex Victorinus tot annos ore terrecrope defensitaverat: non erubuerit esse puer Christi tui, et infans fontis tui, subjecto collo ad humilitatis jugum, et edomita fronte ad crucis opprobrium.

4. O Domine, Domine, qui inclinasti cælos, et descendisti; tetigisti montes, et fumigaverunt (*Psal. CXLIII, 5*): quibus modis te insinuasti illi pectori? Legebat, sicut ait Simplicianus, sanctam Scripturam, omnesque christianas litteras investigabat studiosissime et perscrutabatur; et dicebat Simpliciano non palam, sed secretius et familiarius: *Noveris me jam esse christianum*. Et respondebat ille: *Non credam, nec deputabo te inter Christianos, nisi in ecclesia Christi te videro*. Ille autem irridebat dicens: *Ergo parietes faciunt Christianos?* Et hoc sæpe dicebat, jam se esse christianum; et Simplicianus illud sæpe respondebat, etsæpe ab illo parietum irrisio repetebatur. Amicos enim suos reverebatur offendere superbos dæmonicolas, quorum ex culmine Babylonicæ dignitatis, quasi ex cedris Libani quas nondum contriverat Dominus (*Psal. XXVIII, 5*); graviter ruituras in se inimicitias arbitrabatur. Sed posteaquam legendo et inhiando hausit firmitatem, timuitque negari a Christo coram Angelis sanctis, si eum timeret coram

¹ Mss. non addunt *et dilucidaverat*.

² Mirum quantum hic variant Codices. Ex vetustioribus et castigatioribus Fossat. Benign. Corb. etc. pro *populo jam*, habent, *spirabat popillos jam*. Alii quinque cum Bad. Am. Er. Som. Blas., *spirabat populi usiam*. Victorinus, Germanensis, etc., *spirabat populi que jam*. Nonnulli, *spirabat populi etiam*. Lov., *spirabat populusque etiam*. Hanc lectionem sequimur, licet minime nobis constet Germanam esse. Porro addidimus conjunctionem *et ante omnigenum*, quia in omnibus Mss. reperitur. — Addunt PP. Benedictini in retractatione supplementaria: « Mss. Angl. tres. *inflata inspirabat populo jam omnigenum*, etc. Hæc lectio cæteris suo loco exhibitis præstantior et amplectenda. » Ergo eam amplexi sumus et in textum retulimus, ex Benedictinorum consilio. M.

hominibus confiteri (*Matth. x, 33*), reusque sibi magni criminis apparuit erubescendo de sacramentis humilitatis Verbi tui, et non erubescendo de sacris sacrilegis superbiorum dæmoniorum, quæ imitator superbus acceperat; depuduit vanitati, et erubuit veritati, subitoque et inopinatus sit Simpliciano, ut ipse narrabat: *Eamus in ecclesiam; christianus volo fieri*. At ille non se capiens lætitia, perrexit cum eo. Ubi autem imbutus est primis instructionum sacramentis, non multo post etiam nomen dedit, ut per Baptismum regeneraretur, mirante Roma, gaudente Ecclesia. Superbi videbant, et irascebantur; dentibus suis stridebant, et tabescebant (*Psal. xci, 10*): servo autem tuo¹ Dominus Deus erat spes ejus, et non respiciebat in vanitates et in insanias mendaces (*Psal. xxxix, 5*).

5. Denique, ut ventum est ad horam profitendæ fidei, quæ verbis certis conceptis, retentisque memoriter, de loco eminentiore in conspectu populi fidelis Romæ reddi solet ab eis qui accessuri sunt ad gratiam tuam, oblatum esse dicebat Victorino a presbyteris ut secretius redderet, sicut nonnullis qui verecundia trepidaturi videbantur, offerri mos erat; illum autem maluisse salutem suam in conspectu sanctæ multitudinis profiteri. Non enim erat salus quam docebat in rhetorica, et tamen eam publice professus erat. Quanto minus ergo vereri debuit mansuetum gregem tuum pronuntians verbum tuum, qui non verebatur in verbis suis turbas insanorum? Itaque ubi ascendit ut redderet, omnes sibimet invicem, quisque ut eum noverat, instrepuerunt nomen ejus strepitu gratulationis. Quis autem ibi non eum noverat? Et sonuit presso sonitu per ora cunctorum collætantium: Victorinus, Victorinus! Cito sonuerunt exultatione, quia videbant eum; et cito siluerunt intentione, ut audirent eum. Pronuntiavit ille fidem veracem præclara fiducia, et volebant eum omnes rapere intro in cor suum; et rapiebant amando et gaudento: hæ rapientium manus erant.

CAPUT III.

Quod Deus et Angeli magis gaudent in peccatorum conversione.

6. Deus bone, quid agitur in homine, ut plus gaudeat de salute desperatæ animæ, et de majore periculo liberatæ, quam si spes ei semper affuisset, aut periculum minus fuisset? Etenim tu quoque, misericors Pater, plus gaudes de uno pœnitente, quam de nonaginta novem justis, quibus non est opus pœnitentia. Et nos cum magna jucunditate audimus, cum audimus quam exsultantibus Angelis², pastoris humeris reportetur ovis quæ erraverat; et drachma referatur in thesauros tuos, collætantibus vicinis mulieri quæ invenit: et lacrymas excutit gaudium solemnitatis domus tuæ, cum legitur in domo tua de minore filio tuo, *quoniam mortuus erat, et revixit; perierat, et inventus est* (*Luc. xv*). Gaudes quippe in nobis, et in Angelis tuis sancta charitate sanctis. Nam tu semper

¹ *Suo*, juxta Rond. cum aliquot Mss. M.

² In pluribus Edd.: *Quam exsultantis pastoris*. In Mss.: *Quam exsultantibus pastoris*; præter Valinensem qui habet: *Quam exsultantibus Angelis pastoris*; et melius.

idem, qui ea quæ non semper nec eodem modo sunt, eodem modo semper nosti omnia.

7. Quid ergo agitur in anima, cum amplius delectatur inventis aut redditis rebus quas diligit, quam si eas semper habuisset? Contestantur enim et cætera, et plena sunt omnia testimoniis clamantibus: Ita est. Triumphat victor imperator, et non vicisset, nisi pagnavisset; et quanto majus periculum fuit in prælio, tanto est gaudium majus in triumpho. Jactat tempestas navigantes, minaturque naufragium; omnes futura morte pallescunt: tranquillatur cælum et mare, et exsultant nimis, quoniam timuerunt nimis. Ager est charus, et vena ejus malum renuntiat; omnes qui eum salvum cupiunt, ægrotant simul animo: fit ei recte, et nondum ambulat pristinis viribus; et fit jam tale gaudium, quale non fuit cum antea salvus et fortis ambularet. Easque ipsas voluptates humanæ vitæ etiam non inopinatis et præter voluntatem irruentibus, sed institutis et voluntariis molestiis homines acquirunt. Edendi et bibendi voluptas nulla est, nisi præcedat esuriendi et sitiendi molestia. Et ebriosis quædam salsiuscula comedunt, quo fiat molestus ardor, quem dum exstinguit potatio, fit delectatio. Et institutum est ut jam pactæ sponsæ non tradantur statim, ne vilem habeat; maritus datam, quam non suspiraverit sponsus dilatam.

8. Hoc in turpi et exsecranda lætitia; hoc in ea quæ concessa et licita est; hoc in ipsa sincerissima honestate amicitiae: hoc in eo qui mortuus erat, et revixit; perierat, et inventus est. Ubique majus gaudium molestia majori præceditur. Quid est hoc, Domine Deus meus, cum tu æternum tibi tu ipse sis gaudium, et quædam de te circa te semper gaudeant? Quid est quod hæc rerum pars alternat defectu et profectu, offensionibus et conciliationibus? An is est modus earum, et tantum dedisti eis, cum a summis cælorum usque ad ima terrarum, ab initio usque in finem sæculorum, ab angelo usque ad vermiculam, a motu primo usque ad extremum, omnia genera bonorum, et omnia justa opera tua, suis quæque sedibus locares, et suis quæque temporibus ageres? Heu mihi, quam excelsus es in excelsis, et quam profundus in profundis! et nusquam recedis, et vix redimus ad te.

CAPUT IV.

Quare plus lætandum sit in conversione nobilium.

9. Age, Domine, fac; excita, et revoca nos; accede, et rape; flagra, dulcesce: amemus, curramus. Nonne multi ex profundiore tartaro cæcitatibus quam Victorinus redeunt ad te, et accedunt, et illuminantur recipientes lumen, quod si qui recipiunt, accipiunt a te potestatem ut filii tui fiant? (*Joan. i, 9, 12.*) Sed si minus noti sunt populis, minus de illis gaudent etiam qui noverunt eos. Quando enim cum multis gaudetur, et in singulis uberius est gaudium, quia fervefaciunt se, et inflammantur ex alterutro. Deinde, quod multis noti, multis sunt auctoritati ad salutem, et multis præeunt secuturis. Ideoque multum de illis et qui eos præcesserunt lætantur, quia non de solis lætantur. Absit enim ut in tabernaculo tuo præ pauperibus ac-

cupiantur personæ divitum, aut præ ignobilibus nobiles; quando potius infirma mundi elegisti ut confunderes fortia; et ignobilia hujus mundi elegisti et contemptibilia, et ea quæ non sunt, tamquam sint, ut ea quæ sunt evacuares (I Cor. i, 27, 28). Et tamen idem ipse minimus Apostolorum tuorum (*Id.*, xx, 9), per cujus linguam tua ista verba sonuisti, cum Paulus proconsul, per ejus militiam debellata superbia, sub fine jugum Christi tui missus esset, regis magni provincialis effectus (*Act.* xiii, 7, 12); ipse quoque ex priore Saulo Paulus vocari amavit, ob tam magnæ¹ insigne victoriæ. Plus enim hostis vincitur in eo quem plus tenet, et de quo plures tenet. Plus autem superbos tenet nomine nobilitatis, et de his plures nomine auctoritatis. Quanto igitur gratius cogitabatur² Victorini pectus, quod tamquam inexpugnabile receptaculum diabolus obtinuerat, et Victorini lingua, quo telo grandi et acuto multos peremerat; tanto abundantius exsultare oportuit filios tuos, quia Rex noster alligavit fortem, et videbant vasa ejus erepta (*Matth.* xii, 29) mundari, et aptari in honorem tuum, et fieri utilia Domino ad omne opus bonum (II Tim. ii, 21).

CAPUT V.

Quæ remorabatur eum a conversione.

10. Sed ubi mihi homo tuus Simplicianus de Victorino ista narravit, exarsi ad imitandum: ad hoc enim et ille narraverat. Posteaquam vero et illud addidit, quod imperatoris Juliani temporibus lege data prohibiti sunt Christiani docere litteraturam et oratoriam; quam legem ille amplexus, loquacem scholam deserere maluit, quam verbum tuum, quo linguas infantium facis disertas (*Sup.* x, 11): non mihi fortior quam felicius visus est, quia invenit occasionem vacandi tibi. Cui rei ego suspirabam ligatus, non ferro alieno, sed mea ferrea voluntate. Velle meum tenebat inimicus, et inde mihi catenam fecerat, et constrinxerat me. Quippe ex voluntate, perversa, facta est libido: et dum servitur libidini, facta est consuetudo; et dum consuetudini non resistitur, facta est necessitas. Quibus quasi ansulis sibimet innexis, unde catenam appellavi, tenebat me obstrictum dura servitus. Voluntas autem nova quæ mihi esse cœperat ut te gratis colerem, fruique te vellem, Deus sola certa jucunditas, nondum erat idonea ad superandam priorem vetustate roboratam. Ita duæ voluntates meæ, una vetus, alia nova, illa carnalis, illa spiritualis, confligebant inter se, atque discordando dissipabant animam meam.

11. Sic intelligebam, meipso experimento³, id quod legeram, quomodo caro concupisceret adversus spiritum, et spiritus adversus carnem (*Galat.* v, 17). Ego quidem in utroque; sed magis ego in eo quod in me approbavam, quam in eo quod in me improbavam. Ibi enim magis jam non ego; quia ex magna parte id

¹ *Magnum*, juxta Lov. M.

² Mss. octo habent, *cogebatur*; non inepte, ad significandam vim diabolo illatam. Sequimur vulgatorum lectionem in Mss. etiam bene multis repertam, et vero potest habere eundem sensum.

³ In B.: *In me ipso*. Lugd. Ven. et Lov., *meo ipso*. Er. Somm. Arn. Mart, et Flor. cum pluribus Mss, *meipso experimento* M.

patiebar invitus, quam faciebam volens¹. Sed tamen consuetudo adversus me pugnacior ex me facta erat, quoniam volens, quo nollem, perveneram. Et quis jure contradiceret, cum peccantem justa pœna sequeretur? Et non erat jam illa excusatio², qua videri mihi solebam propterea nondum me contempto sæculo servire tibi, quia incerta mihi esset perceptio veritatis: jam enim et ipsa certa erat. Ego autem adhuc terra obligatus, militare tibi recusabam; et impeditis omnibus sic timebam expediri, quemadmodum impediti timendum est.

12. Ita sarcina sæculi, velut somno assolet, dulciter premebar; et cogitationes quibus meditabar in te, similes erant conatibus expergisci volentium, qui tamen superati soporis altitudine remerguntur. Et sicut nemo est qui dormire semper velit, omniumque sano judicio vigilare præstat; differt tamen plerumque homo somnum excutere, cum gravis torpor in membris est; cumque jam displicentem carpit libentius, quamvis surgendi tempus advenerit: ita certum habebam esse melius tuæ charitati me dedere, quam meæ cupiditati cedere; sed illud placebat et vincebat³; hoc libebat et vinciebat. Non enim erat quod tibi responderem dicenti mihi, *Surge qui dormis, et exsurge a mortuis; et illuminabit te Christus* (*Ephes.* v, 14): et undique ostendenti vera te dicere, non erat omnino quod responderem veritate convictus, nisi tantum verba lenta et somnolenta: Modo, ecce modo; sine paululum. Sed, Modo, et modo, non habebant modum; et Sine paululum, in longum ibat. Frustra condelectabar legi tuæ secundum interiorum hominem, cum lex alia in membris meis repugnaret legi mentis meæ, et captivum me duceret in legem peccati, quæ in membris meis erat. Lex enim peccati est violentia consuetudinis, qua trahitur et tenetur etiam invitus animus, eo merito quo in eam volens illabatur. Miserum ergo me quis liberaret de corpore mortis hujus, nisi gratia tua per Jesum Christum Dominum nostrum? (*Rom.* vii, 22-25.)

CAPUT VI.

Pontitianus narrat Antonii vitam.

13. Et de vinculo quidem desiderii concubitus quo arctissimo tenebar, et sæcularium negotiorum servitute, quemadmodum me exemeris narrabo, et confitebor nomini tuo, Domine, adjutor meus et redemptor meus. Agebam solita, crescente anxietudine, et quotidie suspirabam tibi; frequentabam ecclesiam tuam, quantum vacabat eis negotiis sub quorum pondere gemebam⁴. Mecum erat Alypius otiosus ab opere jurisperitorum post assessionem tertiam, expectans quibus iterum consilia venderet, sicut ego vendebam dicendi facultatem, si qua docendo præstari potest. Nebridius autem amicitie nostræ cesserat, ut omnium

¹ Lov.: *Quod faciebam volens*. Sed legendum *quam*, uti habent alii codices; et supplendum *magis*, quam particulam relicere amat Augustinus.

² Bad. Am. Er. Lov., *ulla excusatio*.

³ In Mss. quatuor, *et non vincebat*. Sed verior aliorum codicum lectio siue negatione, id nempe *vincebat*, quod saniore judicio mentis præferebatur, tametsi infirmioris adhuc voluntatis affectu non eligeretur. Unde mox ait: *Non erat omnino quod responderem veritate convictus*.

⁴ Lovi, *degebam*.

nostrum familiarissimo Verecundo, Mediolanensi civi et grammatico subdoceret, vehementer desideranti et familiaritatis jure flagitanti de numero nostro fidele adiutorium, quo indigebat nimis. Non itaque Nebridium cupiditas commodorum eo traxit: majora enim posset si vellet de litteris agere; sed officio benevolentiae petitionem nostram contemnere noluit amicus dulcissimus et mitissimus. Agebat autem illud prudentissime, cavens innotescere personis secundum hoc sæculum majoribus, devitans in eis omnem inquietudinem animi, quem volebat habere liberum et quam multis posset horis feriatum, ad quærendam aliquid, vel legendum vel audiendum de sapientia.

14. Quodam igitur die, non recolo causam qua erat absens Nebridius, cum ecce ad nos domum venit ad me et Alypium Pontitianus¹ quidam civis noster in quantum Afer, præclare in palatio militans: nescio quid a nobis volebat. Et consedimus ut colloqueremur; et forte supra mensam lusoriam quæ ante nos erat, attendit codicem, tulit, aperuit, invenit apostolum Paulum, inopinate sane: putaverat enim aliquid de libris quorum professio me conterebat. Tum vero aridens, meque intuens, gratulatorie miratus est quod eas et solas præ oculis meis litteras repente comperisset. Christianus quippe et fidelis erat, et sæpe tibi Deo nostro prosternebatur in ecclesia crebris et diuturnis orationibus. Cui ego cum indicassem illis me Scripturis curam maximam impendere, ortus est sermo, ipso narrante, de Antonio Ægyptio monacho, cujus nomen excellenter clarebat apud servos tuos; nos autem usque in illam horam latebat. Quod ille ubi comperit, immoratus est in eo sermone, insinuans tantum virum ignorantibus, et admirans eandem nostram ignorantiam. Stupebamus autem audientes tam recenti memoria, et prope nostris temporibus testatissima mirabilia tua in fide recta et catholica Ecclesia. Omnes mirabamur, et nos quia tam magna erant, et ille quia inaudita nobis erant.

15. Inde sermo ejus devolutus est ad monasteriorum greges, et mores suaveolentiæ tuæ, et ubera deserta eremi quorum nos nihil sciebamus. Et erat monasterium Mediolani plenum bonis fratribus, extra urbis mœnia, sub Ambrosio nutritore; et non noveamus. Pertendebat ille et loquebatur adhuc, et nos intenti tacebamus. Unde incidit ut diceret nescio quando se et tres alios contubernales suos, nimirum apud Treveros, cum imperator pomeridiano Circensium spectaculo teneretur, exisse deambulatum in hortos muris contiguos; atque illic ut forte combinati spatiabantur, unum secum seorsum, et alios duos itidem seorsum [pariterque digressos: sed illos vagabundos irruiisse in quamdam casam, ubi habitabant quidam servi tui, spiritu pauperes, qualium est regnum cœlorum (Matth. v, 3), et invenisse ibi codicem in quo scripta erat vita Antonii. Quam legere cœpit unus eorum, et mirari, et accendi, et inter legendum meditari arripere talem vitam, et relicta militia sæculari

servire tibi: erant² autem ex eis quos dicunt agentes in rebus. Tunc subito repletus amore sancto et sobrio pudore, iratus sibi conjecit oculos in amicum, et ait illi: Dic, quæso te, omnibus istis laboribus nostris quo ambimus pervenire? quid quærimus? cujus rei causa militamus? Majorne esse poterit spes nostra in palatio, quam ut amici Imperatoris simus? Et ibi quid non fragile, plenumque periculis? Et per quot pericula perventur ad grandius periculum? Et quando³ istuc erit? Amicus autem Dei, si volucro, ecce nunc flo. Dixit hoc, et turbidus parturitione novæ vitæ, reddidit oculos paginis; et legebat, et mutabatur intus ubi tu videbas, et exuebatur mundo mens ejus, ut mox apparuit. Namque dum legit et volvit fluctus cordis sui, infremuit aliquando et discrevit, decrevitque meliora; jamque tuus, ait amico suo: Ego jam abrumpi me ab illa spe nostra, et Deo servire statui; et hoc ex hora hac, in hoc loco aggredior. Te si pigrit imitari, noli adversari. Respondit ille, adhærere se socium⁴ tantæ mercedis tantæque militiæ. Et ambo jam tui, ædificabant turrim sumptu idoneo relinquendi omnia sua et sequendite (Luc. xiv, 26-35). Tum Pontitianus et qui cum eo per alias horti partes deambulabant, quærentes eos devenerunt in eundem locum, et invenientes admonuerunt ut redirent, quod declinasset dies. At illi narrato placito et proposito suo, quoque modo in eis talis voluntas orta esset atque firmata, petiverunt ne sibi molesti essent si adjungi recusarent. Isti autem nihilo mutati a pristinis, fleverunt se tamen, ut dicebat⁵, atque illis pie congratulati sunt, et commendaverunt se orationibus eorum, et trahentes cor in terra abierunt in palatium; illi autem affligentes cor cœlo manserunt in casa. Et ambo habebant sponsas: quæ posteaquam hoc audierant, dicaverunt etiam ipsæ virginitatem tibi.

CAPUT VII.

Rodebatur intus audito Pontitiano.

16. Narrabat hæc Pontitianus: tu autem, Domine, inter verba ejus retorquebas me ad meipsum, auferens me a dorso meo ubi me posueram, dum nollem me attendere; et constituebas me ante faciem meam, ut viderem quam turpis essem, quam distortus et sordidus, maculosus et ulcerosus. Et videbam, et horrebam; et quo a me fugerem non erat. Et si conabar a me avertere aspectum, narrabat ille quod narrabat, et tu me rursus opponebas mihi, et impingebas me in oculos meos ut invenirem iniquitatem meam et odissem. Noveram eam, sed dissimulabam; et connivebam⁵, et obliviscebar.

17. Tunc vero, quanto ardentius amabam illos de

¹ Am. Er. Lov., erat.

² In plerisque Edd., et quamdiu. At in melioribus Mss. et Arn., et quando. Malumus ut antithesis servetur, quia in sequenti membro dicitur, ecce nunc flo. — Er. Lugd. Ven. Lov. Mart. Flor. et Rond., istud, non istuc. M.

³ Sic Mss. At Lov., socio.

⁴ Decebat, juxta Somm. et duo Mss. Germanenses. M.

⁵ Lov. in quatuor suis Mss. legebat convivebam: nos in nostris reperimus conhibebam. Nempe suam iniquitatem secum habebat, convivebat, et tamen obliviscebatur. — Cohibebam, juxta editionem Florentinam. M.

¹ Sic in Mss. At in codicibus editis scribitur *Politianus*.

quibus audiebam salubres affectus, quod se totos tibi sanandos dederant, tanto execrabilius me comparatum eis oderam. Quoniam multi mei anni mecum effluerant, forte duodecim anni ex quo ab undevigesimo anno ætatis meæ, lecto Ciceronis Hortensio, excitatus eram studio sapientiæ; et differebam contempta felicitate terrena ad eam investigandam vacare, cujus non inventio, sed vel sola inquisitio jam præponenda erat etiam inventis thesauris regnisque gentium, et ad nutum circumfluentibus corporis voluptatibus. Et ego adolescens miser, valde miser, in exordio ipsius adolescentiæ etiam petieram a te castitatem, et dixeram: Da mihi castitatem et continentiam, sed noli modo. Timebam enim ne me cito exaudires, et cito sanares a morbo concupiscentiæ, quam malebam expleri quam extinguere. Et ieram per vias pravæ superstitione sacrilegæ, non quidem certus in ea, sed quasi præponens eam cæteris¹, quæ non pio quærebam, sed inimice oppugnabam.

18. Et putaveram me propterea differre de die in diem contempta spe sæculi, te solum sequi, quia non mihi apparebat certum aliquid quo dirigerem cursum meum. Et venerat dies quo nudarer mihi, et increparet in me conscientia mea: Ubi est² lingua? Nempe tu dicebas propter incertum verum nolle te abjicere sarcinam vanitatis. Ecce jam certum est, et illa te adhuc premit, humerisque liberioribus pennas recipiunt, qui neque ita inquirendo attriti sunt, nec decennio et amplius ista meditati. Ita rodebar intus, et confundebar pudore horribili vehementer, cum Pontitianus talia loqueretur. Terminato autem sermone et causa qua venerat, abiit ille. Et ego ad me quæ non in me dixi? Quibus sententiarum verberibus non flagellavi animam meam, ut sequeretur me conantem post te ire? Et renitebatur³; recusabat, et non se excusabat. Consumpta erant et convicta argumenta omnia: remanserat muta trepidatio; et quasi mortem reformidabat restringi a fluxu consuetudinis quo tabescebat in mortem.

CAPUT VIII.

In hortum secedit, quid ibi egerit.

19. Tum in illa grandi rixa interioris domus meæ, quam fortiter excitaveram cum anima mea in cubiculo nostro corde meo, tam vultu quam mente turbatus, invado Alypius, et exclamo: Quid patimur? quid est hoc? quid audisti? Surgunt indocti et cælum rapiunt; et nos cum doctrinis nostris sine corde, ecce ubi volutamus in carne et sanguine? An quia præcesserunt, pudet sequi, et non pudet nec saltem sequi? Dixi nescio quæ talia, et abripuit me ab illo æstus meus, cum taceret attonitus intuens me. Neque enim solita sonabam, plusque loquebantur animum meum frens, genæ, oculi, color, modus vocis, quam verba quæ promebam. Hortulus quidam erat hospitii nostri, quo nos utebamur sicut tota domo: nam hospes ibi non habitabat dominus domus. Illuc me abstulerat tumultus pectoris, ubi nemo impediret ardentem litem quam

mecum aggressus eram, donec exiret qua tu sciebas; ego autem non⁴: sed tantum insaniebam⁵ salubriter, et moriebar vitaliter, gnarus quid mali essem, et ignarus quid boni post paululum futurus essem. Abscessi ergo in hortum, et Alypius pede post pedem⁶. Neque enim secretum meum non erat, ubi ille aderat: aut quando me sic affectum desereret? Sedimus, quantum potuimus remoti ab ædibus. Ego fremebam spiritu indignans turbulentissima indignatione, quod non irem in placitum et pactum tecum, Deus meus, in quod eundem esse omnia ossa mea clamabant, et in cælum tollebant laudibus: et non illuc ibatur navibus aut quadrigis, aut pedibus, quantum saltem de domo in eum locum ieram, ubi sedebamus. Nam non solum ire, verum etiam pervenire illuc, nihil erat aliud quam velle ire, sed velle fortiter et integre; non semisauiciam hac atque hac versare et jactare voluntatem, parte assurgente cum alia parte cadente luctantem⁷.

20. Denique tam multa faciebam corpore in ipsis cunctationis æstibus, quæ aliquando volunt homines, et non valent, si aut ipsa membra non habeant, aut ea vel colligata vinculis, vel resoluta languore, vel quoquo modo impedita sint. Si vulsi capillum, si percussi frontem, si consertis digitis amplexatus sum genu; quia volui, feci. Potui autem velle et non facere, si mobilitas membrorum non obsequeretur. Tam multa ergo feci, ubi non hoc erat velle quod posse: et non faciebam quod et incomparabili affectu amplius mihi placebat, et mox ut vellem, possem; quia mox ut vellem, utique vellem. Ibi enim facultas ea quæ voluntas, et ipsum velle jam facere erat; et tamen non fiebat: faciliusque obtemperabat corpus tenuissimæ voluntati animæ, ut ad nutum mentis membra moverentur, quam ipsa sibi anima ad voluntatem suam⁸ magnam in sola voluntate perficiendam.

CAPUT IX.

Unde fit ut animus imperet sibi et resistatur.

21. Unde hoc monstrum? et quare istud? Luccat misericordia tua; et interrogem, si forte mihi respondere possint latebræ pœnarum hominum, et tenebrosissimæ contritiones filiorum Adam. Unde hoc monstrum? et quare istud? Imperat animus corpori, et paretur statim; imperat animus sibi et resistitur. Imperat animus ut moveatur manus, et tanta est facilitas ut vix a servitio discernatur imperium: et animus animus est, manus autem corpus est. Imperat animus ut velit animus, nec alter est, nec facit tamen. Unde hoc monstrum? et quare istud? Imperat, in-

¹ Non sciebam, juxta Er. Lugd. Ven. M.

² In B. insaniebam. Er. Lugd. Ven. Lov. Somm. Flor. et Rouj., insaniebam. M.

³ Sic legendum juxta Mss. [Editi vero *Pedem post pedem*].

⁴ Vetus Cd. Corb.: *Parte assurgentem; cum alia parte alibi jacente cadentem, luctantem*. Angl. duo, *parte assurgentem cum alia*. — *Partem assurgentem*, juxta Er. Lugd. Ven. Editio Florentina legit ut Cd. Corb.; duo Mss. Flor. ut Angl. duo. M.

⁵ Lov. Somm. Blas. *ad voluptatem suam*: corrupte, nam de perficienda voluntate loquitur Augustinus. Et vero in Mss., nullo ferre excepto, in antiquioribus editionibus et Aru. habetur, *ad voluntatem suam*.

¹ Er. cum uno Mss., certis.

² Es, juxta Er. Lugd. Lov. Mart. M.

³ Mss. Angl., *retinebatur*; alii, *renitebatur*.

quam, ut velit, qui non imperaret nisi vellet, et non fit quod imperat. Sed non ex toto vult; non ergo ex toto imperat. Nam in tantum imperat, in quantum vult, et in tantum non fit quod imperat, in quantum non vult. Quoniam voluntas imperat ut sit voluntas, nec alia, sed ipsa. Non utique plena imperat, ideo non est quod imperat. Nam si plena esset, nec imperaret ut esset, quia jam esset. Non igitur monstrum partim velle, partim nolle; sed ægritudo animi est, quia non totus assurgit veritate sublevatus, consuetudine prægravatus. Et ideo sunt duæ voluntates, quia unicarum tota non est, et hoc adest alteri quod deest alteri.

CAPUT X.

Adversus Manichæos qui ex duabus contrariis voluntatibus duas contrarias naturas asseverant.

22. Pereant a facie tua, Deus, sicuti pereunt vaniloqui et mentis seductores, qui cum duas voluntates in deliberando animadvertent, duas naturas duarum mentium esse asseverant, unam bonam, alteram malam. Ipsi vere mali sunt, cum ista mala sentiunt, et iidem ipsi boni erunt si vera senserint, verisque consenserint, ut dicat eis Apostolus tuus: *Fuistis aliquando tenebræ; nunc autem lux in Domino* (*Ephes. v, 8*). Isti enim dum volunt esse lux, non in Domino, sed in seipsis, putando animæ naturam hoc esse quod Deus est, ita facti sunt densiores tenebræ; quoniam longius a te recesserunt horrenda arrogantia, a te vero lumine illuminante omnem hominem venientem in hunc mundum (*Joan. 1, 9*). Attendite quid dicatis, et erubescite, et accedite ad eum [et illuminamini, et vultus vestri non erubescant] (*Psal. xxxiii, 6*). Ego cum delibera- bam ut jam servirem Domino Deo meo, sicut diu disposueram, ego eram qui volebam, ego qui nolebam; ego, ego eram. Nec plene volebam, nec plene nolebam. Ideo mecum contendebam, et dissipabar a me ipso. Et ipsa dissipatio me invito quidem fiebat, nec tamen ostendebat naturam mentis alienæ, sed pœnam meæ. Et ideo non jam ego operabar illam, sed quod habitabat in me peccatum (*Rom. vii, 14*) de supplicio liberioris peccati, quia eram filius Adam.

23. Nam si tot sunt contrariæ naturæ, quot voluntates sibi resistunt; non jam duæ, sed plures erunt. Si deliberet quisquam utrum ad conventiculum eorum pergat, an ad theatrum; clamant isti: Ecce duæ naturæ; una bona hac ducit, altera mala illac reducit. Nam unde ista cunctatio sibimet adversantium voluntatum? Ego autem dico ambas malas, et quæ ad illos ducit, et quæ ad theatrum reducit. Sed non credunt nisi bonam esse qua itur ad eos. Quid si ergo quisquam nostrum deliberet, et secum altercantibus duabus voluntatibus fluctuet, utrum ad theatrum pergat, an ad ecclesiam nostram? nonne et isti quid respondeant fluctuabunt? Aut enim fatebuntur, quod nolunt, bona voluntate pergi in ecclesiam nostram, sicut in eam pergunt qui sacramentis ejus imbuti sunt atque detinentur: aut duas malas naturas, et duas malas mentes in uno homine conflare putabunt; et non erit verum quod solent dicere, unam bonam et alteram

malam: aut convertentur ad verum, et non negabunt, cum quisque deliberat, animam unam diversis voluntatibus æstuarere.

24. Jam ergo non dicant, cum duas voluntates in homine uno adversari sibi sentiunt, duas contrarias mentes de duabus contrariis substantiis et de duobus contrariis principiis contendere, unam bonam, alteram malam. Nam tu, Deus verax, improbas eos, et redarguis atque convincis eos, sicut in utraque mala voluntate, cum quisque deliberat utrum hominem veneno interimat an ferro; utrum fundum alienum illum, an illum invadat, quando utrumque non potest; utrum emat voluptatem luxuria, an pecuniam servet avaritia; utrum ad circum pergat, an ad theatrum, si uno die utrumque exhibeatur; addo etiam tertium, an ad furtum de domo aliena, si subest occasio; addo et quartum, an ad committendum adulterium, si et inde simul facultas aperitur, si omnia concurrant in unum articulum temporis, pariterque cupiantur omnia quæ simul agi nequeunt: discerpunt enim animum sibimet adversantibus quatuor voluntatibus, vel etiam pluribus in tanta copia rerum quæ appetuntur, nec tamen tantam multitudinem diversarum substantiarum solent dicere: ita et in bonis voluntatibus. Nam quæro ab eis utrum bonum sit delectari lectione Apostoli, et utrum bonum sit delectari psalmo sobrio, et utrum bonum sit Evangelium disse- rere. Respondebunt ad singula: Bonum. Quid si ergo pariter delectent omnia simulque uno tempore? Nonne diversæ voluntates distendunt cor hominis, cum deliberatur quid potissimum arripiamus? Et omnes bonæ sunt, et certant secum, donec eligatur unum, quo feratur tota voluntas una, quæ in plures dividebatur. Ita etiam cum æternitas delectat superius, et temporalis boni voluptas retentat inferius, eadem anima est non tota voluntate illud aut hoc volens; et ideo discerpitur gravi molestia, dum illud veritate præponit, hoc familiaritate non ponit ¹.

CAPUT XI.

Lucta spiritus et carnis in Augustino.

25. Sic ægrotabam et excruciarer accusans memetipsum solito acerbius nimis, ac volens et versans me in vinculo meo, donec abrumperetur totum quo jam exiguo tenebar, sed tenebar tamen. Et instabas tu in occultis meis, Domine, severa misericordia, flagella ingeminans timoris et pudoris, ne rursus cessarem, et non abrumperetur idipsum exiguum et tenue quod remanserat; et revaleretur iterum, et me robustius alligaret. Dicebam enim apud me intus: Ecce modo fiat, modo fiat. Et cum verbo jam ibam in placitum. Jam pene faciebam, et non faciebam: nec relabebat tamen in pristina, sed de proximo stabam, et respirabam. Et item conabar, et paulo minus ibi eram, et paulo minus jamjamque attingebam et tenebam; et non ibi eram, nec attingebam, nec tenebam, hæsitans mori morti, et vitæ vivere; plusque in me valebat deterius inolitum, quam melius insolitum: punctumque ipsum temporis quo aliud futurus eram, quanto propius admovebatur, tanto

¹ Mss. Corb, et aliquod alii, non ponit.

ampliores in cutiebat horrorem; sed non recutiebat retro, nec avertebat, sed suspendebat.

26. Retinebant nugæ nugarum, et vanitates vanitatum¹ antiquæ amicæ meæ, et succutiebat vestem meam carneam, et submurmurabant: Dimittisne nos? et a momento isto non erimus tecum ultra in æternum? et a momento isto non tibi licebit hoc et illud ultra in æternum? Et quæ suggerebant in eo quod dixi, Hoc et illud? quæ suggerebant, Deus meus? Avertat ab anima servi tui misericordia tua! Quas sordes suggerebant! quæ dedecora! Et audiebam eas jam longe minus quam dimidiis, non tanquam libere contradicentes eundo in obviam, sed veluti a dorso musitantes, et discedentem quasi furtim vellicantes, ut respicerem. Retardabant tamen cunctantem me abripere atque excutere ab eis et transilire quo vocabar, cum diceret mihi consuetudo violenta: Putasne sine istis poteris?

27. Sed jam tepidissime hoc dicebat. Aperiebatur enim ab ea parte qua intenderam faciem, et quo transire trepidabam, casta dignitas continentia, serena et non dissolute hilaris, honeste blandiens ut venirem neque dubitarem, et extendens ad me suscipiendum et amplectendum piæ manus plenas gregibus bonorum exemplorum. Ibi tot pueri et puellæ; ibi juvenus multa et omnis ætas et graves viduæ, et virgines anus: et in omnibus ipsa continentia nequaquam sterilis; sed fecunda mater filiorum gaudiorum de marito te, Domine. Et irridebat me irrisione hortatoria, quasi diceret: Tu non poteris quod isti, quod istæ²? An vero isti et istæ in semetipsis possunt, ac non³ in Domino Deo suo? Dominus Deus eorum me dedit eis. Quid in te stas, et non stas? Projice te in eum; noli metuere, non se subtrahet ut cadas: projice te securus, excipiet et sanabit te. Et erubesceram nimis, quia illarum nugarum murmur adhuc audiebam, et cunctabundus pendebam. Et rursus illa, quasi diceret: Obsurdesce adversus immunda illa membra tua super terram, ut mortificentur. Narrant tibi delectationes, sed non sicut lex Domini Dei tui (Psal. cxviii, 85). Ista controversia in corde meo, non nisi de meipso adversus meipsum. At Alypius affixus lateri meo inusitati motus mei exitum tacitus opperiebatur.

CAPUT XII.

Vocis admonitu quomodo totus conversus.

28. Ubi vero a fundo arcano alta consideratio contraxit et congegit totam miseriam meam in conspectum cordis mei, oborta est procella ingens, ferens ingentem imbrem lacrymarum. Et ut totum effunderem cum vocibus suis, surrexi ab Alypio: solitudo mihi ad negotium flendi aptior suggerebatur; et secessi remotius, quam ut posset mihi onerosa esse etiam ejus præsentia. Sic tunc eram, et ille sensit: nescio quid⁴ enim, puto, dixeram, in quo apparebat sonus vocis

¹ In B., *vanitantium* Er. Lugd. Ven. Lov. Somm. Dub. Mart. Flor. et Rond., *vanitatum*. M.

² *Quod isti et istæ*, juxta Er. Lugd. Somm. Lov. Rond. M.

³ *An non*, juxta Mart. cum 4 Mss. M.

⁴ Lov.: *Et ille sensit nescio quid. Aliquid enim*. — Sic etiam Er. Lugd. Ven. Somm. et Rond. M.

meæ jam fletu gravidus, et sic surrexeram. Mansit ergo ille ubi sedebamus, nimie stupens. Ego sub quadam fici arbore stravi me nescio quomodo, et dimisi habenas lacrymis, et proruperunt flumina oculorum meorum, acceptabile sacrificium tuum. Et non quidem his verbis, sed in hac sententia multa dixi tibi: Et tu, Domine, usquequo? (Psal. vi, 4.) Usquequo, Domine, irascaris in finem? Ne memor fueris iniquitatum nostrarum antiquarum (Psal. lxxxviii, 5, 8). Sentiebam enim eis me teneri: jactabam voces miserabiles. Quamdiu? quamdiu, cras et cras? Quare non modo? quare non hac hora finis turpitudinis meæ?

29. Dicebam hæc, et flebam amarissima contritione cordis mei. Et ecce audio vocem de vicina domo cum cantu dicentis et crebro repentis, quasi pueri an puellæ, nescio: *Tolle, lege; tolle, lege*. Statimque mutato vultu, intentissimus cogitare cœpi utrumnam so-lerent pueri in aliquo genere ludendi cantitare tale aliquid: nec occurrebat omnino audivisse me uspiam. Repressoque impetu lacrymarum, surrexi, nihi aliud interpretans, nisi divinitus mihi juberi ut aperirem codicem, et legerem quod primum caput invenissem. Audieram enim de Antonio quod ex evangelica lectione, cui forte supervenerat, admonitus fuerit, tanquam sibi diceretur quod legebatur: *Vade, vende omnia quæ habes, et da pauperibus; et habebis thesaurum in cælis; et veni, sequere me* (Matth. xix, 21); et tali oraculo confestim ad te esse conversum. Itaque concitus redii ad eum locum ubi sedebat Alypius: ibi enim posueram codicem Apostoli, cum inde surrexeram. Arripui, aperui, et legi in silentio capitulum, quo primum coniecti sunt oculi mei: *Non in comessationibus et ebrietatibus, non in cubilibus et impudiciis, non in contentione et æmulatione; sed induite Dominum Jesum Christum, et carnis providentiam ne feceritis in concupiscentiis* (Rom. xiii, 13, 14). Nec ultra volui legere; nec opuserat. Statim quippe cum fine hujusce sententiæ quasi luce securitatis infusa cordi meo, omnes dubitationis tenebræ diffugerunt.

30. Tum interjecto aut digito aut nescio quo alio signo, codicem clausi, et tranquillo jam vultu indicavi Alypio. At ille quid in se ageretur, quod ego nesciebam, sic indicavit. Petit videre quid legissem: ostendi; et attendit etiam ultra quam ego legeram, et ignorabam quid sequeretur. Sequebatur vero: *Infirmum autem in fide recipite*¹ (Id., xiv, 1). Quod ille ad se retulit, minique aperuit. Sed tali admonitione firmatus est, placitoque ac proposito bono et congruentissimo suis moribus, quibus a me in melius jam olim valde longeque distabat, sine ulla turbulenta cunctatione conjunctus est. Inde ad matrem ingredimur, indicamus; gaudet. Narramus quemadmodum gestum sit; exultat et triumphat; et benedicebat tibi, qui potens est ultra quam petimus aut intelligimus facere (Ephes. iii, 20), quia tanto amplius sibi a te concessum de me videbat, quam petere solebat miserabilibus flebilibusque gemitibus. Convertisti enim me ad te, ut nec uxore

¹ Lov., *assumite*; alii Cdd., *recipite*.

rem quærerem, nec aliquam spem seculi hujus, stans in ea regula fidei in qua me ante tot annos ei revelaveras. Et convertisti luctum ejus in gaudium (*Psal. xxix,*

12) multo uberius quam voluerat; et multo charius atque castius, quam de nepotibus carnis meæ requirebat.

LIBER NONUS.

Dicit de capto a se concilio rhetoricæ professionem abjiciendi, non tamen antequam vindemialium feriarum, quod proxime instabat, tempus advenisset. Tum de suo in Verecundi amici villam secessu, de suo Baptismate, ac de Monnicæ matris virtutibus atque obitu, qui, baptizato ipso, incidit in eundem huncce annum, ætatis videlicet Augustini trigesimum tertium.

CAPUT PRIMUM.

Laudat Dei bonitatem, agnoscens suam miseriam.

1. O Domine, ego servus tuus; ego servus tuus, et filius ancillæ tuæ. Dirupisti vincula mea, tibi sacrificabo sacrificum laudis (*Psal. cxv, 16, 17*). Laudet te cor meum et lingua mea, et omnia ossa mea dicant: *Domine, quis similis tibi?* Dicant, et responde mihi, et *dic animæ meæ, Salus tua ego sum* (*Psal. xxxiv, 10, 3*). Quis ego, et qualis ego? Quid non mali aut facta mea¹; aut, si non facta, dicta mea; aut, si non dicta, voluntas mea fuit? Tu autem, Domine, bonus et misericors, et dextera tua respiciens profunditatem mortis meæ, et a fundo cordis mei exhauriens abyssum corruptionis. Et hoc erat totum nolle quod volebam, et velle quod volebas². Sed ubi erat tam annoso tempore, et de quo imo altoque secreto evocatum est in momento liberum arbitrium meum, quo subderem cervicem leni jugo tuo, et humeros levi sarcinæ tuæ (*Matth. xi, 30*), Christe Jesu, adjutor meus et redemptor meus? Quam suave mihi subito factum est carere suavitatibus nugarum! et quas amittere metus fuerat, jam dimittere gaudium erat. Ejiciebas enim eas a me, vera tu et summa suavitas: ejiciebas, et intrabas pro eis omni voluptate dulcior, sed non carni et sanguini; omni luce clarior, sed omni secreto interior; omni honore sublimior, sed non sublimibus in se. Jam liber erat animus meus a curis mordacibus ambiendi et acquirendi, et volutandi atque scalpendi scabiem libidinum; et garriebam tibi claritati meæ, et divitiis meis, et salutis meæ Domino Deo meo.

CAPUT II.

Deserere rhetorices professionem differt usque ad vindemiales ferias.

2. Et placuit mihi in conspectu tuo non tumultuose abripere, sed leniter subtrahere ministerium linguæ meæ nudinis loquacitatis³; ne ulterius pueri meditates non legem tuam, non pacem tuam, sed insanias mendaces, et bella forensia, mercarentur ex ore meo arma furori suo. Et opportuno jam paucissimi dies supererant ad vindemiales ferias, et statui tolerare illos ut solemniter abscederem, et redemptus a te jam non redirem venalis. Consilium ergo nostrum erat coram te; coram hominibus autem, nisi nostris,

¹ Sic Mss. et Arn.: ut Lov.: *Quid non mali ego? An facta mea.* In aliis etiam Edd. habetur *ego*, sed *an* mutatur in *aut*.

² Editiones pleræque: *Et hoc erat totum nolle quod volebas, et velle quod volebas.* Sequi malimus cum Arn. lectionem Mss.

³ In Codice Benig. *mundanis loquacitatibus.*

non erat Et convenerat inter nos ne passim cuiquam effunderetur; quanquam tu nobis a convalle plorationis ascendentibus (*Psal. lxxxiii, 6, 7*), et cantantibus canticum graduum, dederas sagittas acutas, et carbones vastatores adversus linguam subdolan (*Psal. cxix, 3-5*), velut consulendo contradicentem, et sicut cibum assolet, amando consumentem.

3. Sagittaveras tu cor nostrum charitate tua, et gestabamus verba tua transfixa visceribus; et exempla servorum tuorum quos de nigris lucidos, et de mortuis vivos feceras, congesta in sinum cogitationis nostræ urbant et absumebant gravem torporem, ne in ima vergeremus¹; et ascendebant nos valide, ut omnis ex lingua subdola contradictionis flatus inflammare nos acrius posset, non extinguere. Verumtamen quia propter nomen tuum, quod sanctificasti per terras, etiam laudatores utique haberet votum et propositum nostrum, jactantiæ simile videbatur non opperiri tam proximum feriarum tempus, sed de publica professione atque ante oculos omnium sita ante discedere², ut conversa in factum meum ora cunctorum intuentium, quam vicinum vindemialium diem prævenire voluerim, multa dicerent³, quod quasi appetissem magnus videri. Et quo mihi erat istud, ut putaretur et disputaretur de animo meo, et blasphemaretur bonum nostrum?

4. Quin etiam, quod ipsa æstate litterario labori nimio pulmo meus cedere cœperat, et difficulter trahere suspiria, doloribusque pectoris testari se saucium, vocemque clariorem productionemve recusare, primo perturbaverat me, quia magisterii illius sarcinam pene jam necessitate deponere cogebat, aut si curari et convalescere potuissem, certe intermittere. Sed ubi plena voluntas vacandi, et videndi quoniam tu es Dominus, oborta, mihi est atque firmata; nosti, Deus meus, etiam gaudere cœpi, quod hæc quoque suberat non mendax excusatio, quæ offensio-nem hominum temperaret, qui propter liberos suos meliberum esse nunquam volebant. Plenus igitur tali gaudio tolerabam illud intervallum temporis, donec decurreret: nescio utrum vel viginti dies erant, sed tamen fortiter tolerabantur; quia recesserat cupiditas quæ mecum solebat ferre grave negotium, et ego pre-mendus remanseram, nisi patientia succederet. Pec-

¹ Mss. duo habent: *Ne in ima mergeremur.*

² *Discederem*, juxta 6 Mss. quorum duo Germ. Mart., *sita discederem.* Unus Germ. fert etiam voculas *si ita M.*

³ *Multi dicerent*, juxta Mart. ex 4 Mss. M.

in hoc quisquam servorum tuorum fratrum dixerit, quod jam pleno corde militia tua, e fuerim vel una hora sedere in cathedra. At ego non contendo. Sed tu, Domine misime, nonne et hoc peccatum cum cæteris et funereis, in aqua sancta ignovisti et re-
ihi?

CAPUT III.

Verecundus concedit illi rus suum.

rabatur anxietudine Verecundus de isto no-
o, quod propter vincula sua, quibus tenacis-
ebatur, deseri se nostro consortio videbat.
christianus, conjuge fideli, ea ipsa tamen
ræ cæteris compede, ab itinere quod ag-
umus, retardabatur: nec christianum esse
se velle dicebat, quam illo quo non poterat.
sane obtulit, ut quamdiu ibi essemus, in rure
nus¹. Retribues illi², Domine, in resurre-
torum, quia jam ipsam sortem retribuisti ei.
enim absentibus nobis cum Romæ jam es-
corporali ægritudine correptus, et in ea chri-
: fidelis factus, ex hac vita emigravit: ita
es non solum ejus, sed etiam nostri, ne co-
gregiam erga nos amici humanitatem, nec
grege tuo numerantes, dolore intolerabili
ur. Gratias tibi, Deus noster, tui sumus;
hortationes et consolationes tuæ: fidelis pro-
cedes Verecundo, pro rure illo ejus Cassi-
ab æstu sæculi requievimus in te, amœnita-
piterne virentis paradisi tui, quoniam dimi-
eccata super terram, in monte incaseato,
, monte uberi (*Psal. LXVII, 16*).

ebatur ergo tunc ipse; Nebridius autem col-
: Quamvis enim et ipse nondum christianus
oveam perniciosissimi erroris inciderat, ut
Filii tui carnem phantasma crederet; ta-
emergens, sic sibi erat, nondum ullis Eccle-
sacramentis imbutus, sed inquisitor arden-
veritatis. Quem non multo post conversionem
et regenerationem per Baptismum tuum,
am fidelem catholicum castitate perfecta at-
tentia tibi servientem in Africa apud suos,
domus ejus per eum christiana facta esset,
vistis; et nunc ille vivit in sinu Abraham.
illud est quod illo significatur sinu (a), ibi
meus vivit, dulcis amicus meus, tuus autem,
adoptivus ex liberto filius; ibi vivit. Nam
tali animæ locus! Ibi vivit, unde me multa
bat homuncionem inexpertum. Jam non po-
t ad os meum, sed spirituale os ad fontem
t bibit, quantum potest, sapientiam pro avi-
a, sine fine felix. Nec sic eum arbitror in-

ullo fore excepto, habent: *In re ejus essemus.*

me illi, juxta Mart. ex 4 Mss. M.

sinu Abrahæ significari crediderit Augustinus, ap-
ostea in lib. 4 de Anima et ejus Origine c. 16, 21:
Abrahæ intellige remotam sedem quietis atque se-
ubi est Abraham; et ideo Abrahæ dictum non quod
atum sit, sed quod ipse pater multarum gentium sit
quibus est ad imitandum fidei principatu propo-

ebriari ex ea, ut obliviscatur mei, cum tu, Domine,
quem potat ille¹, nostri sis memor. Sic ergo eramus
Verecundum consolantes tristem, salva amicitia, de
tali conversione nostra², et exhortantes ad fidem
gradus sui, vitæ scilicet conjugalis; Nebridium autem
opperientes quando sequeretur, quod de tam proximo
poterat, et erat jam jamque facturum: cum ecce evo-
luti sunt dies illi tandem; nam longi et multi videban-
tur præ amore libertatis otiosæ, ad cantandum de
medullis omnibus, *Tibi dixit cor meum, Quæsi vultum
tuum; vultum tuum, Domine, requiram (Psal. xxvi, 8)*.

CAPUT IV.

Libri apud Cassiciacum scripti Epistolæ ad Nebridium.

*De ablato repente dolore dentium acerrimo, dum
psalmos pie evoluit.*

7. Et venit dies in quo etiam actu solverer a pro-
fessione rhetorica, unde jam cogitatu solutus eram.
Et factum est, et eruisti linguam meam, unde jam
erueras cor meum; et benedicebam tibi gaudens, pro-
fectus in villam cum meis omnibus. Ibi quid egerim
in litteris, jam quidem servientibus tibi, sed adhuc
superbiæ scholam, tanquam in pausatione anhelanti-
bus³, testantur libri disputati cum præsentibus, et cum
ipso me solo coram te: quæ autem cum absente Ne-
bridio, testantur epistolæ. Et quando mihi sufficiat
tempus commemorandi omnia magna erga nos benefi-
cia tua in illo tempore, præsertim ad alia majora pro-
peranti? Revocat enim me recordatio mea, et dulce
mihi fit, Domine, confiteri tibi quibus internis me sti-
mulis perdomueris, et quemadmodum me complana-
veris, humiliatis montibus et collibus cogitationum
mearum, et tortuosa mea direxeris, et aspera lenieris;
quoque modo ipsum etiam Alypim fratrem cordis
mei subegeris nomini unigeniti tui Domini et Salva-
toris nostri Jesu Christi, quod primo dedignabatur in-
seri litteris nostris. Magis enim eas volebat redolere
gymnasiorum cedros, quas jam contrivit Dominus,
quam salubres herbas ecclesiasticas adversas serpen-
tibus.

8. Quas tibi, Deus meus, voces dedi, cum legerem
Psalms David, cantica fidelia, et sonos pietatis exclu-
dentes turgidum spiritum; rudis in germano amore
tuo, catechumenus in villa cum catechumeno Alypio fe-
riatus, matre adhærente nobis muliebri habitu, virili
fide, anili securitate, materna charitate, christiana
pietate? Quas tibi voces dabam in psalmis illis, et
quomodo in te inflammabar ex eis, et accendebar eos
recitare, si possem, toto orbe terrarum, adversus ty-
phum generis humani? Et tamen toto orbe cantantur,
et non est qui se abscondat a calore tuo. Quam vehe-
menti et acri dolore indignabar Manichæis; et misera-

¹ In duobus Mss., a quo potatur ille.

² Lov. cum antiquioribus Edd., conversatione nostra.

³ Som.: Sed adhuc in superbiæ scholam, tanquam in pau-
sationem anhelantibus. Arn. et Mss. nostram præferunt le-
ctionem. Nempe ad illud Augustinus alludit quod accidit fu-
gientibus, qui cum primum pausant, aliquandiu anhelant,
Libri porro quos hic dicit in villa Scriptos, ii sunt qui receu-
sentur in libro 1 Retract. cap. 1-4.

bar eos rursus, quod illa sacramenta, illa medicamenta nescirent, et insani essent adversus antidotum quo sani esse potuissent! Vellem ut alicubi juxta essent tunc¹, et me nesciente quod ibi essent, intuerentur faciem meam, et audirent voces meas, quando legi quartum psalmum, in illo tunc otio, quid de me fecerit ille psalmus. *Cum invocarem, exaudivit me Deus justitiæ meæ; in tribulatione dilatasti mihi. Miserere mei, Domine, et exaudi orationem meam.* Audirent, ignorante me utrum audirent, ne me propter se illa dicere putarent, quæ inter hæc verba dixerim. Quia et revera nec ea dicerem, nec sic ea dicerem, si me ab eis audiri viderique sentirem: nec, si dicerem, sic acciperent quomodo mecum et mihi coram te de familiari affectu animi mei.

9. Inhorruï timendo, ibidemque inferbui sperando et exultando in tua misericordia, Pater. Et hæc omnia exhibant per oculos meos et vocem meam, cum conversus ad nos spiritus tuus bonus ait nobis: *Filii hominum, quousque graves corde? Ut quid diligitis vanitatem, et quæritis mendacium?* Dilixeram enim vanitatem, et quæsieram mendacium. Et tu, Domine, jam magnificaveras Sanctum tuum, suscitans eum a mortuis, et collocans ad dexteram tuam (*Marc. xvi, 19*), unde mitteret ex alto promissionem suam, Paracletum Spiritum veritatis (*Joan. xiv, 16, 17*): et miserat eum jam (*Act. ii, 1-4*), sed ego nesciebam. Miserat eum, quia jam magnificatus erat, resurgens a mortuis, et ascendens in cælum. Ante autem Spiritus nondum erat datus, quia Jesus nondum erat clarificatus (*Joan. vii, 39*). Et clamabat prophetia²: *Quousque graves corde? Ut quid diligitis vanitatem, et quæritis mendacium? et scitote quoniam Dominus magnificavit Sanctum suum.* Clamat, *quousque*; clamat, *scitote*: et ego tamen nesciens vanitatem dilexi, et mendacium quæsivi; et ideo audivi et contremui, quoniam talibus dicitur qualem me fuisse reminiscebar. In phantasmatibus³ enim quæ pro veritate tenueram, vanitas erat et mendacium. Et insonui multa graviter et fortiter in dolore recordationis meæ. Quæ utinam audissent qui adhuc usque diligunt vanitatem, et quærent mendacium. Forte conturbarentur, et evomissent illud; et exaudires eos, cum clamarent ad te: quoniam vera morte carnis mortuus est pro nobis, qui te interpellat pro nobis.

10. Legebam: *Irascimini, et nolite peccare.* Et quomodo movebar, Deus meus, qui jam didiceram irasci mihi de præteritis, ut de cætero non peccarem? Et merito irasci, quia non alia natura gentis tenebrarum de me peccabat, sicut dicunt qui sibi non irascuntur, et thesaurizant sibi iram in die iræ et revelationis justi

¹ *Essent tunc, ignorante me utrum audirent, et me nesciente quod ibi essent, juxta Er. Lugd. Lov. Somm. et Rond. M.*

² *Propheta, juxta editionem Florentinam. Et clamat propheta, juxta Er. Lugd. Ven. Lov. Somm. Dub. Mart. Rond. M.*

³ *Bad. cum duobus Mss., phantastis. Mendose: nam Augustinus in hujus operis libro 3, c. 6, phantasias vocat eorum quæ sunt, phantasmata vero eorum quæ omnino non sunt corporum imagines; quas ipse Manichæus olim adherens, pro veritate amplexabatur — In B., phantasmatis. Er. Lugd. Ven. Lov. Somm. Dub. Mart. Flor. Rond., phantasmatibus. M.*

judicii tui (*Rom. ii, 5*). Nec jam bona mea foris erant, nec oculis carnis in isto sole quærebantur. Volentes enim gaudere forinsecus, facile evanescent; et effunduntur in ea quæ videntur et temporalia sunt, et imagines eorum famelica cogitatione lambunt. Et si fatigentur inedia, et dicant: *Quis ostendet nobis bona?* Et dicamus, et audiant: *Signatum est in nobis lumen vultus tui, Domine.* Non enim lumen nos sumus quod illuminat omnem hominem (*Joan. i, 9*); sed illuminamur a te, ut qui fuimus aliquando tenebræ, simus lux in te (*Ephes. v, 8*). O si viderent internum æternum¹, quod ego quia gustaveram, frendebam, quoniam non eis poteram ostendere, si afferrent ad me cor in oculis suis foris a te, et dicerent: *Quis ostendet nobis bona?* Ibi enim, ubi² mihi iratus eram intus incubili, ubi compunctus eram, ubi sacrificaveram macians vetustatem meam, et inchoata meditatione renovationis meæ sperans in te; ibi mihi dulcescere coperas, et dederas lætitiā in corde meo. Et exclamabam legens hæc foris, et agnoscens intus; nec volebam multiplicari terrenis bonis, devorans tempora, et devoratus temporibus³, cum haberem in æterna simplicitate aliud frumentum, et vinum, et oleum.

11. Et clamabam in consequenti versu clamore alto cordis mei: *O in pace! o in idipsum! o quid dixit: Obdormiam et somnum capiam!* Quoniam quis resistet nobis, cum liet sermo qui scriptus est: *Absorpta est mors in victoriam?* (*I Cor. xv, 54*.) Et tu es idipsum valde qui non mutaris; et in te requies obliviscens laborum omnium, quoniam nullus alius tecum, nec ad alia multa adipiscenda, quæ non sunt quod tu, sed tu, Domine, singulariter in spe constituisti me. Legebam, et ardebam; nec inveniebam quid facerem surdis mortuis, ex quibus fueram pestis⁴, latrator amarus et cæcus adversus Litteras de melle cœli melles, et de lumine tuo luminosas: et super inimicis⁵ Scripturæ hujus tabescebam.

12. Quando recordabor⁶ omnia dierum illorum feriatorum? Sed nec oblitus sum nec silebo flagelli tui asperitatem, et misericordiæ tuæ mirabilem celeritatem. Dolore dentium tunc excruciabas me; et cum in tantum ingravesceret ut non valerem loqui, ascendit in cor meum admonere omnes meos qui aderant, ut deprecarentur te pro me, Deum salutis omnimodæ. Et scripsi hoc in cera, et dedi ut eis legeretur. Mox ut genua supplici affectu fiximus, fugit dolor ille. Sed quis dolor? aut quomodo fugit? Expavi, fateor, Do-

¹ *In Edd.: O si viderent internum lumen æternum! In codice Corb.: O si viderent in te internum lumen æternum! Visum est sequi alios optimæ notæ Mss., inter quos omnes Ms. Angl., qui cæteris omissis verbis præferunt. O si viderent internum æternum! — Quibus suffragantur 6 Mss. Florentini. M.*

² *Lov. Som: Ibi enim, ibi mihi; at Mss. cum Bad. Am. Er. Blas. Arn. Ibi enim ubi mihi. — Ultimæ huic lectioni accedunt 6 Mss. Florentini. M.*

³ *Ita Mss., quo loco Edd. habent, temporalibus. — Sic etiam editio Florentina cum sex Mss. M.*

⁴ *Præ, juxta tres Mss. Mart. præ istis, juxta Rond. et Mart. cum uno Mss. M.*

⁵ *Am. Er. et Lov. Et super inimicis scripturis Scripturæ hujus; at Mss. Bad. et Arn. carent voce scripturis.*

⁶ *In B., recordabar, et sic incipit cap. 12: Sed nec oblitus. M.*

mine meus, Deus meus; nihil enim tale ab ineunte ætate expertus fueram. Et insinuati sunt mihi in profundo nutus tui; et gaudens in fide laudavi nomen tuum. Et ea fides me securum esse non sinebat de præteritis peccatis meis, quæ mihi per Baptismum tuum remissa nondum erant.

CAPUT V.

Ambrosium consulit quid legendum.

13. Renuntiavi, peractis vindemialibus; ut scholasticis suis Mediolanenses venditorem verborum alium providerent, quod et tibi ego servire delegissem, et illi professioni, præ difficultate spirandi ac dolore pectoris, non sufficerem. Et insinuavi per litteras antistiti tuo, viro sancto Ambrosio pristinos errores meos, et præsens votum meum, ut moneret quid potissimum mihi de Libris tuis legendum esset, quo percipiendæ tantæ gratiæ paratior aptiorque fierem. At ille jussit Isaiam prophetam; credo, quod præ cæteris Evangelii vocationisque Gentium sit prænuntiator apertior. Verum tamen ego primam hujus lectionem non intelligens, totumque talem arbitrans, distuli repetendum exercitior in dominico eloquio.

CAPUT VI.

Mediolani baptizatur cum Alypio et Adeodato.

14. Inde ubi tempus advenit quo me nomen dare oporteret, relicto rure, Mediolanum remeavimus. Placuit et Alypio renasci in te mecum, jam induto humilitate Sacramentis tuis congrua, et fortissimo dormitori corporis, usque ad Italicum solum glaciale nudo pede obterendum insolito ausu. Adjunximus etiam nobis puerum Adeodatum ex me natum carnaliter de peccato meo. Tu bene feceras eum. Annorum erat ferme quindecim, et ingenio præveniebat multos graves et doctos viros. Munera tua tibi confiteor, Domine Deus meus, creator omnium, et multum potens reformare¹ nostra deformia: nam ego in illo puero præter delictum nihil habebam. Quod enim enutriebatur a nobis in disciplina tua, tu inspiraveras nobis, nullus alius: munera tua tibi confiteor. Est liber noster qui inscribitur, de Magistro: ipse ibi mecum loquitur. Tu scis illius esse sensa omnia quæ inseruntur ibi ex persona collocutoris mei, cum esset in annis sexdecim, Multa ejus alia mirabilia expertus sum. Horreri mihi erat illud ingenium; et quis præter talium miraculorum opifex? Cito de terra abstulisti vitam ejus; et securior eum recordor, non timens quidquam pueritiæ, nec adolescentiæ, nec omnino homini illi. Sociavimus eum coævum nobis in gratia tua, educandum in disciplina tua; et baptizati sumus, et fugit a nobis sollicitudo vitæ præteritæ. Nec satiabar illis diebus dulcedine mirabili, considerare altitudinem consilii tui super salutem generis humani. Quantum flevi in hymnis et canticis, suave sonantis Ecclesiæ tuæ vocibus commotus acriter! Voces illæ influebant auribus meis, et eliquabatur veritas in cor meum; et exæstuabat inde affectus pietatis², et currebant lacry-

¹ In Mss. pluribus et potioribus: *Multum potens formare*; et paulo post: *Præter delictum non habebam*.

² Lov.: *Et ex ea xstuat affectus pietatis*.

mæ, et bene mihi erat cum eis.

CAPUT VII.

Ecclesiastici cantus institutio Mediolani. Inventio corporum SS. Protasii et Gervasii.

15. Non longe cæperat Mediolanensis Ecclesia genus hoc consolationis et exhortationis celebrare, magno studio fratrum concinentium vocibus et cordibus. Nimirum annus erat, aut non multo amplius, cum Justina Valentiniani regis pueri mater, hominem tuum Ambrosium persequeretur, hæresis suæ causa, qua¹ fuerat seducta ab Arianis. Excubabat pia plebs in ecclesia, mori parata cum episcopo suo, servo tuo. Ibi mater mea, ancilla tua, sollicitudinis et vigiliarum primas tenens, orationibus vivebat. Nos adhuc frigidi a calore Spiritus tui, excitabamur tamen civitate attenta atque turbata. Tunchymni et psalmi ut canerentur secundum morem orientalium partium, ne populus mœroris tædio contabesceret, institutum est; et ex illo in hodiernum, retentum, multis jam ac pene omnibus gregibus tuis, et per cætera orbis imitantibus².

16. Tunc memorato antistiti tuo per visum aperuisti, quo loco laterent martyrum corpora Protasii et Gervasii, quæ per tot annos incorrupta in thesauro secreti tui recondideras, unde opportune promeres ad coercendam rabiem femineam, sed regiam. Cum enim propalata et effossa digno cum honore transferrentur ad Ambrosianam basilicam, non solum quos immundi vexabant spiritus, confessis eisdem dæmonibus sanabantur, verum etiam quidam plures annos cæcus civis civitatisque notissimus, cum populi tumultuantis lætitiæ³ causam quæsisset atque audisset, exsilivit, eoque se ut duceret, suum ducem rogavit. Quo perductus, impetravit admitti, ut sudario tangeret feretrum pretiosæ in conspectu tuo mortis sanctorum tuorum (*Psal.* cxv, 15). Quod ubi fecit, atque admovit oculis, confestim aperti sunt. Inde fama discurrens, inde laudes tuæ ferventes, lucentes⁴, inde illius inimicæ animus etsi ad credendi sanitatem non ampliat⁵, a persequendi tamen furore compressus est. Gratias tibi, Deus meus. Unde et quo duxisti recordationem meam, ut hæc etiam confiterer tibi, quæ magna oblitus præterieram? Et tamen tunc cum ita fragraret odor unguentorum tuorum non currebamus post te (*Cantic.* i, 3), et ideo plus flebam inter cantica hymnorum tuorum, olim suspirans tibi, et tandem respirans⁶, quantum patet aura in domo fenea.

CAPUT VIII.

Evodii conversio. Matris obitus, ejusque a teneris educatio.

17. Qui habitare facis unanimes in domo (*Psal.* LXVII, 7), consociasti nobis et Evodim juvenem ex

¹ Quæ, juxta sex Mss. Mart., et Rond. cum 2 Mss. M.

² Somm. Mart. *Per cæteras partes imitantibus. Per cæteras orbis partes*, juxta Rond. M.

³ Aliquot *lætitia*. — Sic etiam editio Florentina cum uno Mss. M.

⁴ *Ferventer lucentes*, juxta Somm. et Rond. M.

⁵ Sic legendum juxta tres Mss. Angl., ut constet antithesis ad subsequens verbum, *compressus est*. — [*Applicatus*.] *Applicatus*, juxta Er. Lugd. Ven. Lov. Somm. M.

⁶ In tribus Mss., *at tantum respirans*. M.

nostro municipio. Qui cum agens in rebus militaret, prior nobis ad te conversus est et baptizatus, et relicta militia sæculi, accinctus in tua. Simul eramus, simul habitaturi ¹ placito sancto. Quærebamus quisnam locus nos utilius haberet servientes tibi: pariter remeabamus in Africam. Et cum apud Ostia Tiberina essemus, mater defuncta est. Multa prætereo, quia multum festino. Accipe confessiones meas et gratiarum actiones, Deus meus, de rebus innumerabilibus etiam in silentio. Sed non præteribo quidquid mihi anima parturit de illa famula tua, quæ me parturivit; et carne, ut in banc temporalem; et corde, ut in æternam lucem nascerer ². Non ejus, sed tua dicam dona in ea; neque enim seipsam fecerat, aut educaerat seipsam. Tu creasti eam, nec pater nec mater sciebat qualis ex eis fieret. Et erudit eam in timore tuo virga Christi tui, regimen unici Filii tui in domo fidei, bono membro Ecclesiæ tuæ. Nec tantam erga suam diciplinam diligentiam matris prædicabat, quantum famulæ cujusdam decrepitæ, quæ patrem ejus infantem portaverat, sicut dorso grandiuscularum puellarum parvuli portari solent. Cujus rei gratia, et propter senectam ac mores optimos, in domo christiana satis a dominis honorabatur. Unde etiam curam dominicarum filiarum commissam sibi diligenter gerebat, et erat in eis coercendis, cum opus esset, sancta severitate vehemens, atque in docendis sobria prudentia. Nam eas, præter illas horas quibus ad mensam parentum moderatissime alebantur, etiamsi exardescerent siti, nec aquam bibere sinebat, præcavens consuetudinem malam, et addens verbum sanum: *Modo aquam bibitis, quia in potestate vinum non habetis; cum autem ad maritos veneritis, factæ dominæ apothecarum et cellariorum, aqua sordebit, sed mos potandi prævalebit.* Hac ratione præcipiendi et auctoritate imperandi frenabat aviditatem tenerioris ætatis, et ipsam puellarum sitim formabat ad honestum modum, ut jam nec liberet quod non deceret.

18. Et surrepserat tamen, sicut mihi filio famula tua narrabat, surrepserat ei vinolentia. Nam cum de more, tanquam puella sobria, juberetur a parentibus de cuppa vinum depromere, submisso poculo qua desuper patet, priusquam in lagunculam funderet merum, primoribus labris sorbebat exiguum, quia non poterat amplius, sensu recusante. Non enim ulla temulenta ³ cupidine faciebat hoc, sed quibusdam superfluentibus ætatis excessibus, qui ludicris motibus ebulliunt, et in puerilibus animis majorum pondere premi solent. Itaque ad illud modicum quotidiana modica addendo; quoniam qui modica spernit, paulatim decidit (*Eccli. xix, 1*); in eam consuetudinem lapsa erat, ut prope jam plenos mero caliculos inhianter hauriret. Ubi tunc sagax anus, et vehemens illa prohibitio? Numquid valebat aliquid adversus latentem morbum, nisi tua medicina, Domine, vigilaret super nos?

¹ Sic habent Mss., et Arn.; at Bad. Am. Er. Lov., *habitabamus*. — Dein, *in placito*, juxta Somm. et Rond. M.

² Sic legendum cum Mss. — [*Renascere*]. Rond. ex 8 Mss., *nascerer*. M.

³ Lyrensis codex, *temulentia*.

Absente patre et matre et nutritoribus, tu præsens, qui creasti, qui vocas, qui etiam per præpositos ¹ homines boni aliquid agis ad animarum salutem, quid tunc egisti. Deus meus? unde curasti? unde sanasti? Nonne protulisti durum et acutum ex altera anima convicium, tanquam medicinale ferrum ex occultis provisionibus tuis, et uno ictu putredinem illam præcidisti? Ancilla enim cum qua solebat accedere ad cuppam, litigans cum domina minore, ut fit, sola cum sola, objecit hoc crimen, amarissima insultatione vocans meribulam. Quo illa stimulo percussa, respexit fœditatem suam, confestimque damnavit atque exiit. Sicut amici adulantes pervertunt, sic inimici litigantes plerumque corrigunt. Nec tu quod per eos agis, sed quod ipsi voluerunt, retribuisti eis. Illa enim irata exagitare appetivit minorem dominam, non sanare: et ideo clanculo, aut quia ita eas invenerat locus et tempus litis; aut ne forte et ipsa periclitaretur quod tam sero prodidisset. At tu, Domine, rector cælitum ² et terrenorum, ad usus tuos contorquens profundatorrentis, fluxum sæculorum ordinans ³ turbulentum, etiam de alterius animæ insania sanasti alteram; ne quisquam cum hoc advertit, potentiæ suæ tribuat, si verbo ejus alius corrigatur, quem vult corrigi.

CAPUT IX.

Laudabiles matris suæ mores prosequitur.

19. Educata itaque pudice ac sobrie, potiusque a te subdita parentibus, quam a parentibus tibi, ubi plenis annis nubilis facta est, tradita viro servivit veluti domino; et sategit eum lucrari tibi, loquens te illi moribus suis, quibus eam pulchram faciebas, et reverenter amabilem atque mirabilem viro. Ita autem toleravit cubilis injurias, ut nullam de hac re cum marito haberet unquam simultatem. Expectabat enim misericordiam tuam super eum, ut in te credens castificaretur. Erat vero ille præterea, sicut benevolentia præcipuus, ita ira fervidus. Sed noverat hæc non resistere irato viro, non tantum facto, sed ne verbo quidem. Jam vero refracto et quieto, cum opportunum videret, rationem facti sui reddebat, si forte ille inconsideratius commotus fuerat. Denique, cum matronæ multæ quarum viri mansuetiores erant, plagarum vestigia, etiam dehonesta facie gererent, inter amica colloquia illæ arguebant maritorum vitam, hæc earum linguam, veluti per jocum graviter admonens, ex quo illas tabulas quæ matrimoniales vocantur, recitari audissent, tanquam instrumenta quibus ancillæ factæ essent, deputare debuisse; proinde memores conditionis, superbire adversus dominos non oportere. Cumque mirarentur illæ scientes quam ferocem conjugem sustineret, nunquam fuisse auditum, aut aliquo indicio claruisse, quod Patricius ceciderit uxorem, aut quod a se invicem vel unum diem domestica lite dissenserint, et causam familiariter quærerent; docebat illa institutum suum, quod supra memoravi

¹ Anton. Arnald. suspicatur legendum esse, *per perversos*; vel, *per præposteros homines*.

² In Mss. Berigniano, *cæli tui*.

³ Potiores Mss., *ordinate*.

Quæ observabant, expertæ gratulabantur; quæ non observabant, subjectæ vexabantur.

20. Socrum etiã suam primo susurris malarum ancillarum adversus se irritatam, sic vicit obsequiis, perseverans tolerantia et mansuetudine, ut illa ultro filio suo medias linguas famularum proderet, quibus inter se et nurum pax domestica turbabatur, expeteretque vindictam. Itaque posteaquam ille, et matri obtemperans, et curans familiæ disciplinam, et concordia suorum consulens, proditas ad prodentis arbitrium verberibus coercuit; promisit illa talia de se præmia sperare debere, quæcumque de sua nuru sibi, quo placeret, mali aliquid loqueretur: nullaque jam audente, memorabili inter se benevolentia suavitate vixerunt.

21. Hoc quoque illi bono mancipio tuo, in cujus utero me creasti, Deus meus, misericordia mea, munus grande donaveras, quod inter dissidentes atque discordes quaslibet animas, ubi poterat, tam se præbebat pacificam, ut cum ab utraque multa de invicem audiret amarissima, qualia solet eructare turgens atque indigesta discordia, quando præsentis amicæ de absente inimica per acida colloquia cruditas¹ exhalatur odiorum; nihil tamen alteri de altera proderet, nisi quod ad eas reconciliandas valeret. Parvum hoc bonum mihi videretur, nisi turbas innumerabiles tristis experirer, nescio qua horrenda pestilentia peccatorum latissime pervagante, non solum iratorum inimicorum iratis inimicis dicta prodere, sed etiam quæ non dicta sunt addere; cum contra homini² humano parum esse debeat inimicitias hominum nec excitare nec augere male loquendo, nisi eas etiam extinguere bene loquendo studuerit; qualis illa erat, docente te magistro intimo in schola pectoris.

22. Denique etiam virum suum jam in extrema vita temporali ejus lucrata est tibi, nec in eo jam fideli planxit quod in nondum fideli toleraverat. Erat etiam serva servorum tuorum. Quisquis eorum noverat eam, multum in ea laudabat et honorabat et diligebat te; quia sentiebat præsentiam tuam in corde ejus, sanctæ conversationis fructibus testibus. Fuerat enim unius viri uxor, mutnam vicem parentibus reddiderat, domum suam pie tractaverat, in operibus bonis testimonium habebat. Nutrierat filios, toties eos parturiens, quoties abs te deviare cernebat. Postremo nobis, Domine, omnibus, quia ex munere tuo sinis loqui servis tuis, qui ante dormitionem ejus in te jam consociati vivebamus percepta gratia Baptismi tui, ita curam gessit, quasi omnes genuisset, ita servivit quasi ab omnibus genita fuisset.

CAPUT X.

Colloquium cum matre de regno cælorum.

23. Impendente autem die quo ex hac vita erat exitura, quem diem tu noveras, ignorantibus nobis; provenerat, ut credo, procurante te occultis tuis modis, ut ego et ipsa soli staremus incumbentes ad quamdam

fenestram, unde hortus intra domum quæ nos habebat prospectabatur, illic apud Ostia Tiberina, ubi remotia turbis post longi itineris laborem instaurabamus nos navigationi: colloquebamur ergo soli valde dulciter; et præterita obliviscentes, in ea quæ ante sunt extenti (*Philipp. III, 13*), quærebamus inter nos apud præsentem Veritatem, quod tu es, qualis futura esset vita æterna sanctorum, quam nec oculus vidit, nec auris audivit, nec in cor hominis ascendit (*I Cor. II, 9*). Sed inhiabamus ore cordis in superna fluentia fontis tui, fontis vitæ qui est apud te (*Psal. XXXV, 10*), ut inde pro captu nostro aspersi, quoquo modo rem tantam cogitarem.

24. Cumque ad eum finem sermo perduceretur, ut carnalium sensuum delectatio quantalibet, in quantalibet luce corporea, præ illius vitæ jucunditate, non comparatione, sed ne commemoratione quidem digna videretur; erigentes nos ardentiore affectu in idipsum, perambulavimus gradatim cuncta corporalia, et ipsum cælum, unde sol et luna et stellæ lucent surper terram. Et adhuc ascendebamus interius cogitando, et loquendo¹, et mirando opera tua; et venimus in mentes nostras, et transcendimus eas, ut attingeremus regionem ubertatis indeficientis, ubi pascis Israel in æternum veritatis pabulo, et ubi vita sapientia est, per quam fiunt omnia ista, et quæ fuerunt, et quæ futura sunt; et ipsa non fit, sed sic est ut fuit, et sic erit semper; quin potius fuisse, et futurum esse non est in ea, sed esse solum; quoniam æterna est: nam fuisse et futurum esse, non est æternum. Et dum loquimur et inhiamus illi, attigimus eam modice toto ictu cordis; et suspiravimus² et reliquimus ibi religatas primitias spiritus, et remeavimus ad strepitum oris nostri, ubi verbum et incipitur et finitur. Et quid simile Verbo tuo Domino nostro, in se permanenti sine vetustate atque innovanti omnia? (*Sap. VII, 27.*)

25. Dicebamus ergo: Si cui sileat tumultus carnis, sileant phantasie terræ et aquarum et aeris, sileant et poli, et ipsa sibi anima sileat, et transeat se non se cogitando, sileant somnia et imaginariæ revelationes, omnis lingua et omne signum, et quidquid transeundo fit, si cui sileat omnino; quoniam si quis audiat, dicunt hæc omnia, Non ipsa nos fecimus, sed fecit nos qui manet in æternum (*Psal. XCIX, 3, 5*): his dictis si jam taceant quoniam erexerunt aurem in eum qui fecit ea, et loquatur ipse solus, non per ea, sed per seipsum, ut audiamus verbum ejus, non per linguam carnis, neque per vocem angeli, nec per sonitum nubis, nec per ænigma similitudinis; sed ipsum quem in his amamus, ipsum sine his audiamus, sicut nunc extendimus nos, et rapida cogitatione attigimus³ æternam Sapientiam super omnia manentem; si continetur hoc, et subtrahantur aliæ visiones longe imparis generis, et hæc una rapiat et absorbeat et recondat in interiora gaudia spectatorem suum, ut talis sit sempiterna vita, quale fuit hoc momentum intel-

¹ Apud Bad. Am. Er. et plures Mss., *crudelitas*.

² Sic legendum videtur juxta melioris notæ Cdd. In Edd. porro legebatur, *animo humano*.

¹ Lov., *loquendo te*. Abest te a manuscriptis.

² Mss. Corb., *suum spiravimus*.

³ Somm. Lov. et quatuor Mss. apud Mart., *attingimus*. M.

ligentiæ, cui suspiravimus; nonne hoc est, *Intra in gaudium Domini tui?* (Matth. xv, 21). Et istud quando? An cum omnes resurgemus, sed non omnes immutabimur? (I Cor. xv, 51.)

26. Dicebam talia¹, etsi non isto modo et his verbis, tamen, Domine, tu scis quod illo die, cum talia loqueremur, et mundus iste nobis inter verba vilesceret cum omnibus delectationibus suis, tunc ait illa: *Fili, quantum ad me attinet, nulla jam re delector in hac vita. Quid hic faciam adhuc, et cur hic sim nescio, jam consumpta spe hujus sæculi. Unum erat propter quod in hac vita aliquantum immorari cupiebam, ut te christianum catholicum viderem, priusquam morerer. Cumulatus hoc mihi Deus meus præstitit, ut te etiam, contempta felicitate terrena, servum ejus videam: quid hic facio?*

CAPUT XI.

De ecstasi et morte matris.

27. Ad hæc ei quid responderim, non satis recolo. Cum interea vix intra quinque dies, aut non multo amplius decubuit febribus. Et cum ægrotaret, quodam die defectum animæ passa est, et paululum subtracta a præsentibus. Nos concurrimus. sed cito reddita est sensui, et aspexit astantes me et fratrem meum, et ait nobis quasi quærenti similis: *Ubi eram?* Deinde nos intuens mærore attonitos: *Ponetis hic, inquit, matrem vestram?* Ego silebam, et fletum frenabam. Frater autem meus quiddam locutus est, quo eam non peregre, sed in patria defungi tanquam felicius optaret. Quo audito, illa vultu anxio reverberans eum oculis quod talia saperet, atque inde me intuens: *Vide, ait, quid dicit.* Et mox ambobus: *Ponite, inquit, hoc corpus ubicumque; nihil vos ejus cura conturbet; tantum illud vos rogo, ut ad Domini altare memineritis mei ubi fueritis.* Cumque hanc sententiam verbis quibus poterat explicasset, conticuit; et ingravescente morbo exercebatur.

28. Ego vero cogitans dona tua, Deus invisibilis, quæ immitis in corda fidelium tuorum, et proveniunt inde fruges admirabiles; gaudebam et gratias agebam tibi, recolens quod noveram, quanta cura semper æstuasset de sepulcro quod sibi providerat et præparaverat juxta corpus viri sui. Quia enim valde concorditer vixerant, id etiam volebat, ut est animus humanus minus capax divinorum adjungi ad illam felicitatem, et commemorari ab hominibus, concessum sibi esse post transmarinam peregrinationem, ut conjuncta terra amborum conjugum terra tegeretur. Quando autem ista inanitas plenitudine bonitatis tuæ cœperat in ejus corde non esse, nesciebam, et lætabar admirans quod sic mihi aperuisset²; quanquam et in illo sermone nostro ad fenestram cum dixit, *Jam quid hic facio?* non apparuit desiderare in patria mori. Audivi etiam postea, quod jam cum Ostiis essemus, cum quibusdam amicis meis materna fiducia colloque-

batur quodam die de contemptu vitæ hujus et bono mortis, ubi ipse non aderam; illisque stupentibus virtutem feminæ, quam tu dederas ei, quærentibusque utrum non formidaret tam longe a sua civitate corpus relinquere: *Nihil, inquit, longe est Deo; neque timendum est ne ille non agnoscat in fine sæculi, unde me resuscitet.* Ergo die nono ægritudinis suæ, quinquagesimo et sexto anno ætatis suæ, trigesimo et tertio ætatis meæ (a), anima illa religiosa et pia corpore soluta est.

CAPUT XII.

Quomodo luxerit mortem matris. Sacrificium pro defunctis.

29. Premebam oculos ejus, et confluebat in præcordia mea mæstitudo ingens, et transfluebat in lacrymas; ibidemque oculi mei violento animi imperio resorbentem fontem suum usque ad siccitatem, et in tali luctamine valde male mihi erat. Tum vero ubi efflavit extremum spiritum¹, puer Adeodatus exclamavit in planctum, atque ab omnibus nobis coercitus tacuit. Hoc modo etiam meum quiddam puerile quod labebatur in fletus juvenili voce cordis, coercebatur et tacebat. Neque enim decere arbitrabamur funus illud questibus lacrymosis gemitibusque celebrare²; quia his plerumque solet deplorari quædam miseria morientium, aut quasi omnimodo extinctio. At illa nec misere moriebatur, nec omnino moriebatur. Hoc et documentis morum ejus, et fide non ficta, rationibusque certis tenebamus.

30. Quid ergo erat quod intus mihi graviter dolebat, nisi ex consuetudine simul vivendi dulcissima et charissima repente disrupta vulnus recens? Gratulabar quidem testimonio ejus, quod in ea ipsa ultima ægritudine, obsequiis meis interblandiens, appellabat me pium, et commemorabat grandi dilectionis affectu nunquam se audisse ex ore meo jaculatum in se durum aut contumeliosum sonum³. Sed tamen quid tale, Deus meus, qui fecisti nos, quid comparabile habebat honor a me delatus illi, et servitus ab illa mihi? Quoniam itaque deserebar tam magno ejus solatio, sauciabatur anima mea, et quasi dilaniabatur vita, quæ una facta erat ex mea et illius.

31. Cohibito ergo a fletu illo puero, Psalterium arripuit Evodius, et cantare cœpit psalmum; cui respondebamus omnis domus: *Misericordiam et judicium cantabo tibi, Domine* (Psal. c, 1). Audito autem quid ageretur, convenerunt multi fratres ac religiosæ feminæ; et de more illis, quorum officium erat, funus curantibus, ego in parte ubi decenter poteram, cum eis qui me non deserendum esse censebant, quod erat tempori congruum disputabam; eoque fomento veritatis mitigabam cruciatum tibi notum, illis ignorantibus et intente audientibus, et sine sensu doloris

¹ Mss. plerique omittunt verbum *spiritum*.

² *Celebrari*, juxta Rond. et duo Mss. apud Mart. M.

³ Lov. aliæque editiones, *sermonem*.

(a) Hunc numerum omnes ad unum codices, tum editi, tum scripti assignant; unde intelligitur locum minime corruptum esse, quod suspicatus est Cæsar Baronius. ad an. 388, n. 71, et in Not. ad Mart., die 5 maii.

¹ Mart. cum quatuor Mss., *dicebamus talia*. M.

² Sic Arn. et aliquot ex præcipuis Mss.; at Bad. Am. Er. Lov., *apparuisse*. — Sic etiam Rond. cum 11 Mss. et Flor. cum totidem Mss. M.

me esse arbitrantibus. At ego in auribus tuis, ubi eorum nullus audiebat, increpabam mollitiem affectus mei, et constringebam fluxum mœroris, cedebatque mihi paululum; rursusque impetu suo ferebatur, non usque ad eruptionem lacrymarum, nec usque ad vultus mutationem, sed ego sciebam quid corde premerem. Et quia mihi vehementer displicebat tantum in me posse hæc humana, quæ ordine debito et sorte conditionis nostræ accidere necesse est, alio dolore dolebam dolorem meum, et duplici tristitia macerabar.

32. Cum ecce corpus elatum est¹, imus, redimus sine lacrymis. Nam neque in eis precibus quas tibi fudimus, cum offerretur pro ea sacrificium pretii nostri, jam juxta sepulcrum posito cadavere, priusquam deponeretur, sicut illic fieri solet, nec in eis precibus ego flevi: sed toto die graviter in occulto mœstus eram, et mente turbata rogabam te, ut poteram, quo sanares dolorem meum, nec faciebas; credo, commendans memoriæ meæ, vel hoc uno documento, omnis consuetudinis vinculum, etiam adversus mentem quæ jam non fallaci verbo pascitur². Visum etiam mihi est ut irem lavatum, quod audieram inde balneis nomen inditum, quia Græci βαλανεϊον dixerint, quod anxietatem pellat ex animo. Ecce et hoc confiteor misericordiæ tuæ, Pater orphanorum, quoniam lavi, et talis eram qualis priusquam lavissem. Neque enim exsudavit de corde meo mœroris amaritudo. Deinde dormivi et evigilavi, et non parva ex parte mitigatum inveni dolorem meum; atque ut eram in lecto meo solus, recordatus sum veridicos versus Ambrosii tui; tu es enim

Deus, creator omnium,
Polique rector, vestiens
Diem decoro lumine,
Noctem sopora³ gratia:
Artus solutos ut quies
Reddat laboris usui,
Mentesque fessas allevet,
Luctusque solvat anxios.

33. Atque inde paulatim reducebam in pristinum sensum ancillam tuam, conversationemque ejus piam in te, et sancte⁴ in nos blandam atque morigeram, qua subito destitutus sum; et libuit flere in conspectu tuo de illa et pro illa, de me et pro me. Et dimisi lacrymas quas continebam, ut offluerent quantum vellet, substernens eas cordi meo; et requievit in eis⁵, quoniam ibi erant aures tuæ, non cujusquam hominis superbe interpretantis ploratum meum. Et nunc, Domine, confiteor tibi in litteris. Legat qui volet, et interpretetur ut volet, et si peccatum invenerit, flevisse me matrem exigua parte horæ, matrem oculis meis interim mortuam, quæ me multos annos fleverat ut oculis tuis viverem, non irrideat; sed potius, si est

¹ Sic completur antecedens periodus apud Rond.: *Cum ecce corpus elatum est.* M.

² Tres Mss. Angl., *pascitur, difficile posse vitare. Visum etiam.*

³ In ante excussis, *soporis*. At in multis Mss., *sopora*, a verbo *soporo*; melius, siquidem hocce hymno somnus quietus ad recreandas corporis et animi vires postulatur. — Juxta Flor. Mart. cum 7 Mss., et Rond. cum 6 Mss. legendum, *soporis*. M.

⁴ Bad. Am. Er. Lov., *sanctam*.

⁵ *Requievi in eis*, juxta Mart. cum 3 Mss., et Arn. M.

grandi charitate, pro peccatis meis fleat ipse ad te Patrem omnium fratrum Christi tui.

CAPUT XIII.

Orat pro matre defuncta.

34. Ego autem, jam sanato corde ab illo vulnere in quo poterat redargui carnalis affectus, fundo tibi, Deus noster, pro illa famula tua longe aliud lacrymarum genus, quod manat de concusso spiritu consideratione periculorum omnis animæ quæ in Adam moritur. Quanquam illa in Christo vivificata (I Cor. xv, 22), etiam nondum a carne resoluta, sic vixerit ut laudetur nomen tuum in fide moribusque ejus; non tamen audeo dicere, ex quo eam per Baptismum regenerasti, nullum verbum exisse ab ore ejus contra præceptum tuum. Et dictum est a Veritate Filio tuo: *Si quis dixerit fratri suo, Fatue, reus erit gehennæ ignis* (Matth. v, 22). Et væ etiam laudabili vitæ hominum, si, remota misericordia, discutias eam. Quia vero non exquiris delicta vehementer, fiducialiter speramus aliquem apud te locum invenire indulgentiæ¹. Quisquis autem tibi enumerat vera merita sua, quid tibi enumerat nisi munera tua? O si cognoscant se homines homines, et qui gloriatur, in Domino gloriatur!² (II Cor. x, 17.)

35. Ego itaque, laus mea et vita mea, Deus cordis mei, sepositis paulisper bonis ejus actibus, pro quibus tibi gaudens gratias ago, nunc pro peccatis matris meæ deprecor te; exaudi me per Medicinam vulnerum nostrorum quæ pependit in ligno, et sedens ad dexteram tuam, te interpellat pro nobis (Rom. viii, 34). Scio misericorditer operatam, et ex corde dimisisse debita debitoribus suis; dimitte illi et tu debita sua (Matth. vi, 12), si qua etiam contraxit per tot annos post aquam salutis. Dimitte, Domine, dimitte obsecro, ne intres cum ea in iudicium (Psal. cxlii, 2). Susperexaltet misericordia iudicium (Jacobi ii, 13), quoniam eloquia tua vera sunt, et promisisti misericordiam misericordibus (Matth. v, 7): quod ut essent, tu dedisti eis, qui misereberis cui misertus eris, et misericordiam præstabis cui misericors fueris (Exod. xxxiii, 19; Rom. ix, 15).

36. Et credo jam feceris quod te rogo, sed voluntaria oris mei approba, Domine (Psal. cxviii, 108). Namque illa imminente die resolutionis suæ non cogitavit suum corpus sumptuose contegi, aut condiri aromatibus, aut monumentum electum concupivit, aut curavit sepulcrum patrum; non ista mandavit nobis: sed tantummodo memoriam sui ad altare tuum fieri desideravit, cui nullius diei prætermissione servierat; unde sciret dispensari victimam sanctam, qua delictum est chirographum quod erat contrarium nobis (Coloss. ii, 14), qua triumphatus est hostis computans delicta nostra, et quærens quid objiciat, et nihil inveniens in illo in quo vincimus. Quis ei refundet innocentem sanguinem? Quis ei restituet pretium quo nos

¹ Absunt a Mss. prope omnibus isthæc verba, *invenire indulgentiæ*. — Non desunt in editione Florentina. M.

² Ita Mss. cum Arn.; at Lov. cum antiquioribus Edd.: *O si cognoscant se omnes homines, et qui gloriantur, in Domino glorientur*. — Ultimam periodi partem fert etiam Ven. sic: *Et qui gloriantur, in Domino glorientur.* M.

emit ut nos auferat ei¹? Ad cujus pretii nostri sacramentum ligavit ancilla tua animam suam vinculo fidei. Nemo a protectione tua dirumpat eam. Non se interponat nec vi nec insidiis leo et draco: neque enim respondebit illa nihil se debere, ne convincatur et obtineatur ab accusatore callido; sed respondebit dimissa debita sua ab eo, cui nemo reddet quod pro nobis non debens reddidit.

37. Sit ergo in pace cum viro, ante quem nulli et post quem nulli nupta est, cui servivit fructum tibi asserens cum tolerantia (*Luc. viii, 15*), ut eum quoque lucraretur tibi. Et inspira, Domine meus, Deus meus², inspira servis tuis fratribus meis, filiis tuis dominis meis, quibus et voce et corde et litteris servio, ut quotquot hæc legerint, meminerint ad altare

¹ Arn. cum aliquot Mss., *offerat*; sed melius Bad. Arn. Er. Lov. cum pluribus Mss., *auferat ei*, scilicet Christo emptori, uti nobis quidem videtur.

² *Domine Deus meus*, juxta Ven. M.

tuum Monnicæ famulæ tuæ (a), cum Patricio quondam ejus conjuge, per quorum carnem introduxisti me in hanc vitam, quemadmodum nescio. Meminerint cum affectu pio parentum meorum in hac luce transitoria, et fratrum meorum sub te patre in matre Catholica, et civium meorum in æterna Jerusalem, cui suspirat peregrinatio populi tui ab exitu usque ad reditum; ut quod a me illa poposcit extremum, uberius illi præstetur in multorum orationibus per confessiones¹, quam per orationes meas.

¹ In Edd. pluribus, *tam per confessiones*. Abest, *tam* a Mss. quos magis probamus.

(a) Imitari visum est vetustos Codices, qui cum gemina littera *nn* præferunt *Monnicæ*: quo pacto etiam scriptum reperitur in oratione, quam Willelmus abbas, piis Augustini votis obtemperandi studio, composuit sub his verbis: « Memento, Domine, animæ famuli tui Patricii, et famulæ tuæ « Monnicæ; et si quid pro anima filii ipsorum domini mei Augustini, dilectissimi confessoris tui, mihi misero peccatori « licet vel intimo cordis affectu desiderare, » etc. Quæ oratio integra habetur in Veterum Analectorum tomo primo.

LIBER DECIMUS.

Scrutatur deinceps, ac palam contestatur, non qualis antea esset, sed qualis nunc. Deum quem diligit studet indicare; dumque per singula ducit rerum genera, multis explicat memoriæ vim planè stupendam, et quod sua in memoria locum Deus habeat gratulatur. Inquirat in actus, in sensus, et affectus suos ex triplici tentatione voluptatis, curiositatis ac superbiæ. Dominum Christum unum mediatorem Dei et hominum confiteatur, ejusque ope animi sui languores omnes sanandos esse confidit.

CAPUT PRIMUM.

In Deo solo spes et gaudium.

1. Cognoscam te, cognitor meus, cognoscam sicut et cognitus sum (*I Cor. viii, 12*). Virtus animæ meæ, intra in eam, et coapta tibi, ut habeas et possideas sine macula et ruga (*Ephes. v, 27*). Hæc est spes mea, ideo loquor; et in ea spe gaudeo, quando sanum¹ gaudeo. Cætera vero vitæ hujus tanto minus flenda, quanto magis fletur; et tanto magis flenda, quanto minus fletur in eis. Ecce enim veritatem dilexisti (*Psal. l, 8*), quoniam qui facit cam, venit ad lucem (*Joan. iii, 21*). Volo eam facere in corde meo coram te in confessione; in stilo autem meo coram multis testibus.

CAPUT II.

Cum Deo nota sint arcana, quid est confiteri illi.

3. Et tibi quidem, Domine, cujus oculis nuda est abyssus humanæ conscientiæ, quid occultum esset in me, etiamsi nollem confiteri tibi? Te enim mihi absconderem, non me tibi. Nunc autem quod gemitus meus testis est displicere me mihi, tu resulges et places, et amaris et desideraris; ut erubescam de me, et abjiciam me atque eligam te, et nec tibi nec mihi placeam nisi de te. Tibi ergo, Domine, manifestus sum quicumquesim; et quo fructu tibi confitear, dixi. Neque enim id ago verbis carnis et vocibus, sed verbis animæ et clamore cogitationis, quem novit auris tua. Cum enim malus sum, nihil est aliud confiteri tibi, quam displicere mihi; cum vero pius, nihil est aliud confiteri tibi, quam hoc non tribuere mihi: quoniam tu, Domine, benedicis justum (*Psal. v, 13*), sed

¹ *Sane*, juxta Somm. et sex Mss. apud Mart. M.

prius eum justificas impium (*Rom. iv, 5*). Confessio itaque mea, Deus meus, in conspectu tuo tibi tacite fit, et non tacite. Tacet enim strepitu, clamat affectu. Neque enim¹ dico recti aliquid hominibus, quod non a me tu prius audieris; aut etiam tu aliquid tale audis a me, quod non mihi tu prius dixeris.

CAPUT III.

Quo fructu confitebatur deinceps quis sit, non quis fuerit.

3. Quid mihi ergo est cum hominibus ut audiant confessiones meas, quasi ipsi sanaturi sint omnes languores meos? Curiosum genus ad cognoscendam vitam alienam, desidiosum ad corrigendam suam. Quid a me quærunt audire qui sim, qui nolunt a te audire qui sint? Et unde sciunt, cum a me ipso de me ipso audiunt, an verum dicam; quando quidem nemo scit hominum quid agatur in homine, nisi spiritus hominis qui in ipso est (*I Cor. ii, 11*)? Si autem a te audiant de seipsis, non poterunt dicere, Mentitur Dominus. Quid est enim a te audire de se, nisi cognoscere se? Quis porro cognoscit, et dicit, Falsum est, nisi ipse mentiatur? Sed quia charitas omnia credit (*Ibid. xiii, 7*), inter eos utique quos connexos sibimet unum facit, ego quoque, Domine, etiam sic tibi confiteor, ut audiant homines, quibus demonstrare non possum an vera confitear; sed credant mihi quorum mihi aures charitas aperit.

4. Verumtamen tu, medice meus intime, quo fructus ista faciam, eliqua mihi. Nam confessiones prætorum malorum meorum, quæ remisisti et texisti ut beares me in te (*Psal. xxxi, 1*), mutans animam meam fide et Sacramento tuo, cum leguntur et au-

¹ In B. omittitur *enim*; quam voculam servant Er. Lugd. Ven. Lov. Dub. M.

diuntur, excitant cor ne dormiat in desperatione et dicat, Non possum; sed evigilet in amore misericordiae tuæ et dulcedine gratiæ tuæ, qua potens est omnis infirmus, qui sibi per ipsam fit conscius infirmitatis suæ. Et delectat bonos audire præterita mala eorum qui jam carent eis; nec ideo delectat quia mala sunt, sed quia fuerunt et non sunt. Quo itaque fructu, Domine meus cui quotidie confitetur conscientia mea, spe misericordiae tuæ securior quam innocentia sua; quo fructu, quæso, etiam hominibus coram te confiteor per has litteras adhuc quis ego sim, non quis fuerim? Nam illum fructum vidi et commemoravi. Sed quis adhuc sim, ecce in ipso tempore confessionum mearum, et multi hoc nosse cupiunt qui me noverunt et non me noverunt, qui ex me vel de me aliquid audierunt; sed auris eorum non est ad cor meum, ubi ego sum quicumque sum. Volunt ergo audire confitentem me quid ipse intus sim, quo nec oculum nec aurem nec mentem possunt intendere; credituri tamen volunt, numquid cognituri? Dicit enim eis charitas qua boni sunt non mentiri me de me confitentem, et ipsa in eis credit mihi.

CAPUT IV.

Quod magni sint fructus hujusmodi confessionis.

5. Sed quo fructu id volunt? An congratulari mihi cupiunt cum audierint quantam ad te accedam munere tuo, et orare pro me cum audierint quantum retarder pondere meo? Indicabo me talibus. Non enim parvus est fructus, Domine Deus meus, ut a multis tibi gratiæ agantur de nobis, et a multis rogeris pro nobis. Amet in me fraternus animus quod amandum doces, et doleat in me quod dolendum doces. Animus ille hoc faciat fraternus, non extraneus, non filiorum alienorum, quorum os locutum est vanitatem, et dextera eorum dextera iniquitatis (*Psal. CXLIII, 8*); sed fraternus ille qui cum approbat me, gaudet de me; cum autem improbat me, contristatur pro me: quia sive approbet me, sive improbet, diligit me. Indicabo me talibus; respirent in bonis meis, suspirent in malis meis. Bona mea instituta tua sunt et dona tua; mala mea delicta mea sunt et judicia tua. Respirent in illis, et suspirent in his; et hymnus et fletus ascendant in conspectum tuum de fraternis cordibus, thuribulis tuis (*Apoc. VIII, 3*). Tu autem, Domine, delectatus odore sancti templi tui, miserere mei secundum magnam misericordiam tuam (*Psal. L, 1*), propter nomen tuum; et nequaquam deserens cœpta tua, consumma imperfecta mea.

6. Hic est fructus confessionum mearum, non qualis fuerim, sed qualis sim, ut hoc confitear non tantum coram te secreta exultatione cum tremore et secreto mœrore cum spe (*Philipp. II, 12*); sed etiam in auribus credentium filiorum hominum, sociorum gaudii mei et consortium mortalitatis meæ, civium meorum et mecum peregrinorum, præcedentium et consequentium et comitum viæ meæ. Hi sunt

¹ Non ferunt B: *Non qualis fuerim, sed qualis sim, ut hoc confitear*; desunt etiam hæc verba in pluribus Edd. ac Mss.; ea vero dant præstantissimi. M.

servi tui fratres mei, quos filios tuos esse voluisti, dominos meos quibus jussisti ut serviam, si volo tecum de te vivere. Et hoc mihi Verbum tuum parum erat si loquendo præciperet, nisi et faciendo præiret, Et ego id ago factis et dictis, id ago sub alis tuis nimis cum ingenti periculo; nisi quia sub alis tuis tibi subdita est anima mea, et infirmitas mea tibi nota est. Parvulus sum, sed vivit semper Pater meus, et idoneus est mihi tutor meus; idem ipse est enim qui genuit me et tuetur me: et tu ipse es omnia bona mea, tu omnipotens qui mecum es, et priusquam tecum sim. Indicabo ergo talibus qualibus jubes ut serviam, non quis fuerim, sed quis jam sim, et quis adhuc sim; sed neque meipsum dijudico (*I Cor. IV, 3*): sic itaque audiar.

CAPUT V.

Homo sese totum non novit.

7. Tu enim, Domine, dijudicas me, quia etsi nemo scit hominum quæ sunt hominis, nisi spiritus hominis qui in ipso est (*I Cor. II, 11*); tamen est aliquid hominis quod nec ipse spiritus hominis qui in ipso est; tu autem, Domine, scis ejus omnia qui fecisti eum. Ego vero quamvis præ tuo conspectu me despiciam, et æstimem me terram et cinerem; tamen aliquid de te scio quod de me nescio. Et certe nunc videmus per speculum in ænigmate, nondum facie ad faciem (*Ibid. XIII, 12*): et ideo quamdiu peregrinor abs te, mihi sum præsentior quam tibi, et tamen te novi nullo modo posse violari; ego vero quibus tentationibus resistere valeam, quibusve non valeam, nescio. Et spes est, quia fidelis es, qui nos non sinis tentari supra quam possumus ferre, sed facis cum tentatione etiam exitum ut possimus sustinere. Confitear ergo quid de me sciam, confitear et quid de me nesciam. Quoniam et quod de me scio, te mihi lucente scio; et quod de me nescio, tamdiu nescio, donec fiant tenebræ meæ sicut meridies in vultu tuo (*Isai. LVIII, 10*).

CAPUT VI.

Quid amat, cum Deum amat: et quomodo ex creaturis Deus cognoscitur.

8. Non dubia sed certa conscientia, Domine, amo te. Percussisti cor meum verbo tuo, et amavi te. Sed et cœlum, et terra, et omnia quæ in eis sunt, ecce undique mihi dicunt ut te amem, nec cessant dicere omnibus ut sint inexcusabiles (*Rom. I, 20*). Altius autem tu misereberis cui misertus eris, et misericordiam præstabis cui misericors fueris: alioquin cœlum et terra surdis loquuntur laudes tuas. Quid autem amo, cum te amo? Non speciem corporis, nec decus temporis, nec candorem lucis ecce¹ istis amicis oculis, non dulces melodias cantilenarum omnimodarum, non florum et unguentorum et aromatum suaveolentiam, non manna et mella, non membra acceptabilia carnis amplexibus. Non hæc amo, cum amo Deum meum; et tamen amo quamdam lucem, et quamdam vocem, et quemdam odorem, et quemdam cibum, et quemdam amplexum, cum amo Deum

¹ Etiam juxta Ven. M.

meum, lucem, vocem, odorem, cibum, amplexum interioris hominis mei; ubi fulget animæ meæ quod non capit locus, et ubi sonat quod non rapit tempus, et ubi olet quod non spargit flatus, et ubi sapit quod non minuit edacitas, et ubi hæret quod non divellit satietas. Hoc est quod amo, cum Deum meum amo.

9. Et quid est hoc? Interrogavi terram, et dixit, Non sum; et quæcumque in eadem sunt, idem confessa sunt. Interrogavi mare et abyssos, et reptilia animarum vivarum et responderunt: Non sumus Deus tuus; quære super nos. Interrogavi auras flabiles, et inquit universus aer cum incolis suis: Fallitur Anaximenes; non sum Deus. Interrogavi cælum, solem, lunam, stellas; neque nos sumus Deum quem quæris, inquirunt. Et dixi omnibus iis quæ circumstant fores carnis meæ: Dixistis mihi de Deo meo quod vos non estis, dicite mihi de illo aliquid. Et exclamaverunt voce magna: Ipse fecit nos (*Psal.* xcix, 3). Interrogatio mea, intentio mea; et responsio eorum, species eorum. Et direxi me ad me, et dixi mihi, Tu quis es? Et respondi, Homo. Et ecce corpus et anima in me mihi præsto sunt; unum exterius, et alterum interius. Quid horum est unde quærere debui Deum meum, quem jam quæsiveram per corpus a terra usque ad cælum, quousque potui mittere nuntios, radios oculorum meorum? Sed melius quod interius. Ei quippe renuntiabant omnes nuntii corporales præsidenti et judicanti de singulis responsionibus cæli et terræ et omnium quæ in eis sunt dicentium: Non sumus Deus, sed ipse fecit nos. Homo interior cognovit hæc per exterioris ministerium; ego interior cognovi hæc, ego, ego animus per sensus corporis mei. Interrogavi mundi molem de Deo meo, et respondit mihi: Non ego sum, sed ipse me fecit.

10. Nonne omnibus quibus integer sensus est, apparet hæc species? Cur non omnibus eadem loquitur? Animalia pusilla et magna vident eam, sed interrogare nequeunt; non enim præposita est in eis nuntiantibus sensibus iudex ratio. Homines autem possunt interrogare, ut invisibilia Dei, per ea quæ facta sunt, intellecta conspiciantur¹ (*Rom.* i, 20); sed amore subduntur eis, et subditi iudicare non possunt. Nec respondent ista interrogantibus nisi iudicantibus; nec vocem suam mutant, id est speciem suam, si alius tantum videat, alius autem videns interroget, ut aliter illi appareat, aliter huic; sed eodem modo utrique apparens, illi muta est, huic loquitur: imo vero omnibus loquitur; sed illi intelligunt qui ejus vocem acceptam foris intus cum veritate conferunt. Veritas enim dicit mihi: Non est Deus tuus cælum, et terra; neque omne corpus. Hoc dicit eorum natura videnti: Moles est; moles minor est in parte quam in toto. Jam tu melior es; tibi dico, anima; quoniam tu vegetas molem corporis tui, præbens ei vitam, quod nullum corpus præstat corpori. Deus autem tuus etiam tibi vitæ vita est².

¹ *Conspiciunt*, juxta 5 Mss. Mart. M.

² Sic Arn. et Mss; at Am. Er. Lov., *etiam tibi vita est*. — Sic etiam Ven. et Lugd. M.

CAPUT VII.

Corporea aut sensitiva virtute Deus non invenitur.

11. Quid ergo amo, cum Deum meum amo? Quis est ille super caput animæ meæ? Per ipsam animam meam ascendam ad illum. Transibo vim meam, qua hæreo corpori, et vitaliter compagem ejus repleo. Non ea vi reperio Deum meum: nam reperiret et equus, et mulus, quibus non est intellectus (*Psal.* xxxi, 9); quia est eadem vis qua vivunt etiam eorum corpora. Est alia vis non solum qua vivifico, sed etiam qua sensifico carnem meam quam mihi fabricavit Dominus: jubens oculo ut non audiat, et auri ut non videat; sed illi per quem videam; huic per quam audiam: et propria singillatim cæteris sensibus sedibus suis et officiis suis; quæ diversa per eos ago unus ego animus¹. Transibo et istam vim meam: nam et hanc habet equus, et mulus; sentiunt enim etiam ipsi per corpus.

CAPUT VIII.

Memoriæ vis.

12. Transibo ergo et istam vim naturæ meæ, gradibus ascendens ad eum qui fecit me; et venio in campos et lata prætoria memoriæ, ubi sunt thesauri innumerabilium imaginum de cujusmodi² rebus sensus invectarum. Ibi reconditum est quidquid etiam cogitamus, vel augendo vel minuendo, vel utcumque variando ea quæ sensus attigerit; et si quid aliud commendatum et repositum est, quod nondum absorbit et sepelivit oblivio. Ibi quando sum, posco ut proferatur quidquid volo, et quædam statim prodeunt; quædam requiruntur diutius, et tanquam de abstrusioribus quibusdam receptaculis eruuntur; quædam catervatim se prouunt³, et dum aliud petitur et quæritur, prosiliunt in medium quasi dicentia, Ne forte nos sumus? Et abigo ea manu cordis a facie recordationis meæ, donec enubiletur quod⁴ volo, atque in conspectum prodeat ex abditis. Alia faciliter atque imperturbata serie, sicut poscuntur suggeruntur; et cedunt præcedentia consequentibus; et cedendo conduntur, iterum cum voluero processura. Quod totum fit, cum aliquid narro memoriter.

13. Ibi sunt omnia distincte generatimque servata, quæ suo quæque aditu ingesta sunt, sicut lux atque omnes colores formæque corporum per oculos; per aures autem omnia genera sonorum omnesque odores per aditum narium; omnes sapes per oris aditum; a sensu autem totius corporis, quid durum, quid molle, quid calidum frigidumve, lene aut asperum, grave seu leve, sive extrinsecus sive intrinsecus corpori. Hæc omnia recipit recolenda cum opus est et retractanda grandis memoriæ recessus, et nescio qui secreti atque ineffabiles sinus ejus; quæ omnia suis quæque foribus intrant ad eam, et reponuntur in ea. Nec ipsa tamen intrant, sed rerum sensarum imagines illic præsto

¹ *Unus ago animus*, juxta Ven. M.

² *Hujusmodi*, juxta Er. Ven. et Lugd. M.

³ *Se prouunt*, juxta Ven. M.

⁴ *Illud quod*, juxta Er. Ven. Lugd. M.

sunt cogitationi reminiscenti eas. Quæ quomodo fabricatæ sint quis dicit, cum appareat quibus sensibus raptæ sint interiusque reconditæ? Nam et in tenebris atque in silentio dum habito, in memoria mea¹ profero, si volo, colores; et discerno inter album et nigrum, et inter quos alios volo: nec incurrunt soni atque perturbant, quod per oculos haustum considero, cum et ipsi sint, et quasi seorsum repositi lateant. Nam et ipsos posco si placet, atque adsunt illico. Et quiescente lingua ac silente gutture canto quantum volo; imaginesque illæ colorum quæ nihilominus ibi sunt, non se interponunt neque interrumpunt, cum thesaurus alius retractatur qui influxit ab auribus. Ita cætera quæ per sensus cæteros ingesta atque congesta sunt, recordor prout libet: et auram liliorum discerno a violis, nihil olfaciens; et mel defruto, lene aspero, nihil tunc gustando neque contrectando, sed reminiscendo antepono.

14. Intus hæc ago, in aula ingenti memoriæ meæ. Ibi enim mihi cælum et terra et mare præsto sunt, cum omnibus quæ in eis sentire potui, præter illa quæ oblitus sum. Ibi et ipse mihi occurro, meque recolo, quid, quando, et ubi egerim, quoque modo cum agerem affectus fuerim. Ibi sunt omnia quæ sive experta a me sive credita memini. Ex eadem copia etiam similitudines rerum vel expertarum, vel ex eis quas expertus sum creditarum, alias atque alias et ipse contexo præteritis, atque ex his etiam futuras actiones et eventa et spes, et hæc omnia rursus quasi præsentia meditor. Faciam hoc aut illud, dico apud me in ipso ingenti sinu animi mei pleno tot et tantarum rerum imaginibus; et hoc aut illud sequetur. O si esset hoc aut illud! Avertat Deus hoc aut illud. Dico apud me ista: et cum dico, præsto sunt imagines omnium quæ dico ex eodem thesauro memoriæ, nec omnino aliquid eorum dicerem si defuissent.

15. Magna ista vis est memoriæ, magna nimis, Deus meus, penetrabile amplum et infinitum. Quis ad fundum ejus pervenit? Et vis est hæc animi mei, atque ad meam naturam pertinet; nec ego ipse capio totum quod sum. Ergo animus ad habendum seipsum angustus est. Et ubi sit, quod sui non capit²? Numquid extra ipsum ac non in ipso? Quomodo ergo non capit? Multa mihi super hoc oboritur admiratio, stupor apprehendit me. Et eunt homines admirari alta montium, et ingentes fluctus maris, et latissimos lapsus fluminum, et Oceani ambitum, et gyros siderum, et relinquunt seipsos; nec mirantur, quod hæc omnia cum dicerem, non ea videbam oculis, nec tamen dicerem nisi montes et fluctus et flumina et sidera quæ vidi, et Oceanum quem credidi, intus in memoria mea videre tam spatii tam ingentibus quasi foris viderem: nec ea tamen videndo absorbuï quando vidi oculis; nec ipsa sunt apud me, sed imagines eo-

rum. Et novi quid ex quo sensu corporis impressum sit mihi.

CAPUT IX.

Memoria disciplinarum.

16. Sed non ea sola gestat immensa ista capacitas memoriæ meæ. Hic sunt et illa omnia quæ de doctrinis liberalibus percepta nondum exciderunt, quasi remota interiore loco, non loco³; nec eorum imagines, sed res ipsas gero. Nam quid sit litteratura, quid peritia disputandi, quot genera quæstionum, quidquid horum scio sic est in memoria mea, ut non retenta imagine rem foris reliquerim, aut sonuerit et præterierit, sicut vox impressa per aures vestigio quo recoleretur⁴, quasi sonaret cum jam non sonaret; aut sicut odor dum transit et evanescit in ventos, olfactum afficit, unde trajicit in memoriam imaginem sui quam reminiscendo repetamus; aut sicut cibus qui certe in ventre jam non sapit, et tamen in memoria quasi sapit; aut sicut aliquid quod corpore tangendo sentitur, quod etiam separatum a nobis imaginatur memoria. Istæ quippe res non intromittuntur ad eam, sed earum solæ imagines mira celeritate capiuntur, et miris tanquam cellis reponuntur, et mirabiliter recordando proferuntur.

CAPUT X.

Disciplinæ in memoriam non introducuntur per sensus, sed ex ejus abditiore sinu eruuntur.

17. At vero cum audio tria genera esse quæstionum, an sit, quid sit, quale sit; sonorum quidem quibus hæc verba confecta sunt imagines teneo; et eos per auras⁵ cum strepitu transisse ac jam non esse scio. Res vero ipsas quæ illis significantur sonis neque ullo sensu corporis attingi, nec usquam vidi præter animum meum, et in memoria recondidi non imagines earum, sed ipsas; quæ unde ad me intraverint, dicant si possunt⁶. Nam percurro januas omnes carnis meæ, nec invenio qua earum ingressæ sint. Quippe oculi dicunt: Si coloratæ, sunt, nos eas nuntiavimus. Aures dicunt: Si sonuerunt, a nobis indicatæ sunt. Nares dicunt: Si oluerunt, per nos transierunt. Dicit etiam sensus gustandi: Si sapor non est, nihil me interroges. Tactus dicit: Si corpulentum non est, non contrectavi; si non contrectavi, non indicavi. Unde et qua hæc intraverunt in memoriam meam? Nescio quomodo; nam cum ea didici, non credidi alieno cordi, sed in meo recognovi, et vera esse approbavi, et commendavi ei, tanquam reponens unde proferrem cum vellem. Ibi ergo erant et antequam ea didicissem, sed in memoria non erant. Ubi ergo, aut quare cum dicerentur agnovi, et dixi: Ita est, verum est; nisi quia jam erant in memoria, sed tam remota et retrusa quasi in caveis abditioribus, ut nisi admonente aliquo eruerentur, ea fortasse cogitare non possem?

¹ In memoriam meam juxta Bertinensem Mss., Mart. M.

² Lov.: *Ubi sit, quid sit, non capit.* — Er. Ven. Lugd.: *Ubi sit, quid sit, non capit.* Mart.: *Angustus est ut ibi sit quod sui non capit?* Sic pergit: *Numquid extra ipsum tamen in ipso est?* Omittitur est apud Somm. et Rond. M.

³ Lov., *loca.* — Quibus adstipulantur Ven. et Lugd. M.

⁴ *Recolitur*, juxta sex Mss. apud Mart. M.

⁵ Sic Arn. et Mss.; at Am. Bad. Er. Lov., *Per aures.* — et etiam Ven. et Lugd. M.

⁶ *Dicam si possum*, juxta Er. Ven. Lugd. M.

CAPUT XI.

Quid sit discere.

18. Quocirca invenimus nihil esse aliud discere ista, quorum non per sensus haurimus imagines, sed sine imaginibus sicuti sunt per seipsa intus cernimus; nisi ea quæ passim atque indisposite memoria continebat, cogitando quasi colligere, atque animadvertendo curare, ut tanquam ad manum posita in ipsa memoria, ubi sparsa prius et neglecta latitabant, jam familiari intentioni facile occurrant. Et quam multa huiusmodi gestat memoria mea quæ jam inventa sunt, et sicut dixi, quasi ad manum posita, quæ didicisse et nosse dicimur! Quæ si modestis temporum intervallis recolere desivero, ita rursus demerguntur, et quasi in remotiora penetralia dilabuntur, ut denuo velut nova excogitanda sint indidem iterum¹ (neque enim est alia regio eorum), et cogenda rursus ut sciri possint, id est velut ex quadam dispersione colligenda, unde dictum est cogitare. Nam cogo et cogito, sic est ut ago et agito, facio et factito. Verumtamen sibi animus hoc verbum proprie vindicavit, ut non quod alibi, sed quod in animo colligitur, id est cogitur, cogitari proprie jam dicatur.

CAPUT XII.

Rerum Mathematicarum memoria.

19. Item continet memoria numerorum dimensionumque rationes et leges innumerabiles, quarum nullam corporis sensus impressit; quia nec ipsæ coloratæ sunt, aut sonant, aut olent, aut gustatæ, aut contrectatæ sunt. Audivi sonos verborum quibus significantur cum de his disseritur; sed illi alii, istæ autem aliæ sunt: nam illi aliter græce, aliter latine sonant; istæ vero nec græcæ nec latinæ sunt, nec aliud eloquiorum genus. Vidi lineas fabrorum, vel etiam tenuissimas, sicut filum aranæ; sed illæ aliæ sunt, non sunt imagines earum quas mihi nuntiavit carnis oculus: novit eas quisquis sine ulla cogitatione qualiscumque corporis intus agnovit eas. Sensi etiam numeros omnibus corporis sensibus quos numeramus; sed illi alii sunt quibus numeramus, nec imagines istorum sunt, et ideo valde sunt. Rideat me ista dicentem qui eos non videt, et ego doleam ridentem me.

CAPUT XIII.

Memoria meminisse nos meminimus.

20. Hæc omnia memoria teneo, et quomodo ea didicerim memoria teneo. Multa etiam quæ adversus hæc falsissime disputantur audivi, et memoria teneo: quæ tametsi falsa sunt, tamen ea meminisse me non est falsum; et discrevisse me inter illa vera et hæc falsa quæ contradicuntur, et hoc meminisse; aliterque nunc video discernere me ista, aliter autem meminisse sæpe me discrevisse cum ea sæpe cogitarem. Ergo et intellexisse me sæpius ista meminisse; et quod nunc discerno et intelligo, recondo in memoria, ut postea me nunc intellexisse meminerim. Ergo et meminisse

¹ Ita meliores Mss., et sic legendum esse probat quod sequitur, *neque enim est alia regio eorum*, ex qua scilicet cogi possint. Quare emendandi editi codices qui habent, *et in idem*; vel, *et ibidem*.

me meminisse; sicut postea quod hæc meminisse nunc potui si recordabor, utique per vim memoriæ recordabor.

CAPUT XIV.

Quomodo memoria cum iacet affectus animi. Læta non læti quomodo recordamur.

21. Affectiones quoque animi mei eadem memoria continet; non illo modo quo eas habet ipse animus cum patitur eas; sed alio multum diverso, sicut sese habet vis memoriæ. Nam et lætatum me fuisse reminiscor non lætus, et tristitiam meam præteritam recordor non tristis, et me aliquando timuisse recolo sine timore, et pristinæ cupiditatis sine cupiditate sum memor; aliquando e contrario tristitiam meam transactam lætus reminiscor, et tristis lætitiā. Quod mirandum non est de corpore: aliud enim animus, aliud corpus. Itaque si præteritum dolorem corporis gaudens meminisse, non ita mirum est. Hic vero cum animus sit etiam ipsa memoria: nam et cum mandamus aliquid ut memoriter habeatur, dicimus, Vide ut illud in animo habeas; et cum obliviscimur, dicimus, Non fuit in animo: et, Elapsum est animo; ipsam memoriā vocantes animum: cum ergo ita sit, quid est hoc quod cum tristitiam meam præteritam lætus meminisse, animus habet lætitiā, et memoria tristitiā; lætusque est animus ex eo quod inest ei lætitiā, memoria vero ex eo quod inest ei tristitiā tristis non est? Num forte non pertinet ad animum? Quis hoc dixerit? Nimirum ergo memoria quasi venter est animi, lætitiā vero atque tristitiā quasi cibus dulcis et amarus: cum memoriæ commendantur quasi trajecta in ventrem recondi illic possunt, sapere non possunt. Ridiculum est hæc illis similia putare, nec tamen sunt omnimodo dissimilia.

22. Sed ecce de memoria profero, cum dico quatuor esse perturbationes animi; cupiditatem, lætitiā, metum, tristitiā: et quidquid de his disputare potuero, dividendo singula per species sui cuiusque generis et definiendo; ibi invenio quid dicam, atque inde profero: nec tamen ulla earum perturbatione perturbor, cum eas reminiscendo commemoro; et antequam recolerentur a me et retractarentur, ibi erant; propterea inde per recordationem potuere depromi. Forte ergo, sicut de ventre cibus ruminando, sic ista de memoria recordando proferuntur. Cur igitur in ore cogitationis non sentitur a disputante, hoc est a reminiscente, lætitiæ dulcedo vel amaritudo mœstitiæ? An in hoc dissimile est, quod non undique simile est? Quis enim talia volens loqueretur, si quoties tristitiā metumve nominamus, toties mœrere vel timere cogemur? Et tamen non ea loqueremur, nisi in memoria nostra non tantum sonos nominum secundum imagines impressas sensibus corporis¹; sed etiam rerum ipsarum notiones inveniremus, quas nulla janua carnis accepimus, sed eas ipse animus per experientiam passionum suarum sentiens memoriæ

¹ In prius Edd., *impressas sensibus corporis*; at in Mss., *sensibus*. — Sic etiam Florentina editio. M.

commendavit, aut ipsa sibi hæc etiam non commenda-
data retinuit.

CAPUT XV.

Etiam quæ absunt meminimus.

23. Sed utrum per imagines, an non, quis facile dixerit? Nomino quippe lapidem, nomino solem, cum res ipsæ non adsunt sensibus meis; in memoria sane mea præsto sunt imagines earum. Nomino dolorem corporis, nec mihi adest dum nihil dolet; nisi tamen adesset imago ejus in memoria mea nescirem quid dicerem, nec eum in disputando a voluptate discernere. Nomino salutem corporis cum salvus sum corpore: adest mihi quidem res ipsa; verumtamen nisi et imago ejus inesset in memoria mea, nullo modo recordarer quid hujus nominis significaret sonus. Nec ægrotantes agnoscerent salute nominata quid esset dictum; nisi eadem imago vi memoriæ teneretur, quamvis ipsa res abesset a corpore. Nomino numeros quibus numeramus, et adsunt in memoria mea non imagines eorum, sed ipsi. Nomino imaginem solis, et hæc adest in memoria mea: neque enim imaginem imaginis ejus, sed ipsam recolo; ipsa mihi reminiscenti præsto est. Nomino memoriam, et agnosco quod nomino. Et ubi agnosco, nisi in ipsa memoria? Num et ipsa per imaginem suam sibi adest, ac non per seipsam?

CAPUT XVI.

Et oblivionis memoria est.

24. Quid, cum oblivionem nomino, atque itidem agnosco quod nomino, unde agnoscerem nisi meminissem? Non eundem sonum nominis dico, sed rem quam significat; quam si oblitus essem; quid ille valeret sonus, agnoscere utique non valerem. Ergo cum memoriam meminimus, per seipsam sibi præsto est ipsa memoria; cum vero meminimus oblivionem, et memoria præsto est et oblivio; memoria qua meminimus, oblivio quam meminimus. Sed quid est oblivio, nisi privatio memoriæ? Quomodo ergo adest ut eam meminimus, quando cum adest meminisse non possum? At si quod meminimus memoria retinemus; oblivionem autem nisi meminissemus, nequaquam possumus audito isto nomine, rem quæ illo significatur agnoscere; memoria retinetur oblivio. Adest ergo ne obliviscamur, quæ cum adest obliviscimur. An ex hoc intelligitur non per seipsam inesse memoriæ cum eam meminimus, sed per imaginem suam? quia si per seipsam præsto esset oblivio, non ut meminissemus, sed ut oblivisceremur efficeret. Et hoc quis tandem indagabit? quis comprehendet quomodo sit?

25. Ego certe, Domine, laboro hic, et laboro in meipso: factus sum mihi terra difficultatis, et sudoris nimii. Neque enim nunc scrutamur plagas cæli, aut siderum intervalla demetimus, vel terræ libramenta quærimus: ego sum qui meminimus, ego animus. Non ita mirum, si a me longe est quidquid ego non sum. Quid autem propinquius meipso mihi? Et ecce memoriæ meæ vis non comprehenditur a me, cum ipsum me non dicam præter illam. Quid enim dicturus sum quando mihi certum est meminisse me obli-

vionem? An dicturus sum non esse in memoria mea quod meminimus? an dicturus sum ad hoc inesse oblivionem in memoria mea, ut non obliviscar? Utrumque absurdissimum est. Quid illud tertium? quo pacto dicam imaginem oblivionis teneri memoria mea, non ipsam oblivionem, cum eam meminimus? Quo pacto et hoc dicam, quandoquidem cum imprimitur rei cujusque imago in memoria, prius necesse est ut adsit res ipsa unde illa imago possit imprimi? Sic enim Carthaginis meminimus, sic omnium locorum quibus interfui, sic facies hominum quas vidi, et cæterorum sensuum nuntiata, sic ipsius corporis salutem sive dolorem. Cum præsto essent ista, cepit ab eis imagines memoria quas intuerer præsentem, et retractarem animo cum illa et absentia reminiscerer. Si ergo per imaginem suam non per seipsam in memoria tenetur oblivio, ipsa utique aderat ut ejus imago caperetur. Cum autem adesset, quomodo imaginem suam in memoria conscribat, quando id etiam quod jam notatum invenit, præsentia sua delet oblivio? Et tamen quocumque modo, licet sit modus iste incomprehensibilis et inexplicabilis. etiam ipsam oblivionem meminisse me certus sum, qua id quod meminimus obruitur.

CAPUT XVII.

Magna memoriæ vis, sed ultra progrediendum ut attingatur Deus.

26. Magna vis est memoriæ nescio quid horrendum, Deus meus, profunda et infinita multiplicitas; et hoc animus est, et hoc ego ipse sum. Quid ergo sum, Deus meus? quæ natura sum? Varia, multimoda vita, et immensa vehementer. Ecce in memoriæ meæ campis, et antris et cavernis innumerabilibus, atque innumerabiliter plenis innumerabilium rerum generibus, sive per imagines, sicut omnium corporum; sive per præsentiam, sicut artium; sive per nescio quas notiones vel notationes, sicut affectionum animi; quas et cum animus non patitur, memoria tenet, cum in animo sit quidquid est in memoria: per hæc omnia discuro et volito; hac illac penetro etiam quantum possum, et finis nusquam; tanta vis est memoriæ, tanta vitæ vis est in homine vivente mortaliter! Quid igitur agam, tu vera mea vita Deus meus? Transibo et hanc vim meam quæ memoria vocatur, transibo eam ut pertendam ad te, dulce lumen. Quid dicis mihi? Ecce ego ascendens per animum meum ad te qui desuper mihi manes. Transibo te istam vim meam, quæ memoria vocatur, volens et attingere unde attingi potes, et inhærere tibi unde inhærere tibi potest. Habent enim memoriam et pecora et aves, alioquin non cubilia nidosve repeterent, non alia multa quibus assuescunt, neque enim et assuescere valerent ullis rebus nisi per memoriam. Transibo ergo et memoriam, ut attingam eum qui separavit me a quadrupedibus, et volatilibus cæli sapientiosem me fecit. Transibo et memoriam; et ubi te inveniam, vere bona et secunda suavitas? et ubi te inveniam? Si præter memoriam meam te invenio, immemor tui

sum. Et quomodo jam inveniam te, si memor non sum tui?

CAPUT XVIII.

Non inveniretur ea res quæ excidit, nisi memoria teneretur.

27. Perdiderat enim mulier drachmam, et quæsit eam cum lucerna (*Luc. xv, 8*), et nisi memor ejus esset, non inveniret eam. Cum enim esset inventa, unde sciret utrum ipsa esset, si memor ejus non esset? Multa memini me perdita quæsisse atque invenisse. Inde istud scio, quia cum quærerem aliquid eorum, et diceretur mihi, Num forte hoc est, num forte illud? tamdiu dicebam: Non est, donec id offerretur quod quærebam. Cujus nisi memor essem, quidquid illud esset, etiam si mihi offerretur, non invenirem, quia non agnoscerem. Et semper ita fit, cum aliquid perditum quærimus et invenimus. Verumtamen si forte aliquid ab oculis perit, non a memoria, veluti corpus quodlibet visibile, tenetur intus imago ejus, et quæritur donec reddatur aspectui. Quod cum inventum fuerit, ex imagine quæ intus est recognoscitur. Nec invenisse nos dicimus quod perierat, si non agnoscimus; nec agnoscere possumus, si non meminimus: sed hoc perierat quidem oculis, memoria tenebatur.

CAPUT XIX.

Quid sit reminisci.

28. Quid cum ipsa memoria perdit aliquid, sicut fit cum obliviscimur, et quærimus ut recordemur? Ubi tandem quærimus nisi in ipsa memoria? Et ibi si aliud pro alio forte offeratur, respuimus, donec illud occurrat quod quærimus: et cum occurrit, dicimus, Hoc est; quod non diceremus nisi agnosceremus, nec agnosceremus nisi meminiscemus. Certe ergo obliti fuëramus. An ¹ non totum exciderat, sed ex parte qua tenebatur pars alia quærebatur; quia sentiebat se memoria non simul volvere quod simul solebat, et quasi detruncata consuetudine claudicans, reddi quod deerat flagitabat? Tanquam si homo notus sive conspiciatur oculis, sive cogitetur, et nomen ejus obliti requiramus, quidquid aliud occurrerit non connectitur: quia non cum illo cogitari consuevit, ideoque respuitur donec illud adsit, ubi simul assuefacta notitia non inæqualiter acquiescat. Et unde adest, nisi ex ipsa memoria? Nam et cum ab alio commoniti recognoscimus, inde adest. Non enim quasi novum credimus, sed recordantes approbamus hoc esse quod dictum est. Si autem penitus aboleatur ex animo, nec admoniti reminiscimur. Neque enim omnimodo adhuc obliti sumus, quod vel jam ² oblitos nos esse meminimus. Hoc ergo nec amissum quærare poterimus, quod omnino obliti fuërimus.

CAPUT XX.

Ut beatitudinem omnes appetant, oportet eam noverint.

29. Quomodo ergo te quæro, Domine? Cum enim te Deum meum quæro, vitam beatam quæro. Quæram te ut vivat anima mea. Vivit enim corpus meum de anima mea, et vivit anima mea de te. Quomodo

¹ Mart., *fuëramus*; ac non... *flagitabat*. Alias, nam, M.

² In B. legitur *eam*, corrupte. M.

ergo quæro vitam beatam? quia non est mihi donec dicam: Sat est, illic ubi oportet ut dicam? quomodo eam quæro? Utrum per recordationem tanquam eam oblitus sim, oblitumque me esse adhuc teneam; an per appetitum discendi incognitam, sive quam nunquam scierim, sive quam sic oblitus fuërim ut me nec oblitum esse meminerim? Nonne ipsa est beata vita quam omnes volunt, et omnino qui nolit nemo est? Ubi noverunt eam, quod sic volunt eam? Ubi viderunt, ut amarent eam? Nimirum habemus eam nescio quomodo. Et est alius quidam modus, quo quisque cum habet eam, tunc beatus est; et sunt qui spe beati sunt. Inferiore modo isti habent eam, quam illi qui jam re ipsa beati sunt; sed tamen meliores quam illi qui nec re nec spe beati sunt. Qui tamen etiam ipsi nisi aliquo modo haberent eam, non ita vellet beati esse, quod eos velle certissimum est. Nescio quomodo noverunt eam, ideoque habent eam in nescio qua notitia, de qua satago utrum in memoria sit: quia si ibi est, jam beati fuimus aliquando; utrum singillatim omnes, an in illo homine qui primus peccavit, in quo et omnes mortui sumus, et de quo omnes cum miseria nati sumus, non quæro, nunc; sed quæro utrum in memoria sit beata vita. Neque enim amaremus eam nisi nossemus. Audimus nomen hoc, et rem ipsam omnes nos appetere fatemur; non enim solum delectamur. Nam hoc cum latine audit Græcus, non delectatur, quia ignorat quid dictum sit; nos autem delectamur, sicut etiam ille si græce hoc audierit quoniam res ipsa nec græca nec latina est, cui adipiscendæ Græci Latinique inhiant, cæterarumque linguarum homines. Nota est igitur omnibus, qui una voce si interrogari possent, utrum beati esse vellet, sine ulla dubitatione, velle responderent. Quod non fieret, nisi res ipsa cujus hoc nomen est, eorum memoria teneretur.

CAPUT XXI.

Quomodo memoria beatam vitam continet.

30. Numquid ita ut meminit Carthaginem qui vidit? Non: vita enim beata non videtur oculis quia non est corpus. Numquid sicut meminimus numeros? Non: hos enim qui habet in notitia, non adhuc quærit adipisci; vitam vero beatam habemus in notitia, ideoque amamus eam, et tamen adhuc adipisci eam volumus ut beati simus. Numquid sicut meminimus eloquentiam? Non: quamvis enim hoc nomine audito recordentur ipsam rem qui etiam nondum sunt eloquentes, multique esse cupiant, unde apparet eam esse in eorum notitia; tamen per corporis sensus alios eloquentes animadverterunt et delectati sunt et hoc esse desiderant (quanquam nisi ex interiore notitia ¹ non delectarentur, neque hoc esse vellet nisi delectarentur); beatam vero vitam nullo sensu corporis in aliis experimur. Numquid sicut meminimus gaudium? Fortasse ita. Nam gaudium meum etiam tristis memini, sicut vitam beatam miser: neque unquam corporis sensu gaudium meum vel vidi, vel au-

¹ Sic Am. Arn. et Mss.; at Er. et Lo habent, in *exteriore notitia*.

divi, vel odoratus sum, vel gustavi, vel tetigi; sed expertus sum in animo meo quando lætatus sum, et adhæsit ejus notitia memoriæ meæ, ut id reminisci valeam aliquando cum aspersione, aliquando cum desiderio, pro earum rerum diversitate de quibus me gavisum esse memini. Nam et de turpibus gaudio quodam perfusus sum, quod nunc recordans detestor atque exsecror; aliquando de bonis et honestis, quod desiderans recolo, tametsi forte non adsunt, et ideo tristis gaudium pristinum recolo.

31. Ubi ergo et quando expertus sum vitam meam beatam ut recorder eam, et amem et desiderem? Nec ego tantum, aut cum paucis, sed beati prorsus omnes esse volumus. Quod nisi certa notitia nossemus, non tam certa voluntate vellemus. Sed quid est hoc quod si quærat a duobus, utrum militare velint, fieri posset¹ ut alter eorum velle se, alter nolle respondeat: si autem ab eis quærat, utrum beati esse velint, fieri possit ut² uterque statim se sine ulla dubitatione dicat optare; nec ob aliud velit ille militare, nec ob aliud iste nolit, nisi ut beati sint? Nam³ forte quoniam alius hinc, alius inde gaudet; ita se omnes beatos esse velle consonant, quemadmodum consonarent, si hoc interrogarentur, se velle gaudere, atque ipsum gaudium vitam beatam vocant. Quod etsi alius hinc, alius illinc assequitur, unum est tamen quo pervenire omnes nituntur ut gaudeant. Quæ quoniam res est quam se expertum non esse nemo potest dicere, propterea reperta in memoria recognoscitur, quando beatæ vitæ nomen auditur.

CAPUT XXII.

Beata vita quæ, et ubi.

32. Absit, Domine, absit a corde servi tui, qui confitetur tibi; absit ut quocumque gaudio gaudeam, beatum me putem. Est enim gaudium quod non datur impiis (*Isai. XLVIII, 22*), sed eis qui te gratis colunt, quorum gaudium tu ipse es. Et ipsa et beata vita gaudere ad te, de te, propter te; ipsa est, et non est altera. Qui autem aliam putant esse, aliud sectantur gaudium, neque ipsum verum. Ab aliqua tamen imagine gaudii voluntas eorum non avertitur.

CAPUT XXIII.

Item prosequitur quæ sit beata vita, et ubi.

33. Non ergo certum est quod omnes esse beati volunt, quoniam qui non de te gaudere volunt quæ sola vita beata est, non utique vitam beatam volunt. An omnes hoc volunt? Sed quoniam caro concupiscit adversus spiritum, et spiritus adversus carnem ut non faciant quod volunt (*Galat. v, 17*), cadunt in id quod valent, eoque contenti sunt; quia illud quod non valent, non tantum volunt, quantum sat est ut valeant. Nam quæro ab omnibus utrum malint de veritate quam de falsitate gaudere: tam non dubitant dicere de veritate se malle, quam non dubitant dicere beatos esse se velle. Beata quippe vita est gaudium de veritate. Hoc est enim gaudium de te qui veritas es

¹ Somm. Mart. Flor. et Rond. legunt *fieri possit. M.*

² Er. Lugd. Dub. Mart. Rond. cum 11 Mss. omittunt *fieri possit ut. M.*

³ Er. Lugd. Dub. Mart. Rond. cum 11 Mss., *nam. M.*

(*Joan. XIV, 6*), Deus illuminatio mea, salus faciei meæ (*Psal. XXVI, 1*), Deus meus. Hanc vitam beatam omnes volunt, hanc vitam quæ sola beata est omnes volunt, gaudium de veritate omnes volunt. Multos expertus sum qui vellent fallere; qui autem falli, neminem. Ubi ergo noverunt hanc vitam beatam, nisi ubi noverunt etiam veritatem? Amant enim et ipsam, quia falli nolunt. Et cum amant beatam vitam quod non est aliud quam de veritate gaudium, utique amant etiam veritatem, nec amarent nisi esset aliqua notitia ejus in memoria eorum. Cur ergo non de illa gaudent? cur non beati sunt? Quia fortius occupantur in aliis quæ potius eos faciunt miseros, quam illud beatos quod tenuiter meminerunt. Adhuc enim modicum lumen est in hominibus; ambulent, ambulent, ne eos tenebræ comprehendant (*Joan. XII, 35*).

34. Cur autem veritas parit odium, et inimicus eis factus est homo tuus verum prædicans, cum ametur beata vita, quæ non est nisi gaudium de veritate: nisi quia sic amatur veritas, ut quicumque aliud amant, hoc quod amant velint esse veritatem; et quia falli nolunt, nolunt convinci quod falsi sint? Itaque propter eam rem oderunt veritatem, quam pro veritate amant. Amant eam lucentem, oderunt eam redargentem. Quia enim falli nolunt et fallere volunt, amant eam cum se ipsa indicat, et oderunt eam cum eos ipsos indicat¹. Inde retribuet eis, ut qui se ab ea manifestari nolunt, et eos nolentes manifestet, et eis ipsa non sit manifesta. Sic sic etiam, sic animus humanus, etiam sic cæcus et languidus, turpis atque indecens latere vult; se autem ut lateat aliquid non vult. Contra illi redditur ut ipse non lateat veritatem, ipsum autem veritas lateat. Tamen etiam sic dum miser est, veris mavult gaudere quam falsis. Beatus ergo erit, si nulla interpellante molestia, de ipsa per quam vera sunt omnia, sola veritate gaudebit.

CAPUT XXIV.

Gratulatur quod sua in memoria Deus locum habeat.

35. Ecce quantum spatiatus sum in memoria mea, quærens te, Domine, et non te inveni extra eam. Neque enim aliquid de te inveni quod non meminisssem ex quo didici te. Nam ex quo didici te, non sum oblitus tui. Ubi enim inveni veritatem, ibi inveni Deum meum ipsam veritatem, quam, ex quo didici, non sum oblitus. Itaque ex quo didici te, manes in memoria mea, et illic te invenio, cum reminiscor tui et delector in te. Hæ sunt sanctæ deliciae meæ, quas donasti mihi misericordia tua respiciens paupertatem meam.

CAPUT XXV.

In quo memoriæ gradu reperitur Deus.

36. Sed ubi manes in memoria mea, Domine, ubi illic manes? Quale cubile fabricasti illic tibi? quale sanctuarium² ædificasti tibi? Tu dedisti hanc dignationem memoriæ meæ ut maneam in ea; sed in qua ejus parte maneam, hoc considero. Transcendi enim partes ejus, quas habent et bestię, cum te recordarer

¹ Lov., *judicat.*

² In aliquot Mss., *sacrarium.*

quia non ibi te inveniebam inter imagines rerum corporalium, et veni ad partes ejus, ubi commendavi affectiones animi mei, nec illic inveni te. Et intravi ad ipsius animi mei sedem, quæ illi est in memoria mea, quoniam sui quoque meminit animus, nec ibi tu eras: quia sicut non es imago corporalis, nec affectio viventis, qualis est cum lætamur, contristamur, cupimus, metuimus, meminimus, obliviscimur, et quidquid hujusmodi est; ita nec ipse animus es, quia Dominus Deus animi tu es, et commutantur hæc omnia, tu autem incommutabilis manes super omnia, et dignatus es habitare in memoria mea ex quo te didici. Et quid quæro quo loco ejus habites, quasi vero loca ibi sint? Habitas certe in ea, quoniam tui meministi ex quo te didici, et in ea te invenio cum recorder te.

CAPUT XXVI.

Ubi invenitur Deus.

37. Ubi ergo te inveni ut discerem te? Neque enim jam eras in memoria mea priusquam te discerem. Ubi ergo inveni te ut discerem te nisi in te supra me? Et nusquam locus, et recedimus, et accedimus, et nusquam locus. Ubique, veritas, præsidet omnibus consulentibus te, simulque respondes omnibus etiam diversa consulentibus. Liquide tu respondes, sed non liquide omnes audiunt. Omnes unde volunt consulunt, sed non semper quod volunt audiunt. Optimus minister tuus est, qui non magis intuetur hoc a te audire quod ipse voluerit, sed potius hoc velle quod a te audierit.

CAPUT XXVII.

Quomodo hominem rapiat Dei pulchritudo.

38. Sero te amavi, pulchritudo tam antiqua et tam nova! sero te amavi! Et ecce intus eras, et ego foris, et ibi te quærebam; et in ista formosa quæ fecisti, deformis irruebam. Mecum eras, et tecum non eram. Ea me tenebant longe a te, quæ si in te non essent, non essent. Vocasti, et clamasti, et rupisti surditatem meam. Coruscasti, splendisti, et fugasti cæcitatem meam. Fragrasti¹, et duxi spiritum, et anhelo tibi. Gustavi, et esurio, et sitio. Tetigisti me, et exarsi in pacem tuam.

CAPUT XXVIII.

Miseriæ hujus vitæ.

39. Cum inhæsero tibi ex omni me, nusquam erit mihi dolor et labor; et viva erit vita mea, tota plena te. Nunc autem quoniam quem tu impleas, sublevas eum; quoniam tui plenus non sum, oneri mihi sum. Contendunt lætitiæ meæ flendæ cum lætandis mœroribus; et ex qua parte stet victoria nescio. Hei mihi! Domine, miserere mei. Contendunt mœrores mei mali cum gaudiis bonis, et ex qua parte stet victoria nescio. Hei mihi! Domine, miserere mei. Hei mihi! ecce vulnera mea non abscondo: medicus es, æger sum; misericors es, miser sum. Numquid non tentatio est vita humana super terram (Job. vii, 1)? Quis velit molestias et difficultates? Tolerari jubes eas, non

¹ *Flagrasti*, juxta Er. Lugd. Flor. M.

amari. Nemo quod tolerat amat, etsi tolerare amat. Quamvis enim gaudeat se tolerare, mavult tamen non esse quod toleret. Prospera in adversis desidero, adversa in prosperis timeo. Quis inter hæc medius locus, ubi non sit humana vita tentatio²? Væ prosperitatibus sæculi, semel et iterum, a timore adversitatis, et a corruptione lætitiæ! Væ adversitatibus sæculi, semel et iterum et tertio, a desiderio prosperitatis, et quia ipsa adversitas dura est, et naufragat tolerantia³; numquid non tentatio est vita humana super terram sine ullo interstitio?

CAPUT XXIX.

In Deo spes tota.

40. Et tota spes mea non nisi in magna valde misericordia tua. Da quod jubes, et jube quod vis. Imperas nobis continentiam. *Et cum scirem, sit quidam, quia nemo potest esse continens nisi Deus det: et hoc ipsum erat sapientiæ scire cujus esset hoc donum* (Sap. viii, 21). Per continentiam quippe colligimur et redigimur in unum, a quo in multa defluximus. Minus enim te amat qui tecum aliquid amat quod non propter te amat. O amor qui sempe ardes et nunquam exstingueris! Caritas Deus meus, accende me. Continentiam jubes; da quod jubes, et jube quod vis.

CAPUT XXX.

Confitetur ut se habet ad tentationes carnalis libidinis.

41. Jubes certe ut contineam a concupiscentia carnis, et concupiscentia oculorum, et ambitione sæculi (Joan. ii, 16). Jussisti a concubitu; et de ipso conjugio melius aliquid quam concessisti monuisti. Et quoniam dedisti, factum est et antequam dispensator sacramenti tui fierem. Sed adhuc vivam in memoria mea, de qua multa locutus sum, talium rerum imagines, quas ibi consuetudo mea fixit; et occurrant mihi vigilantibus quidem carentes viribus, in somnis autem non solum usque ad delectationem, sed etiam usque ad consensionem factumque simillimum. Et tantum valet imaginis illusio in anima mea et in carne mea, ut dormienti falsa visa persuadeant quod vigilantibus vera non possunt. Numquid tunc ego non sum, Domine Deus meus? Et tamen tantum interest inter meipsum et meipsum, intra momentum quo hinc ad soporem transeo, vel huc inde retransseo! Ubi est tunc ratio, quæ talibus suggestionibus resistit vigilantibus? Et si res ipsæ ingerantur, inconcussus maneo⁴. Numquid clauditur cum oculis? numquid sopitur cum sensibus corporis? Et unde sæpe etiam in somnis resistimus, nostrique propositi memores, atque in eo castissime permanentes, nullum talibus illecebris adhibemus assensum? Et tamen tantum interest, ut cum aliter accidit, evigilantes ad conscientiam requiem redeam.

¹ Bad. Am. Er et Lov., *humanæ vitæ tentatio*. — Huic lectioni suffragantur Somm. et 7 Mss. in editione Florentina. M.

² Bad. et plures e vetustioribus Mss. habent *et ne frangat tolerantiam*.

³ Septem Mss., *inconcussa manet*: recte referendo ad rationem. — Editio Florentina, cui accedunt Somm. et Rond., meliorumque codicum auctoritate sese fretam portendens, sic legit: *Ubi est tunc ratio qua vigilans animus, talibus... inconcussus manet*. Sed, typographorum forte lapsu, priorem illius lectionis partem prætermittit. M.

psaque distantia reperiamus nos non fecisse, amen in nobis quoquo modo factum esse do-

Numquid non potens est manus tua, Deus omnis, sanare omnes languores animæ meæ, atque antiore gratia tua lascivos motus etiam mei extinguere? Augebis, Domine, magis manum meam munera tua, ut anima mea sequatur me concupiscentiæ visco expedita, ut non sit rebi, atque ut in somnis etiam, non solum non ret istas corruptelarum turpitudines per imanimales usque ad carnis fluxum, sed ne concupiscentiam. Nam ut nihil tale vel tantillum ¹ liquidulum possit nutu cohiberi, etiam in casto affectu, non tantum in hac vita, sed etiam ætate, non magnum est omnipotenti, qui vales supra quam petimus et intelligimus (*Ephes. III, unc tamen quid adhuc sim in hoc genere mali* *ixi Domino bono meo, exultans cum tremore II, 11*) in eo quod donasti mihi, et lugens in eo non consummatus sum, sperans ² perfecturum te in misericordias tuas usque ad pacem plenariam, tecum habebunt interiora et exteriora mea, absorpta fuerit mors in victoriam (*I Cor. xv.*

CAPUT XXXI.

Ut se gerit ad tentationes gulæ.

Est alia malitia diei, quæ utinam sufficiat ei. nus enim quotidianas ruinas corporis edendo et lo, priusquam escas et ventrem destruas, cum ris indigentiam meam satietate mirifica, et corile hoc indueris incorruptione sempiterna (*Ibid.*, unc autem suavis est mihi necessitas, et adversam suavitatem pugno ne capiar; et quotidianum gero in jejuniis, sæpius in servitatem redigens meum (*I Cor. IX, 27*); et dolores mei voluptate tur. Nam fames et sitis quidam dolores sunt; et sicut febris necant, nisi alimentorum me succurrat. Quæ quoniam præsto est, ex consone munerum tuorum, in quibus nostræ infirmitati et aqua et cælum serviunt, calamitas deliciæ tur ³.

Hoc me docuisti ut quemadmodum medicam, sic alimenta sumpturus accedam. Sed dum ad am satietatis ex indigentiae molestia transeo, in transitu mihi insidiatur laqueus concupiscentiæ. nim transitus voluptas est, et non est alius ⁴ quatur quo ⁵ transire cogit necessitas. Et cum sa- causa edendi et bibendi, et adjungit se tanquam equa periculosa jucunditas, et plerumque præire ir, ut ejus causa fiat quod salutis causa me fa- el dico, vel volo. Nec idem modus utriusque am quod saluti satis est, delectationi parum est.

nutulum, juxta Rond. cum 11 Mss. M.

sperans, juxta Rond. ex sex Mss. M.

1. Er. et Lov., *calamitates deliciæ vocantur*; at Mss. re et Arn., *calamitas*. Priori lectioni favent Somm. d. cum 4 Mss. M.

is, juxta Somm. et Rond. cum 2 Mss. M.

omnibus Edd. ante Arn. legebatur *quam quo trans-* punctum est *quam*, auctoritate Mss. et sensu exigente.

Et sæpe incertum fit utrum adhuc necessaria corporis cura subsidium petat, an voluptaria cupiditatis fallacia ministerium suppetat. Ad hoc incertum hilarescit infelix anima, et in eo præparat excusationis patrocini- nium, gaudens non apparere quid satis sit moderationi valetudinis, ut obtentu salutis obumbret negotium vo- luptatis. His tentationibus quotidie conor resistere, et invoco dexteram tuam ad salutem meam, et ad te refero æstus meos, quia consilium mihi de hac re non- dum stat.

45. Audio vocem jubentis Dei mei: *Non graventur corda vestra in crapula et ebrietate* (*Luc. XXI, 34*). Ebrietas longe est a me; misereberis, ne appropin- quet mihi. Crapula autem nonnunquam subrepat servo tuo; misereberis, ut longe fiat a me. Nemo enim potest esse continens, nisi tu des. Multa nobis oran- tibus tribuis; et quidquid boni antequam oraremus accepimus, a te accepimus; et ut hoc postea cognosce- remus, a te accepimus. Ebriosus nunquam fui, sed ebriosos a te sobrios factos ego novi. Ergo a te fa- ctum est ut hoc non essent qui nunquam fuerunt, a quo factum est ut hoc non semper essent qui fuerant, a quo etiam factum est ut scirent utrique a quo factum est. Audivi aliam vocem tuam: *Post concupiscentias tuas non eas, et a voluntate tua avertere* (*Eccli. XVIII, 30*). Audivi et illam ex munere tuo quam multum amavi: *Neque si manducaverimus, abundabimus; neque si non manducaverimus, deerit nobis* (*I Cor. VIII, 8*). Hoc est dicere, Nec illa res me copiosum faciet, nec illa ærumnosum. Audivi et alteram: *Ego enim didici in quibus sum sufficiens esse; et abundare novi, et penuriam pati novi. Omnia possum in eo qui me confortat* (*Philipp. IV, 11-13*). Ecce miles castrorum coelestium, non pulvis quod nos sumus. Sed memento, Domine, quia pulvis sumus, et de pulvere fecisti hominem (*Psal. CII, 14; et Gen. III, 19*), et perierat, et inventus est (*Luc. xv, 24, 32*). Nec ille in se potuit, quia idem pulvis fuit, quem talia dicentem afflatu tuæ inspira- tionis adamavi: *Omnia possum, inquit, in eo qui me confortat*. Conforta me, ut possim. Da quod jubes, et jube quod vis. Iste se accepisse confitetur, et quod gloriatur, in Domino gloriatur ¹ (*I Cor. I, 30, 31*). Au- divi aliam rogantem ut accipiat: *Aufer a me, inquit, concupiscentias ventris* (*Eccli. XXIII, 6*). Unde apparet, sancte Deus meus, te dare, cum fit quod imperas fieri.

46. Docuisti me, Pater bone, *Omnia munda mundis; sed malum esse homini qui per offensionem manducat* (*Rom. XIV, 20*); et omnem creaturam tuam bonam esse, *nihilque abjiciendum quod cum gratiarum actione percipitur* (*I Tim. IV, 4*); et quia *esca nos non com- mendat Deo* (*I Cor. VIII, 8*). et ut *nemo nos judicet in cibo aut in potu* (*Coloss. II, 16*); et ut *qui manducat non manducantem non spernat; et qui non manducat, man- ducantem non judicet* (*Rom. XIV, 3*). Didici hæc; gra- tias tibi, laudes tibi Deo meo, magistro meo, pulsatori aurium mearum, illustratori cordis mei: eripe me ab

¹ *Ut quod gloriatur, in Domino gloriatur*, juxta 5 Mss. apud Mart. M.

omni tentatione. Non ego immunditiam obsonii timeo, sed immunditiam cupiditatis. Scio Noe omne carnis genus quod cibo esset usui manducare permissum (*Gen. ix, 2, 3*); Eliam cibo carnis reffectum (*III Reg. xvii, 6*); Joannem mirabili abstinentia præditum, animalibus, hoc est locustis, in escam cedentibus (*Matth. iii, 4*) non fuisse pollutum. Et scio Esau lenticulæ concupiscentia deceptum (*Gen. xxv, 34*); et David propter aquæ desiderium a seipso reprehensum (*II Reg. xxiii, 15-17*); et Regem nostrum non de carne, sed de pane esse tentatum (*Matth. iv, 3*). Ideoque et populus in eremo, non quia carnes desideravit, sed quia escæ desiderio adversus Dominum murmuravit, meruit improbari (*Num. xi*).

47. In his ergo tentationibus positus, certo quotidie adversus concupiscentiam manducandi et bibendi: non enim est quod semel præcidere et ulterius non attingere decernam, sicut de concubitu potui. Itaque freni gutturis temperata relaxatione et constrictione tenendi sunt. Et quis est, Domine, qui non rapiatur aliquantulum extra metas necessitatis? Quisquis est, magnus est; magnificet nomen tuum. Ego autem non sum, quia peccator homo sum. Sed et ego magnifico nomen tuum; et interpellat te pro peccatis meis (*Rom. viii, 34*), qui vicit sæculum (*Joan. xvi, 33*), numerans me inter infirma membra corporis sui, quia et imperfectum ejus¹ viderunt oculi tui, et in libro tuo omnes scribentur (*Psal. cxxxviii, 16*).

CAPUT XXXII.

Ut se gerit ad odorem illecebras

48. De illecebra odorum non satago nimis. Cum absunt, non requiro; cum adsunt, non respuo, paratus etiam eis semper carere. Ita mihi videor; fortasse fallor. Sunt enim et istæ plangendæ tenebræ, in quibus me latet facultas mea quæ in me est: ut animus meus de viribus suis ipse se interrogans non facile sibi credendum existimet; quia et quod inest, plerumque occultum est, nisi experientia manifestetur. Et nemo securus esse debet in ista vita, quæ tota tentatio nominatur (*Job. vii, 1*), utrum qui fieri potuit ex deteriore melior, non fiat etiam ex meliore deterior. Una spes, una fiducia, una firma promissio, misericordia tua.

CAPUT XXXIII.

Ut se gerit ad voluptates aurium.

49. Voluptates aurium tenacius me implicaverant et subjugaverant; sed resolvisti, et liberasti me. Nunc in sonis quos animant eloquia tua, cum suavi et artificiosa voce cantantur, fateor, aliquantulum acquiesco; non quidem ut hæream, sed ut surgam cum volo. Attamen cum ipsis sententiis quibus vivunt, ut admittantur ad me, quærunt in corde meo nonnullius dignitatis locum, et vix eis præbeo congruentem. Aliquando enim plus mihi videor honoris eis tribuere quam decet, dum ipsis sanctis dictis religiosius et ardentius sentio moveri animos nostros in flammam

¹ Bad. Am. Er. et Lov., *Imperfectum meum*; sed Mss. cum Arn., *imperfectum ejus*; scilicet Christi, ex cujus persona versiculum istum interpretatur Augustinus, Enarrat. in psalm. 138, n. 23.

pietatis, cum ita cantantur, quam si non ita cantarentur; et omnes affectus spiritus nostri pro sui⁴ diversitate habere proprios modos in voce atque cantu, quorum nescio qua occulta familiaritate excitentur. Sed delectatio carnis meæ, cui mentem enervandam non oportet dari, sæpe me fallit, dum rationem sensus non ita comitatur ut patienter sit posterior; sed tantum quia propter illam meruit admitti, etiam præcurrere ac ducere conatur. Ita in his pecco non sentiens, sed postea sentio.

50. Aliquando autem hanc ipsam fallaciam immoderatus cavens, erro nimia severitate: sed valde interdum, ut melos omne cantilenarum suavium quibus Davidicum Psalterium frequentatur, ab auribus meis removeri velim, atque ipsius Ecclesiæ; tutiusque mihi videtur quod de Alexandrino episcopo Athanasio sæpe mihi dictum commemini, qui tam modico flexu vocis faciebat sonare lectorem psalmi, ut pronuntianti vicinior esset quam canenti. Verumtamen, cum reminiscor lacrymas meas, quas fudi ad cantus Ecclesiæ tuæ in primordiis recuperatæ fidei meæ, et nunc ipso quod moveor², non cantu, sed rebus quæ cantantur, cum liquida voce et convenientissima modulatione cantantur, magnam instituti hujus utilitatem rursus agnosco. Ita fluctuo inter periculum voluptatis et experimentum salubritatis; magisque adducor, non quidem irretractabilem sententiam proferens, cantandi consuetudinem approbare in Ecclesia; ut per oblectamenta aurium infirmior animus in affectum pietatis assurgat. Tamen, cum mihi accidit ut me amplius cantus, quam res quæ canitur, moveat; pœnaliter me peccare confiteor, et tunc mallet non audire cantantem. Ecce ubi sum: flete mecum, et pro me flete, qui aliquid boni vobiscum intus agitis unde facta procedunt. Nam qui non agitis, non vos hæc movent. Tu autem, Domine Deus meus, exaudi; respice, et vide³, et miserere, et sana me, in cujus oculis mihi quæstio factus sum, et ipse est languor meus.

CAPUT XXXIV

Ut se gerit ad oculorum illecebras.

51. Restat voluptas oculorum istorum carnis meæ, de qua loquar⁴ confessiones quas audiant aures templi tui, aures fraternæ ac piæ, ut concludamus tentationes concupiscentiæ carnis, quæ me adhuc pulsant ingemiscentem, et habitaculum meum, quod de cælo est, superindui cupientem (*II Cor. v, 2*). Pulchras formas et varias, nitidos et amœnos colores amant oculi. Non teneant hæc animam meam: teneat eam Deus qui fecit hæc, bona quidem valde; sed ipse est bonum meum, non hæc. Et tangunt me vigilantem totis diebus, nec requies ab eis datur mihi, sicut datur a vocibus canoris, aliquando ab omnibus, in silentio. Ipsa enim regina colorum lux ista, perfundens cuncta quæ cernimus, ubiubi per diem fuero, multimodo allapsu blanditur mihi aliud agenti, et eam non

¹ *Sonorum*, juxta unum Ms. apud Mart. *Suavi*, juxta alium. *Sua*, juxta Rond. ex uno Ms. M.

² Editio Moreti, apud Rond., et nunc ipse commoveor. M.

³ Somm. et Rond., *respice et exaudi*; vide. M.

⁴ *Loquor*, juxta Somm. et Mart. cum 6 Mss. M.

ti. Insinuat autem se ita vehementer, ut si ubtrahatur, cum desiderio requiratur: et si, contristat¹ animum.

lux quam videbat Tobias, cum clausis oculis non docebat vitæ viam, et ei præibat pede chasquam errans (*Tob. iv*). Aut quam videbat ægravatis et opertis senectute carnis luminibus filios non agnoscendo benedicere, sed beneagnoscere meruit (*Gen. xxvii*). Aut quam Jacob, cum et ipse præ grandi ætate captus a filiis præsignata futuri populi genera lumine radiavit; et nepotibus suis ex Joseph distyctice manus, non sicut pater eorum foris ostendit, sed sicut ipse intus discernebat, imposuit (*Gen. xlii, xlix*). Ipsa est lux, una est², et unum tibi vident et amant eam. At ista corporalis delectatio, illecebrosa ac periculosa dulcedine contra sæculi cæcis amatoribus. Qui autem et delectatione te norunt, Deus creator omnium, assum in hymno tuo, non absumuntur ab ea in suo: sic esse cupio. Resisto seductionibus tuis, ne implicentur pedes mei, quibus ingredior terram; et erigo ad te invisibiles oculos, ut tu ne laqueo pedes meos (*Psal. xxiv, 15*). Tu evellis eos, nam illaqueantur. Tu non cessas ego autem crebro hæreo in ubique sparsis delectationibus quoniam non dormies, neque dormitabis, in medio castris Israel (*Psal. cxx, 4*).

Delectationem innumerabilia, variis artibus et opificiis, etiam in deliciis, calceamentis, vasis, et cujuscemodi³ fabricis picturis etiam, diversisque figmentis, etiam in usum necessarium atque moderatum et pietatem in lionem longe transgredientibus, addiderunt ad illecebras oculorum; foras sequentes quod intus relinquentes a quo facti sunt, et exterius quod facti sunt! At ego, Deus meus, et deum, etiam hinc dico tibi hymnum, et sacrificio sacrificatori meo⁴; quoniam pulchra trajectoryas in manus artificiosas, ab illa pulchritudine quæ super animas est, cui suspirat anima ac nocte. Sed pulchritudinum exteriorum sectatores et sectatores inde trahunt approbandi non autem inde trahunt utendi modum. Et ibi non vident eum, ut non eant longius, et foras suam ad te custodiant (*Psal. lvii, 10*). spargant in deliciosas lassitudines. Ego autem loquens atque discernens etiam istis pulchris innecto; sed tu evellis, Domine, evellis tu, misericordia tua ante oculos meos est (*Psal. lxxviii, 1*). Nam et ego capior miserabiliter, et tu evellere recorditer; aliquando non sentientem, quia non visus incidere; aliquando cum dolore, quia miseram.

¹ *Istet*, juxta Somm. et Rond. cum 2 Mss. M. ² *est, et aliam non est*, juxta Er. Lugd. Somm. et Rond. ss. M.

³ *hujus emodi fabricationibus*; sed Mss. habent *causis*; quo vocabulo frequens utitur Augustinus, pro *causis*que; idque jam restituimus in hujus libri cap. 8,

et Edd. plures, *sanctificatori meo*. Pauci vero, *sanctificati*.

CAPUT XXXV.

Ut se habet ad secundum tentationis genus, quod est curiositatis.

54. Huc accedit alia forma tentationis multiplicius periculosa. Præter eam enim concupiscentiam carnis, quæ inest in delectatione omnium sensuum et voluptatum, cui servientes depereunt qui longe se faciunt a te, inest animæ per eosdem sensus corporis quædam non se oblectandi in carne, sed experiendi per carnem vana et curiosa cupiditas, nomine cognitionis et scientiæ palliata. Quæ quoniam in appetitu noscendi est, oculi autem sunt ad cognoscendum in sensibus principes, *concupiscentia oculorum* eloquio divino appellata est (*1 Joan. ii, 16*). Ad oculos enim proprie videre pertinet. Utimur autem hoc verbo etiam in cæteris sensibus, cum eos ad cognoscendum intendimus. Neque enim dicimus, Audi quid rutillet; aut, Olfac quam niteat; aut, Gusta quam splendeat; aut, Palpa quam fulgeat: videri enim dicuntur hæc omnia. Dicimus autem non solum, Vide quid luceat, quod soli oculi sentire possunt; sed etiam, Vide quid sonet; vide quid oleat; vide quid sapiat; vide quam durum sit. Ideoque generalis experientia sensuum concupiscentia, sicut dictum est, oculorum vocatur; quia videndi officium in quo primatum oculi tenent, etiam cæteri sensus tibi de similitudine usurpant, cum aliquid cognitionis explorant.

55. Ex hoc autem evidentius discernitur quid voluptatis, quid curiositatis agatur per sensus: quod voluptas pulchra, canora, suavia, sapida, lenia sectatur; curiositas autem etiam his contraria tentandi causa, non ad subeundam molestiam, sed experiendi noscendique libidine. Quid enim voluptatis habet videre in laniato cadavere quod exhorreas; et tamen sicubi jaceat, concurrunt ut contristentur, ut pallescant. Timent etiam ne in somnis hoc videant; quasi quisquam eos vigilantes videre cogerit, aut pulchritudinis nulla fama persuaserit. Ita et in cæteris sensibus, quæ persequi longum est. Ex hoc morbo cupiditatis, in spectaculis exhibentur quæque miracula. Hinc ad perscrutanda naturæ (quæ præter nos est) opera proceditur¹, quæ scire nihil prodest et nihil aliud quam scire homines cupiunt. Hinc etiam, si quid eodem perversæ scientiæ sine per artes magicas quaeritur. Hinc etiam in ipsa religione Deus tentatur, cum signa et prodigia flagitantur, non ad aliquam salutem, sed ad solam experientiam desiderata.

56. In hac tam immensa silva plena insidiarum et periculorum, ecce multa² præciderim et a meo corde dispulerim, sicut donasti me facere, Deus salutis meæ; attamen quando audeo dicere, cum circumquaque quotidianam vitam nostram tam multa hujus generis rerum circumstrepant; quando audeo dicere nulla re tali me intentum fieri ad spectandum. et vana cura capiendum? Sane me jam theatra non rapiunt, nec curo nosse transitus siderum, nec anima mea un-

¹ Ita Mss. cum Arn.; at Bad. Am. Er. et Lov., *ad perscrutanda naturæ secreta, quæ præter nos est operata, proceditur*.

² Lov., *In hoc tamen immensa... ecce quam multa*.

quam responsa quæsitum umbrarum; omnia sacrilega sacramenta detestor. A te, Domine Deus meus, cui humilem famulatum ac simplicem debeo, quantis mecum suggestionum machinationibus agit inimicus? et signum aliquod petam? Sed obsecro te per Regem nostrum, et patriam Jerusalem simplicem, castam, ut quemadmodum a me longe est ista consensio, ita sit semper longe atque longius. Pro salute autem cuiusquam cum te rogo, alius multum differens finis est intentionis meæ; et te facientem quod vis, das mihi, et dabis libenter sequi.

57. Verumtamen in quam multis minutissimis et contemptibilibus rebus curiositas quotidie nostra tentatur¹, et quam sæpe labamur, quis enumerat? Quoties narrantes inania, primo quasi toleramus ne offendamus infirmos, deinde paulatim libenter advertimus? Canem currentem post leporem jam non specto, cum in circo fit: at vero in agro, si casu transeam, avertit me fortassis et ab aliqua magna cogitatione, atque ad se convertit illa venatio; non deviare cogens corpore jumentum, sed cordis inclinatione. Et nisi jam mihi demonstrata infirmitate mea, cito admoneas, aut ex ipsa visione per aliquam considerationem in te assurgere, aut totum contemnere atque transire, vanus hebesco. Quid cum me domi sedentem stellio muscas captans, vel aranea retibus suis irruentes implicans, sæpe intentum facit? Num quia parva sunt animalia, ideo non res eadem geritur? Pergo inde ad laudandum te, creatorem mirificum atque ordinatorem rerum omnium, sed non inde intentus esse incipio. Aliud est cito surgere, aliud est non cadere. Et talibus vita mea plena est, et una spes mea magna valde misericordia tua. Cum enim hujuscemodi rerum conceptaculum² fit cor nostrum, et portat³ copiosæ vanitatis catervas. hinc et orationes nostræ sæpe interrumpuntur atque turbantur, et ante conspectum tuum dum ad aures tuas vocem cordis intendimus, nescio unde irruentibus nugatoriis cogitationibus res tanta præciditur.

CAPUT XXXVI.

Ut se habet ad tertium tentationis genus, quod est superbix.

58. Numquid etiam hoc inter contemnenda deputabimus, aut aliquid nos reducet in spem, nisi tota misericordia tua⁴, quoniam cœpisti mutare nos? et tu scis quanta ex parte mutaveris, qui me primitus sanas a libidine vindicandi me, ut propitius fias etiam cæteris omnibus iniquitatibus meis, et sanes omnes languores meos, et redimas de corruptione vitam meam, et coronas me in miseratione et misericordia, et saties in bonis desiderium meum (*Psal.* cii, 3-5); qui⁵ compressisti a timore tuo superbiam meam, et mansuefecisti jugo tuo cervicem meam. Et nunc porto illud, et lene est mihi, quoniam sic promisisti et fecisti (*Matth.*

¹ Tentetur, juxta Mart. cum 6 Mss. et Rond. cum 4 Mss. M.

² Juxta Rond., *receptaculum*. M.

³ Sit cor nostrum, et portet, etc., juxta Rond. ex 5 Mss. apud Mart. laudatis. M.

⁴ Mss. nonnulli cum Arn., nisi nota misericordia tua. Alias, nisi tota.

⁵ Quia, juxta Somm. et Rond. ex 9 Mss. M.

xii, 30); et vere sic erat, et nesciebam quando id subire metuebam. Sed numquid, Domine, qui solus sine typho dominaris, quia solus verus Dominus es qui non habes dominum; numquid hoc quoque tertium tentationis genus cessavit a me¹, aut cessare in hac tota vita potest?

59. Timeri et amari velle ab hominibus, non propter aliud, sed ut inde sit gaudium, quod non est gaudium², misera vita est, et fœda jactantia. Hinc fit vel maxime non amare te, nec caste timere te. Ideoque tu superbis resistis, humilibus autem das gratiam (*Petr.* v, 5); et intonas super ambitiones sæculi, et contremunt fundamenta montium. Itaque nobis, quoniam propter quædam humanæ societatis officia necessarium est amari et timeri ab hominibus, instat adversarius veræ beatitudinis nostræ, ubique spargens in laqueis, Euge, euge: ut dum avidè colligimus, incaute capiamur, et a veritate tua gaudium nostrum deponamus, atque in hominum fallacia ponamus; libeatque nos amari et timeri, non propter te, sed pro te; atque isto modo sui similes factos secum habeat, non ad concordiam charitatis, sed ad consortium supplicii, qui statuit sedem suam ponere in aquilone, ut te perversa et distorta via imitanti³ (*Isai.* xiv, 13-15), tenebrosi frigidique servirent. Nos autem, Domine, pusillus grex tuus ecce sumus (*Luc.* xiii, 32); tu nos posside. Prætende alas tuas, et fugiamus sub eas. Gloria nostra tu esto; propter te amemur, et verbum tuum timeatur in nobis. Qui laudari vult ab hominibus vituperante te, non defendetur ab hominibus judicante te, nec eripietur damnante te. Cum autem non peccator laudatur in desideriis animæ suæ, nec qui iniqua gerit benedicatur (*Psal.* x, 3), sed laudatur homo propter aliquod donum quod dedisti ei; at ille plus gaudet sibi laudari se, quam ipsum donum habere unde laudatur: etiam iste te vituperante laudatur; et melior jam ille qui laudavit, quam iste qui laudatus est. Illi enim placuit in homine donum Dei; huic amplius placuit donum hominis quam Dei.

CAPUT XXXVII.

Ut movetur laudibus humanis.

60. Tentamur his tentationibus quotidie, Domine; sine cessatione tentamur. Quotidiana fornax nostra est humana lingua. Imperas nobis et in hoc genere continentiam: da quod jubes, et jube quod vis. Tu nosti de hac re ad te gemitum cordis mei, et flumina oculorum meorum. Neque enim facile colligo quam sim ab ista peste mundatior, et multum timeo occulta mea (*Psal.* xviii, 13), quæ norunt oculi tui, mei autem non. Est enim qualiscumque in aliis generibus tentationum mihi facultas explorandi me; in hoc pene nulla est. Nam et a voluptatibus carnis, et a curiositate supervacanea cognoscendi, video quantum assecutus sim posse refrenare animum meum, cum eis

¹ Cessabit a me, juxta Mart. cum 6 Mss. M.

² Somm. et Rond. 9 Mss. fulti phrasim sic iuchoant: Sed numquid; eamque sic complent: Quod non est gaudium? M.

³ Sic legimus in Mss. Fossatensi; at in aliis plerisque habetur *imitandi*, aut *imitati*: minus bene, ut arbitramur.

eo, vel voluntate, vel cum absunt¹. Tunc interrogo, quam magis minusve mihi mot non habere. Divitiæ vero quæ ob hoc ex, ut alicui istarum trium cupiditatum, vel duarum, vel omnibus serviant, si persentiscere non possumus, utrum eas habens contemnat, possunt et tibi se probet. Laude vero ut careamus, atque veriamur quid possumus, numquid male videtur, et tam perditæ atque immaniter ut nemo rit qui non detestetur? Quæ major dementia cogitari potest? At si bonæ vitæ bonorumque comes et solet et debet esse laudatio, tam comitatus ejus, quam ipsam bonam vitam deseri non debet. Non autem sentio sine quo esse aut æquo animo aut ægre possim, nisi cum abfuerit.

Quid igitur tibi in hoc genere tentationis, Domine, confiteor? Quid, nisi delectari me laudibus; sed ipsa veritate quam laudibus? Nam si mihi videtur utrum malim furens, aut in omnibus rebus, ab omnibus hominibus laudari; an contra in veritate certissimus, ab omnibus vituperatio quid eligam. Verumtamen nollem ut vel mihi gaudium cujuslibet boni mei suffragatio non daretur. Sed auget, fateor; non solum, sed et vituperatio minuit. Et cum ista miseria mea perturbor, tibi mihi excusatio, quæ qualis sit, tu scis, Domine, quam me incertum facit. Quia enim nobis impeditur tantum continentiam, id est, a quibus rebus abstinere cohibeamus, verum etiam justitiam, id est, a quibus conferamus; nec te tantum voluisti a nobis, Domine, gratiam proximum diligere: sæpe mihi videor de te aut spe proximi delectari, cum bene intelligenti delector; et rursus ejus malo contristari, non audio vituperare quod aut ignorat, aut bonum. Nam et contristor aliquando laudibus meis, quæ ea laudantur in me, in quibus ipse mihi videtur; vel etiam bona minora et levia pluris aestimo quam aestimanda sunt. Sed rursus, unde scio terea sic afficior, quia nolo de me ipso a me laudatorem meum; non quia illius utilitate delector, sed quia eadem bona quæ mihi in me placent, in te mihi sunt cum et alteri placent? Quodammodo enim non ego laudor, cum de me sententia mea datur; quandoquidem aut illa laudantur quæ mihi displicent, aut illa amplius quæ mihi minus placent de hoc incertus sum mei?

Quæ in te, Veritas, video non me laudibus meis delectari, sed propter proximi utilitatem moveri. Et utrum ita sit nescio. Minus mihi in hac vita visum sum ipse quam tu². Obsecro te, Deus meus, Domine, si mihi indica ut confitear oraturis pro me laudibus meis quod in me saucium comperero. Iterum

non, vel voluntate cum adsunt, vel necessitate cum absunt. Sic etiam Rond., substituendo tamen *absunt* loco *adsunt*.

1. *quæ tibi*; sed melius antiquiores Edd. et Mss., *quæ tibi*. Hic nimirum id confitetur quod supra cap. 5, cum *Mihi sum presentior quam tibi, et tamen te novi de posse violari; ego vero quibus tentationibus resistam, quibusve non valeam, nescio.*—Somm. et Rond. Mss., *quam tibi*, uti Lov. M.

me diligentius interrogem. Si utilitate proximi moveor in laudibus meis, cur minus moveor, si quisquam alius injuste vituperetur, quam si ego? cur ea contumelia magis mordeor quæ in me, quam quæ in alium eadem iniquitate coram me jacitur? An et hoc nescio? Etiamne id restat ut ipse me seducam, et verum non faciam coram te in corde et lingua mea? Insaniam istam, Domine, longe fac a me, ne oleum peccatoris mihi sit os meum ad impinguandum caput meum (*Psal. CXL, 5*).

CAPUT XXXVIII.

Et virtuti periculum a vana gloria.

63. Egenus et pauper ego sum, et melior in occulto gemitu displicens mihi, et quærens misericordiam tuam, donec reficiatur defectus meus, et perficiatur usque in pacem quam nescit arrogantis oculus. Sermo autem ore procedens, et facta quæ innotescunt hominibus, habent tentationem periculosissimam ab amore laudis, ad privatam quamdam excellentiam contrahit emendicata suffragia; tentat¹ et cum a me in me arguitur, eo ipso quo arguitur; et sæpe homo de ipso vanæ gloriæ contemptu vanius gloriatur; ideoque non jam de ipso contemptu² gloriæ gloriatur, non enim eam contemnit, cum gloriatur intus.

CAPUT XXXIX.

Amoris proprii vis et natura.

64. Etiam intus est aliud in eodem genere tentationis malum, quo inanescunt qui placent sibi de se, quamvis aliis vel non placeant³, vel displiceant, nec placere affectent cæteris. Sed sibi placentes multum tibi displicent, non tantum de non bonis quasi bonis, verum etiam de bonis tuis quasi suis; aut etiam sicut de tuis, sed tanquam ex meritis suis; aut etiam sicut ex tua gratia⁴, non tamen socialiter gaudentes, sed aliis invidentes ea. In his omnibus atque hujusmodi periculis et laboribus vides tremorem cordis mei; et vulnera mea magis subinde a te sanari, quam mihi non infligi sentio.

CAPUT XL.

Quod in se et cæteris rebus Deum investigavit.

65. Ubi non tecum ambulasti, Veritas, docens quid caveam et quid appetam, cum ad te referrem visa mea quæ potui, teque consulerem? Lustravi mundum foris sensu quo potui, et attendi vitam corporis mei de me, sensusque ipsos meos. Inde ingressus sum in recessus memoriæ meæ, multiplices amplitudines plenas miris modis copiarum innumerabilium; et consideravi, et expavi, et nihil eorum dis-

¹ Am. Er. et Lov., *contrahere emendicata suffragia tentat; et cum a me Som., contrahit, elemendicata suffragia tentat; et cum a me.* Prætulimus lectionem Mss., quæ etiam est Bad. et Arn. Porro in sequenti sententia plures Mss. omittunt nomen *homo*.

² Am. Er. Lov., *de ipso vanæ gloriæ contemptu.* Abest *vana* a Mss., quorum etiam nonnulli verba sequentia sic interpretantur: *Non enim eam contemnit cum gloriatur. Intus etiam: intus est aliud.*

³ Sic potiores Mss. Lov. vero, absque negatione, *vel placeant.*

⁴ Edd. plerique locum huncce ita interpolatum habent: *Aut etiam sicut ex tua gratia, sed non sua merita, non tamen, etc.* Removimus verba isthæc, *sed non sua merita*, quia iis carent Mss.

cernere potui sine te, et nihil eorum esse te inveni. Nec ego ipse inventor qui peragravi omnia, et distinguere et pro suis quæque dignitatibus æstimare conatus sum; excipiens alia nuntiantibus sensibus, et interrogans alia mecum commixta sentiens, ipsosque nuntios dignoscens atque dinumerans, jamque in memoriæ¹ latis opibus alia pertractans, alia recondens, alia eruens. Nec ego ipse cum hæc agerem, id est vis mea qua id agebam, nec ipsa eras tu, quia lux es tu permanens quam de omnibus consulebam an essent, quid essent, quanti pendenda essent: et audiebam docentem ac jubentem. Et sæpe istud facio; hoc me delectat, et ab actionibus necessitatis quantum relaxari possum, ad istam voluptatem refugio. Neque in his omnibus, quæ percurro consulens te, invenio tutum locum animæ meæ nisi in te, quo colligantur sparsa mea, nec a te quidquam recedat ex me. Et aliquando intromittis me in affectum multum inusitatum introrsus ad nescio quam dulcedinem, quæ si perficiatur in me, nescio quid erit quod vita ista non erit. Sed recido in hæc ærumnosis ponderibus, et resorbear solitis, et teneor, et multum fleo, sed multum teneor. Tantum consuetudinis sarcina degravat²! Hic esse valeo, nec volo; illic volo, nec valeo; miser utrobique.

CAPUT XLI.

Triplex cupiditas.

66. Ideoque consideravi languores peccatorum meorum in cupiditate triplici; et dexteram tuam invocavi ad salutem meam. Vidi enim splendorem tuum corde saucio, et percussus dixi: Quis illuc potest? Projectus sum a facie oculorum tuorum (*Psal.* xxx, 23). Tu es Veritas super omnia præsidens: at ego per avaritiam meam non amittere te volui, sed volui tecum possidere mendacium; sicut nemo vult ita falsum dicere, ut nesciat ipse quid verum sit. Itaque amisi te, quia non dignaris cum mendacio possideri.

CAPUT XLII.

Nonnulli ad dæmones tanquam redeundi ad Deum mediatorcs infeliciter recurrerunt.

67. Quem invenirem qui me reconciliaret tibi? Amendum³ mihi fuit ad Angelos? Qua prece? quibus sacramentis? Multi conantes ad te redire, neque per se ipsos valentes, sicut audio, tentaverunt hæc, et inciderunt in desiderium curiosarum visionum, et digni habiti sunt illusionibus. Elati enim te quærebant doctrinæ fastu, exerentes potius quam tundentes pectora, et adduxerunt sibi per similitudinem cordis sui conspirantes et socias superbiam suæ potestates aeris huius (*Ephes.* ii, 2), a quibus per potentias magicas deciperentur, quærentes mediatorem per quem purgarentur, et non erat. Diabolus enim erat transfigurans se in Angelum lucis (*II Cor.*, xi, 14). Et multum illexit superbam carnem, quod carneo corpore ipse non esset. Erant enim illi mortales et peccatores; tu autem,

¹ Lov., in memoria elatis opibus.

² In Mss. omnibus, nullo fere excepto: *Tantum consuetudinis sarcina digna est.* Ita etiam Bad.

³ Sic Mss., excepto Lyrensi qui habet *abeundum*. At Bad. Am. Er. Lov., *an eundum*.

Domine, cui reconciliari superbe quærebant, immortalis et sine peccato. Mediator autem inter Deum et homines (*I Tim.* ii, 5) oportebat ut haberet aliquid simile Deo, aliquid simile hominibus: ne in utroque hominibus similis, longe esset a Deo; aut in utroque Deo similis, longe esset ab hominibus, atque ita mediator non esset. Fallax itaque ille mediator, quo per secreta iudicia tua superbia mereretur illudi, unum cum hominibus habet, id est peccatum: aliud videri vult habere cum Deo, ut quia carnis mortalitate non tegitur, pro immortalis se ostendet. Sed quia stipendium peccati mors est, hoc habet commune cum hominibus, unde simul damnetur in mortem.

CAPUT XLIII.

Christus verus mediator.

68. Verax autem mediator quem secreta tua misericordia demonstrasti humilibus, et misisti ut ejus exemplo etiam ipsam discerent humilitatem, mediator ille Dei et hominum homo Christus Jesus, inter mortales peccatores et immortalem justum apparuit; mortalis cum hominibus, justus cum Deo. Ut quoniam stipendium justitiæ vita et pax est, per justitiam conjunctam Deo evacuaret mortem justificatorum impiorum¹, quam cum illis voluit habere communem. Hic demonstratus est antiquis sanctis, ut ita ipsi per fidem futuræ passionis ejus, sicut nos per fidem præteritæ, salvi fierent. In quantum enim homo, in tantum mediator; in quantum autem verbum, non medius, quia æqualis Deo, et Deus apud Deum et simul cum Spiritu sancto² unus Deus.

69. Quomodo nos amasti, Pater bone, qui Filio tuo unico non pepercisti, sed pro nobis impiis tradidisti eum! (*Rom.* viii, 32.) Quomodo nos amasti pro quibus ille non rapinam arbitratus esse æqualis tibi, factus est subditus usque ad mortem crucis (*Philipp.* ii, 6); unus ille in mortuis liber (*Ps.* lxxxvii, 6-8), potestatem habens ponendi animam suam et potestatem habens iterum sumendi eam (*Joan.* x, 18); pro nobis tibi victor et victima, et ideo victor quia victima; pro nobis tibi sacerdos et sacrificium, et ideo sacerdos quia sacrificium; faciens tibi nos de servis filios, de te nascendo, nobis serviendo! Merito mihi spes valida in illo est, quod sanabis omnes languores meos, per eum qui sedet ad dexteram tuam et te interpellat pro nobis (*Rom.* viii, 34); alioquin desperarem. Multi enim et magni sunt iidem languores mei, multi sunt et magni; sed amplior est medicina tua. Potuimus putare Verbum tuum remotum esse a conjunctione hominis, et desperare de nobis, nisi caro fieret et habitaret in nobis.

70. Conterritus peccatis meis et mole miseriam meam agitaveram in corde meditatusque fueram fugam insolitudinem; sed prohibuisti me, et confirmasti me, dicens: *Ideo pro omnibus Christus mortuus est, ut qui vivunt, jam non sibi vivant, sed ei qui pro ipsis mortuus est* (*II Cor.* v, 15). Ecce, Domine, jacto in te curam

¹ Benign. Ms., *justificandorum impiorum*. Corb. Ms., *justificatorum piorum*.

² Codex Fossat.: *Hinc*. Ita etiam unus e Sorbonicis Mss.

³ Mss. plerique non habent hæc verba, *cum Spiritu sancto*.

t vivam, et considerabo mirabilia de lege tua VIII, 18). Tu scis imperitiam meam et infirmitatem: doce me, et sana me. Ille tuus Uniuersus sunt omnes thesauri sapientiæ et scientiæ tui (Coloss. II, 3), redemit me sanguine suo.

Non calumnientur mihi superbi: quoniam cogito pretium meum, et manduco, et bibo, et erogo, et pauper cupio saturari ex eo inter illos qui edunt et saturantur, et laudant Dominum qui requirunt eum (Ps. XXI, 27).

LIBER UNDECIMUS.

Ubi deinceps professione suæ ipsius in Scripturis sanctis sive imperitiæ, sive etiam peritiæ, aut ejus quoque munere divino flagrabat, studii, explicandum sumit exordium libri Geneseos; atque hic primum illustrat isthæc *in principio fecit Deus cælum et terram*. Occurrit obtrectantibus, quid faceret Deus antequam cælum et terram, et unde ei in mentem venerit tandem aliquando ea facere, cum antea non fecisset. Dum vero iis refellendis copiosam de Tempore conscribit disputationem.

CAPUT PRIMUM.

Cur confitemur Deo scienti.

Quid, Domine, cum tua sit æternitas, ignoras dico, aut ad tempus vides quod fit in tempore? Non tibi tot rerum narrationes digero? Non uter me noveris ea, sed affectum meum excito: eorum qui hæc legunt, ut dicamus omnes: Dominus et laudabilis valde (Psal. xcv, 4). Sci, et dicam: amore amoris tui facio istud. Oramus, et tamen Veritas ait: *Novit Pater vester is opus sit, priusquam petatis ab eo* (Matth. VI, 8). Non ergo nostrum patefacimus in te, confitendo meritis nostras et misericordias tuas super nos, sed nos omnino, quoniam cœpisti, ut desinamus seri in nobis, et beatificemur in te; quoniam nos ut simus pauperes spiritu, et mites, et luctu esurientes ac sitientes justitiam, et misericordes et mundicordes, et pacifici (Id., v, 3-9.) Ecce tibi multa quæ potui, et quæ volui; quoniam voluisti ut confiterer tibi Domino Deo meo, quia bonus es, quoniam in sæculum misericordia tua. (CXXVII, 1).

CAPUT II.

Deo Scripturarum sanctarum intelligentiam.
Quando autem sufficio lingua calami enuntiare hortamenta tua, et omnes terrores tuos, et gubernationes quibus me perduxisti, ut crederem verbum, et sacramentum tuum dispensare tuo? Et si sufficio hæc enuntiare ex ordine, mihi valent stillæ temporum. Et olim inardesco in lege tua, et in ea tibi confiteri scientiam imperitiæ meam, primordia illuminationis tuæ, primordia tenebrarum mearum, quousque devoretur ordine infirmitas. Et nolo in aliud horæ diffuant, ut venio liber a necessitatibus reficiendi cor et intentionis animi, et servitutis quam de hominibus, et quam non debemus et tamen habemus.

Domine Deus meus, intende orationi meæ, et exordia tua exaudiat desiderium meum, quoniam mihi soli æstuat, sed usui vult esse fraternæ charitatis et vides in corde meo quia sic est. Sacrificem cogitationum et linguæ meæ; et da quod tibi. Inops enim et pauper sum; tu dives in

quia sic est, ut sacrificem. — Cui lectioni accessit Ven. Somm. et 5 Mss. apud Mart. M.

PATROL. XXXII.

omnes invocantes te (Rom. x, 12), qui securus curam nostri geris. Circumcide ab omni temeritate omnique mendacio interiora et exteriora labia mea. Sint castæ deliciae meæ Scripturæ tuæ; nec fallar in eis, nec fallam ex eis. Domine, attende; et miserere, Domine Deus meus, lux cæcorum et virtus infirmorum, statimque lux videndum et virtus fortium, attende animam meam, et audi clamantem de profundo. Nam nisi adsint et in profundo aures tuæ, quo ibimus? quo clamabimus? Tuus est dies, et tua est nox (Psal. LXXIII, 16): ad nutum tuum momenta transvolant. Largire inde spatium meditationibus nostris in abdita legis tuæ, neque adversus pulsantes claudas eam. Neque enim frustra scribi voluisti tot paginarum opaca secreta; aut non habent illæ silvæ cervos suos recipientes se in eas et resumentes, ambulantes et pascentes, recumbentes et ruminantes. O Domine, perfice me, et revela mihi eas. Ecce vox tua gaudium meum, vox tua super affluentiam voluptatum. Da quod amo: amo enim; et hoc tu dedisti. Ne dona tua deseras, nec herbam tuam spernas sitientem. Confitear tibi quidquid invenero in Libris tuis; et audiam vocem laudis (Psal. xxv, 7) et te bibam, et considerem mirabilia de lege tua, ab usque principio in quo fecisti cælum et terram, usque ad regnum tecum perpetuum sanctæ civitatis tuæ.

4. Domine, miserere mei, et exaudi desiderium meum. Puto enim quod non sit de terra, non de auro et argento et de lapidibus, aut decoris vestibus, aut honoribus et potestatibus, aut voluptatibus carnis, neque de necessariis corpori, et huic vitæ peregrinationis nostræ, quæ omnia nobis apponuntur quærentibus regnum et justitiam tuam. Vide, Domine Deus meus, unde sit desiderium meum. Narraverunt mihi injusti delectationes, sed non sicut lex tua, Domine (Psal. cxviii, 85). Ecce unde est desiderium meum. Vide, Pater, aspice, et vide, et approba; et placeat in conspectu misericordiæ tuæ invenire me gratiam ante te, ut aperiantur pulsanti mihi interiora sermonum tuorum. Obsecro per Dominum nostrum Jesum Christum filium tuum, virum dexteræ tuæ (Psal. LXXIX, 18), filium hominis, quem confirmasti tibi mediatorem tuum et nostrum, per quem nos quæsiisti non quæren-

¹ Sic Arn. et duodecim Mss. At Lov., *recubantes*.

² Codex. Corb., *superaffluentia*. Bad. Am. cum quatuor Mss., *superfluentiam voluptatum*.

(Vingt-six.)

tes te, quæstisti autem ut quæreremus te; Verbum tuum per quod fecisti omnia, in quibus et me; Unicum tuum per quem vocasti in adoptionem populum credentium, in quo et me: per eum te obsecro qui sedet ad dexteram tuam et te interpellat pro nobis, in quo sunt omnes thesauri sapientiæ et scientiæ absconditi (*Coloss. II, 3*). Ipsum¹ quæro in Libris tuis. Moyses de illo scripsit (*Joan. v, 46*): hoc ipse ait, hoc Veritas ait.

CAPUT III.

Quæ scripsit Moyses de creatione cæli et terræ intelligere non potest nisi donante Deo.

5. Audiam et intelligam quomodo in principio fecisti cælum et terram (*Gen, I, 1*). Scripsit hoc Moyses, scripsit et abiit, transivit hinc a te ad te²; neque nunc ante me est. Nam si esset, tenerem eum, et rogarem eum, et per te obsecrarem ut mihi ista panderet; et præberem aures corporis mei sonis erumpentibus ex ore ejus. Et si hebræa voce loqueretur, frustra pulsaret sensum meum, nec inde mentem meam quidquam tangeret; si autem latine, scirem quid diceret. Sed unde scirem an verum diceret? Quod si et hoc scirem, num ab illo scirem? Intus utique mihi, intus in domicilio cogitationis, nec hebræa, nec græca, nec latina, nec barbara veritas, sine oris et linguæ organo, sine strepitu syllabarum diceret, Verum dicit: et ego statim certus confidenter illi homini tuo dicerem, Verum dicis. Cum ergo illum interrogare non possim, te, quo plenus vera dixit, Veritas, rogo te, Deus meus, rogo parce peccatis meis; et qui illi servo tuo dedisti hæc dicere, da et mihi hæc intelligere.

CAPUT IV.

Creatura clamat creatorem Deum.

6. Ecce sunt cælum et terra: clamant quod facta sint; mutantur enim atque variantur. Quidquid autem factum non est, et tamen est, non est in eo quidquam quod ante non erat, quod est mutari atque variari. Clamant etiam quod seipsa non fecerint: Ideo sumus, quia facta sumus; non ergo eramus antequam essemus, ut fieri possemus a nobis. Et vox dicentium est ipsa evidentia. Tu ergo, Domine, fecisti ea qui pulcher es, pulchra sunt enim; qui bonus es, bona sunt enim; qui es, sunt enim. Nec ita pulchra sunt, nec ita bona sunt, nec ita sunt, sicut tu conditor eorum, cui comparata, nec pulchra sunt, nec bona sunt, nec sunt. Scimus hæc, gratias tibi. Et scientia nostra scientiæ tuæ comparata, ignorantia est.

CAPUT V.

Ex nihilo conditus mundus.

7. Quomodo autem fecisti cælum et terram³, et quæ machina tam grandis operationis tuæ? Non enim sicut homo artifex formans corpus de corpore, arbi-

¹ Sic prius Editi. At antiquiores et meliores Mss. habent, *ipsos quæro*.

² Deest in Edd. *a te*, quæ voces in Mss. prope omnibus inveniuntur.

³ Apud Am. Er. et Lov. sic incipit caput 5: *In principio fecit Deus cælum et terram. Quomodo*. Eadem verba exstant hic loci apud Bad., sed absunt a Mss. et ab editione Arnaldina.

tratu animæ valentis imponere utcumque speciem quam cernit in semetipsa interno oculo. Et unde hoc valeret, nisi quia tu fecisti eam? Et imponit speciem jam existenti et habenti ut esset, veluti terræ, aut lapidi, aut ligno, aut auro, aut id genus rerum cuilibet. Et unde ista essent, nisi tu instituisses ea? Tu fabro corpus, tu animum membris imperitantem fecisti, tu materiam unde facit aliquid, tu ingenium quo artem capiat et videat intus quid faciat foris, tu sensum corporis quo interprete trajiciat ab animo ad materiam id quod facit, et renuntiet animo quid factum sit, ut ille intus consulat præsentem sibi veritatem, an bene factum sit. Te laudant hæc omnia creatorem omnium: sed tu quomodo facis ea? quomodo fecisti, Deus, cælum et terram? Non utique in cælo neque in terra fecisti cælum et terram; neque in aere aut in aquis, quoniam et hæc pertinent ad cælum et terram: neque in universo mundo fecisti universum mundum, quia non erat ubi fieret antequam fieret ut esset. Nec manebas aliquid unde faceres cælum et terram; nam unde tibi hoc quod tu non feceras, unde aliquid faceres? Quid enim est, nisi quia tu es? Ergo dixisti, et facta sunt, atque in verbo tuo fecisti ea (*Psal. XXXII, 9, 6*).

CAPUT VI.

Quomodo Deus dixit, ut fieret mundus.

8. Sed quomodo dixisti? Numquid illo modo quo facta est vox de nube, dicens: *Hic est Filius meus dilectus?* (*Matth. III, 17; et XVII, 5*.) Illa enim vox acta atque transacta est, cœpta et finita. Sonuerunt syllabæ atque transierunt, secunda post primam, tertia post secundam, atque inde ex ordine, donec ultima post cæteras, silentiumque post ultimam. Unde claret atque eminet, quod creaturæ motus expressit eam, serviens æternæ voluntati tuæ ipse temporalis. Et hæc ad tempus facta verba tua nuntiavit auris exterior menti prudenti, cujus auris interior posita est ad æternum Verbum tuum. At illa comparavit hæc verba temporaliter sonantia, cum æterno in silentio Verbo tuo, et dixit: Aliud est, longe aliud est. Hæc longe infra me sunt; nec sunt, quia fugiunt et prætereunt: Verbum autem Domini mei supra me manet in æternum. Si ergo verbis sonantibus et prætereuntibus dixisti ut fieret cælum et terra, atque ita fecisti cælum et terram, cujus motibus temporalibus temporaliter vox illa percurreret. Nullum autem corpus ante cælum et terram: aut si erat, id certe sine transitoria voce feceras, unde transitoriam vocem faceres qua diceres ut fieret cælum et terra. Quidquid enim illud esset unde talis vox fieret, nisi abs te factum esset, omnino non esset. Ut ergo fieret corpus unde ista verba fierent, quo verbo a te dictum est?

CAPUT VII.

Verbum Dei cœternum Deo.

9. Vocas itaque nos ad intelligendum Verbum Deum apud te Deum, quod sempiternè dicitur, et eo sempiternè dicuntur omnia: neque enim finitur quod dicebatur, et dicitur aliud ut possint dici omnia; sed si

ipiterne omnia. Alioquin jam tempus et non vera æternitas, nec vera immortalivi, Deus meus, et gratias ago. Novi, confomine; mecumque novit et benedicit tegratus non est certæ veritati. Novimus, ovimus, quoniam in quantum quidquid non at, et est quod non erat, in tantum moritur Non ergo quidquam Verbi tui cedit atque oniam vere immortale atque æternum est. rbo tibi coæterno, simul et sempiternæ¹ a quæ dicis, et fit quidquid dicis ut fiat; nec n dicendo, facis: nec tamen et simul et semnt omnia quæ dicendo facis.

CAPUT VII.

ei ipsum est principium quo docemur omnem veritatem.

quæso, Domine Deus meus? Utcumque vi- uomodo id eloquar nescio: nisi quia omne incipit et esse desinit, tunc esse incipit et lesinit, quando debuisse incipere vel desierna ratione cognoscitur, ubi nec incipit: desinit. Ipsum est Verbum tuum, quod et es quia² et loquitur nobis (Joan. VIII, 25), agelio per carnem ait; et hoc insonnit foris minum, ut crederetur, et intus quæreretur, stur in æterna veritate, ubi omnes discipu- et solus magister docet. Ibi audio vocem ine, dicentem³ mihi, quoniam ille loquitur docet nos. Qui autem non docet nos, etiam; non nobis loquitur. Quis porro nos do- abilis veritas? Quia et per creaturam muta- admonemur, ad veritatem stabilem duci- vere discimus cum stamus et audimus eum, gaudemus propter vocem sponsi (Joan. III, ntes nos unde sumus. Et ideo Principium naneret, cum errarem non esset quo re- Cum autem redimus ab errore, cognoscendo imus; ut autem cognoscamus, docet nos, ipium est, et loquitur nobis.

CAPUT IX.

quomodo Verbum Dei loquatur cordi.

hoc Principio, Deus, fecisti cælum et terram, uo, in Filio tuo, in Virtute tua, in Sapien-

Veritate tua, in modo dicens, et miro ens. Quis comprehendet? quis enarrabit? illud quod interlucet mihi, et percutit cor e læsione; et inhorresco, et inardesco? In quantum dissimilis ei sum; inardesco in similis ei sum. Sapientia ipsa est, quæ inter- i, discindens nubilum meum, quod me rur-

lli e Mss. simul et sempiterno dicis. Mox etiam plu- que cum Arn. habent, et simul et sempiterna simul et sempiterna. juxta Er. Ven. Lugd., simul rna omisso priori et, juxta Somm. Flor. M.

l Edd., qui et loquitur. At Mss., quia et loquitur, cum: olí kai lalo umin. Sic legisse Augustinum aliis ex locis, ut ex cap. 28 lib. seq., et ex Tract. etc.

licentis. Er. Ven. Lugd. Somm. Flor. et Rond. s., dicentem. M.

ibi. Er. Ven. Lugd. Somm. et Rond. cum 7 Mss.,

sus cooperit deficientem ab ea, calligine atque aggere pœnarum mearum; quoniam sic infirmatus est in egestate vigor meus (Psal. xxx, 11), ut non sufferam bonum meum, donec tu, Domine, qui propitius factus es omnibus iniquitatibus meis, etiam sanes omnes languores meos; quia et redimes de corruptione vitam meam, et coronabis me in miseratione et misericordia, et satiabis in bonis desiderium meum; quoniam renovabitur juvenus mea sicut aquilæ (Psal. cii, 3-5). Spe enim salvi facti sumus, et promissa tua per patientiam exspectamus (Rom. viii, 24, 25). Audiatur te intus sermocinantem qui potest; ego fidenter ex oraculo tuo clamabo: *Quam magnificata sunt opera tua, Domine, omnia in Sapientia fecisti* (Psal. ciii, 24)! et illa Principium, et in eo Principio fecisti cælum et terram.

CAPUT X.

Obtrectantes quid faceret Deus antequam cælum et terram conderet.

12. Nonne ecce pleni sunt vetustatis suæ qui nobis dicunt: Quid faciebat Deus antequam faceret cælum et terram? Si enim vacabat, inquit, et non operabatur aliquid, cur non sic semper et deinceps, quemadmodum retro semper cessavit ab opere? Si enim ullus motus in Deo novus exstitit, et voluntas nova ut creaturam conderet quam nunquam ante condiderat; quomodo jam vera æternitas, ubi oritur voluntas quæ non erat? Neque enim voluntas Dei creatura est, sed ante creaturam; quia non crearetur aliquid, nisi creatoris voluntas præcederet. Ad ipsam ergo Dei substantiam pertinet voluntas ejus. Quod si exortum est aliquid in Dei substantia quod prius non erat; non veraciter dicitur æterna illa substantia: si autem voluntas Dei sempiterna erat ut esset creatura; cur non sempiterna et creatura?

CAPUT XI.

Objectioni respondet quod æternitas Dei nescit tempora.

13. Qui hæc dicunt, nondum te intelligunt, o Sapientia Dei, lux mentium; nondum intelligunt, quomodo fiunt quæ per te atque in te fiunt: et conantur æterna sapere; sed adhuc in præteritis et futuris rerum motibus cor eorum volitat, et adhuc vanum est. Quis tenebit illud, et fiet illud ut paululum stet, et paululum rapiat splendorem semper stantis æternitatis, et comparet cum temporibus nunquam stantibus, et videat esse incomparabilem; et videat longum tempus, nisi ex multis prætereuntibus motibus, qui simul extendi non possunt, longum non fieri; non autem præterire quidquam in æterno, sed totum esse præsens; nullum vero tempus totum esse præsens: et videat omne præteritum propelli ex futuro, et omne futurum ex præterito consequi; et omne præteritum ac futurum ab eo quod semper est præsens, creari et excurrere? Quis tenebit cor hominis, ut stet, et videat quomodo stans dictet futura et præterita tempora, nec futura nec præterita æternitas? Numquid manus mea valet hoc, aut manus oris mei per loquelas agit tam grandem rem?

CAPUT XII.

Quid Deus fecerit ante mundi creationem.

14. Ecce respondeo dicenti, Quid faciebat Deus antequam faceret cœlum et terram; respondeo non illud quod quidam respondisse perhibetur joculariter, eludens quæstionis violentiam: Alta, inquit, scrutantibus gehennas parabat. Aliud est videre, aliud ridere; hæc non respondeo. Libentius enim responderim, Nescio, quod nescio; quam illud unde irridetur qui alta interrogavit, et laudatur qui falsa respondit. Sed dicite, Deus noster, omnis creaturæ creatorem. Et si cœli et terræ nomine omnis creatura intelligitur: audenter dico, Antequam faceret Deus cœlum et terram, non faciebat aliquid: si enim faciebat, quid nisi creaturam faciebat? Et utinam sic sciam, quidquid utiliter scire cupio, quemadmodum scio quod nulla fiebat creatura¹, antequam fieret ulla creatura.

CAPUT XIII.

Quod ante tempora a Deo creata nullum tempus fuerit.

15. At si cujusquam volatilis sensus vagatur per imagines retro temporum, et te Deum omnipotentem et omnireantem et omnitenentem, cœli et terræ artificem, ab opere tanto, antequam id faceres, per innumerabilia sæcula cessasse miratur; evigilet atque attendat, quia falsa miratur. Nam unde poterant innumerabilia sæcula præterire, quæ ipse non feceras, cum sis omnium sæculorum auctor et conditor? aut quæ tempora fuissent quæ abs te condita non essent? aut quomodo præterirent, si nunquam fuissent? Cum ergo sis operator omnium temporum, si fuit aliquod tempus antequam faceres cœlum et terram, cur dicitur quod ab opere cessabas? Idipsum enim tempus tu feceras, nec præterire potuerunt tempora antequam faceres tempora. Si autem ante cœlum et terram nullum erat tempus, cur quæritur quid tunc faciebas? Non enim erat Tunc, ubi non erat tempus.

16. Nec tu tempore tempora præcedis, alioquin non omnia tempora præcederes. Sed præcedis omnia præterita celsitudine semper præsentis æternitatis; et superas omnia futura, quia illa futura sunt, et cum venerint, præterita erunt; tu autem idem ipse es, et anni tui non deficient (*Psal.* c1, 28). Anni tui nec eunt nec veniunt; isti autem nostri et eunt et veniunt, ut omnes veniant. Anni tui omnes simul stant, quoniam stant; nec euntes a venientibus excluduntur, quia non transeunt: isti autem nostri omnes erunt, cum omnes non erunt. Anni tui dies unus; et dies tuus non quotidie, sed hodie, quia hodiernus tuus non cedit crasino; neque enim succedit hesternum. Hodiernus tuus æternitas; ideo coæternum genuisti, cui dixisti, *Ego hodie genui te* (*Psal.* 11, 7; *Hebr.* v, 5). Omnia tempora tu fecisti, et ante omnia tempora tu es; nec aliquo tempore non erat tempus.

CAPUT XIV.

Temporis differentiarum tres.

17. Nullo ergo tempore non feceras aliquid, quia ipsum tempus tu feceras. Et nulla tempora tibi co-

¹ Benignianus codex, quod nullam faciebat creaturam.

æterna sunt, quia tu permanes: at illa si permanent, non essent tempora. Quid enim est tempus? Quis hoc facile breviterque explicaverit? Quia hoc, ad verbum de illo proferendum, vel cogitatione comprehenderit? Quid autem familiarius et notius in loquendo commemoramus quam tempus? Et intelligimus utique cum id loquimur, intelligimus etiam cum alio loquente id audimus. Quid est ergo tempus? Si nemo ex me quærat, scio; si quærenti explicare velim, nescio: fidenter tamen dico scire me, quod si nihil præteriret, non esset præteritum tempus; et si nihil adveniret, non esset futurum tempus; et si nihil esset, non esset præsens tempus. Duo ergo illa tempora, præteritum et futurum quomodo sunt, quando et præteritum jam non est, et futurum nondum est? Præsens autem si semper esset, præsens, nec in præteritum transiret; jam non esset tempus, sed æternitas. Si ergo præsens, ut tempus sit, ideo fit quia in præteritum transit; quomodo et hoc esse dicimus, cui causa ut sit illa est, quia non erit; ut scilicet non vere dicamus tempus esse, nisi quia tendit non esse¹.

CAPUT XV.

Mensura temporis in quo.

18. Et tamen dicimus longum tempus, et breve tempus; neque hoc nisi de præterito aut futuro dicimus. Præteritum tempus longum, verbi gratia, vocamus ante centum annos; futurum itidem longum, post centum annos. Breve autem præteritum, sicut puta, dicimus ante decem dies; et breve futurum, post decem dies. Sed quo pacto longum est aut breve, quod non est? Præteritum enim jam non est, et futurum nondum est. Non itaque dicamus, Longum est; sed dicamus de præterito, Longum fuit, et de futuro, Longum erit. Domine meus, lux mea, nonne et hic veritas tua deridebit hominem? Quod enim longum fuit præteritum tempus, cum jam esset præteritum longum fuit, an cum adhuc præsens esset? Tunc enim poterat esse longum, quando erat quod esset longum: præteritum vero jam non erat; unde nec longum esse poterat, quod omnino non erat. Non ergo dicamus, Longum fuit præteritum tempus; neque enim invenimus quid fuerit longum, quando ex quo præteritum est, non est: sed dicamus, Longum fuit illud præsens tempus: quia cum præsens esset, longum erat. Nondum enim præterierat, ut non esset, et ideo erat quod longum esse posset. Postea vero quam præteritum, simul et longum esse destitit, quod esse destitit.

19. Videamus ergo, o anima humana, utrum præsens tempus possit esse longum; datum enim tibi est sentire moras atque metiri. Quid respondebis mihi? An centum anni præsentis longum tempus est? Vide prius utrum possint præsentis esse centum anni. Si enim primus eorum annus agitur, ipse præsens est; nonaginta vero et novem futuri sunt, et ideo nondum sunt: si autem secundus annus agitur, jam unus est

¹ Lov., tendit ad non esse. Abest particula ad a Mas., quæ et alias ab Augustino non adhibetur post verbum tendit, ut lib. 4 hujus operis, cap. 10: « Ergo cum oriuntur et tendunt esse. »

itus, alter præsens, cæteri futuri. Atque ita si unum quemlibet centenarii hujus numeri annum item posuerimus; ante illum præteriti erunt, post eum futuri: quocirca centum anni præsentis non poterunt. Vide saltem utrum qui agitur unus, et præteriti, et futuri. Et ejus enim si primus agitur menturi sunt cæteri; si secundus, jam et primus iit, et reliqui nondum sunt. Ergo nec annus qui totus est præteritus; et si non totus est præteritus, tamen annus præteritus. Duodecim enim menses annus quocirca quilibet unus mensis qui agitur, ipse præteritus est; cæteri autem, præteriti aut futuri, Quocirca mensis qui agitur, præteritus est, sed unus mensis si primus, futuris cæteris; si novissimus, præteritis; si mediorum quilibet, inter præteritos et futuros.

Ecce præteritum tempus quod solum inveniebatur appellandum, vix ad unius diei spatium tantum est. Sed discutiamus etiam ipsum, quia unus dies totus est præteritus. Nocturnis enim et diurnis horis omnibus viginti quatuor expletur, quarum prima cæteras futuras habet, novissima præterita, et futuras. Et ipsa una hora fugitivis particulis: quidquid ejus avolavit, præteritum est; quidquid restat, futurum. Si quid intelligitur tempus, modo in nullas jam vel in minutissimas momenta partes dividi possit, id solum est quod præteritum est. Quod tamen ita raptim a futuro in præteritum transit, ut nulla morula extendatur. Nam si extenditur in præteritum et futurum: præteritum nullum habet spatium. Ubi est ergo tempus longum dicamus? An futurum? Non quidem longum, Longum est, quia nondum est quod longum esse dicimus, Longum erit. Quando igitur erit? Nunc et tunc cum adhuc futurum erit, non erit longum quia quod sit longum, nondum erit: si autem erit longum cum ex futuro, quod nondum est, cum cœperit, et præteritum factum erit, ut possit quod longum sit; jam superioribus vocibus clarè præteritum tempus, longum se esse non posse.

CAPUT XVI.

Quale tempus metiri liceat, et quale non.

Et tamen, Domine, sentimus intervalla temporum, et comparamus sibimet, et dicimus alia longa, et alia breviora. Metimur etiam quanto sit longius aut longius illud tempus quam illud; et respondens duplum esse hoc vel triplum, illud autem similes tantum hoc esse quantum illud. Sed præteritum metimur tempora cum sentiendo metimur; præterita vero quæ jam non sunt, aut futura quæ non sunt, quis metiri potest, nisi forte audebit quis metiri posse quod non est? Cum ergo præteritum sentiri et metiri potest; cum autem præteritum quoniam non, est non potest.

CAPUT XVII.

Ubi tempus præteritum et futurum.

Quæro, Pater, non affirmo: Deus meus, præside et rege me. Quisnam est qui dicat mihi non esse

tria tempora, sicut pueri didicimus, puerosque docuimus, præteritum, præteritum et futurum; sed tantum præteritum, quoniam illa duo non sunt? An et ipsa sunt, sed ex aliquo procedit occulto, cum ex futuro fit præteritum; et in aliquod recedit occultum, cum ex præterito fit futurum? Nam ubi ea viderunt qui futura cecinerunt, si nondum sunt? Neque enim potest videri id quod non est. Et qui narrant præterita, non utique vera narrant, si animo illa non cernerent: quæ si nulla essent, cerni omnino non possent. Sunt ergo et futura et præterita.

CAPUT XVIII.

Quomodo præterita et futura tempora sint præterita.

23. Sine me, Domine, amplius quærere; spes mea, non conturbetur intentio mea. Si enim sunt futura et præterita, volo scire ubi sint. Quod si nondum valeo, scio tamen ubicumque sunt, non ibi ea futura esse, aut præterita, sed præterita. Nam si et ibi futura sunt, nondum ibi sunt; si et ibi præterita sunt, jam non ibi sunt. Ubicumque ergo sunt quæcumque sunt, non sunt nisi præterita. Quocirca præterita cum vera narrantur, ex memoria proferuntur non res ipsæ quæ præterierunt, sed verba concepta ex imaginibus earum, quæ in animo velut vestigia per sensus prætereundo fixerunt. Pueritia quippe mea quæ jam non est, in tempore præterito est quod jam non est; imaginem vero ejus cum eam recolo et narro, in præterito tempore intueor, quia est adhuc in memoria mea. Utrum similis sit causa etiam prædicendorum futurorum, ut rerum quæ nondum sunt, jam existentes præsententur imagines¹; confiteor, Deus meus, nescio. Illud sane scio, nos plerumque præmeditari futuras actiones nostras, eamque præmeditationem esse præteritam, actionem autem quam præmeditamur nondum esse, quia futura est; quam cum aggressi fuerimus, et quod præmeditabamur agere cœperimus, tunc erit illa actio, quia tunc non futura, sed præterita est².

24. Quoquo modo se itaque habeat arcana præsentio futurorum, videri nisi quod est non potest. Quod autem jam est, non futurum sed præteritum est. Cum ergo videri dicuntur futura, non ipsa quæ nondum sunt, id est quæ futura sunt, sed eorum causæ, vel signa forsitan videntur, quæ jam sunt; ideo non futura, sed præterita sunt jam videntibus, ex quibus futura prædicantur animo concepta. Quæ rursus conceptiones jam sunt, et eas præteritas apud se intuentur qui illa prædicunt. Loquatur mihi aliquod exemplum tanta rerum numerositas. Intueor auroram, oriturum solem prænuntio: quod intueor, præteritum est; quod prænuntio, futurum: non sol futurus qui jam est, sed ortus ejus qui nondum est: tamen etiam ortum ipsum nisi animo imaginarer, sicut modo cum id loquor, non eum possem prædicere. Sed nec illa aurora quam in cælo video, solis ortus est, quamvis eum præcedat; nec illa imaginatio in animo meo:

¹ Edd. plerique, *præsententur imagines*; et paulo post, *et præsentia futurorum*. Reddimus lectionem. Mss. quibus posteriore loco suffragatur Arnaldus.

² *Erit*, juxta Er. Ven. Lugd. M.

quæ duo præsentia cernuntur, ut futurus ille ante dicatur. Futura ergo nondum sunt; et si nondum sunt, non sunt: et si non sunt, videri omnino non possunt; sed prædici possunt ex præsentibus, quæ jam sunt, et videntur.

CAPUT XIX.

Non capit modum, quo Deus docet futura

25. Tu itaque, regnator creaturæ tuæ, est modus quo doces animas ea quæ futura sunt? docuisti enim prophetas tuos. Quisnam ille modus est quo doces futura, cui futurum quidquam non est; vel potius de futuris doces præsentia. Nam quod non est, nec doceri utique potest. Nimis longe est modus iste ab acie mea; invaluit ex me, non potero ad illum (*Psal. xxxviii, 6*); potero autem ex te, cum dederis tu, dulce lumen occultorum oculorum meorum.

CAPUT XX.

Differentiæ temporis quomodo nominandæ.

26. Quod autem nunc liquet et claret, nec futura sunt, nec præterita. Nec proprie dicitur, Tempora sunt tria; præteritum, præsens et futurum: sed fortasse proprie diceretur, Tempora sunt tria; præsens de præteritis, præsens de præsentibus, præsens de futuris. Sunt enim hæc in anima tria quædam, et alibi ea non video; præsens de præteritis memoria, præsens de præsentibus contuitus, præsens de futuris expectatio. Si hæc permittimur dicere tria tempora video, fateorque, tria sunt. Dicatur etiam, Tempora sunt tria, præteritum, præsens et futurum; sicut abutitur consuetudo, dicatur: esse non curo, nec resisto, nec reprehendo; dum tamen intelligatur quod dicitur, neque id quod futurum est, esse jam, neque id quod præteritum est. Pauca sunt enim quæ proprie loquimur, plura non proprie; sed agnoscitur quid velimus.

CAPUT XXI.

Quomodo tempus liceat metiri.

27. Dixi ergo paulo ante, quod prætereuntia tempora metimur, ut possimus dicere duplum esse hoc temporis ad illud simplum, aut tantum hoc quantum illud, et si quid aliud de partibus temporum possumus renuntiare metiendo. Quocirca, ut dicebam, prætereuntia metimur tempora. Et si quis mihi dicat, Unde scis? respondeam, Scio quia metimur, nec metiri quæ non sunt possumus, et non sunt præterita vel futura. Præsens vero tempus quomodo metimur, quando non habet spatium? Metitur ergo cum præterit, cum autem præterierit, non metitur¹; quid enim metiatur, non erit. Sed unde et qua et quo præterit, cum metitur? Unde, nisi ex futuro? qua, nisi per præsens? quo, nisi in præteritum? Ex illo ergo quod nondum est, per illud quod spatium caret, in illud quod jam non est. Quid autem metimur, nisi tempus in aliquo spatio? Neque enim dicimus simpla, et dupla, et tripla, et æqualia, et si quid hoc modo in tempore dicimus, nisi spatia temporum. In quo ergo spatio metimur tempus præteriens? Utrum in futuro, unde præterit? Sed quod nondum est, non metimur. An in

¹ Edd. aliquot et Mss., *metimur ergo cum præterit... non metimur; quid enim metiatur*: non concinne. M.

præsentia, qua præterit? Sed nullum spatium non metimur. An in præterito, quo præterit? Sed quod jam non est, non metimur.

CAPUT XXII.

Petit ænigmati istius solutionem a Deo.

28. Exarsit animus meus nosse istud implicatissimum ænigma. Noli claudere, Domine Deus meus bone Pater, per Christum obsecro, noli claudere desiderio meo ista, et usitata et abdita, quominus in ea penetret, et dilucescant allucente misericordia tua, Domine. Quem percontabor de his? et cui fructuosius confitebor imperitiam meam, nisi tibi cui non sunt molesta studia mea, flammantia vehementer in Scripturas tuas? Da quod amo: amo enim, et hoc tu dedisti. Da, Pater, qui vere nosti data bona dare filiis tuis (*Matth. vii, 11*). Da, quoniam suscepi cognoscere¹, et labor est ante me (*Psal. lxxii, 16*), donec aperias. Per Christum obsecro, in nomine ejus Sancti sanctorum, nemo mihi obstrepat. Et ego credidi, propter quod et loquor (*Psal. cxv, 1*). Hæc est spes mea; ad hanc vivo² ut contempler delectationem Domini. Ecce veteres posuisti dies meos (*Psal. xxxviii, 6*), et transeunt; et quomodo, nescio. Et dicimus, Tempus et tempus, tempora et tempora; Quamdiu dixit hoc ille, quamdiu fecit hoc ille; et, Quam longo tempore illud non vidi! et, Duplum temporis habet hæc syllaba ad illam simplam brevem. Dicimus hæc, et audimus hæc, et intelligimur et intelligimus. Manifestissima et usitatissima sunt; et eadem rursus nimis latent, et nova est inventio eorum.

CAPUT XXIII.

Quid sit tempus.

29. Audivi a quodam homine docto, quod solis et lunæ ac siderum motus, ipsa sint tempora, et nil annui³. Cur enim non potius omnium corporum motus sint tempora? An vero si cessarent cæli lumina, et moveretur rota figuli, non esset tempus quo metiremur eos gyros, et diceremus aut æqualibus morulis agi; aut si alias tardius, alias velocius moveretur, alios magis diuturnos esse, alios minus? Aut cum hoc diceremus, non et nos in tempore, loqueremur, aut essent in verbis nostris aliæ longæ syllabæ, aliæ breves, nisi quia illæ longiore tempore sonuissent, istæ brevioribus? Deus, dona hominibus videre in parvo communes notitias rerum parvarum atque magnarum. Sunt et sidera et luminaria cæli in signis, et in temporibus, et in annis, et in diebus (*Gen. 1, 14*): sunt vero; sed nec ego dixerim circuitum illius lignæ rotæ diem esse, nec tamen ideo tempus non esse ille dixerit.

30. Ego scire cupio vim naturamque temporis quo

¹ Bad. Am. Er. Lov. *cognoscere te*. Expungendum est te, juxta Mss. et Arn. quia de tempore, non de Deo cognoscendo loquitur Augustinus.

² Lov., *ad hanc inhio*: recte, nisi alii refragarentur et Edd. et Mss. qui magno consensu ferunt, *ad hanc vivo*.

³ Sic legendum videtur cum Mss. Vedast. duobus, et uno Corb.; vel cum Arn., *et non annui*. Ubi Germ. Codex habet, *et non abnui*. Lov. vero cum aliquot Mss., *et non anni*. Er. *et anni*. Denique Bad et Am., *et non animi*. — Juxta Ven., *tempora et anni; non annui*.

⁴ Omnes Mss. Angl.: *Circuitum illius, aut definite duplum lignæ rotæ*. — *Ignæ rotæ*, juxta Er. Ven. Lugd. M.

metimur corporum motus, et dicimus illum motum, verbi gratia, tempore duplo esse diuturniorem quam istum. Nam quæro, quoniam dies dicitur, non tantum morasolis super terram, secundum quod aliud est dies, aliud nox, sed etiam totius ¹ ejus circuitus ab oriente usque ad orientem, secundum quod dicimus, Tot dies transierunt; cum suis enim noctibus dicuntur tot dies nec extra reputantur spatia noctium: quoniam ergo dies expletur motu solis, atque circuitu ab oriente usque ad orientem; quæro utrum motus ipse sit dies, an mora ipsa quanta peragitur, an utrumque. Si enim primum dies esset; dies ergo esset etiamsi tanto spatio temporis sol cursum illum peregisset, quantum est horæ unius. Si secundum; non ergo esset dies, si ab ortu solis usque in ortum alterum tam brevis mora esset quam est horæ unius; sed vicies et quater circumiret sol ut expleret diem. Si utrumque; nec ille appellaretur dies, si horæ spatio sol totum suum gyrum circumiret; nec ille ², si sole cessante tantum temporis præteriret, quanto peragere sol totum ambitum de mane in mane assolet. Non itaque nunc quæram quid sit illud quod vocatur dies, sed quid sit tempus quo metientes solis circuitum, diceremus eum dimidio spatio temporis peractum minus quam solet, si tanto spatio temporis peractus esset, quanto peraguntur horæ duodecim; et utrumque tempus comparantes diceremus illud simplum, hoc duplum, etiamsi aliquando illo simplo, aliquando isto duplo sol ab oriente usque ad orientem circumiret. Nemo ergo mihi dicat cœlestium corporum motus esse tempora: quia et cujusdam voto cum sol stetisset (*Josue* x, 13); ut victoriosum ³ prælium perageret, sol stabat, sed tempus ibat. Per suum quippe spatium temporis, quod ei sufficeret, illa pugna gesta atque finita est. Video igitur tempus quamdam esse distentionem. Sed video, an videre mihi videor? Tu demonstrabis, Lux, Veritas.

CAPUT XXIV.

Tempus est quo metimur motum corporis.

31. Jubes ut approbem si quis dicat tempus esse motum corporis? Non jubes. Nam corpus nullum, nisi in tempore, moveri audio: tu dicis. Ipsum autem corporis motum tempus esse non audio: non tu dicis. Cum enim movetur corpus, tempore metior quamdiu moveatur, ex quo moveri incipit donec desinat. Et si non vidi ex quo cœpit, et perseverat moveri, ut non videam cum desinit; non valeo metiri, nisi forte ex quo videre incipio donec desinam. Quod si diu video, tantummodo longum tempus esse renuntio, non autem quantum sit; quia et quantum cum dicimus, collatione dicimus; velut, Tantum hoc quantum illud; aut, Duplum hoc ad illud, et si quid aliud isto modo. Si autem notare potuerimus locorum spatia, unde et quo veniat corpus quod movetur, vel partes ejus, si tanquam in torno movetur, possumus dicere quantum sit temporis ex quo ab illo loco usque ad illum locum motus cor-

¹ Totus, juxta Er. Ven. Lugd. Somm. Dub. et Rond. cum 8 Mss. M.

² Illa, juxta Er. Ven. Lugd. M.

³ Bad. Am. Er. et Lov. cum paucioribus Mss., ut Victor Josue. M.

poris vel partis ejus effectus est. Cum itaque aliud sit motus corporis, aliud quo metimur quamdiu sit; quis non sentiat quid horum potius tempus dicendum sit? Nam etsi varie corpus aliquando movetur, aliquando stat; non solum motum ejus, sed etiam statum tempore metimur; et dicimus, Tantum stetit, quantum motum est; aut, Duplo vel triplo stetit, ad id quod motum est; et si quid aliud nostra dimensio sive comprehenderit sive existimaverit, ut dici solet, plus minus. Non est ergo tempus corporis motus.

CAPUT XXV.

Rursus Deum interpellat.

32. Et confiteor, Domine, ignorare me adhuc quid sit tempus; et rursus confiteor tibi, Domine, scire me in tempore ista dicere, et diu me jam loqui de tempore, atque ipsum diu non esse diu nisi mora temporis. Quomodo igitur hoc scio, quando quid sit tempus nescio? An forte nescio quemadmodum dicam quod scio? Hei mihi qui neseio saltem quid nesciam! Ecce, Deus meus, coram te, quia non mentior; sicut loquor, ita est cor meum. Tu illuminabis lucernam meam, Domine Deus meus, illuminabis tenebras meas (*Psal.* xvii, 25).

CAPUT XXVI.

Quomodo tempus metimur.

33. Nonne tibi confitetur anima mea confessione veridica metiri me tempora? Itane, Deus meus, metior, et quid metiar nescio? Metior motum corporis tempore; item ipsum tempus non metior? An vero corporis motum metirer quamdiu sit, et quamdiu hinc illuc perveniat, nisi tempus in quo movetur metirer? Ipsum ergo tempus unde metior? An tempore breviori metimur longius, sicut spatio cubiti spatium transtri? Sic enim videmur spatio brevis syllabæ metiri spatium longæ syllabæ, atque id duplum dicere. Ita metimur spatia carminum spatiis versuum, et spatia versuum spatiis pedum, et spatia pedum spatiis syllabarum, et spatia longarum spatiis brevium: non in paginis (nam eo modo loca metimur, non tempora), sed cum voces pronuntiando transeunt, et dicimus, Longum carmen est, nam tot versibus contextitur; longi versus, nam tot pedibus constant; longi pedes, nam tot syllabis tenduntur, longa syllaba, nam dupla est ad brevem. Sed neque ita comprehenditur certa mensura temporis, quandoquidem fieri potest ut ampliori spatio temporis, personet versus brevior si productius pronuntietur, quam longior si correptius. Ita carmen, ita pes, ita syllaba. Inde mihi visum est, nihil esse aliud tempus quam distentionem: sed cujus rei, nescio; et mirum si non ipsius animi. Quid enim metior, obsecro, Deus meus, et dico aut indefinite, Longius est hoc tempus quam illud; aut etiam definite, Duplum est hoc ad illud? Tempus metior, scio; sed non metior futurum, quia nondum est; non metior præsens, quia nullo spatio tenditur; non metior præteritum, quia jam non est. Quid ergo metior? An prætereuntia tempora, non præterita? sic enim dixeram.

CAPUT XXVII.

Quomodo metimur tempus permanens in animo.

34. Insiste, anime meus, et attende fortiter: Deus

adjutor noster; ipse fecit nos, et non ipsi nos (*Psal.* xcix, 3). Attende ubi albescit veritas. Ecce puta, vox corporis incipit sonare, et sonat, et adhuc sonat, et ecce desinit; jamque silentium est, et vox illa præterita est, et non est jam vox. Futura erat antequam sonaret, et non poterat metiri, quia nondum erat, et nunc non potest, quia jam non est. Tunc ergo poterat cum sonabat, quia tunc erat quæ metiri posset. Sed et tunc non stabat; ibat enim et præteribat. An ideo magis poterat? Præteriens enim tendebatur in aliquod spatium temporis quo metiri posset, quoniam præsens nullum habet spatium. Si ergo tunc poterat, ecce puta, altera cœpit sonare, et adhuc sonat, continuato tenore sine ulla distinctione: metiamur eam dum sonat; cum enim sonare cessaverit, jam præterita erit, et non erit quæ possit metiri; metiamur plane et dicamus quanta sit. Sed adhuc sonat, nec metiri potest nisi ab initio sui quo sonare cœpit, usque ad finem quo desinit. Ipsum quippe intervallum metimur ab aliquo initio usque ad aliquem finem. Quapropter vox quæ nondum finita est, metiri non potest, ut dicatur quam longa vel brevis sit; nec dici aut æqualis alicui, aut ad aliquam simpla vel dupla, vel quid aliud. Cum autem finita fuerit, jam non erit. Quo pacto igitur metiri poterit? Et metimur tamen tempora: nec ea quæ nondum sunt, nec ea quæ jam non sunt, nec ea quæ nulla mora extenduntur, nec ea quæ terminos non habent; nec futura ergo, nec præterita, nec præsentia, ne prætereuntia tempora metimur, et metimur tamen tempora.

35. *Deus creator omnium*; versus iste octo syllabarum, brevibus et longis alternat syllabis. Quatuor itaque breves; prima, tertia, quinta, septima, simplæ sunt ad quatuor longas; secundam, quartam, sextam, octavam. Hæ singulæ ad illas singulas duplum habent temporis; pronuntio, renuntio, et ita est quantum sentitur sensu manifesto. Quantum sensus manifestus est, brevi syllaba longam metior, eamque habere bis tantum sentio. Sed cum altera post alteram sonat, si prior brevis, longa posterior, quomodo tenebo brevem, et quomodo eam longæ metiens applicabo, ut inveniam quod bis tantum habeat; quandoquidem longa sonare non incipit, nisi brevis sonare destiterit? Ipsam quoque longam non præsentem metior, quando nisi finitam non metior. Ejus autem finitio, præteritio est. Quid ergo est quod metiar? ubi est, qua¹ metior, brevis? ubi est longa quam metior? Ambæ sonuerunt, avolaverunt, præterierunt, jam non sunt; et ego metior, fidenterque, respondeo, quantum exercitato sensu fidenter, illam simplam esse, illam duplam, in spatio scilicet temporis. Neque hoc possum, nisi quia præterierunt et finitæ sunt. Non ergo ipsas quæ jam non sunt, sed aliquid in memoria mea metior quod infixum manet.

36. In te, anime meus, tempora metior; noli mihi obstrepere: quod est, Noli tibi obstrepere turbis affectionum tuarum. In te, inquam, tempora metior; affectionem quam res prætereuntes in te faciunt, et cum illæ præterierint manet, ipsam metior præsen-

¹ Lov. et antiquiores editiones, *quam metior*; sed melius Arn. cum Mss. *qua*; statim quippe dixerat Augustinus brevi syllaba longam se metiri.

tem, non eas quæ præterierunt ut fieret; ipsam metior, cum tempora metior. Ergo aut ipsa sunt tempora, aut non tempora metior. Quid cum metimur silentia, et dicimus illud silentium tantum tenuisse temporis, quantum illa vox tenuit? Nonne cogitationem tendimus ad mensuram vocis, quasi sonaret, ut aliquid de intervallis silentiorum in spatio temporis renuntiare possimus? Nam et voce atque ore cessante, peragimus cogitando carmina, et versus et quemque sermonem, motionumque dimensiones quaslibet, et de spatiis temporum, quantum illud ad illud sit renuntiamus, non aliter ac si ea sonando diceremus. Si voluerit aliquis edere longiusculam vocem, et constituerit præmeditando quam longa futura sit; egit atque iste spatium temporis in silentio memoriæque commendans cœpit edere illam vocem quæ sonat, donec ad propositum terminum perducatur; imo sonuit et sonabit; nam quod ejus jam peractum est, utique sonuit; quod autem restat, sonabit: atque ita peragitur, dum præsens intentio futurum in præteritum trajicit, diminutione futuri crescente præterito, donec consumptione futuri sit totum præteritum.

CAPUT XXVIII.

Animo metimur tempora.

37. Sed quomodo minuitur aut consumitur futurum, quod nondum est? aut quomodo crescit præteritum quod jam non est, nisi quia in animo qui illud agit tria sunt? Nam et expectat et attendit et meminit, ut id quod expectat. per id quod attendit, transeat in id quod meminerit. Quis igitur negat futura nondum esse? Sed tamen jam est in animo expectatio futurorum. Et quis negat præterita jam non esse? Sed tamen adhuc est in animo memoria præteritorum. Et quis negat præsens tempus carere spatio, quia in puncto præterit? Sed tamen perdurat attentio per quam pergat¹ abesse quod aderit. Non igitur longum tempus futurum quod non est, sed longum futurum longa expectatio futuri est; neque longum præteritum tempus quod non est, sed longum præteritum longa memoria præteriti est.

38. Dicturus sum canticum quod novi: antequam incipiam, in totum expectatio mea tenditur; cum autem cœpero, quantum ex illa² in præteritum decerpsero, tenditur in memoria mea: atque distenditur vita hujus actionis meæ in memoriam, propter quod dixi; et in expectationem, propter quod dicturus sum: præsens tamen adest attentio mea, per quam trajiciatur quod erat futurum ut fiat præteritum. Quod quanto magis agitur et agitur, tanto breviata expectatione prolongatur memoria; donec tota expectatio consumatur, cum tota illa actio finita transierit in memoriam. Et quod in toto cantico, hoc in singulis particulis ejus fit, atque in singulis syllabis ejus; hoc in actione longiore, cujus forte particula est illud canticum; hoc in tota vita hominis, cujus partes sunt

¹ In prius editis, *peragat abesse quod aderit*. Melius in Mss., *pergat abesse*; id est, per quam attentionem pergat transire in præteritum, quod est futurum. — Mart. et Rond., *pergat adesse quod aberit*. M.

² *Ex illo* juxta Er. Ven. Lugd. Somm. Dub. Flor. et Rond. cum 7 Mss. M.

actiones hominis; hoc in toto sæculo filiorum
um, cujus partes sunt omnes vitæ hominum.

CAPUT XXIX.

in temporalia distentum cupit in Deum colligi.

Sed quoniam melior est misericordia tua super
Psal. LXII, 4), ecce distentio est vita mea, et
scepit dextera tua in Domino meo mediatore Fi-
minis inter te unum et nos multos, in multis
ulta, ut per eum apprehendam in quo et ap-
sus sum, et a veteribus diebus colligar sequens
, præterita oblitus; non in ea quæ futura et
ura sunt, sed in ea quæ ante sunt, non disten-
d extentus ¹, non secundum distentionem, sed
lum intentionem sequor ad palmam supernæ
onis (*Philipp. III, 13, 14*); ubi audiam vocem
tuæ, et contempler delectationem tuam, nec
dem, nec prætereuntem. Nunc vero anni mei
nitibus. Et tu solatium meum, Domine, pater
æternus es: at ego in tempora dissilui ², quo-
rdinem nescio; et tumultuosis varietatibus di-
tur cogitationes meæ, intima viscera animæ
donec in te confluum purgatus et liquidus igne
tui.

CAPUT XXX.

*uit rursum obtrecentes, quid fecerit Deus ante
mundi creationem.*

Et stabo atque solidabor in te, in forma mea,
te tua; nec patiar quæstiones hominum, qui
i morbo plus sitiunt quam capiunt et dicunt,
faciebat Deus antequam faceret cælum et ter-
Aut quid ei venit in mentem, ut aliquid face-
um antea nunquam aliquid fecerit? Da illis, Do-
bene cogitare quid dicant, et invenire quia
icitur, Nunquam, ubi non est tempus. Quod ³
icitur, nunquam fecisse, quid aliud dicitur nisi

Mss. : at Edd., intentus.

*s. Benign. Corb. et alii non deteriores, dissolut.
t, juxta Er. Ven. Lugd. Mart. et Rond. cum 8 Mss. M.*

nullo tempore fecisse? Videant itaque nullum tempus
esse posse sine creatura, et desinant istam vanitatem
loqui. Extendantur etiam in ea quæ ante sunt, et in-
telligant te ante omnia tempora æternum Creatorem
omnium temporum, neque ulla tempora tibi esse co-
æterna, nec ullam creaturam, etiam si est aliqua su-
pra tempora.

CAPUT XXXI.

Quomodo cognoscit Deus, quomodo creatura.

41. Domine Deus meus, quis ille sinus est alti se-
creti tui, et quam longe inde me projecerunt conse-
quentia delictorum meorum? Sana oculos meos, et
congaudeam luci tuæ. Certe si est tam grandi scientia
et præscientia pollens animus, cui cuncta præterita
et futura ita nota sint, sicut mihi unum canticum no-
tissimum; nimiam mirabilis est animus iste, atque
ad horrorem stupendus: quippe quem ita non lateat
quidquid peractum, et quidquid reliquum sæculorum
est; quemadmodum me non latet cantantem illud can-
ticum, quid et quantum ejus abierit ab exordio, quid
et quantum restet ad finem. Sed absit ut tu conditor
universitatis, conditor animarum et corporum, absit
ut ita noveris omnia futura et præterita. Longe tu,
longe mirabilius, longeque secretius. Neque enim sic-
ut nota cantantis notumve canticum audientis, ex-
spectatione vocum futurarum et memoria præterita-
rum variatur affectus, sensusque distenditur; ita tibi
aliquid accidit incommutabiliter æterno, hoc est, vere
æterno Creatori mentium. Sicut ergo nosti in princi-
pio cælum et terram sine varietate notitiæ tuæ, ita
fecisti in principio cælum et terram sine distentione ¹,
actionis tuæ. Qui intelligit, confiteatur tibi; et qui
non intelligit, confiteatur tibi. O quam excelsus es, et
humiles corde sunt domus tua! Tus enim erigi elisos
(*Psal. CXLV, 8*), et non cadunt quorum celsitudo tu es.

¹ In vulgatis et aliquot Mss., sine distinctione; at in Mss.
pluribus et melioris notæ habetur, sine distentione: conse-
quentius porro ad illud quod præcedit: neque enim sicut
nota cantantis... variatur affectus sensusque distenditur.

LIBER DUODECIMUS.

sequitur interpretationem hujusce versiculi, *In principio fecit Deus cælum et terram*. Illic nomine *cæli* significatam
spiritualem vel intellectualem illam creaturam, quæ semper faciem Dei contemplatur; *terræ* autem vocabulo infor-
materiam, ex qua rerum corporearum species fuerunt posthac formatæ. Verum alias interpretandi rationes haud-
um improbandas esse; imo ex Scripturæ divinæ profunditate multiplicem posse erui sensum confitetur.

CAPUT PRIMUM.

Difficilis inquisitio veri.

ulta satagit cor meum, Domine, in hac inopia
reæ pulsatum verbis sanctæ Scripturæ tuæ: et
lerumque in sermone copiosa et egestas hu-
[intelligentiæ; quia plus loquitur inquisitio
inventio, et longior est petitio quam impetra-
operosior est manus pulsans quam sumens. Te-
promissum; quis corrumpet illud? Si Deus pro
quis contra nos (*Rom. VII, 31*)? Petite, et ac-
; quærite, et invenietis; pulsate, et aperietur vo-
nis enim qui petit accipit, et quærens invenit,

et pulsanti aperietur (*Matth. VII, 7, 8*). Promissa tua
sunt; et quis falli, timeat, cum promittit Veritas?

CAPUT II.

De duplici cælo et terra.

2. Confitetur altitudini tuæ humilitas linguæ meæ
quoniam tu fecisti cælum et terram; hoc cælum
quod video, terramque quam calco, unde est hæc
terra quam porto, tu fecisti. Sed ubi est cælum cæli,
Domine, de quo audivimus in voce Psalmi: *Cælum
cæli Domino; terram autem dedit filiis hominum* (*Psal.
CXIII, 16*)? Ubi est cælum quod non cernimus, cui
terra est hoc omne quod cernimus? Hoc enim totum
corporeum, non ubique totum ita accepit speciem

pulchram in novissimis, cujus ¹ fundus est terra nostra; sed ad illud cœlum cœli, etiam terræ nostræ cœlum terra est. Et hoc utrumque magnum corpus non absurde terra est, ad illud nescio quale cœlum quod Domino est, non filiis hominum.

CAPUT III.

Quid tenebræ super faciem abyssi.

3. Et nimirum hæc terra erat invisibilis et incomposita, et nescio quæ profunditas abyssi super quam non erat lux; quia nulla species erat illi; unde jussisti ut scriberetur, quod *tenebræ erant super abyssum* (Gen. 1, 2); quid aliud quam lucis absentia? Ubi enim lux esset, si esset, nisi superesset eminendo et illustrando? Ubi ergo lux nondum erat, quid erat adesse tenebras, nisi abesse lucem? Super itaque erant tenebræ, quia lux super aberat; sicut sonus ubi non est, silentium est. Et quid est esse ibi silentium, nisi sonum ibi non esse? Nonne tu, Domine, docuisti hanc animam quæ tibi confitetur? Nonne tu, Domine, docuisti me, quod priusquam istam informem materiam formares atque distingueres, non erat aliquid; non color, non figura, non corpus, non spiritus? Non tamen omnino nihil: erat quædam informitas sine ulla specie.

CAPUT IV.

Quid terra invisibilis et incomposita.

4. Quid ergo vocaretur, quod etiam sensu tardioribus utcumque insinuaretur, nisi usitato aliquo vocabulo? Quid autem in omnibus mundi partibus reperiri potest propinquius informati omnimodæ, quam terra et abyssus? Minus enim speciosa sunt, pro suo gradu infimo, quam cætera superiora perlucida et luculenta omnia. Cur ergo non accipiam informitatem materiæ, quam sine specie feceras, unde speciosum mundum faceres, ita commode hominibus intimatam, ut appellaretur *terra invisibilis et incomposita*?

CAPUT V.

Cur sic appellata videtur materia informis.

5. Ut cum in ea ² quærit cogitatio quid sensus attingat, et dicit sibi, Non est intelligibilis forma sicut vita, sicut justitia, quia materies est corporum; neque sensibilis, quoniam quod videatur et quod sentiatur in invisibili et incomposita non est: dum sibi hæc dicit humana cogitatio, conetur eam vel nosse ignorando, vel ignorare noscendo.

CAPUT VI.

Quid olim cum Manichæis senserit de materia informi, quid modo.

6. Ego vero, Domine, si totum confitear³ tibi ore meo et calamo meo, quidquid de ista materia docuisti me, cujus antea nomen audiens et non intelligens narrantibus mihi eis qui non intelligerent, eam cum speciebus innumeris et variis cogitabam; et ideo non eam cogitabam; fœdas et horribiles formas perturbatis ordinibusolve-

¹ Cui, juxta Er. Lugd. Ven. Lov. M.

² Ita in Mss. et concinnius quam si legas ut in vulgatis: *Et cum in ea.* — Somm., neque et neque ut amittens, sic: *cum in ea.* M.

³ In Mss. omnibus habetur, *si totum confitear*: cujus propositionis sensus ex istis completur verbis, *quis legentium canere durabit?*

bat animus, sed formastamen; et informe appellabam, non quod careret forma, sed quod talem haberet, ut, si appareret, insolitum et incongruum aversaretur sensus meus, et conturbaretur infirmitas hominis. Verum autem ⁴ illud quod cogitabam, non privatione omnis formæ, sed comparatione formosiorum erat informe: et suadebat vera ratio, ut omnis formæ qualescumque reliquias omnino detraherem, si vellem prorsus informe cogitare; et non poteram. Citius enim non esse censebam, quod omni forma privaretur, quam cogitabam quiddam inter formatum et nihil, nec ² formatum nec nihil, informe prope nihil. Et cessavit mens mea interrogare hinc spiritum meum plenum imaginibus formatorum corporum, et eas pro arbitrio mutantem atque variantem; et intendi in ipsa corpora, eorumque mutabilitatem altius inspexi, qua desinunt esse quod fuerant, et incipiunt esse quod non erant; eundemque transitum de forma in formam per informe quiddam fieri suspicatus sum, non per omnino nihil; sed nosse cupiebam, non suspicari. Et si totum tibi confiteatur vox et stilus meus, quidquid de ista quæstione enodasti mihi, quis legentium capere durabit? Nec ideo tamen cessabit cor meum dare tibi honorem et canticum laudis de iis quæ dictare non sufficit. Mutabilitas enim rerum mutabilium ipsa capax est formarum omnium in quas mutantur res mutabiles. Et hæc quid est? Numquid animus? numquid corpus? numquid species animi vel corporis? Si dici posset, Nihil aliquid, et, Est non est ³, hoc eam dicerem; et tamen jam utcumque erat, ut species caperet istas visibiles et compositas.

CAPUT VII.

Deus fecit de nihilo cœlum, id est Angelos; et terram, id est informem materiam.

7. Et unde utcumque erat, nisi esset abs te, a quo sunt omnia in quantumcumque sunt? Sed tanto a te longius, quanto dissimilius; neque enim locis. Itaque tu, Domine, qui non es alias aliud ⁴ et alias aliter, sed idipsum et idipsum et idipsum, Sanctus, Sanctus, Sanctus, Dominus Deus omnipotens (Isai. vi, 3): in Principio quod est de te, in Sapientia tua quæ nata est de substantia tua, fecisti aliquid et de nihilo. Fecisti enim cœlum et terram; non de te: nam esset æquale Unigenito tuo, ac per hoc et tibi; et nullo modo justum esset, ut æquale tibi esset, quod de te non esset. Et aliud præter te non erat unde faceres ea, Deus una Trinitas, et trina Unitas: et ideo de nihilo fecisti cœlum et terram, magnum quiddam et parvum quiddam; quoniam omnipotens et bonus es ad faciendam omnia bona, magnum cœlum et parvam terram. Tu eras, et aliud nihil unde fecisti cœlum et terram, duo quædam; unum prope te, alterum prope

¹ Mart. ex duobus Mss. *verumtamen*: sic etiam unus apud Rond. manuscriptus. M.

² Sequimur Mss. Benign. Theodoric., etc. Non pauci tamen Lov. et Arn. habent, *quiddam inter formam et nihil, nec*, etc. At Bad. Am. et Er. cum duobus Mss. sic ferunt: *quam cogitabam quiddam informe et nihil formatum, nec nihil. informe, prope nihil.*

³ Sic Mss. paucis exceptis. At Lov. cum antiquioribus editionibus, *nihil aliquid est, et non est, hoc eam dicerem.*

⁴ Editi, *alibi aliud.*

nihil : unum, quo superior tu esses ; alterum, quo inferius nihil esset.

CAPUT VIII.

Materia informis ex nihilo : ex hac omnia visibilia.

8. Sed illud cœlum cœli tibi, Domine ; terra autem quam dedisti filiis hominum (*Psal. cxiii, 15*) cernendam atque tangendam, non erat talis qualem nunc cernimus et tangimus. Invisibilis enim erat et incomposita, et abyssus erat super quam non erat lux ; aut ¹, *Tenebræ erant super abyssum* (*Gen. i, 2*), id est, magis quam in abisso. Ista quippe abyssus aquarum jam visibilibus etiam in profundis suis habet speciei suæ lucem utcumque sensibilem piscibus, et reptantibus in suo fundo animantibus : illud autem totum prope nihil erat, quoniam adhuc omnino informe erat ; jam tamen erat quod formari poterat. Tu enim, Domine, fecisti mundum de materia informi, quam fecisti de nulla re pene nullam rem, unde faceres magna quæ miramur filii hominum. Valde enim mirabile hoc cœlum corporeum, quod firmamentum inter aquam et aquam secundo die post conditionem lucis dixisti, *Fiat* ; et sic factum est (*Ibid., 6, 7*). Quod firmamentum vocasti cœlum ; sed cœlum terræ hujus et maris quæ fecisti tertio die, dando speciem visibilem informi materiæ quam fecisti ante omnem diem. Jam enim feceras et cœlum ante omnem diem, sed cœlum cœli hujus ; quia in principio feceras cœlum et terram. Terra autem ipsa quam feceras, informis materies erat, quia invisibilis erat et incomposita, et tenebræ super abyssum ² : de qua terra invisibili et incomposita, de qua informitate, de quo pene nihilo faceres hæc omnia quibus iste mutabilis mundus constat, et non constat, in quo ipsa mutabilitas apparet in qua sentiri et dinumerari possunt tempora ; quia rerum mutationibus fiunt tempora dum variantur et vertuntur species, quarum materies prædicta est terra invisibilis.

CAPUT IX.

Cur absque dierum mentione scriptum est Deum fecisse in principio cœlum et terram.

9. Ideoque Spiritus doctor famuli tui, cum te commemorat fecisse in principio cœlum et terram, tacet de temporibus, silet de diebus. Nimirum enim cœlum cœli quod in principio fecisti, creatura est aliqua intellectualis ; quanquam nequaquam tibi Trinitati coæterna, particeps tamen æternitatis tuæ, valde mutabilitatem suam præ dulcedine felicissimæ contemplationis tuæ cohibet, et sine ullo lapsu ex quo facta est inhærendo tibi, excedit omnem volubilem vicissitudinem temporum. Ista vero informitas, terra ³ invisibilis et incomposita, nec ipsa in diebus numerata est. Ubi enim nulla species, nullus ordo ; nec venit quidquam, nec præterit : et ubi hoc non fit ; non sunt atque dies, nec vicissitudo spatiorum temporalium.

¹ Ita in melioribus Mss. et Bad. Porro in aliis Edd., *sed tenebræ erant*.

² In prius vulgatis, *et tenebræ erant super abyssum*. Sed abest *erant* a Mss.

³ Lov. cum aliis Edd. *informitas terræ invisibilis*.

CAPUT X.

A Deo cupit edoceri.

10. O Veritas, lumen cordis mei, non tenebræ meæ loquantur mihi. Defluxi ad ista et obscuratus sum ; sed hinc etiam, hinc adamavi te. Erravi et recordatus sum tui. Audivi vocem tuam post me ut redirem, et vix audivi propter tumultus impacatorum ¹. Et nunc ecce redeo æstuans et anhelans ad fontem tuum. Nemo me prohibeat ; hunc bibam, et hinc vivam. Non ego vita mea sim ; male vixi ex me, mors mihi fui : in te revivisco ². Tu me alloquere, tu mihi sermocinare. Credidi Libris tuis, et verba eorum arcana valde.

CAPUT XI.

Quod a Deo didicerit.

11. Jam dixisti mihi, Domine, voce forti in aurem interiorem, quia tu æternus es, solus habens immortalitatem (*I Tim. vi, 16*) ; quoniam ex nulla specie motuve mutaris, nec temporibus variatur voluntas tua : quia non est immortalis voluntas, quæ alia et alia est. Hoc in conspectu tuo claret mihi, et magis magisque clarescat oro te, atque in ea manifestatione persistam sobrius sub alis tuis. Item dixisti mihi, Domine, voce forti in aurem interiorem, quod omnes naturas atque substantias quæ non sunt quod tu es, et tamen sunt, tu fecisti : et hoc solum a te non est quod non est, motusque voluntatis a te, qui es, ad id quod minus est ; quia talis motus delictum atque peccatum est : et quod nullius peccatum aut tibi nocet, aut perturbat ordinem imperii tui vel in primo vel in imo. Hoc in conspectu tuo claret mihi, et magis magisque clarescat, oro te, atque in ea manifestatione persistam sobrius sub alis tuis.

12. Item dixisti mihi voce forti in aurem interiorem, quod nec illa creatura tibi coæterna est, cujus voluntas ³ tu solus es, teque perseverantissima castitate hauriens mutabilitatem suam nunquam et nusquam exserit, et te sibi semper præsentem ad quem toto affectu se tenet, non habens quod expectet futurum, nec in præteritum trajiciens quod meminerit, nulla vice variatur, nec in tempora ulla distenditur. O beata, si qua ista est, inhærendo beatitudini tuæ ; beata sempiterno inhabitatore te, atque illustratore suo ! Nec invenio quid libentius appellandum existimem *Cœlum cœli Domino*, quam domum tuam, contemplantem delectationem tuam sine ullo defectu egrediendi in aliud ; mentem puram, concordissime unam stabilimento pacis sanctorum spirituum, civium civitatis tuæ in cœlestibus super ista cœlestia.

13. Unde intelligat anima cujus peregrinatio ⁴

¹ Lov. et Arn., *propter tumultus peccatorum*. Sed melius Bad. Am. et Er., *impacatorum*. Nam ita Mss. nullo fere excepto ; atque hoc nomine designati videntur Manichæi, Scripturarum sacrarum inimici.

² Sic habetur in prius Edd., *hunc bibam, et tunc vivam ; nam non ego vita mea. Si male vixi, ex me mors mihi fui, et in te revivisco*.

³ In Mss. Germ. Fossat. et aliis sex, *voluptas*.

⁴ Lov. et Arn. : *Unde intelligat anima quantum peregrinatione*. Prætulimus lectionem Bad. Am. et Er. quæ ex pluribus Mss. comprobatur, et hic apprimè convenit ; nam isthæc verba, *unde intelligat anima*, ad illa referuntur, *quam longe super omnia tempora sit æternus*.

longinqua facta est, si jam sitit tibi; si jam factæ sunt ei lacrymæ suæ panis, dum dicitur ei per singulos dies, Ubi est Deus tuus (*Psal.* xli, 3, 4, 11)? si jam petit a te unam et hanc requirit, ut inhabitet in domo tua per omnes dies vitæ suæ (*Psal.* xxvi, 4): (Et quæ vita ejus nisi tu? et qui dies tui nisi æternitas tua, sicut anni tui qui non deficiunt, quia idem ipse es [*Psal.* ci, 28])? hinc ergo intelligat anima quæ potest, quam longe super omnia tempora sis æternus; quando tua domus quæ peregrinata non est, quamvis non sit tibi coæterna, tamen indesinenter et indeficienter tibi cohærendo nullam patitur vicissitudinem temporum. Hoc in conspectu tuo claret mihi, et magis magisque clarescat, oro te, atque in hac manifestatione persistam sobrius sub alis tuis.

14. Ecce nescio quid informe in istis mutationibus rerum extremarum atque infirmarum. Et quis dicet mihi, nisi quisquis per inania cordis sui cum suis phantasmatibus vagatur et volvitur; quis nisi talis dicet mihi, quod diminuta atque consumpta omni specie, si sola remaneat informitas, per quam de specie in speciem res mutabatur et vertebatur, possit exhibere vices temporum? Omnino enim non potest, quia sine varietate motionum non sunt tempora: et nulla varietas, ubi nulla species.

CAPUT XII.

Creatura duplex carens tempore.

15. Quibus consideratis quantum donas, Deus meus, quantum me ad pulsandum excitas, quantumque pulsanti aperis; duo reperio quæ fecisti carentia temporibus, cum tibi neutrum coæternum sit. Unum, quod ita formatum est, ut sine ullo defectu contemplationis, sine ullo intervallo mutationis, quamvis mutabile tamen non mutatum, tua æternitate atque incommutabilitate perfruatur: alterum quod ita informe erat, ut ex qua forma, in quam formam vel motionis vel stationis mutaretur, quo tempore subderetur, non haberet. Sed hoc ut informe esset non reliquisti, quoniam fecisti ante omnem diem, in principio cælum et terram, hæc duo quæ dicebam. Terra autem invisibilis erat et incomposita, et tenebræ super abyssum. Quibus verbis insinuat informitas, ut gradatim excipiantur, qui omnimodam speciei privationem nec tamen ad nihil perventionem cogitare non possunt, unde fieret alterum cælum, et terra visibilis atque composita, et aqua speciosa, et quidquid deinceps in constitutione hujus mundi non sine diebus factum commemoratur; quia talia sunt ut in eis agantur vicissitudines temporum, propter ordinatas commutationes motionum atque formarum.

CAPUT XIII.

Cur sine dierum commemoratione dicit Scriptura, quod in principio fecit Deus cælum et terram.

16. Hoc interim sentio, Deus meus, cum audio loquentem Scripturam tuam, *In principio fecit Deus cælum et terram: terra autem erat invisibilis et incomposita, et tenebræ erant super abyssum* (*Gen.* i, 1), neque commemorantem quoto die feceris hæc. Sic interim sentio, propter illud cælum cæli, cælum in-

tellectuale, ubi est intellectus nosse simul, non ex parte, non in ænigmate, non per speculum; sed ex toto, in manifestatione¹, facie ad faciem (*I Cor.* viii, 12): non modo hoc, modo illud; sed quod dictum est, nosse simul sine ulla vicissitudine temporum: et propter invisibilem atque incompositam terram sine ulla vicissitudine temporum, quæ solet habere modo hoc et modo illud; quia ubi nulla species, nusquam est hoc et illud. Propter duo hæc primitus formatum et penitus informe; illud, cælum, sed cælum cæli; hoc vero, terram, sed terram invisibilem et incompositam: propter duo hæc interim sentio sine commemoratione dierum dicere Scripturam tuam, *In principio fecit Deus cælum et terram.* Statim quippe subiecit quam terram dixerit. Et quod secundo die commemoratur factum firmamentum, et vocatum cælum; insinuat de quo cælo prius sine diebus sermo locutus sit.

CAPUT XIV.

Scripturæ profunditas.

17. Mira profunditas eloquiorum tuorum, quorum ecce ante nos superficies blandiens parvulis: sed mira profunditas, Deus meus, mira profunditas! Horror est intendere in eam; horror honoris, et tremor amoris. Odi hostes ejus vehementer. O si occidas eos de gladio² bis acuto, et non sint hostes ejus! Sic enim amo eos occidi sibi ut vivant tibi. Ecce autem alii non reprehensores, sed laudatores libri Geneseos: Non, inquiunt, hoc voluit in his verbis intelligi Spiritus Dei, qui per Moysen famulum ejus ista conscripsit; non hoc voluit intelligi quod tu dicis, sed aliud quod nos dicimus. Quibus ego, te arbitro, Deus, omnium nostrorum³, ita respondeo.

CAPUT XV.

Quæ de Deo deque Angelis et informi materia sentit Augustinus, non possunt oblocutores negare.

18. Num dicetis falsa esse, quæ mihi veritas voce forti in aurem interiorem dicit de vera æternitate Creatoris, quod nequaquam ejus substantia per tempora varietur, nec ejus voluntas extra ejus substantiam sit? Unde non eum modo velle hoc, modo velle illud; sed semel et simul et semper velle omnia quæ vult; non iterum et iterum, neque nunc ista nunc illa, nec velle postea quod nolebat, aut nolle quod prius volebat: quia talis voluntas mutabilis est, et omne mutabile æternum non est; Deus autem noster æternus est. Item quod mihi dicit⁴ in aurem interiorem, expectatio rerum venturarum sit contuitus cum venerint; idemque contuitus sit memoria cum præterierint: omnis porro intentio quæ ita variatur, mutabilis est: et omne mutabile æternum non est: Deus autem noster æternus est. Hæc colligo atque conjungo, et invenio Deum meum, Deum æternum, non aliqua nova voluntate condidisse creaturam, nec scientiam ejus transitorium aliquid pati.

19. Quid ergo dicetis, contradictores? An falsa sunt ista? Non, inquiunt. Quid illud? num falsum est om-

¹ *In manifestata facie*, juxta Lov. M.

² *Somm. et Rond., eos gladio.* M.

³ *Sic Rond.: Te arbitro, Deus omnium nostrum.* M.

⁴ *Sic legendum juxta Mss. Angl. [dicitur].*

nem naturam formatam materiamve formabilem non esse, nisi ab illo qui summe bonus est, quia summe est? Neque hoc negamus, inquit. Quid igitur? an illud negatis, sublimem quamdam esse creaturam tam casto amore cohærentem Deo vero et vere æterno, ut quamvis ei coæterna non sit, in nullam tamen temporum varietatem et vicissitudinem ab illo se resolvat ac defluat, sed in ejus solius veracissima contemplatione requiescat? Quoniam tu, Deus, diligentem quantum præcipis, ostendis ei te et sufficis ei; et ideo non declinat a te, nec ad se. Hæc est domus Dei non terrena, neque ulla cœlesti mole corporea, sed spiritalis et particeps æternitatis tuæ, quia sine labe in æternum¹. Statuisti enim eam in sæculum et in sæculum sæculi; præceptum posuisti et non præteribit (*Psal.* cXLVIII, 6). Nec tamen tibi Deo coæterna, quoniam non sine initio: facta est enim.

20. Nam etsi non invenimus tempus ante illam, prior quippe omnium creata est sapientia (*Eccli.* 1, 4); nec utique illa Sapientia tibi, Deus noster, Patri suo plane coæterna et æqualis et per quam creata sunt omnia, et in quo Principio fecisti cælum et terram; sed profecto sapientia quæ creata est, intellectualis natura scilicet, quæ contemplatione luminis lumen est: dicitur enim et ipsa, quamvis creata, sapientia. Sed quantum interest inter lumen quod illuminat et quod illuminatur, tantum inter sapientiam quæ creat et istam quæ creata est; sicut inter justitiam justificantem, justitiam quæ justificatione facta est. Nam et nos dicti sumus justitia tua. Ait enim quidam servus tuus, ut nos simus justitia Dei in ipso (*II Cor.* v, 21). Ergo quia prior omnium creata est quædam sapientia quæ creata est, mens rationalis et intellectualis castæ civitatis tuæ, matris nostræ quæ sursum est, et libera est (*Galat.* iv, 26) et æterna in cœlis, (quibus cœlis, nisi qui te laudant cœli cœlorum (*Psal.* cXLVIII, 4); quia hoc est et cælum cœli Domino?); etsi non invenimus tempus ante illam, quia et creaturam temporis antecedit, quæ prior omnium creata est; ante illam tamen est ipsius creatoris æternitas, a quo facta sumpsit exordium, quamvis non temporis quia nondum erat tempus, ipsius tamen conditionis suæ.

21. Unde ita est abs te Deo nostro, ut aliud sit plane quam tu, et non idipsum. Quoniam etsi non solum ante illam, sed nec in illa invenimus tempus, quia est idonea faciem tuam semper videre nec uspiam deflectitur ab ea, quo fit ut nulla mutatione varietur; inest ei tamen ipsa mutabilitas unde tenebresceret et frigesceret, nisi amore grandi tibi cohærens tanquam semper meridies luceret et ferveret ex te. O domus luminosa et speciosa, dilexi decorem tuum, et locum habitationis gloriæ Domini mei fabricatoris et possessoris tui (*Psal.* xxv, 8)! Tibi suspiret peregrinatio mea; et dico ei qui fecit te, ut possideat et me in te, quia fecit et me. Erravi sicut ovis perdita (*Psal.* cxvii, 176); sed in humeris pastoris mei, structoris tui, spero me reportari tibi (*Luc.* xv, 5).

¹ Arn. cum Mss. quatuor, sine labe stat in æternum.

22. Quid dicitis mihi quos alloquebar, contradictores, qui tamen et Moysen pium famulum Dei, et libros ejus oracula sancti Spiritus creditis? Estne ista domus Dei, non quidem Deo coæterna, sed tamen secundum modum suum æterna in cœlis, ubi vices temporum frustra quæritis, quia non invenietis? supergreditur enim omnem distentionem, et omne spatium ætatis volubile, cui semper inhærere Deo bonum est (*Psal.* LXII, 28). Est inquit. Quid igitur ex iis quæ clamavit cor meum ad Deum meum, cum audiret interius vocem laudis ejus, quid tandem falsum esse contenditis? An quia erat informis materies, ubi propter nullam formam nullus ordo erat? Ubi autem nullus ordo erat, nulla esse vicissitudo temporum poterat; et tamen hoc pene nihil, in quantum non omnino nihil erat, ab illo utique erat a quo est quidquid est, quod utcumque aliquid est. Hoc quoque, aiunt, non negamus.

CAPUT XVI.

Rem habere non vult cum iis, qui contradicunt veritati divinæ.

23. Cum his enim volo coram te aliquid colloqui, Deus meus, qui hæc omnia, quæ intus in mente mea non tacet veritas tua, vera esse concedunt. Nam qui hæc negant, latent quantum volunt et obstrepant sibi; persuadere conabor ut quiescant, et viam præbeant ad se verbo tuo: quod si noluerint et repulerint me; obsecro, Deus meus, ne tu sileas a me (*Psal.* xxvii, 1). Tu loquere in corde meo veraciter; solus enim sic loqueris; et dimittam eos foris sufflantes in pulverem, et excitantes terram in oculos suos; et intrem in cubile meum, et cantem tibi amatoria, gemens inenarrabiles gemitus in peregrinatione mea, et recordans Jerusalem extento in eam sursum corde, Jerusalem patriam meam, Jerusalem matrem meam, teque super eam regnatorem, illustratorem, patrem, tutorem, maritum, castas et fortes delicias, et solidum gaudium, et omnia bona ineffabilia simul omnia; quia unum summum et verum bonum: et non avertar, donec in ejus pacem matris charissimæ, ubi sunt primitiæ spiritus mei, unde mihi ista certa sunt, colligas totum quod sum, a dispersione et deformitate hac, et conformes atque confirmes in æternum, Deus meus, misericordia mea. Cum his autem qui cuncta illa quæ vera sunt, falsa esse non dicunt, honorantes et in culmine sequendæ auctoritatis nobiscum constituentes illam per sanctum Moysen editam sanctam Scripturam tuam, et tamen nobis aliquid contradicunt, ita loquor: Tu esto, Deus noster, arbiter inter confessiones meas et contradictiones eorum.

CAPUT XVII.

Ut cœli et terræ nominibus aliud et aliud intelligi potest.

24. Dicunt enim: Quamvis vera sint hæc, non ea tamen duo Moyses intuebatur, cum spiritu revelante diceret: *In principio fecit Deus cælum et terram* (*Gen.* 1, 1). Non cœli nomine spiritualement vel intellectualem illam creaturam, semper faciem Dei contemplantem significavit; nec terræ nomine informem materiam. Quid igitur? Quod nos dicimus, inquit, hoc ille vir sensit, hoc verbis istis elocutus est. Quid est illud?

Nomine, aiunt, cœli et terræ, totum istum visibilem mundum prius universaliter et breviter significare voluit, ut postea digereret dierum enumeratione, quasi articulatum, universa quæ sancto Spiritui placuit sic enuntiare. Tales quippe homines erant rudis ille atque carnalis populus cui loquebatur, ut eis opera Dei non nisi solaabilia commendanda iudicaret. Terram vero invisibilem et incompositam, tenebrosamque abyssum, unde consequenter ostenditur per illos dies facta atque disposita esse cuncta istaabilia quæ nota sunt omnibus, non incongruenter informem istam materiam intelligendam esse consentiunt.

25. Quid si dicat alius, eandem informitatem, confusionemque materiæ; cœli et terræ nomine prius insinuatam, quod ex ea mundus iste visibilis cum omnibus naturis quæ in eo manifestissime apparent, qui cœli et terræ nomine sæpe appellari solet, conditus atque perfectus est? Quid si dicat et alius, cœlum et terram quidem invisibilem visibilemque naturam non indecenter appellatam; ac per hoc universam creaturam quam fecit in Sapientia, id est in Principio, Deus, huiusmodi duobus vocabulis esse comprehensam: verumtamen quia non de ipsa substantia Dei, sed ex nihilo cuncta facta sunt, quia non sunt id ipsum quod Deus, et inest quædam mutabilitas omnibus, sive maneant, sicut æterna domus Dei; sive mutantur, sicut anima hominis et corpus; communem omnium rerum invisibilium visibiliumque materiam adhuc informem, sed certe formabilem, unde fieret cœlum et terra, id est invisibilis atque visibilis iam utraque formata creatura, his nominibus enuntiatam, quibus appellaretur *Terra invisibilis et incomposita*, et, *Tenebræ super abyssum*: ea distinctione, ut *terra invisibilis et incomposita* intelligatur materies corporalis ante qualitatem formæ; *tenebræ autem super abyssum*, spiritualis materies ante cohibitionem quasi fluentis immoderationis et ante illuminationem Sapientiae?

26. Est adhuc quod dicat si quis alius velit, non scilicet iam perfectas atque formatas invisibiles visibilesque naturas, cœli et terræ nomine significaricum legitur, *In principio fecit Deus cœlum et terram*; sed ipsam adhuc informem inchoationem rerum formabilem creabilemque materiam his nominibus appellatam, quod in ea iam essent ista confusa nondum qualitibus formisque distincta, quæ nunc iam digesta suis ordinibus vocantur cœlum et terra; illa spiritualis, hæc corporalis creatura.

CAPUT XVIII.

Quis error innoxius in Scripturis.

27. Quibus omnibus auditis et consideratis, nolo verbis contendere; ad nihil enim utile est nisi ad subversionem audientium (II Tim. II, 14). Ad ædificationem autem bona est lex, si quis ea legitime utatur; quia finis ejus est charitas de corde puro, et conscientia bona, et fide non ficta (I Tim. I, 8, 5). Et novit magister noster in quibus duobus præceptis totam Legem Prophetasque suspenderit (Matth. XXII, 40). Quæ mihi ardentem confitenti, Deus meus, lumen ocu-

lorum meorum in occulto, quid mihi obest, cum diversa in his verbis intelligi possint, quæ tamen vera sint, quid, inquam, mihi, obest, si aliud ego sensero, quam sensit alius eum sensisse qui scripsit? Omnes quidem qui legimus, nitimur hoc indagare atque comprehendere, quod voluit ille quem legimus. Et cum eum veridicum credimus, nihil quod falsum esse vel novimus vel putamus, audemus eum existimare dixisse. Dum ergo quisque conatur id sentire in Scripturis sanctis, quod in eis sensit ille qui scripsit; quid mali est si hoc sentiat, quod tu, lux omnium veridicarum mentium, ostendis verum esse, etiamsi hoc non sensit ille quem legit; cum et ille verum, nec tamen hoc senserit?

CAPUT XIX.

Quæ liquido vera.

28. Verum est enim, Domine, fecisse te cœlum et terram; et verum est Principium esse Sapientiam tuam in qua fecisti omnia (Psal. CIII, 24). Item verum est, quod mundus iste visibilis habet magnas partes suas cœlum et terram, brevi complexione factarum omnium conditarumque naturarum. Et verum est, quod omne mutabile insinuat notitiæ nostræ quamdam informitatem, qua formam capit, vel qua mutatur et vertitur. Verum est, nulla tempora perpeti quod ita cohæret formæ incommutabili, ut quamvis sit mutabile, non mutetur. Verum est, informitatem, quæ prope nihil est, vices temporum habere non posse. Verum est, quod unde fit aliquid, potest quodam genere locutionis habere jam nomen ejus rei quæ inde fit; unde potuit vocari cœlum et terra quælibet informitas unde factum est cœlum et terra. Verum est, omnium formatorum nihil esse informi vicinius quam terram et abyssum. Verum est, quod non solum creatum atque formatum, sed etiam quidquid creabile atque formabile est, tu fecisti ex quo sunt omnia. Verum est, omne quod ex informi formatur, prius esse informe, deinde formatum.

CAPUT XX.

In principio creavit, etc., varie intellectum.

29. Ex his omnibus veris de quibus non dubitant quorum interiori oculo talia videre donasti, et qui Moysen famulum tuum in Spiritu veritatis locutam esse immobiliter credunt; ex his ergo omnibus aliud sibi tollit qui dicit: *In principio fecit Deus cœlum et terram*, id est, In Verbo suo sibi coæterno fecit Deus intelligibilem atque sensibilem, vel spiritualem corporalemque creaturam. Aliud qui dicit: *In principio fecit Deus cœlum et terram*, id est, In Verbo suo sibi coæterno fecit Deus universam istam molem corporei mundi hujus, cum omnibus quas continet manifestis notisque naturis. Aliud qui dicit: *In principio fecit Deus cœlum et terram*, id est, In Verbo suo sibi coæterno fecit Deus informem materiam creaturæ spiritualis et corporalis. Aliud qui dicit: *In principio fecit Deus cœlum et terram*, id est, In Verbo

¹ Lov., *proprie*.

suo sibi coæterno fecit Deus informem materiam creaturæ corporalis ubi confusum adhuc erat cælum et terra, quæ nunc jam distincta atque formata in istius mundi mole sentimus. Aliud qui dicit : *In principio fecit Deus cælum et terram*, id est, In ipso exordio faciendi atque operandi fecit Deus informem materiam confuse habentem cælum et terram, unde formata nunc eminent et apparent cum omnibus quæ in eis sunt.

CAPUT XXI.

Terra erat invisibilis, etc., varie intellectum.

30. Item quod attinet ad intellectum verborum sequentium, ex illis omnibus veris, aliud sibi tollit qui dicit : *Terra autem erat invisibilis et incomposita, et tenebræ erant super abyssum*, id est, Corporale ¹ illud quod fecit Deus, adhuc materies erat corporearum rerum informis, sine ordine, sine luce. Aliud qui dicit : *Terram autem erat invisibilis et incomposita, et tenebræ erant super abyssum*, id est, Hoc totum quod cælum et terra appellatum est, adhuc informis et tenebrosa materies erat, unde fieret cælum corporeum et terra corporea, cum omnibus quæ in eis sunt corporeis sensibus nota. Aliud qui dicit : *Terra autem erat invisibilis et incomposita, et tenebræ erant super abyssum*, id est, Hoc totum quod cælum et terra appellatum est, adhuc informis et tenebrosa materies erat, unde fieret cælum intelligibile quod alibi dicitur cælum cæli (*Psal. cxiii, 16*); et terra, scilicet omnis natura corporea, sub quo nomine intelligatur etiam hoc cælum corporeum; id est unde fieret omnis invisibilis visibilisque creatura. Aliud qui dicit : *Terra autem erat invisibilis et incomposita, et tenebræ erant super abyssum*; non illam informitatem nomine cæli et terræ Scriptura appellavit; sed jam erat, inquit, ipsa informitas quam terram invisibilem et incompositam tenebrosamque abyssum nominavit, de qua cælum et terram Deum fecisse prædixerat, spiritualem scilicet, corporalemque creaturam. Aliud qui dicit : *Terra autem erat invisibilis et incomposita, et tenebræ erant super abyssum*, id est, Informitas quædam jam materies erat, unde cælum et terram Deum fecisse Scriptura prædixit: totam scilicet corpoream mundi molem, in duas maximas partes, superiorem atque inferiorem distributam, cum omnibus quæ in eis sunt usitatis notisque creaturis.

CAPUT XXII.

Aliquid esse a Deo conditum, de quo sileat liber Genesis, nihil repugnat.

31. Cum enim duabus istis extremis sententiis resistere quisquam ita tentaverit: Si non vultis ² hanc informitatem materiæ cæli et terræ nomine appellatam videri, erat ergo aliquid quod non fecerat Deus, unde cælum et terram faceret; neque enim Scriptura narravit quod istam materiem Deus fecerit, nisi intel-

¹ Ita plures et potiores Mss. cum Arn.; at Bad. Am. Er. Somm. Blas. cum quinque Mss. habent, *id est, Incorporale*; Lov., *id est, corporabile*.

² Somm.: *Quisquam ita tentaverit, si non vult istam. Mart.: Si non vult hanc. M.*

ligamus ¹ eam cæli et terræ, aut solius terræ vocabulo significatam cum diceretur, *In principio fecit Deus cælum et terram*; ut id quod sequitur, *Terra autem erat invisibilis et incomposita*, quamvis informem materiam sic placuerit appellare, non tamen intelligamus nisi eam quam fecit Deus in eo quod præscriptum est, *fecit Deus cælum et terram*. Respondebunt assertores duarum istarum sententiarum quas extremas posuimus, aut illius, aut illius, cum hæc audierint, et dicent: Informem quidem istam materiam non negamus a Deo factam, Deo a quo sunt omnia bona valde: quia sicut dicimus amplius bonum esse quod creatum atque formatum est, ita fatemur minus bonum esse quod factum est creabile, atque formabile, sed tamen bonum: non autem commemorasse Scripturam, quod hanc informitatem fecerit Deus, sicut alia multa non commemoravit, ut Cherubim et Seraphim (*Isai. vi, 2; et xxxvii, 16*), et quæ Apostolus distincte ait, *Sedes, Dominationes, Principatus, Potestates* (*Coloss. i, 16*), quæ tamen omnia Deum fecisse manifestum est. Aut si in eo quod dictum est, *fecit cælum et terram*, comprehensa sunt omnia: quid de aquis dicimus, super quas ferebatur Spiritus Dei? Si enim, terra nominata, simul intelliguntur; quomodo jam terræ nomine materies informis accipitur, quando tam speciosas aquas videmus? Aut si ita accipitur; cur ex eadem informitate scriptum est, factum firmamentum et vocatum cælum, neque scriptum est factas esse aquas? Non enim adhuc informes sunt et invisæ, quas ita decora specie fluere cernimus. Aut si tunc acceperunt istam speciem cum dixit Deus, *Congregetur aqua quæ est sub firmamento* (*Gen. i, 9*), ut congregatio sit ipsa formatio; quid respondebitur de aquis quæ super firmamentum sunt? quia neque informes tam honorabilem sedem accipere meruissent, nec scriptum est qua voce formatæ sint. Unde si aliquid Genesis tacuit Deum fecisse, quod tamen Deum fecisse nec sana fides, nec certus ambigit intellectus; nec ideo ulla sobria doctrina dicere audebit istas aquas coæternas Deo, quia in libro Geneseos commemoratas quidem audivimus ², ubi autem facta sint non invenimus: cur non informem quoque illam materiem; quam Scriptura hæc terram invisibilem et incompositam, tenebrosamque abyssum appellat, docente veritate intelligamus a Deo factam esse de nihilo, ideoque illi non esse coæternam, quamvis ubi facta sit, omiserit enuntiare ista narratio?

CAPUT XXIII.

Duo dissensionum genera in Scripturis interpretandis.

32. His ergo auditis atque perspectis pro captu infirmitatis meæ, quam tibi confiteor scienti Deo meo, duo video dissensionum genera oboriri posse, cum aliquid a nuntiis veracibus per signa enuntiatum: unum si de veritate rerum, alterum si de ipsius qui enuntiat voluntate dissensio est. Aliter enim quærimus de creaturæ conditione quid verum sit; aliter autem

¹ In omnibus fere libris legitur, *nisi ut intelligamus*, librariorum lapsu, qui forte mutarunt *aut* in *ut*. Hanc porro particulam removimus juxta Arn. et Mss. Benignianum.

² *Audimus*, juxta Rond. cum 7 Mss. M.

quid in his verbis Moyses, egregius domesticus fidei tuæ, intelligere lectorem auditoremque voluerit. In illo primo genere discedant a me omnes, qui ea quæ falsa sunt, se scire arbitrantur. In hoc item altero discedant a me omnes qui ea quæ falsa sunt, Moysen dixisse arbitrantur. Conjungar autem illis, Domine, in te, et delecter cum eis, in te, qui veritate tua pascuntur in latitudine charitatis; et accedamus simul ad verba Libri tui, et quæramus in eis voluntatem tuam per voluntatem famuli tui, cujus calamo dispensasti ea.

CAPUT XXIV.

Ex multis veris non debet fidenter asserti hoc aut illud sensisse Moysen.

33. Sed quis nostrum sic invenit¹ eam inter tam multa vera², quæ in illis verbis aliter atque aliter intellectis occurrunt quærentibus; ut tam fidenter dicat hoc sensisse Moysen, atque hoc in illa narratione voluisse intelligi, quam fidenter dicit hoc verum esse, sive ille hoc senserit sive aliud? Ecce enim, Deus meus, ego servus tuus qui vovi tibi sacrificium confessionis in his litteris, et oro ut ex misericordia tua reddam tibi vota mea; ecce ego quoquam fidenter dico in tuo Verbo incommutabili omnia te fecisse, invisibilia et visibilia, numquid tam fidenter dico non aliud quam hoc attendisse Moysen cum scriberet: *In principio fecit Deus cælum et terram?* Quia non sicut in tua veritate hoc certum video, ita in ejus mente video id eum cogitasse cum hæc scriberet. Potuit enim cogitare in ipso faciendi exordio, cum diceret, *In principio*: potuit et cælum et terram hoc loco, nullam jam formatam perfectamque naturam sive spiritualem sive corporalem, sed utramque inchoatam et adhuc informem velle intelligi. Video quippe vere potuisse dici, quidquid horum diceretur; sed quid horum in his verbis ille cogitaverit, non ita video: quamvis sive aliquid horum, sive aliquid aliud quod a me commemoratum non est, tantus vir ille mente conspexerit, cum hæc verba promeret, verum eum vidisse apteque id enuntiasse non dubitem.

CAPUT XXV.

Adversus eos qui aliorum interpretandi rationem temere rejiciunt.

34. Nemo mihi jam molestus sit dicendo mihi: Non hoc sensit Moyses quod tu dicis; sed hoc sensit quod ego dico. Si enim mihi diceret: Unde scis hoc sensisse Moysen quod de his verbis ejus eloqueris? æquo animo ferre deberem et responderem fortasse quæ superius respondi, vel aliquanto uberius, si esset durior. Cum vero dicit: Non hoc ille sensit quod tu dicis, sed quod dico; neque tamen negat, quod uterque nostrum dicit, utrumque verum esse: o vita pauperum Deus meus, in cujus sinu non est contradictio, plue mihi mitigationes in cor, ut patienter tales feram qui non mihi hoc dicunt, quia divini sunt, et in corde famuli tui viderunt quod dicunt; sed quia superbi sunt: nec noverunt Moysi sententiam, sed amant suam; non quia vera est, sed quia sua est. Alioquin

¹ *Inveniet*, juxta Lov., Somm. et Rond. cum 9 Mss. M.

² *Verba*, juxta Lov. Somm. M.

et aliam veram pariter amarent, sicut ego amo quod dicunt, quando verum dicunt; non quia ipsorum est, sed quia verum est; et ideo jam nec ipsorum est, quia verum est. Si autem ideo ament illud quia verum est, jam et ipsorum est et meum est; quoniam in commune omnium est veritatis amatorum. Illud autem quod contendunt non hoc sensisse Moysen quod ego dico, sed quod ipsi dicunt; nolo, non amo: quia etiam ita est, tamen ita temeritas non scientiæ sed audaciæ est; nec visus, sed typhus eam peperit. Ideoque. Domine, tremenda sunt judicia tua; quoniam veritas tua nec mea est, nec illius aut illius, sed omnium nostrum quos ad ejus communionem publice vocas, terribiliter admonens nos, ut nolimus eam habere privatam, ne privemur ea. Nam quisquis id quod tu omnibus ad fruendum proponis, sibi proprie vindicat, et suum vult esse quod omnium est; a communi propellitur ad sua, hoc est, a veritate ad mendacium. Qui enim loquitur mendacium, de suo loquitur (*Joan. viii, 44*).

35. Attende, judex optime, Deus ipsa veritas, attende quid dicam contradictori huic, attende; coram te enim dico, et coram fratribus meis, qui legitime utuntur Lege usque ad finem charitatis (*I Tim. i, 8*); attende, et vide quid ei dicam, si placet tibi. Hanc enim vocem huic refero fraternam et pacificam: Si ambo videmus verum esse quod dicis, et ambo videmus verum esse quod dico; ubi, quæso, id videmus? Nec ego utique in te, nec tu in me; sed ambo in ipsa, quæ supra mentes nostras est, incommutabili Veritate. Cum ergo de ipsa Domini Dei nostri luce non contendamus; cur de proximi cogitatione contendimus, quam sic videre non possumus ut videtur incommutabilis Veritas; quando si ipse Moyses apparuisset nobis atque dixisset, Hoc cogitavi; nec sic eam videremus, sed crederemus? Non itaque supra quam scriptum est, unus pro altero infletur adversus alterum (*I Cor. iv, 6*). Diligamus Dominum Deum nostrum ex toto corde, et ex tota anima, et ex tota mente nostra, et proximum nostrum sicut nosmetipsos (*Deut. vi, 5; Matth. xxii, 37*). Propter quæ duo præcepta charitatis sensisse Moysen, quidquid in illis Libris sensit, nisi crediderimus; mendacem faciemus Dominum, cum de animo conservaliter quam ille docuit opinamur. Jam vide quam stultum sit in tanta copia verissimarum sententiarum, quæ de illis verbis erui possunt temere affirmare, quam eorum Moyses potissimum senserit; et perniciosis contentionibus ipsam offendere charitatem, propter quam dixit omnia, cujus dicta conamur exponere.

CAPUT XXVI.

Qui sermo deceat Scripturam.

36. Et tamen ego, Deus meus celsitudo humilitatis meæ, et requies laboris mei, qui audis confessiones meas, et dimittis peccata mea; quoniam tu mihi præcipis ut diligam proximum meum sicut meipsum, non possum minus credere de Moyse fidelissimo famulo tuo, quam mihi optarem ac desiderarem abs te dari muneris, si tempore illo natus essem quo ille, eoque loco me constituisses, ut per servitutem cordis ac linguæ meæ, Litteræ illæ dispensarentur, quæ tanto

post essent omnibus gentibus profuturæ, et per univ-
ersum orbem tanto auctoritatis culmine omnium
falsarum superbarumque doctrinarum verba supera-
turæ. Vellem quippe, si tunc ego essem Moyses (ex
eadem namque massa omnes venimus; et quid est
homo, nisi quia memor es ejus? [Psal. viii, 5]), vellem
ergo, si tunc ego essem quod ille, et mihi abs te Ge-
neseos liber scribendus injungeretur, talem mihi elo-
quendi facultatem dari, et eum texendi sermonis mo-
dum, ut neque illi qui nondum queunt intelligere
quemadmodum Deus creat, tanquam excedentia vires
suas dicta recusarent; et illi qui hoc jam possunt, in
quamlibet veram sententiam cogitando venissent, eam
non prætermissam in paucis verbis tui famuli reperi-
rent; et si alius aliam vidisset in luce veritatis, nec
ipsa in eisdem verbis intelligenda deesset.

CAPUT XXVII.

Scripturam decet humile simplexque verborum genus.

37. Sicut enim fons in parvo loco uberior est, plu-
ribusque rivis in ampliora spatia fluxum ministrat,
quam quilibet eorum rivorum, qui per multa locorum
ab eodem fonte deducitur; ita narratio dispensatoris
tui sermocinaturis pluribus profutura, parvo sermo-
nis modulo scatet fluentia liquidæ veritatis: unde sibi
quisque verum quod de his rebus potest, hic illud, ille
illud, per longiores loquelarum anfractus trahat. Alii
enim cum hæc verba legunt vel audiunt; cogitant
Deum quasi hominem, aut quasi aliquam molem im-
mensa præditam potestate, novo quodam et repen-
tino placito, extra seipsam tanquam locis distantibus
fecisse cælum et terram, duo magna corpora supra
et infra, quibus omnia containerentur. Et cum audiunt,
Dixit Deus, Fiat illud, et factum est illud; cogitant
verba cœpta et finita, sonantia temporibus atque
transeuntia, post quorum transitum statim existeret¹
quod jussum est ut existeret: et si quid forte aliud
hoc modo ex familiaritate carnis opinantur. In quibus
adhuc parvulis animalibus, dum isto humillimo ge-
nere verborum tanquam materno sinu eorum gestatur
infirmas, salubriter ædificatur fides, qua certum ha-
beant et teneant Deum fecisse omnes naturas, quas
eorum sensus mirabili varietate circumspicit. Quorum
si quispiam quasi vilitatem dictorum aspernatus, ex-
tra nutritorias cunas superba imbecillitate se exten-
derit, heu! cadet miser. Et, Domine Deus, miserere,
ne implumem pullum conculcent qui transeunt viam;
et mitte angelum tuum, qui eum reponat in nido, ut
vivat donec volêt.

CAPUT XXVIII.

Ut varie intelligitur ab eruditis Scriptura.

38. Alii vero quibus hæc verba non jam nidus, sed
opaca fruteta sunt, vident in eis latentes fructus, et
volitant lætantes, et grrriunt scrutantes, et carpunt
eos. Vident enim, cum hæc verba legunt vel audiunt,
tua, Deus, æterna et stabili permansione cuncta præ-
terita et futura tempora superari; nec tamen quidquam
esse temporalis creaturæ, quod tu non feceris: cujus

¹ In B., *existere*; Somm. Lov. Arn. Dub. Mart. cum 4
Mss. et Rondet cum 6 Mss., *existeret*. M.

voluntas quia id est quod tu, nullo modo mutata, vel
quæ antea non fuisset, exorta voluntate fecisti omnia:
non de te similitudinem tuam formam omnium; sed
de nihilo dissimilitudinem informem, quæ formaretur
per similitudinem tuam, recurrens in te unum pro
captu ordinato, quantum cuique rerum in suo genere
datum est, et fierent omnia bona valde, sive maneat
circa te, sive gradatim remotiori distantia per tem-
pora et locos pulchras variationes¹ faciant aut patian-
tur. Vident hæc, et gaudent in luce veritatis tuæ,
quantulum hic valent.

39. Et alius eorum intendit in id quod dictum est,
In principio fecit Deus, et respicit Sapientiam Princi-
pium, quia et loquitur ipsa nobis. Alius itidem inten-
dit in eadem verba, et principium intelligit exordium
rerum conditarum; et sic accipit, *In principio fecit*
ac si diceretur, *Primo fecit*. Atque in eis qui intelli-
gunt, *In principio*, quod in Sapientia fecisti cælum et
terram: alius eorum ipsum cælum et terram, creabi-
lem materiam cœli et terræ sic esse credit cognomi-
natam: alius jam formatas distinctasque naturas:
alius unam formatam, eandemque spiritualem cœli
nomine; aliam informem corporalis materiæ, terræ
nomine. Qui autem intelligunt in nominibus cœli et
terræ, adhuc informem materiem, de qua formaretur
cælum et terra, nec ipsi uno modo id intelligunt: sed
alius unde consummaretur intelligibilis sensibilisque
creatura; alius tantum unde sensibilis moles ista cor-
porea, sinu grandi continens perspicuas promptasque
naturas. Nec illi uno modo qui jam dispositas dige-
stasque creaturas cælum et terram vocari hoc loco
credunt; sed alius invisibilem atque visibilem: alius
solam visibilem in qua luminosum cælum suspicimus,
et terram caliginosam, quæque in eis sunt.

CAPUT XXIX.

Quot modis dicitur aliquid prius.

40. At ille qui non aliter accipit. *In principio fecit*,
quam si diceretur, *Primo fecit*; non habet quomodo
veraciter intelligat, cælum et terram, nisi materiam
cœli et terræ intelligat, videlicet universæ, id est in-
telligibilis corporalisque creaturæ. Si enim jam for-
matam velit universam, recte ab eo quæri poterit, Si
hoc primo fecit Deus, quid fecerit deinceps: et post
universitatem non inveniet; ac per hoc audiet invi-
tus, Quomodo illud primo, si postea nihil? Cum vero
dicit primo informem, deinde formatam, non est ab-
surdus; si modo est idoneus discernere, quid præce-
dat æternitate, quid tempore, quid electione, quid
origine. Æternitate, sicut Deus omnia; tempore,
sicut flos fructum; electione, sicut fructus florem;
origine, sicut sonus cantum. In his quatuor primum
et ultimum quæ commemoravi, difficillime intelligun-
tur; duo media facillime. Namque rara visio est et
nimis ardua conspiceri, Domine, æternitatem tuam
incommutabiliter mutabilia facientem, ac per hoc

¹ Ita Lov.; sed alii libri Edd. et scripti habent, *narratio-
nes*, excepto Mss. Benign., qui pro ea voce substituit,
rationes.

priorem. Quis deinde sic acutum¹ cernat animo, ut sine labore magno dignoscere valeat, quomodo sit prior sonus, quam cantus, ideo quia cantus est formatus sensus, et esse utique aliquid non formatum potest, formari autem quod non est, non potest? Sic est prior materies, quam id quod ex ea fit: non ideo prior quia ipsa efficit, cum potius fiat; nec prior intervallo temporis. Neque enim priore tempore sonos edimus informes sine cantu, et eos posteriore tempore in formam cantici coaptamus aut fingimus, sicut lingua quibus arca, vel argentum quo vasculum fabricatur. Tales quippe materię tempore etiam præcedunt formas rerum quę fiunt ex eis: at in cantu non ita est. Cum enim cantatur, auditur sonus ejus; non prius informiter sonat, et deinde formatur in cantum. Quod enim primo utcumque sonuerit, præterit; nec ex eo quidquam reperies quod resumptum arte componas: et ideo cantus in sono suo vertitur; qui sonus ejus, materies ejus est. Idem quippe formatur ut cantus sit; et ideo sicut dicebam, prior materies sonandi quam forma cantandi: non per faciendi potentiam prior²; neque enim sonus est cantandi artifex, sed cantanti animę subjacet ex corpore, de quo cantum faciat. Nec tempore prior; simul enim cum cantu editur. Nec prior electione; non enim potior sonus quam cantus, quandoquidem cantus est non tantum sonus, verum etiam sonus speciosus. Sed prior est origine; quia non cantus formatur ut sonus sit, sed sonus formatur ut cantus sit. Hoc exemplo qui potest intelligat materiam rerum primo factam et appellatam cælum et terram, quia inde facta sunt cælum et terra: nec tempore primo factam; quia formę rerum exserunt tempora, illa autem erat informis; jamque in temporibus simul animadvertitur, nec tamen de illa narrari³ aliquid potest, nisi velut tempore prior sit; cum pendatur extremior, quia profecto meliora sunt formata quam informia, et præcedatur⁴ æternitate creatoris, ut esset de nihilo, unde aliquid fieret.

CAPUT XXX.

Tractatores Scripturę diversa sentientes concordent invicem charitate et studio veritatis.

41. In hac diversitate sententiarum verarum concordiam pariat ipsa Veritas; et Deus noster misereatur nostri, ut legitime Lege utamur, præcepti fine, pura charitate: ac per hoc si quis quærit ex me, quid horum Moyses ille tuus famulus senserit, non sunt hi sermones confessionum mearum. Si tibi non confiteor nescio; et scio tamen illas veras esse sententias, exceptis carnalibus de quibus quantum existimavi locutus sum: quos tamen bonę spei parvulos hæc verba Libri tui non territant, alta humiliter, et pauca co-

¹ Sic acuto cernat animo, juxta Somm. Rond. cum 4 Mss. et 5 Mss. apud Mart. M.

² Edd., *perficiendi potentia prior*: refragantibus Mss. quorum lectionem amplectimur.

³ Legendum videtur, *variari*: vult enim Augustinus quod, sicut sonus origine præcedit cantum qui eo formatur, ita materia velut tempore, id est origine præcedere debet, ut aliquid de illa *variari* possit.

⁴ Sic Mss. et Arn.; at Bad. habet, *præcedantur*; alii editi, *præcedunt*.

piose. Sed omnes quos in eis verbis vera cernere a dicere, fateor, diligamus nos invicem, pariterque diligamus te Deum nostrum fontem veritatis, si non vana, sed ipsam sitimus; eundemque famulum tuam Scripturę hujus dispensatorem, Spiritu tuo plenam ita honoremus, ut hoc eum te revelante cum hæc scriberet attendisse credamus, quod in eis maxime et luce veritatis, et fruge utilitatis excellit.

CAPUT XXXI.

Sensisse putandus est Moyses quidquid veri potest in ipsius verbis inveniri.

42. Ita cum alius dixerit, Hoc sensit quod ego; et alius, Imo illud quod ego; religiosius me arbitror dicere, Cur non utrumque potius, si utrumque verum est? Et si quid tertium, et si quid quartum, et si quid omnino aliud verum quispiam in his verbis videt; cur non illa omnia vidisse credatur, per quem unus Deus sacras Litteras vera et diversa visuris multorum sensibus temperavit? Ego certe, quod interpidus de corde meo pronuntio, si ad culmen auctoritatis aliquid scriberem; sic mallet scribere, ut quod veri quisque de his rebus capere posset, mea verba resonarent, quam ut unam veram sententiam ad hoc apertius ponerem, ut excluderem cæteras, quarum falsitas me non posset offendere. Nolo itaque, Deus meus, tam præceptum esse, ut hoc illum virum de te meruisse non credam. Sensit ille omnino in his verbis, atque cogitavit cum ea scriberet, quidquid hic veri potuimus invenire, et quidquid nos non potuimus, aut nondum possumus, et tamen in eis inveniri potest.

CAPUT XXXII.

Veri Scripturę sensus a Spiritu sancto revelantur.

43. Postremo, Domine qui Deus es, et non caro et sanguis; si quid homo minus videt, numquid et Spiritum tuum bonum qui deducet me in terram rectam (Psal. cxlii, 10), latere potuit, quidquid eras in eis verbis tu ipse revelaturus legentibus posteris, etiamsi ille per quem dicta sunt, unam fortassis ex multis veris sententiam cogitavit? Quod si ita est, sit igitur illa quam cogitavit cæteris excelsior¹. Nobis autem, Domine, aut ipsam demonstra, aut quam placet alteram veram; ut sive nobis hoc quod etiam illi homini tuo, sive aliud ex eorundem verborum occasione patefacias, tu tamen pascas, non error illudat. Ecce, Domine Deus meus, quam multa de paucis verbis, quam multa, oro te, scripsimus? Quę nostrę vires, quę tempora omnibus Libris tuis ad istum modum sufficient²? Sine itaque me brevius in eis confiteri tibi, et eligere unum aliquid quod tu inspiraveris verum, certum et bonum, etiamsi multa occurrerint, ubi multa occurrere poterunt; ea fide confessionis meę, ut si hoc dixero quod sensit minister tuus, recte atque optime; id enim conari me oportet: quod si assecutus non fuero, id tamen dicam quod mihi per ejus verba Veritas tua dicere voluerit quę illi quoque dixit quod voluit.

¹ *Excellentior*, juxta complures editos. M.

² *Sufficient*, juxta Somm. Arn. et Mart. cum 4 Mss. M.

LIBER DECIMUS TERTIUS.

Dei bonitatem in rerum productione ac perfectione relucere; tum etiam Deum Trinitatem, ipsiusque proprietatem Spiritus sancti primis Geneseos verbis insinuari ostendit. Postmodum vero totam conditi mundi historiam allegorica interpretatione transfert ad ea quæ Deus in Ecclesia ad hominum sanctitatem et gloriam operatur.

CAPUT PRIMUM.

Invocat Deum, cujus bonitate se præventum agnoscit.

1. Invoco te, Deus meus, misericordia mea, qui fecisti me, et oblitum tui oblitus non es. Invoco te in animam meam, quam præparas ad capiendum te ex desiderio quod inspiras ei: nunc invocantem te ne deseras, qui priusquam invocarem prævenisti et institisti crebrescens multimodis vocibus, ut audirem de longinquo et converterer, et vocantem me invocarem te. Tu enim, Domine, delevisti omnia mala merita mea, ne retribueres manibus meis in quibus a te defeci; et prævenisti omnia bona merita mea, ut retribueres manibus tuis quibus me fecisti: quia et priusquam essem, tu eras; nec eram cui præstares ut essem; et tamen ecce sum ex bonitate tua præveniente totum hoc quod me fecisti, et unde me fecisti. Neque enim eguisti me, aut ego tale bonum sum quo tu adjuveris, Domine meus et Deus meus; non ut tibi sic serviam quasi ne fatigeris in agendo, aut ne minor sit potestas tua carens obsequio meo; neque ut sic te colam quasi terram, ut sis incultus si non te colam; sed ut serviam tibi et colam te, ut de te mihi bene sit, a quo mihi est ut sim cui bene sit.

CAPUT II.

Creaturæ ex Dei bonitate subsistunt et perficiuntur.

2. Ex plenitudine quippe bonitatis tuæ creatura tua subsistit, ut bonum quod tibi nihil prodesset, nec de te æquale tibi esset, tamen quia ex te fieri potuit, non deesset. Quid enim te promeruit cælum et terra, quæ fecisti in principio? Dicant quid te promeruerunt spiritualis corporalisque natura¹, quas fecisti in Sapientia tua, ut inde penderent etiam inchoata et informia quæque in genere suo, vel spirituali vel corporali, euntia in immoderationem, et in longinquam dissimilitudinem tuam; spirituale informe præstantius, quam si formatum corpus esset; corporale informe præstantius, quam si omnino nihil esset: atque ita penderent in tuo Verbo informia, nisi per idem Verbum revocarentur ad unitatem tuam, et formarentur, et essent ab uno te summo bono universa bona valde. Quid te promeruerant² ut essent saltem informia, quæ neque hoc essent, nisi ex te?

3. Quid te promeruit materies corporalis, ut esset saltem invisibilis et incomposita (Gen. 1, 1)? quia neque hoc esset, nisi quia fecisti eam; ideoque te, quia non erat, promereri ut esset non poterat. Aut quid te promeruit inchoatio creaturæ spiritualis, ut saltem tene-

brosa fluitaret similis abyssu, tui dissimilis, nisi per idem Verbum converteretur ad idem a quo facta est, atque ab eo illuminata lux fieret, quamvis non æqualiter, tamen conformis formæ æquali tibi? Sicut enim corpori non hoc est esse quod pulchrum esse, alioquin deforme esse non posset: ita etiam creato spiritui non id est vivere, quod sapienter vivere; alioquin incommutabiliter saperet. Bonum autem illi est hæere tibi semper, ne quod adeptus est conversione, aversione lumen amittat, et relabatur in vitam tenebræ abyssu similem. Nam et nos qui secundum animam creatura spiritualis sumus, aversi a te nostro lumine, in ea vita fuimus aliquando tenebræ (Ephes. v, 8), et in reliquiis obscuritatis nostræ laboramus, donec simus justitia tua in Unico tuo sicut montes Dei: nam judicia tua fuimus, sicut abyssus multa (Psal. xxxv, 7).

CAPUT III.

Ex Dei gratia omnia.

4. Quod autem in primis conditionibus dixisti. *Fiat lux, et facta est lux* (Gen. 1, 3); non incongruenter hoc intelligo in creatura spirituali; quia erat jam qualicumque vita quam illuminares. Sed sicut non te promeruerat, ut esset talis vita quæ illuminari posset; ita nec cum jam esset, promeruit te ut illuminaretur. Neque enim ejus informitas placeret tibi, si non lux fieret, non existendo, sed intuendo illuminantem lucem eique cohærendo; ut et quod utcumque vivit, et quod beate vivit, non deberet nisi gratiæ tuæ, conversa per commutationem meliorem ad id quod neque in melius neque in deterius mutari potest; quod tu solus es, quia solus simpliciter es, cui non est aliud vivere, aliud beate vivere, quia tua beatitudo tu es.

CAPUT IV.

Deus non eget rebus conditis.

5. Quid ergo tibi deesset ad bonum quod tu tibi es, etiamsi ista vel omnino nulla essent, vel informia remanerent, quæ non ex indigentia fecisti, sed ex plenitudine bonitatis tuæ cohibens atque convertens ad formam, non ut tanquam tuum gaudium compleatur ex eis? Perfecto enim tibi displicet eorum imperfectio, ut ex te perficiantur et tibi placeant; non autem imperfecto, tanquam et tu eorum perfectione perficiendus sis. Spiritus enim tuus bonus *superferebatur super aquas* (Ibid., 2); non ferebatur ab eis tanquam in eis requiesceret. In quibus enim requiescere dicitur Spiritus tuus bonus (Isai. xi, 2), hos in se requiescere facit. Sed *superferebatur* incorruptibilis et incommutabilis voluntas tua, ipsa in se sibi sufficiens, super eam quam feceras vitam; cui non est hoc vivere quod beate vivere, quia vivit etiam fluitans in obscuritate sua; cui

¹ Spirituales corporalesque naturæ, juxta Somm. et 5 Mes. apud Mart. M.

² Promeruerunt, juxta Somm. Dub. Mart. et Rond. cum 4 Mes. M.

restat converti ad eum a quo facta est, et magis magisque vivere apud fontem vitæ, et in lumine ejus videre lumen (*Psal.* xxxv, 10). et perfici, et illustrari, et beari.

CAPUT V.

Trinitas qui Deus est ex primis verbis Geneseos intelligitur.

6. Ecce apparet mihi in ænigmate Trinitas, quod es Deus meus; quoniam tu, Pater, in Principio sapientiæ nostræ¹ quod est tua Sapientia de te nata, æqualis tibi et coæterna, id est in Filio tuo, fecisti cælum et terram. Et multa diximus de cælo cæli, et de terra invisibili et incomposita, et de abyssu tenebrosa, secundum spiritualis informitatis vagabunda deliquia, nisi converteretur ad eum a quo erat qualiscumque vita, et illuminatione fieret speciosa vita, et esset cælum cæli ejus, quod inter aquam et aquam postea factum est; et tenebam jam Patrem in Dei nomine, qui fecit hæc, et Filium in Principii nomine in quo fecit hæc; et Trinitatem credens Deum meum, sicuti credebam, quærebam in eloquiis sanctis ejus, et ecce Spiritus tuus superferebatur super aquas. Ecce Trinitas Deus meus, Pater et Filius et Spiritus, sanctus creator universæ creaturæ.

CAPUT VI.

Cur dictus est Spiritus superferri super aquas.

7. Sed quæ causa fuerat, o lumen veridicum! tibi admoveo cor meum; ne me vana doceat, discute tenebras ejus, et dic mihi, obsecro te per matrem charitatem; obsecro te, dic mihi quæ causa fuerat, ut post nominatum cælum, et terram invisibilem et incompositam, et tenebras super abyssum, tum demum Scriptura tua nominaret Spiritum tuum? An quia oportebat sic eum insinuari, ut diceretur superferri; et non posset hoc dici, nisi prius illud commemoraretur cui superferri Spiritus tuus posset intelligi? Nec Patri enim nec Filio superferebatur; nec superferri recte diceretur, si nulli rei superferretur. Prius ergo dicendum erat cui superferretur, et deinde ille quem non oportebat aliter commemorari, nisi ut superferri diceretur. Cur ergo aliter eum insinuari non oportebat, nisi ut superferri diceretur?

CAPUT VII.

Effectus Spiritus sancti.

8. Jam hinc sequatur qui potest intellectu Apostolum tuum dicentem, quia *charitas tua diffusa est in cordibus nostris per Spiritum sanctum, qui datus est nobis* (*Rom.* v, 5); et de spiritualibus docentem et demonstrantem supereminentem viam charitatis, et flectentem genua pro nobis ad te, ut cognoscamus supereminentem scientiam charitatis Christi (*Ephes.* iii, 14-19). Ideoque ab initio supereminens superferebatur super aquas. Cui dicam? quomodo dicam de pondere cupiditatis in abruptam abyssum, et de sublevatione charitatis per Spiritum tuum, qui superferebatur super aquas? Cui dicam? quomodo dicam: Mergimur et emergimus²? Neque enim loca sunt quibus mergimur et emergimus. Quid similis et quid dissimilis? Af-

¹ Insignem huncce locum redintegrant Ms. Mutilus quippe in excusis erat, detractis verbis istis, *sapientiæ nostræ*.

² Mss. non habent hoc loco, *mergimur et emergimus*. — Desunt eadem voces apud Somm. et Flor. M.

fectus sunt, amores sunt; immunditia spiritus nostri defluens inferius amore curarum, et sanctitas tui atollens nos superius amore securitatis, ut sursum cor habeamus ad te, ubi Spiritus tuus superfertur super aquas, et veniamus ad supereminentem requiem, cum pertransierit anima nostra aquas quæ sunt sine substantia (*Psal.* cxxiii, 5).

CAPUT VIII.

Intellectuali creaturæ ad beatam requiem non sufficit quidquid Deo minus est.

9. Defluxit angelus, defluxit anima hominis, et indicaverunt abyssum universæ spiritualis¹ creaturæ in profundo tenebroso, nisi dixisses ab initio, *Fiat lux*, et facta esset lux, et inhæreret tibi omnis obediens intelligentia cælestis civitatis tuæ, et requiesceret in Spiritu tuo, qui superfertur incommutabiliter super omne mutabile. Alioquin et ipsum cælum cæli tenebrosa abyssus esset in se; nunc autem lux est in Domino. Nam et in ipsa misera inquietudine defluentium spirituum et indicantium tenebras suas nudatis veste luminis tui, satis ostendis quam magnam creaturam rationalem feceris, cui nullo modo sufficit ad beatam requiem quidquid te minus est, ac per hoc nec ipsa sibi. Tu enim, Deus noster, illuminabis tenebras nostras (*Psal.* xvii, 29); ex te oriuntur vestimenta nostra, et tenebræ nostræ sicut meridies erant (*Psal.* cxxxviii, 12). Da mihi te, Deus meus, redde te mihi: te enim amo²; et si parum est, amem validius. Non possum metiri ut sciam quantum desit mihi amoris ad id quod sat est, ut currat vita mea in amplexus tuos, nec avertatur donec abscondatur³ in abscondito vultus tui (*Psal.* xxx, 21). Hoc tantum scio, quia male mihi est præter te, non solum extrinsecus, sed et in meipso; et omnis mihi copia Dei meus non est, egestas est.

CAPUT IX.

Cur solus spiritus sanctus superferebatur super aquas.

10. Numquid aut Pater aut Filius non superferebatur super aquas? Si tanquam loco sicut corpus, nec Spiritus sanctus: si autem incommutabilis divinitatis eminentia super omne mutabile, et Pater et Filius et Spiritus sanctus superferebatur super aquas. Cur ergo tantum de Spiritu tuo dictum est hoc? cur de illo tantum dictum est? Quasi locus ibi esset, qui non est locus, de quo solo dictum est quod sit donum tuum. In dono tuo requiescimus; ibi te fruimur. Requies nostra, locus noster. Amor illuc attollit nos, et Spiritus tuus bonus exaltat humilitatem nostram de partibus mortis (*Psal.* ix, 15). In bona voluntate pax nobis est (*Luc.* ii, 14). Corpus pondere suo nititur ad locum suum. Pondus non ad ima tantum est, sed ad locum suum. Ignis sursum tendit, deorsum lapis. Ponderibus suis aguntur, loca sua petunt. Oleum infra aquam

¹ Ita Mss.; at editiones, excepta Arnaldina, præferunt *spirituales*: non bene; intendit quippe Augustinus abyssum intellectualis omnis creaturæ ipso angeli et hominis lapsu fuisse indicatam.

² In Mss. *redde mihi te: en amo*. — Sic etiam Am. Er. et editio Florentina. M.

³ Lov., *donec abscondatur*. Sed verius editiones aliæ cum Mss., *abscondatur*. Subintellige, *vita mea*.

n, supra aquam attollitur; aqua supra oleum fusa, oleum demergitur; ponderibus suis aguntur, sua petunt. Minus ordinata, inquieta sunt; ordinar et quiescunt. Pondus meum amor meus; eo quocumque feror. Dono tuo accendimur, et surferimur. Inardescimus et imus. Ascendimus asiones in corde (*Psal. LXXXIII, 6*), et cantamus icum graduum. Igne tuo, igne tuo bono inardescis et imus; quoniam sursum imus ad pacem Jerlem, quoniam *jucundatus sum in his qui dixerunt*¹: *In domum Domini ibimus* (*Psal. CXXI, 1*). Ibi collocavit voluntas bona, ut nihil velimus aliud a permanere illic in æternum.

CAPUT X.

Ex dono Dei omnia.

. Beata creatura quæ non novit aliud, cum esset aliud, nisi dono tuo quod superfertur super omnibile, mox ut facta est, attolleretur nullo intertemporis in ea vocatione qua dixisti, *Fiat lux*, *erit lux*² (*Gen. 1, 3*). In nobis enim distinguitur ore, quod tenebræ fuimus, et lux efficimur (*Eph. 5, 8*): in illa vero dictum est quid esset, nisi illuminatur; et ita dictum est, quasi prius fuerit fluxa et brosa; ut appareret causæ qua factum est ut aliter, id est, ut ad lumen indeficiens conversa lux esset. potest, intelligat; et qui non potest³, a te petat. id mihi molestus est, quasi ego illum inem venientem in hunc mundum? (*Joan. 1, 9*.)

CAPUT XI.

Symbola Trinitatis in homine.

. Trinitatem omnipotentem quis intelligit? Et non loquitur eam, si tamen eam? Rara anima cum de illa loquitur, scit quid loquitur⁴. Et conunt et dimicant, et nemo sine pace videt istam nem. Vellem ut hæc tria cogitarent homines in is. Longe aliud sunt ista tria quam illa Trinitas: lico ubi se exercent et probent, et sentiant quam e sunt⁵. Dico autem hæc tria: esse, nosse, velle. enim, et novi, et volo: sum sciens, et volens; io esse me, et velle; et volo esse, et scire. In his ur tribus quam sit inseparabilis vita, et una vita, aa mens, et una essentia, quam denique inseparalis distinctio, et tamen distinctio, videat qui potest. e coram se est: attendat in se, et videat, et dicat i. Sed cum invenerit in his aliquid et dixerit, non se putet invenisse illud quod supra ista est inmutabile, quod est incommutabiliter, et scit inmutabiliter, et vult incommutabiliter: et utrum iter tria hæc et ibi Trinitas; an in singulis hæc ut⁶ terna singulorum sint; an utrumque miris a prius excusis, *quæ dixerunt mihi*. Sed alludit Augustinus ad *Psal. 121, 1*, in quo legere solet, *qui dixerunt*; s habent hic Mss.

ic Mss. cum Arn. At Bad. Am. Er. et Lov. habent *est*; et paulo post, *quo tenebræ fuimus*.

Ass. omissis verbis *et qui non potest*, sic habent: *Qui ut, intelligat; a te petat*.

ciat quid loquatur, juxta Som. Lov. Dub. Mart. Rond. M. r. et Lov., *quam longe aliud sunt*. Sed abest aliud a necnon ab Edd. Bad. Am. Somm. et Arn.

ov., aut terna. Sed clarius aliæ editiones cum Mss., rna. Mox enim sequitur, *an utrumque*; quo significatur tam esse proposita: unum, *an propter tria hæc ibi Trinitas*

modis simpliciter et multipliciter infinito in se sibi sine quo est, et sibi notum est, et sibi sufficit incommutabiliter idipsum copiosa unitatis magnitudine: quis facile cogitaverit? quis ullo modo dixerit? quis quolibet modo temere pronuntiaverit?

CAPUT XII.

Mundi creatio formationem Ecclesiæ præfigurat.

13. Procede in confessione, fides mea; dic Domino Deo tuo: Sancte, Sancte, Sancte, Domine Deus meus, in nomine tuo baptizati sumus, Pater et Fili et Spiritus sancte; in nomine tuo baptizamus, Pater et Fili et Spiritus sancte; quia et apud nos in Christo suo¹ *fecit Deus cælum et terram*, spirituales et carnales Ecclesiæ suæ; et terra nostra antequam acciperet formam doctrinæ, *invisibilis erat et incomposita*, et ignorantie tenebris tegebatur; quoniam pro iniquitate erudisti hominem (*Psal. XXXVIII, 12*), et judicia tua sicut abyssus multa (*Psal. XXXV, 7*). Sed quia Spiritus tuus superferebatur super aquam (*Gen. 1, 2*), non reliquit miseriam nostram misericordia tua, et dixisti: *Fiat lux. Pœnitentiam agite, appropinquavit enim regnum cælorum* (*Matth. III, 12*). *Pœnitentiam agite, Fiat lux*. Et quoniam conturbata erat ad nos ipsos anima nostra, commemorati sumus tui, Domine, de terra Jordanis, et de monte æquali tibi, sed parvo propter nos (*Psal. XLI, 7*); et displicuerunt nobis tenebræ nostræ et conversi sumus ad te, *et facta est lux*. Et ecce fuimus aliquando tenebræ; nunc autem lux in Domino (*Eph. v, 8*).

CAPUT XIII.

Renovatio hominis dum hic vivit nondum perfecta.

14. Et tamen adhuc per fidem, nondum per speciem (*II Cor. v, 7*). Spe enim salvi facti sumus. Spes autem quæ videtur, non est spes (*Rom. VIII, 24*). Adhuc abyssus abyssum invocat, sed in voce² cataractarum tuarum (*Psal. XLI, 8*). Adhuc et ille qui dicit: *Non potui vobis loqui quasi spiritualibus, sed quasi carnalibus* (*I Cor. III, 1*), etiam ipse nondum se arbitratur comprehendisse; et quæ retro oblitus, in ea quæ ante sunt, extenditur (*Philip. III, 13*), et ingemiscit gravatus, et sinit anima ejus ad Deum vivum, quemadmodum cervus ad fontes aquarum, et dicit: *Quando veniam?* (*Psal. XLI, 2, 3*) habitaculum suum quod de cælo est, superindui cupiens (*II Cor. v, 2*), et invocat inferiorem abyssum, dicens: *Nolite conformari huic sæculo, sed reformamini in novitate mentis vestræ* (*Rom. XII, 2*); et: *Nolite pueri effici mentibus*³, *sed malitia parvuli estote, ut mentibus perfecti sitis* (*I Cor. XIV, 20*); et: *O stulti Galatæ, quis vos fascinavit?* (*Gal. III, 1*.) Sed jam non in voce sua; in tua enim qui misisti Spiritum tuum de excelsis (*Act. II, 2*), per eum qui ascendit in altum (*Psal. LXVII, 19*), et aperuit cataractas donorum suorum; alterum porro, *an in singulis hæc tria, ita ut terna singulorum sint*. Quanquam apud Am. et Er. sic post hæc legitur: *An utrorumque miris modis simpliciter et multipliciter infinito insensibili sine quo est*. Ita quoque apud Bad. nisi quod habetur *Æne*, non sine.

¹ In Christo Filio suo, juxta Somm. et Rond. M.

² Sed jam in voce, juxta Som. Mart. Rond. Sed jam non in voce, juxta Er. Lugd. M.

³ Mss. aliquot ex vetustis, *effici sensibus*. — Juxta Somm. et Rond., dein legitur, *sensibus perfecti sitis*. M.

rum, ut fluminis impetus lætificaret civitatem tuam (*Psal.* XLV, 5). Illi enim suspirat sponsi amicus, habens jam spiritus primitias penes eum, sed adhuc in semetipso ingemiscens, adoptionem expectans redemptionem corporis sui (*Rom.* VIII, 23): illi suspirat, membrum est enim sponsæ; et illi zelat, amicus est enim sponsi; illi zelat non sibi (*Joan.* III, 19), quia in voce cataractarum tuarum, non in voce sua invocatur alteram abyssum (*Psal.* XLI, 8), cui zelans timet, ne sicut serpens Evam decepit astutia sua, sic et eorum sensus corrumpantur a castitate, quæ est in sponso nostro Unico tuo (*II Cor.* II, 3). Quæ est illa speciei lux? Cum videbimus eum sicuti est (*Joan.* III, 2), et transierint lacrymæ quæ mihi factæ sunt panis die ac nocte, dum dicitur mihi quotidie, Ubi est Deus tuus? (*Psal.* XLI, 4.)

CAPUT XIV.

Fide et spe corroboramur.

15. Et ego dico: Deus meus, ubi es? Ecce ubi es¹. Respiro in te paululum, cum effundo super me animam meam in voce exultationis et confessionis, soni festivitatem celebrantis (*Psal.* XLI, 5). Et adhuc tristis est, quia relabatur et fit abyssus; vel potius, sentit adhuc se esse abyssum. Dicit ei fides mea quam accendisti in nocte ante pedes meos: *Quare tristis es, anima mea, et quare conturbas me? Spera in Domino* (*Psal.* XLII, 5, 6); lucerna pedibus tuis verbum ejus (*Psal.* CXVIII, 105). Spera et persevera, donec transeat nox mater iniquorum, donec transeat ira Domini, cujus filii et nos fuimus aliquando tenebræ, quarum residua trahimus in corpore propter peccatum mortuo (*Rom.* VIII, 10), donec aspiret dies, et removeantur umbræ (*Cant.* II, 17). Spera in Domino: mane astabo², et contemplantor; semper confitebor illi. Mane astabo, et videbo (*Psal.* V, 5) salutare vultus mei (*Psal.* XLII, 5), Deum meum qui vivificabit et mortalia corpora nostra, propter Spiritum qui habitat in nobis (*Rom.* VIII, 11); quia super interius nostrum tenebrosus et fluidus misericorditer superferebatur. Unde in hac peregrinatione pignus accepimus (*II Cor.* I, 22), ut jam simus lux (*Ephes.* V, 8), dum adhuc spe salvi facti sumus (*Rom.* VIII, 24), et filii lucis, et filii diei, non filii noctis neque tenebrarum (*I Thess.* V, 5), quod tamen fuimus. Inter quos et nos in isto adhuc incerto humanæ notitiæ, tu solus dividis, qui probas corda nostra, et vocas lucem diem, et tenebras noctem (*Gen.* I, 5). Quis enim nos discernit, nisi tu? quid autem habemus quod non accepimus a te (*I Cor.* IV, 7), ex eadem massa vasa in honorem, ex qua sunt et alia facta in contumeliam? (*Rom.* IX, 21.)

CAPUT XV.

Fiat firmamentum, etc., Gen. 1, 6. Quid firmamentum, quid superiores aquæ.

16. Aut quis, nisi tu, Deus noster, fecisti nobis firmamentum auctoritatis super nos in Scriptura tua divina? Cælum enim plicabitur ut liber (*Isai.* XXIV, 4).

¹ Apud Lov. omittitur *ecce ubi es*.

² Editi cum nonnullis Mss., *mane astabo tibi*. At abest tibi verioribus codicibus.

et nunc sicut pellis extenditur super nos (*Psal.* CIII, 2). Sublimioris enim auctoritatis est tua divina Scriptura, cum jam obierunt istam mortem illi mortales, per quos eam dispensasti nobis. Et tu scis, Domine, tu scis quemadmodum pellibus indueris homines, cum peccato mortales fierent (*Gen.* III, 21). Unde sicut pellem extendisti firmamentum Libri tui, concordēs utique sermones tuos, quos per mortalium ministerium superposuisti nobis. Namque ipsa eorum morte, solidamentum auctoritatis in eloquiis tuis per eos editis sublimiter extenditur super omnia quæ subter sunt: quod cum hic viverent, non ita sublimiter extentum erat. Nondum sicut pellem cælum extenderas, nondum mortis eorum famam usquequaque dilataveras.

17. Videamus, Domine, cælos opera digitorum tuorum; disserena oculis nostris nubilum quo subtextisti eos. Ibi est testimonium tuum, sapientiam præstans parvulis (*Psal.* XVIII, 8). Perfice, Deus meus, laudem tuam ex ore infantium et lactentium. Neque enim novimus alios libros ita destruentes superbiam, ita destruentes inimicum et defensorem (*Psal.* VIII, 4, 3), resistentem reconciliationi tuæ defendendo peccata sua. Non novi, Domine, non novi alia tam casta eloquia, quæ sic mihi persuaderent confessionem, et lenirent cervicem meam iugo tuo, et invitarent colere te gratis. Intelligam ea, Pater bone; da mihi hæc subterposito, quia subterpositis solidasti ea.

18. Sunt aliæ aquæ super hoc firmamentum, credo, immortales, et a terrena corruptione secretæ. Laudent nomen tuum, laudent te supercælestes populi Angelorum tuorum, qui non opus habent suspicere⁴ firmamentum hoc, et legendo cognoscere verbum tuum. Vident enim faciem tuam semper (*Matth.* XVII, 10), et ibi legunt sine syllabis temporum, quid velit æterna voluntas tua. Legunt, eligunt et diligunt; semper legunt, et nunquam præterit quod legunt. Eligendo enim et diligendo legunt ipsam incommutabilitatem consilii tui. Non clauditur codex eorum, nec plicatur liber eorum; quia tu ipse illis hoc es, et es in æternum: quia super hoc firmamentum ordinasti eos, quod³ firmasti super infirmitatem inferiorum populorum, ubi suspicerent et cognoscerent misericordiam tuam, temporaliter enuntiantem te, qui fecisti tempora. In cælo enim, Domine, misericordia tua, et veritas tua usque ad nubes (*Psal.* XXXV, 6). Transeunt nubes, cælum autem manet. Transeunt prædicatores verbi tui ex hac vita in aliam vitam; Scriptura vero tua usque in finem sæculi super populos extenditur. Sed et cælum et terra transibunt; sermones autem tui non transibunt (*Matth.* XXIV, 35): quoniam et pellis plicabitur, et fenum super quod extendebatur, cum claritate sua præteriet; verbum autem tuum manet in æternum (*Isai.* XL, 6); quod nunc in ænigmate nubium et per speculum cæli (*I Cor.* XIII, 12), non sicuti est apparet nobis; quia et nos quamvis

⁴ Lov. cum antiquioribus editionibus, *suscipere*; et paulo post. *susciperent et cognoscerent misericordiam tuam*. Sed liquet meliorem esse Mss. lectionem, quam in textu damus.

³ Lov., *quos*, in textu; et ad marginem, *quod*: hoc præferre visum est, maxime cum legatur in Edd. aliis et Mss.

Filio tuo dilecti simus, nondum apparuit quod erimus. Attendit per retia carnis, et blanditus est, et inflammavit, et cucurrimus post odorem ejus. Sed cum apparuerit, similes ei erimus, quoniam videbimus eum sicuti est (I Joan. III, 2): sicuti est, Domine, videre nostrum, quod nondum est nobis ¹.

CAPUT XVI.

Solus Deus se scit omnino sicuti est.

19. Nam sicut omnino tu es, tu scis solus, qui es incommutabiliter, et scis incommutabiliter, et vis incommutabiliter. Et essentia tua scit et vult incommutabiliter, et scientia tua est et vult incommutabiliter, et voluntas tua est et scit incommutabiliter. Nec videtur justum esse coram te, ut quemadmodum se scit lumen incommutabile, ita sciatur ab illuminato commutabili. Ideoque anima mea tanquam terra sine aqua tibi (Psal. CXLII, 6); quia sicut se illuminare de se non potest; ita se satiare de se non potest. Sic enim apud te fons vitæ, quomodo in lumine tuo videbimus lumen (Psal. XXXV, 10).

CAPUT XVII.

Congregentur aquæ etc., Gen. 1, 9. *Quid mare, quid arida. Explicatur ¶ 11: Germinet terra, etc.*

20. Quis congregavit amaricantes in societatem unam? Idem namque illis finis est temporalis et terrenæ felicitatis, propter quam faciunt omnia; quamvis innumerabili varietate curarum fluctuent. Quis, Domine, nisi tu qui dixisti ut congregarentur aquæ in congregationem unam, et appareret arida, sitiens tibi? Quoniam tuum est et mare, et tu fecisti illud, et aridam terram manus tuæ formaverunt (Psal. XCIV, 5); neque enim amaritudo voluntatum, sed congregatio aquarum vocatur mare. Tu enim coerces etiam malas cupiditates animarum, et figis limites quousque progredi sinantur, atque ² ut in se comminuantur fluctus earum (Job. XXXVIII, 10, 11); atque ita facis mare ordine imperii tui super omnia.

21. At animas sitientes tibi, et apparentes tibi alio fine distinctas a societate maris, occulto et dulci fonte irrigas, ut et terra det fructum suum: et dat fructum suum ³, et te jubente Domino Deo suo germinat anima nostra opera misericordiæ secundum genus; diligens proximum in subsidiis necessitatum carnalium, habens in se semen secundum similitudinem; quoniam ex nostra infirmitate compatimur ad subveniendum indigentibus, similiter opitulantes quemadmodum nobis vellemus opem ferri, si eodem modo indigeremus; non tantum in facilibus, tanquam in herba seminali, sed etiam in protectione adjutorii, forti robore, sicut lignum fructiferum; id est, beneficium ⁴ ad eripiendum eum qui injuriam patitur, de manu potentis, et præbendo protectionis umbraculum valido robore justii iudicii.

¹ In vulgatis, *quod nondum est, da nobis*. At in Mss. non habetur *da*, nisi forte in aliquo e recentioribus.

² Ita Bad. Am. Er. cum Mss. undecim. At Lov. et Arn., *progredi sinantur aquæ, ut in se comminuantur*.

³ Bad. Am. Er. Lov. omittunt *et dat fructum suum*.

⁴ Sic legendum, juxta quatuor Mss. Ang. — Sic etiam Mart. cum uno Ms. Editio Florentina et 3 Mss. apud Rond. P. Benedictini in priori primi tomi editione *beneficium* posuerunt; in posteriori vero, servata præcedenti lectione, mutandam eam in *beneficium* dixerunt. M.

CAPUT XVIII.

Fiant luminaria, etc. Gen. 1, 14. *Quæ luminaria dividenda inter diem et noctem.*

22. Ita Domine, ita, oro te, oriatur sicuti facis, sicuti das hilaritatem et facultatem; oriatur de terra veritas, et justitia de cælo respiciat (Psal. LXXXIV, 12), et *fiant in firmamento luminaria*. Frangamus esurienti panem nostrum, et egenum sine tecto inducimus in domum nostram; nudum vestiamus, et domesticos seminis nostri non despiciamus. Quibus in terra natis fructibus, vide quia bonum est; et erumpat temporanea lux nostra (Isai. LVIII, 7, 8), et de ista inferiori fruge actionis in delicias contemplationis verbum vitæ superius obtinentes, appareamus sicut *luminaria* in mundo, cohærentes *firmamento* Scripturæ tuæ. Ibi enim nobiscum disputas, ut dividamus inter intelligibilia et sensibilia, tanquam inter diem et noctem, vel inter animas, alias intelligibilibus, alias sensibilibus deditas; ut jam non tu solus in abdito dijudicationis tuæ, sicut antequam fieret firmamentum, divides inter lucem et tenebras, sed etiam spirituales tui in eodem firmamento positi atque distincti, manifestata per orbem gratia tua *luceant super terram, et dividant inter diem et noctem, et significant tempora*: quia vetera transierunt, ecce facta sunt nova; et quia propior est nostra salus, quam cum credidimus (Rom. XIII, 11); et quia nox præcessit, dies autem appropinquavit; et quia benedicis coronam anni tui (Psal. LXIV, 2), mittens operarios ¹ in messem tuam (Matth. IX, 38), in qua seminanda alii laboraverunt, mittens etiam in aliam sementem (Joan. IV, 38), cujus messis in fine est (Matth. XIII, 39). Ita das vota optanti ², et benedicis annos justii; tu autem idem ipse es, et in annis tuis qui non deficiunt (Psal. CI, 28), horreum præparas annis transeuntibus. Æterno quippe consilio, propriis temporibus bona cælestia das super terram.

23. Quoniam quidem alii datur per Spiritum sermo sapientiæ, tanquam *luminare majus*, propter eos qui perspicuæ veritatis luce delectantur, tanquam in principio diei; alii autem sermo scientiæ secundum eundem spiritum, tanquam *luminare minus*; alii fides, alii donatio curationum, alii operationes virtutum, alii prophetia, alii judicatio spirituum, alteri genera linguarum; et hæc omnia tanquam stellæ. Omnia enim hæc operatur unus atque idem Spiritus, dividens propria unicuique prout vult, et faciens apparere sidera in manifestatione ad utilitatem (I Cor. XII, 7, 11). Sermo autem scientiæ qua continentur omnia sacramenta, quæ variantur temporibus tanquam luna, et cæteræ notitiæ donorum quæ deinceps tanquam stellæ commemorata sunt, quantum differunt ab illo candore sapientiæ quo gaudet prædictus dies, tantum in principio ³ noctis sunt. His enim sunt necessaria,

¹ Quatuor Mss. Angl., *benignitatis operarios*.

² Lov., *vitam optanti*; et paulo post, *ortum præparas*: contra quam habent cæteri codices, quos utroque loco sequimur.

³ Mss. melioris notæ, *in principia* id est in luminaria noctis: quæ lectio videretur præferenda, nisi paulo supra haberetur *in principio diei*; forte pro *in principium diei*, juxta librum I de Genesi contra Manichæos, cap. 14.

quibus ille prudentissimus servus tuus non potuit loqui quasi spiritualibus, sed quasi carnalibus (I Cor. III, 1), ille qui sapientiam loquitur inter perfectos (Ibid. II, 6). Animalis autem homo tanquam parvulus in Christo lactisque potator, donec roboretur ad solidum cibum, et aciem firmet ad solis aspectum, non habeat desertam noctem suam, sed luce lunæ stellarumque contentus sit. Hæc nobiscum disputas, sapientissime Deus noster, in Libro tuo firmamento tuo; ut discernamus omnia contemplatione mirabili, quamvis adhuc *in signis, et in temporibus, et in diebus, et in annis.*

CAPUT XIX.

Tractat eundem versiculum, Fiant luminaria, etc.

24. Sed prius lavamini, mundi estote; auferte nequitiam ab animis vestris, atque a conspectu oculorum meorum, ut *appareat arida*. Discite bonum facere, iudicate pupillo, et justifyate viduam; ut *germinet terra herbam pabuli et lignum fructiferum*; et venite, disputemus, dicit Dominus, ut *fiant luminaria in firmamento cæli, et luceant super terram*. Quærebat dives ille a magistro bono, quid faceret ut vitam æternam consequeretur: dicat ei magister bonus, quem putabat hominem, et nihil amplius; bonus est autem, quia Deus est: dicat ei, ut vult venire ad vitam, servet mandata; separet a se amaritudinem malitiæ atque nequitie; non occidat, non mœchetur, non furatur, non falsum testimonium dicat, ut *appareat arida, et germinet honorem patris et matris, et dilectionem proximi*. Feci, inquit, hæc omnia. Unde ergo tantæ spinæ, si terra fructifera est? Vade, extirpa silvosa dumeta avaritiæ; vende quæ possides, et implere frugibus dando pauperibus, et habebis thesaurum in cælis, et sequere Dominum si vis esse perfectus, eis sociatus inter quos loquitur sapientiam ille qui novit quid distribuatur diei et nocti, ut noris et tu, ut *fiant et tibi luminaria in firmamento cæli*; quod non fiet, nisi fuerit illic cor tuum; quod item non fiet, nisi fuerit illic thesaurus tuus, sicut audisti a magistro bono (Matth. VI, 21). Sed contristata est terra sterilis, et spinæ offocaverunt verbum (Id. XIX, 16-22).

25. Vos autem genus electum, infirma mundi, qui dimisistis omnia ut sequeremini Dominum; ite post eum, et confundite fortia: ite post eum, speciosi pedes, et lucete in firmamento (I Petr. II, 9); ut cæli enarrent gloriam ejus, dividentes inter lucem perfectorum sed nondum sicut Angelorum, et tenebras parvulorum sed non despectorum¹: lucete super omnem terram; et dies sole candens eructet diei verbum sapientiæ, et nox luna lucens annuntiet nocti verbum scientiæ (Psal. XVIII, 2). Luna et stellæ nocti lucent; sed nox non obscurat eas, quoniam ipsæ illuminant eam pro modulo ejus. Ecce enim tanquam Deo dicente, *Fiant luminaria in firmamento cæli*, factus est subito de cælo sonus, quasi ferretur flatus vehemens, et visæ sunt linguæ divisæ quasi ignis, qui et insedit super unumquemque illorum (Act. II, 2, 3); et facta

¹ Am. Er. et novem Mss., *desperatorum*.

sunt luminaria in firmamento cæli (Matth. V, 14), verbum vitæ habentia. Ubique discurrere, ignes sancti, ignes decori. Vos enim estis lumen mundi, nec estis sub modio. Exaltatus est cui adhæsistis, et exaltavit vos. Discurrere, et innotescite omnibus gentibus.

CAPUT XX.

Producant aquæ, etc., Gen. 1, 20. Quæ reptilia, quæ volatilia.

26. Concipiat et mare, et pariat opera vestra, et *producant aquæ reptilia animarum vivarum*. Separantes enim pretiosum a vili, facti estis os Dei, per quos diceret: *Producant aquæ*, non animam vivam quam terra producit, sed *reptilia animarum vivarum, et volatilia volantia super terram*. Repserunt enim Sacramenta tua, Deus, per opera sanctorum tuorum inter medios fluctus tentationum sæculi, ad imbuendas gentes nomine tuo, in baptismo tuo. Et inter hæc facta sunt magnalia mirabilia tanquam ceti grandes, et voces nuntiorum tuorum volitantes super terram juxta firmamentum Libri tui, præposito illo sibi ad auctoritatem, sub quo volitarent quocumque irent. Neque enim sunt loquelæ neque sermones, quorum non audiantur voces eorum, quando in omnem terram exiit sonus eorum, et in fines orbis terræ verba eorum (Psal. XVIII, 4, 5; quoniam tu, Domine, benedicendo multiplicasti hæc.

27. Numquid mentior, aut mixtione misceo, neque distinguo lucidas cognitiones harum rerum in firmamento cæli, et opera corporalia in undoso mari, et sub firmamento cæli? Quarum enim rerum notitiæ sunt solidæ, et terminatæ sine incrementis generationum, tanquam lumina sapientiæ et scientiæ, earumdem rerum sunt operationes corporales multæ ac variæ; et aliud ex alio crescendo multiplicatur in benedictione tua, Deus, qui consolatus es fastidia sensuum mortalium, ut in cognitione animi res una multis modis per corporis motiones figuretur atque dicatur. Aquæ produxerunt hæc; sed in verbo tuo. Necessitates alienarum ab æternitate veritatis tuæ populorum produxerunt hæc; sed in Evangelio tuo, quoniam ipsæ aquæ ista ejecerunt; quarum amarus languor fuit causa, ut in tuo verbo ista procederent.

28. Et pulchra sunt omnia faciente te, et ecce tu inenarrabiliter pulchrior qui fecisti omnia: a quo si non esset lapsus Adam, non diffunderetur ex utero ejus salsugo maris, genus humanum profunde curiosum, et procellose tumidum, et instabiliter fluidum; atque ita non opus esset ut in aquis multis corporaliter et sensibiliter operarentur dispensatores tui mystica facta et dicta. Sic enim nunc mihi occurrerunt reptilia et volatilia, quibus imbuti, et initiati homines corporalibus sacramentis subditi, non ultra proficerent, nisi spiritualiter viveret anima gradu alio, et post initii verbum in consummationem respiceret.

CAPUT XXI.

Producat terra animam vivam, etc., Gen. 1, 24.

29. Ac per hoc in verbo tuo non maris profunditas, sed aquarum amaritudine terra discreta eje-

cit¹, non reptilia animarum vivarum et volatilia, sed animam vivam. Neque enim jam opus habet Baptismo quo gentibus opus est, sicut opus habebat cum aquis tegetur; non enim intratur aliter in regnum cœlorum ex illo quo instituisti ut sic intretur: nec magnalia quærit mirabilium quibus fiat fides; neque enim nisi signa et prodigia viderit, non credit (*Joan.* iv, 48), cum jam distincta sit terra fidelis ab aquis maris infidelitate amaris; et linguæ in signo² sunt non fidelibus, sed infidelibus (*I Cor.* xiv, 22). Nec isto igitur genere volatili, quod verbo tuo produxerunt aquæ, opus habet terra quam fundasti super aquas. Immitte in eam verbum tuum per nuntios tuos. Opera enim eorum narramus, sed tu es qui operaris in eis, ut operentur animam vivam. Terra producit eam, quia terra causa est ut hæc agant in ea; sicut mare fuit causa ut agerent reptilia animarum vivarum. et volatilia sub firmamento cœli, quibus jam terra non indiget; quamvis pisces manducet (*Luc.* xxiv, 43) levatum de profundo in ea mensa quam parasti in conspectu credentium (*Psal.* xxii, 5); ideo enim de profundo levatus est ut alat aridam. Et aves, marina progenies, sed tamen super terram multiplicantur. Primarum enim vocum evangelizantium infidelitas hominum causa exstitit; sed et fideles exhortantur, et benedicuntur ab eis³ multipliciter de die in diem. At vero anima viva de terra sumpsit⁴ exordium, quia non prodest jam nisi fidelibus continere se ab amore hujus sæculi, ut anima eorum tibi vivat, quæ mortua erat in deliciis vivens, deliciis, Domine, mortiferis (*I Tim.* v, 6); nam tu puri cordis vitales deliciæ.

30. Operentur ergo jam in terrâ ministri tui, non sicut in aquis infidelitatis annuntiando et loquendo per miracula et sacramenta et voces mysticas, ubi intenta sit ignorantia mater admirationis in timore occultorum signorum; talis enim est introitus ad fidem filiis Adam oblitis tui, dum abscondunt se a facie tua (*Gen.* iii, 8) et fiunt abyssus: sed operentur etiam sicut in arida discreta a gurgitibus abyssi; et sint forma fidelibus vivendo coram eis, et excitando ad imitationem. Sic enim non tantum ad audiendum, sed etiam ad faciendum audiunt: *Quærite Dominum, et vivet anima vestra* (*Psal.* lxxviii, 33), ut *producat terra animam viventem. Nolite conformari huic sæculo* (*Rom.* xii, 2), continete vos ab eo. Evitando vivit anima, quæ appetendo moritur. Continete vos ab immani feritate superbæ, ab inertii voluptate luxuriæ, et a fallaci nomine scientiæ; ut sint bestiæ mansuetæ, et pecora edomita, et innoxii serpentes. Motus enim animæ sunt isti in allegoria: sed fastus elationis, et delectatio libidinis, et venenum curiositatis motus sunt animæ mortuæ; quia non ita moritur, ut omni

motu careat, quoniam discedendo a fonte vitæ, moritur, atque ita suscipitur a prætereunte sæculo, et conformatur ei.

31. Verbum autem tuum, Deus, fons vitæ æternæ est, et non præterit: ideoque in verbo tuo cohibetur ille discessus, dum dicitur nobis, *Nolite conformari huic sæculo*; ut *producat terra in fonte vitæ animam viventem*, in verbo tuo per Evangelistas tuos animam continentem, imitando imitatores Christi tui. Hoc est enim *secundum genus*, quoniam æmulatio viri ab amico est: *Estote, inquit, sicut ego; quia et ego sicut vos* (*Galat.* iv, 12). Ita erunt in anima viva¹ bestiæ bonæ in mansuetudine actionis. Mandasti enim, dicens: *In mansuetudine opera tua perfice, et ab omni homine diligere* (*Eccli.* iii, 19). Et pecora bona neque si manducaverint, abundantia; neque si non manducaverint, egentia; et serpentes boni, non perniciosi ad nocendum, sed astuti ad cavendum; et tantum explorantes temporalem naturam, quantum sufficit, ut per ea quæ facta sunt, intellecta conspiciatur æternitas (*Rom.* i, 20). Serviunt enim rationi hæc animalia, cum a progressu mortifero cohibita vivunt et bona sunt.

CAPUT XXII.

Faciamus hominem ad imaginem, etc., *Gen.* i, 26.

Renovatio mentis.

32. Ecce enim, Domne Deus noster, creator noster, cum cohibitæ fuerint affectiones ab amore sæculi. quibus moriebamur male vivendo, et cœperit esse anima vivens bene vivendo, completumque fuerit verbum tuum, quod per Apostolum tuum dixisti, *Nolite conformari huic sæculo*; consequitur et illud quod adjunxisti statim et dixisti, *Sed reformamini in novitate mentis vestræ* (*Rom.* xii, 2): non jam *secundum genus*, tanquam imitantes præcedentem proximum, nec ex hominis melioris auctoritate viventes. Neque enim dixisti, *Fiat homo secundum genus*; sed, *Faciamus hominem ad imaginem et similitudinem nostram* (*Gen.* i, 26); ut nos probemus quæ sit voluntas tua. Ad hoc enim dispensator ille tuus generans per Evangelium filios (*I Cor.* iv, 15), ne semper parvulos haberet quos lacte nutriet, et tanquam nutrix foveret (*I Thess.* ii, 7): *Reformamini, inquit, in novitate mentis vestræ, ad probandum vos² quæ sit voluntas Dei, quod bonum et beneplacitum et perfectum* (*Rom.* xii, 2). Ideoque non dicis, *Fiat homo*; sed, *Faciamus hominem*. Nec dicis, *Secundum genus*; sed, *Ad imaginem et similitudinem nostram*. Mente quippe renovatus, et conspiciens intellectam veritatem tuam, homine demonstratore non indiget, ut suum genus imitetur; sed demonstrante te probat ipse quæ sit voluntas tua, quod bonum et beneplacitum et perfectum: et doces eum³ jam capacem videre Trinitatem unitatis, et unitatem Trinitatis. Ideoque pluraliter dicto, *Faciamus hominem*, singulariter tamen infertur, *Et fecit Deus hominem*;

¹ *Ejicit*, juxta Somm. Mart. et Rond. M.

² *In signo*, juxta Somm. et Rond. cum 5 Mss. M.

³ *Loq.*, *benedicunt eis*; sed legendum cum Edd. aliis et Mss., *benedicuntur ab eis*: quæ lectio perperam correctæ est propter verbum *exhortantur*, quod putarunt active usurpâre.

⁴ *Sumit*, juxta Arn. et Mart. cum 6 Mss. M.

¹ Plures Mss., *in animam vivam*.

² In editis deest *vos*; quam vocem restituere placuit ex Mss., quia locum illum sic referre solet Augustinus.

³ *Bad.* Am. Er. et Arn. *facis jam capacem*. Sic etiam duo e Mss.

et pluraliter dicto, *Ad imaginem nostram*, singulariter infertur, *ad imaginem Dei*. Ita homo renovatur in agnitionem Dei, secundum imaginem ejus qui creavit eum (*Gen. I, 27; Coloss. III, 10*): et spiritualis effectus judicat omnia, quæ utique judicanda sunt; ipse autem a nemine judicatur.

CAPUT XXIII.

Et præsit piscibus maris, etc., *Gen. I, 26. De quibus christianus judicet.*

33. Quod autem judicat omnia, hoc est quod habet potestatem piscium maris, et volatilium cæli, et omnium pecorum et ferarum, et omnis terræ, et omnium reptantium quæ repunt super terram. Hoc enim agit per mentis intellectum, per quem percipit quæ sunt Spiritus Dei (*I Cor. I, 14*). Alioqui homo in honore positus, non intellexit; comparatus est jumentis insensatis, et similis factus est illis (*Psal. XLVIII, 13*). Ergo in Ecclesia tua, Deus noster, secundum gratiam tuam quam dedisti ei, quoniam tuum sumus figmentum, creati in operibus bonis (*Ephes. II, 10*), non solum qui spiritualiter præsent, sed etiam ii qui spiritualiter subduntur eis qui præsent (*Masculum enim et feminam fecisti hominem [Gen. I, 27]*. hoc modo in gratia tua spirituali, ubi secundum sexum corporis non est masculus et femina; quia neque Judæus, neque Græcus, neque servus, neque liber [*Galat. III, 28*]); spirituales ergo, sive qui præsent, sive qui obtemperant, spiritualiter judicant (*I Cor. II, 15*): non de cognitionibus spiritualibus, quæ lucent in firmamento (non enim oportet de tam sublimi auctoritate judicare); neque de ipso Libro tuo, etiamsi quid ibi non lucet; quoniam submittimus ei nostrum intellectum, certumque habemus etiam quod clausum est aspectibus nostris, recte veraciterque dictum esse. Sic enim homo, licet jam spiritualis et renovatus in agnitionem Dei, secundum imaginem ejus qui creavit eum (*Coloss. III, 10*); factor tamen legis debet esse, non iudex (*Jacobi IV, 11*). Neque de illa distinctione judicat, spiritualium videlicet atque carnalium hominum, qui tuis, Deus noster, oculis noti sunt, et nullis adhuc nobis apparuerunt operibus, ut ex fructibus eorum cognoscamus eos (*Matth. VII, 20*): sed tu, Domine, jam scis eos et divisisti et vocasti in occulto, antequam fieret firmamentum. Neque deturbidis hujus sæculi populis quanquam¹ spiritualis homo judicat. Quid enim ei de iis qui foris sunt judicare (*I Cor. V, 12*), ignorantibus quis inde venturus sit in dulcedinem gratiæ tuæ, et quis in perpetua impietatis amaritudine remansurus?

34. Ideoque homo quem fecisti ad imaginem tuam, non accepit potestatem luminarium cæli, neque ipsius occulti cæli, neque diei et noctis, quæ ante cæli constitutionem vocasti, neque congregationis aquarum quod est mare; sed accepit potestatem piscium maris, et volatilium cæli, et omnium pecorum, et omnis terræ, et omnium reptantium quæ repunt super terram. Judicat enim; et approbat quod recte, improbat autem

¹ Ita plerique Mss. cum Arn.; at aliæ editiones habent *tanquam*; Mss. tres, *quemquam*.

quod perperam invenerit: sive in ea solemnitate sacramentorum quibus initiantur, quos pervestigat in aquis multam misericordia tua; sive in ea qua ille piscis exhibetur quem levatum de profundo terra pia comedit; sive in verborum signis vocibusque subjectis auctoritati Libri tui tanquam sub firmamento volitantibus, interpretando, exponendo, disserendo, disputando, benedicendo atque invocando te, ore erumpentibus atque sonantibus signis, ut respondeat populus, Amen. Quibus omnibus vocibus corporaliter enuntiandis, causa est abyssus sæculi, et cæcitas carnis, qua¹ cogitata non possunt videri, ut opus sit instrepere in auribus: ita quamvis multiplicentur volatilia super terram, ex aquis tamen originem ducunt. Indicat etiam spiritualis, approbando quod rectum, improbando autem quod perperam invenerit in operibus moribusque fidelium, eleemosynis tanquam terra fructifera, et de anima viva mansuefactis affectionibus, in castitate, in jejuniis, in cogitationibus piis, de iis quæ per sensum corporis percipiuntur. De his enim judicare nunc dicitur, in quibus et potestatem corrigendi habet.

CAPUT XXIV.

Et benedixit eos Deus dicens, *Crescite, etc., Gen. I, 2.*

35. Sed quid est hoc, et quale mysterium est? Ecce benedicis homines, o Domine, ut crescant et multiplicentur, et impleant terram. Nihilne nobis ex hoc innuis ut intelligamus aliquid? Cur non ita benedixeris lumen quam vocasti diem, nec firmamentum cæli, nec luminaria, nec sidera, nec terram, nec mare? Dicerem te, Deus noster qui nos ad imaginem tuam creasti, dicerem te hoc donum benedictionis homini proprie voluisse largiri; nisi hoc modo benedixisses pisces et cetos ut crescerent, et multiplicarentur, et implerent aquas maris, et volatilia multiplicarentur super terram. Item dicerem ad ea rerum genera pertinere benedictionem hanc, quæ gignendo ex semetipsis propagantur; si eam reperirem in arbustis, et frutetis et in pecoribus terræ. Nunc autem nec herbis et lignis dictum est, nec bestiis et serpentibus, *Crescite et multiplicamini*; cum hæc quoque omnia, sicut pisces et aves et homines gignendo augeantur, genusque custodiant.

36. Quid igitur dicam, lumen meum Veritas? quia vacat hoc, quia inaniter ita dictum est? Nequaquam, Pater pietatis; absit ut hoc dicat servus Verbi tui. Et si ego non intelligo quid hoc eloquio significes, utantur eo melius meliores, id est intelligentiores quam ego sum, unicuique quantum sapere dedisti Deus meus. Placeat autem et confessio mea coram oculis tuis, qua tibi confiteor credere me, Domine, non incassum te ita locutum esse, neque silebo quod mihi lectionis hujus occasio suggerit. Verum est enim, nec video quid impediatur ita me sentire dicta figurata librorum tuorum. Novi enim multipliciter significari per corpus, quod uno modo mente intelligitur; et multipliciter mente intelligi, quod uno modo per

¹ Lov. aliæque editiones, excepta Arn., *quæ*: male, uti ex Mss. et ex sermonis serie intelligitur.

corpus significatur. Ecce simplex dilectio Dei et proximi, quam multiplicibus sacramentis, et innumerabilibus linguis, et in unaquaque lingua innumerabilibus locutionum modis, corporaliter enuntiatur! ita crescunt et multiplicantur fetus aquarum. Attende iterum quisquis hæc legis: ecce quod uno modo Scriptura effert, et vox personat, *In principio fecit Deus cælum et terram* (Gen. 1, 1); nonne multipliciter intelligitur non errorum fallacia, sed verarum intelligentiarum generibus? ita crescunt et multiplicantur fetus hominum.

37. Itaque si naturas ipsas rerum non allegorice sed proprie cogitemus; ad omnia quæ de seminibus gignuntur, convenit verbum *Crescite et multiplicamini*. Si autem figurate posita ista tractemus, quod potius arbitror intendisse Scripturam, quæ utique non supervacue solis aquatiliam et hominum fetibus istam benedictionem attribuit; invenimus quidem multitudines et in creaturis spiritualibus atque corporalibus, tanquam in cælo et in terra; et in animis justis et iniquis, tanquam in luce et tenebris; et in sanctis auctoribus, per quos lex ministrata est, tanquam in firmamento quod solidatum est inter aquam et aquam et in societate amarantium populorum, tanquam in mari; et in studio animarum piarum, tanquam in arida; et in operibus misericordiæ secundum præsentem vitam, tanquam in herbis seminalibus et lignis fructiferis; et in spiritualibus donis manifestatis ad utilitatem, sicut in luminaribus cæli; et in affectibus formati ad temperantiam, tanquam in anima viva. In his omnibus nanciscimur multitudines, et ubertates, et incrementa: sed quod ita crescat et multiplicetur, ut una res multis modis enuntietur, et una enuntiatio multis modis intelligatur; non invenimus, nisi in signis corporaliter editis, et rebus intelligibiliter excogitatis. Signa corporaliter edita, generationes aquarum propter necessarias causas carnalis profunditatis; res autem intelligibiliter excogitatas, generationes humanas propter rationis fecunditatem intelligimus. Et ideo credimus utrique horum generi dictum esse abs te, Domine, *Crescite et multiplicamini*. In hac enim benedictione, concessam nobis a te potestatem et facultatem accipio, et multis modis enuntiare quod uno modo intellectum tenuerimus, et multis modis intelligere, quod obscure uno modo enuntiatum legerimus. Sic implentur aquæ maris, quæ non moventur nisi a variis¹ significationibus: sic et fetibus humanis impletur et terra; cujus ariditas apparet in studio, et dominatur ei ratio.

CAPUT XXV.

Ecce dedi vobis omnem herbam.... in escam. etc.,
Gen. 1, 29.

38. Volo etiam dicere, Domine Deus meus, quod me consequens tua Scriptura commonet; et dicam, nec verebor. Verum enim dicam, te mihi iuspirante, quod ex eis verbis voluisti ut dicerem. Neque enim alio præter te inspirante credo me verum dicere, cum

¹ Nisi variis, juxta Dub. Mart. et Rond. cum 11 Mss. M.

tu sis veritas (Joan. xiv, 6), omnis autem homo mendax (Psal. cxv 11). Et ideo qui loquitur mendacium, de suo loquitur (Joan. viii, 44). Ergo ut verum loquar, de tuo loquar. Ecce dedisti nobis in escam omne fenum sativum, seminans semen quod est super omnem terram; et omne lignum quod habet in se fructum seminis sativi. Nec nobis solis, sed et omnibus avibus cæli, et bestiis terræ, atque serpentibus: piscibus autem et celis magnis non dedisti hæc. Dicebamus enim eis fructibus terræ significari, et in allegoria figurari opera misericordiæ, quæ hujus vitæ necessitatibus exhibentur ex terra fructifera. Talis terra erat pius Onesiphorus, cujus domui dedisti misericordiam, quia frequenter Paulum tuum refrigeravit, et catenam ejus non erubuit (II Tim. 1, 16). Hoc fecerunt et fratres, et tali fruge fructificaverunt, qui quod ei deerat, supplerunt ex Macedonia (II Cor. xi, 9). Quomodo autem dolet quædam ligna, quæ fructum ei debitum non dederunt, ubi ait: *In prima mea defensione nemo mihi adfuit, sed omnes me dereliquerunt: non illis imputetur?* (II Tim. iv, 16.) Ista enim debentur eis qui ministrant doctrinam rationalem per intelligentias divinorum mysteriorum: et ita eis debentur, tanquam hominibus. Debentur autem eis sicut animæ vivæ, præbentibus se ad imitandum in omni continentia. Item debentur eis tanquam volatilibus, propter benedictiones eorum quæ multiplicantur super terram, quoniam in omnem terram exivit sonus eorum (Psal. xviii, 5).

CAPUT XXVI.

Voluptas et utilitas ex beneficio in proximum collato.

39. Pascuntur autem his escis qui lætantur eis; nec illi lætantur eis quorum Deus venter est. Neque enim et in illis qui præbent ista, ea quæ dant, fructus est; sed quo animo dant. Itaque ille qui Deo serviebat, non suo ventri, video plane unde gaudeat; video et congratulor ei valde. Acceperat enim a Philippensibus, quæ per Epaphroditum miserant; sed tamen unde gaudeat, video. Unde autem gaudet, inde pascitur, quia in veritate loquens, *Gavisus sum, inquit, magnifice in Domino, quia tandem aliquando repullulastis sapere pro me, in quo et sapiebatis; tædium autem habuistis* (Philip. iv, 10). Isti ergo diuturno tædio marcuerant, et quasi exaruerant ab isto fructu boni operis; et gaudet eis quia repullularunt, non sibi quia ejus indigentiae subvenerunt. Ideo secutus ait: *Non quod desit aliquid dico; ego enim didici, in quibus sum sufficiens esse. Scio et minus habere, scio et abundare; in omnibus et in omnia imbutus sum; et satiari, et esurire, et abundare, et penuriam pati: omnia possum in eo qui me confortat* (Ibid., 11-13).

40. Unde ergo in omnibus¹ gaudes, o Paule magne? Unde gaudes, unde pasceris, homo renovate in agnitionem Dei secundum imaginem ejus qui creavit te, et anima viva tanta continentia, et lingua volatilis loquens mysteria? Talibus quippe animantibus esca ista debetur. Quid est quod te pascit? Læticia. Quod

¹ Verba in omnibus omittuntur a Somm. Arn. Mart. cum 7 Mss. et Rond. cum 11 Mss.

sequitur audiamus. *Verumtamen*, inquit, *bone fecistis, communicantes tribulationi meæ*. Hinc gaudet, hinc pascitur, quia illi benefecerunt, non quia ejus angustia relaxata est, qui dicit tibi, *In tribulatione dilatasti mihi* (Psal. iv, 2): quia et abundare et penuriam pati novit in te qui confortas eum. *Scitis enim*, inquit, *et vos, Philippenses, quoniam in principio Evangelii, cum ex Macedonia sum profectus, nulla mihi Ecclesia communicavit in ratione dati et accepti, nisi vos soli; quia et Thessalonicam, et semel et iterum, usibus meis misistis* (Philipp. iv, 14-16). Ad hæc bona opera eos rediisse nunc gaudet, et repullulasse lætatur tanquam revirescente fertilitate agri.

41. Numquid propter usus suos, quia dixit, *Usibus meis misistis*? numquid propterea gaudet? Non propterea. Et hoc unde scimus? Quoniam ipse sequitur dicens: *Non quia quæro datum, sed requiro fructum* ¹ (*Ibid.*, 17). Didici a te, Deus meus, inter datum et fructum discernere. Datum est res ipsa quam dat, qui impertitur hæc necessaria; veluti est nummus, cibus, potus, vestimentum, tectum, adjutorium. Fructus autem, bona et recta voluntas datoris est. Non enim ait Magister bonus, *Qui susceperit prophetam*, tantum; sed addidit: *in nomine prophetæ*; neque ait tantum, *Qui susceperit justum*; sed addidit, *in nomine justi*. Ita quippe ille mercedem prophetæ iste mercedem justi accipiet. Nec solum ait: *Qui calicem aquæ frigidæ potum dederit uni ex minimis meis*; sed addidit: *tantum in nomine discipuli*. Et sic adjunxit: *Amen dico vobis, non perdet mercedem suam* (Matth. x, 41, 42). Datum est, suscipere prophetam, suscipere justum, porrigere calicem aquæ frigidæ discipulo; fructus autem, in nomine prophetæ, in nomine justi, in nomine discipuli hoc facere. Fructu pascitur Elias a vidua sciente quod hominem Dei pasceret, et propter hoc pasceret: per corvum autem dato pascebatur (III Reg. xvii, 6). Nec interior Elias, sed exterior pascebatur, qui posset etiam talis cibi egestate corrumpi.

CAPUT XXVII.

Quid per pisces et cetos significetur.

42. Ideoque dicam quod verum est coram te, Domine, cum homines idiotæ atque infideles, quibus initiandis atque lucrands necessaria sunt sacramenta initiorum, et magnalia miraculorum, quæ nomine piscium et cetorum significari credimus, suscipiunt corporaliter reficiendos, aut in aliquo præsentis vitæ usu adjuvandos pueros tuos, cum id quare faciendum sit, et quo pertineat ignorent, nec illi istos pascent, nec isti ab illis pascentur: quia nec illi hæc sancta et recta voluntate operantur; nec isti eorum datis, ubi fructum nondum vident, lætantur. Inde quippe animus pascitur, unde lætatur. Et ideo pisces et ceti non vescuntur escis, quas non germinat nisi jam terra ab amaritudine marinorum fluctuum distincta atque discreta.

¹ Bad. Am. Er. et Lov. addunt *abundantem*; sed hac voce carent Mss. et Arn.

CAPUT XXVIII.

Et vidit Deus omnia quæ fecit, et ecce bona valde, etc., Gen. 1, 31.

43. Et vidisti, Deus, omnia quæ fecisti, *et ecce bona valde*; quia et nos vidimus ¹ ea, et ecce omnia bona valde. In singulis generibus operum tuorum, cum dixisses ut fierent et facta essent, illud atque illud ² vidisti quia bonum est. Septies numeravi scriptum esse te vidisse quia bonum est quod fecisti: et hoc octavum est, quia vidisti omnia quæ fecisti; *et ecce* non solum bona, sed etiam *valde bona* tanquam simul omnia. Nam singula tantum bona erant; simul autem omnia et bona, et valde. Hoc dicunt ³ etiam quæque pulchra corpora; quia longe multo pulchrius est corpus quod ex membris pulchris omnibus constat, quam ipsa membra singula quorum ordinatissimo conventu completur universum; quamvis et illa etiam singillatim pulchra sint.

CAPUT XXIX.

Quomodo intelligendum quod Deus octies vidit bona esse opera sua.

44. Et attendi ut invenirem, utrum septies vel octies videris quia bona sunt opera tua, cum tibi placuerunt: et in tua visione non inveni tempora, per quæ intelligerem quod toties videris quæ fecisti, et dixi: O Domine, nonne ista Scriptura tua vera est, quoniam tu verax et veritas edidisti eam? Cur ergo tu mihi dicis non esse in tua visione tempora; et ista Scriptura tua mihi dicit, per singulos dies ea quæ fecisti te vidisse quia bona sunt; et cum ea numerarem, inveni quoties? Ad hæc tu dicis mihi, quoniam tu es Deus meus, et dicis voce forti in aure interiore servo tuo, perumpens meam surditatem, et clamans: O homo, nempe quod Scriptura mea dicit, ego dico. Et tamen illa temporaliter dicit, Verbo autem meo tempus non accidit, quia æquali mecum æternitate consistit. Sic ea quæ vos per Spiritum meum videtis, ego video; sicut ea quæ vos per Spiritum meum dicitis, ego dico. Atque ita, cum vos temporaliter ea videatis, non ego temporaliter video; quemadmodum, cum vos temporaliter ea dicatis, non ego temporaliter dico.

CAPUT XXX.

Manichæorum deliria.

45. Et audivi, Domine Deus meus, et elinxi stillam dulcedinis ex tua veritate, et intellexi quoniam sunt quidam quibus displicent opera tua; et multa eorum dicunt te fecisse necessitate compulsam, sicut fabricas cælorum et compositiones siderum: et hæc non de tuo, sed jam fuisse alibi creata et aliunde, quæ tu contraheres et compaginares atque contexeres, cum de hostibus victis mundana mœnia molireris, ut ea constructione devincti ⁴, adversus te iterum rebellare non possent. Alia vero nec fecisse te, nec omnino compegisse, sicut omnes carnes et minutissima quæ-

¹ In Mss., *videmus*. — Quibus assentiuntur Mart. Flor. et Rond. cum aliquot Mss. M.

² Lov., *illud atque aliud vidisti*.

³ Ita Mss. plerique cum Arn.; at Lov. aliæque editiones, *hoc modo dicuntur etiam*.

⁴ Sic legendum juxta Mss. Anglicanos. — [*Devincti*] Mart. et Rond. cum 3 Mss. *devincti*. M.

que animantia, et quidquid radicibus terram tenet : sed hostilem mentem naturamque aliam, non abs te conditam, tibi que contrariam, in inferioribus mundi locis ista gignere atque formare. Insani dicunt hæc quoniam non per Spiritum tuum vident opera tua, nec te cognoscunt in eis.

CAPUT XXXI.

Piis idem probatur quod Deo placuit.

46. Qui autem per Spiritum tuum vident ea, tu vides in eis. Ergo cum vident quia bona sunt, tu vides quia bona sunt : et quæcumque propter te placent, tu in eis places¹; et quæ per Spiritum tuum placent nobis, tibi placent in nobis. *Quis enim scit hominum quæ sunt hominis, nisi spiritus hominis qui in ipso est? sic et quæ Dei sunt nemo scit, nisi Spiritus Dei.* Nos autem, inquit, non spiritum hujus mundi accepimus, sed Spiritum qui ex Deo est, ut sciamus quæ a Deo donata sunt nobis (I Cor. II, 11, 12). Et admoneor ut dicam : Certe nemo scit quæ Dei sunt, nisi Spiritus Dei. Quomodo ergo scimus et nos quæ a Deo donata sunt nobis? Respondetur mihi quoniam quæ per ejus Spiritum scimus, etiam sic *nemo scit, nisi Spiritus Dei.* Sicut enim recte dictum est, *Non enim vos estis qui loquimini* (Matth. x, 20), eis qui in Spiritu Deo loquerentur; sic recte dicitur, *Non vos estis qui scitis, eis qui in Dei Spiritu sciunt.* Nihilominus igitur recte dicitur, *Non vos estis qui videtis, eis qui in Spiritu Dei vident :* ita quidquid in Spiritu Dei vident quia bonum est; non ipsi, sed Deus videt quia bonum est. Aliud ergo est, ut putet quisque malum esse quod bonum est, quales supradicti sunt : aliud, ut quod bonum est, videat homo quia bonum est; sicut multis tua creatura placet quia bona est, quibus tamen non tu places in ea, unde frui magis ipsa quam te volunt : aliud autem, ut cum aliquid videt homo quia bonum est, Deus in illo videat quia bonum est, ut scilicet ille ametur in eo quod fecit, qui non amaretur nisi per Spiritum sanctum quem dedit; quoniam charitas Dei diffusa est in cordibus nostris per Spiritum sanctum qui datus est nobis (Rom. v, 5), per quem videmus quia bonum est quidquid aliquo modo est : ab illo enim est, qui non aliquo modo est, sed quod est, est².

CAPUT XXXII.

Compendio enarrat opera Dei.

47. Gratias tibi, Domine. Videmus cælum et terram, sive corporalem partem superiorem atque inferiorem, sive spirituales corporalesque creaturam; atque in ornatu³ harum partium quibus constat vel universa mundi moles, vel universa omnino creatura, videmus lucem factam, divisamque a tenebris. Videmus firmamentum cæli : sive inter spirituales aquas superiores et corporales inferiores (Lib. 2 *Retract.*, cap. vi, n. 2), primarium corpus mundi; sive hoc spatium aeris, quia et hoc vocatur cælum, per quod vagantur volatilia cæli inter aquas quæ vaporaliter eis superferuntur, et serenitas etiam noctibus rorant, et has

quæ in terris graves fluitant. Videmus congregatarum aquarum speciem per campos maris; et aridam terram, vel nudatam, vel formatam ut esset visibilis et composita, herbarumque atque arborum materiem. Videmus luminaria fulgere desuper; solem sufficere diei, lunam et stellas consolari noctem, atque his omnibus notari et significari tempora. Videmus humidam usquequaque naturam, piscibus et belluis et alitibus fecundatam, quod aeris corpulentia, quæ volatus avium portat, aquarum exhalatione concrevit. Videmus terrenis animalibus faciem terræ decorari; hominemque ad imaginem et similitudinem tuam cunctis irrationabilibus animantibus ipsa tua imagine ac similitudine, hoc est rationis et intelligentiæ virtute, præponi. Et quemadmodum in ejus anima aliud est quod consulendo dominatur, aliud quod subditur ut obtemperet : sic viro factam esse etiam corporaliter feminam, quæ haberet quidem in mente rationalis intelligentiæ parem naturam; sexu tamen corporis ita masculino sexui subiceretur, quemadmodum subjicitur appetitus actione ad concipiendam de ratione menti recte agendi solertiam. Videmus hæc et singula bona, et omnia bona valde.

CAPUT XXXIII.

Omnia de nihilo sive de concreata materia.

48. Laudent te opera tua, ut amemus; et amemus te¹, ut laudent te opera tua, quæ habent initium et finem ex tempore, ortum et occasum, profectum et defectum, speciem et privationem. Habent ergo consequentia mane et vesperam, partim latenter, partim evidenter. De nihilo enim a te, non de te facta sunt, non de aliqua non tua², vel quæ antea fuerit, sed de concreata, id est simul a te creata materia; quia ejus informitatem sine ulla temporis interpositione formasti. Nam cum aliud sit cæli et terræ materies, aliud cæli et terræ species; materiem quidem de omnino nihilo, mundi autem speciem de informi materia, simul tamen utrumque fecisti, ut materiam forma, nulla moræ intercapedine, sequeretur.

CAPUT XXXIV.

Totius creationis mundi allegorica expositio.

49. Inspeximus etiam propter quorum figurationem ista vel tali ordine fieri, vel tali ordine scribi voluisti, et vidimus quia bona sunt singula, et omnia bona valde, in Verbo tuo, in Unico tuo; cælum et terram, caput et corpus Ecclesiæ, in prædestinatione ante omnia tempora, sine mane et vespera. Ubi autem cæpisti prædestinata temporaliter exsequi, ut occulta manifestares, et incomposita nostra componeres; quoniam super nos erant peccata nostra, et in profundum tenebrosum abieramus abs te, et Spiritus tuus bonus superferebatur ad subveniendum nobis in tempore opportuno : et justificasti impios, et distinxisti eos ab iniquis; et solidasti auctoritatem Libri tui inter superiores qui tibi docibiles essent, et inferiores qui eis subderentur; et congregasti societatem infide-

¹ Bad. Am. Er. Lov., *complaces.*

² *Sed est est, juxta 4 Mss. apud Mart. M.*

³ *In ornatum, juxta 3 Mss. apud Mart. M.*

¹ Angl. Mss., *et amemur a te.*

² Ita Mss. et Arn.; at Bad. Am. Er. Lov. habent *non de te aliqua non de tua, vel, etc.*

lium in unam conspirationem, ut apparerent studia fidelium, et tibi opera misericordiae parerent, distribuentes etiam pauperibus terrenas facultates ad acquirenda caelestia. Et inde accendisti quaedam luminaria in firmamento, verbum vitae habentes sanctos tuos, et spiritualibus donis praelata sublimi auctoritate fulgentes: et inde ad imbuendas infideles gentes, Sacramenta et miracula visibilia, vocesque verborum secundum firmamentum Libri tui, quibus etiam fideles benedicerentur, ex materia corporali produxisti: et deinde fidelium animam vivam per affectus ordinatos continentiae vigore formasti¹: atque inde tibi soli mentem subditam, et nullius auctoritatis humanae ad imitandum indigentem, renovasti ad imaginem et similitudinem tuam: praestantique intellectui rationabilem actionem, tanquam viro feminam, subdidisti: omnibusque tuis ministeriis ad perficiendos fideles in hac vita necessariis, ad eisdem fidelibus ad usus temporales, fructuosa in futurum opera praebere voluisti. Haec omnia videmus, et bona sunt valde, quoniam tu ea vides in nobis, qui Spiritum, quo ea videmus et et in eis te amaremus, dedisti nobis.

CAPUT XXXV.

Optat pacem.

50. Domine Deus, pacem da nobis (omnia enim praestitisti nobis); pacem quietis, pacem sabbati, sabbati sine vespera². Omnis quippe iste ordo pulcherrimus rerum valde bonarum modis suis peractis transiturus est; et mane quippe in eis factum est, et vespera.

CAPUT XXXVI.

Diem septimum vespera quare non sequatur.

51. Dies autem septimus sine vespera est, nec habet occasum, quia sanctificasti eum ad permansio-

¹ Codex Benignianus, *firmasti*.

² Sic legendum liquet cum Albinensi codice: non, ut alii plerique editi et scripti habent, *pacem sine vespera*.

nem sempiternam; ut id quod tu post opera tua bona valde, quamvis ea quietus feceris, requievisti septimo die, hoc praeloquatur nobis vox Libri tui, quod et nos post opera nostra, ideo bona valde quia tu nobis ea donasti, sabbato vitae aeternae requiescamus in te.

CAPUT XXXVII.

Deus in nobis quando quiescet.

52. Etiam tunc enim sic requiesces in nobis, quemadmodum nunc operaris in nobis; et ita erit illa requies tua per nos, quemadmodum sunt ista opera tua per nos. Tu autem, Domine, semper operaris, et semper requiescis. Nec vides ad tempus³, nec moveris ad tempus, nec quiescis ad tempus; et tamen facis et visiones temporales, et ipsa tempora, et quietem ex tempore.

CAPUT XXXVIII.

Aliter Deus, aliter homo videt creata.

53. Nos itaque ista quae fecisti videmus, quia sunt; tu autem quia vides ea, sunt. Et nos foris videmus quia sunt, et intus quia bona sunt: tu autem ibi vidisti facta, ubi vidisti facienda. Et nos alio tempore moti sumus ad benefaciendum, posteaquam concepit de Spiritu tuo cor nostrum; priore autem tempore ad male faciendum movebamur deserentes te: tu vero, Deus une bone, nunquam cessasti benefacere. Et sunt quaedam bona opera nostra ex munere quidem tuo, sed non sempiterna: post illa nos requieturos in tua grandi sanctificatione speramus. Tu autem bonum nullo indigens bono, semper quietus es; quoniam tua quies tu ipse es. Et hoc intelligere quis hominum dabit homini? quis angelus angelo? quis angelus homini? A te petatur, in te quaeratur, ad te pulsetur: sic, sic accipietur, sic invenietur, sic aperietur (*Matth.* vii, 8). Amen.

³ Hic editiones, excepta Arnaldina, interponunt haec verba *nec operaris ad tempus*: quae absunt a plerisque codicibus Mss.

ADMONITIO

DE SEQUENTIBUS DUOBUS SOLILOQUIORUM LIBRIS (a).

Cum id operis molitus est Augustinus, versabatur adhuc in rure Cassiciaco, ex lib. 9 Conf., c. 4; agebatque annum aetatis trigesimum tertium, ut ipse hic testatur lib. 1, c. 10. Quapropter sub initium anni Christi trecentiesimi octogesimi septimi collocandum videtur; nisi forte quis velit ad superioris anni finem cum aliis hactenus recensitis operibus pertinere.

In primo libro se ipse ad vivum depingit, nova quadam, sed perquam familiari methodo edoctrus quemadmodum comparatum esse oporteat eum, qui Dei et animae capessere scientiam cupit. Loquitur vero in primis de mentis sanitate subsidio fidei, spei et charitatis procuranda; et mentis oculum dum ab omni rerum inferiorum cupiditate purgatus sit, in solem illum haud impune attolli, nedum in eo defigi posse ostendit. Secundus liber in eo versatur totus, ut demonstretur nunquam intermorituram esse veritatem; unde ipsius animae quae veritatis sedes est, immortalitas colligitur.

Vide librum 1, cap. 4, Retractationum, col. 389-390, a verbis, Inter haec scripsi, n, 1, usque ad verba n. 4, Varia mecum. M.

(a) Hi in editione Benedictina libros de Ordine sequuntur; sed huc transtulimus, quod vividis pietatis affectibus Confessionum naturae magis proximi sint. M.